

**Ўзбекистон Республикаси Президенти хузуридаги  
Давлат ва жамият қурилишни академияси**

**Ҳасан АБУЛҚОСИМОВ**

**ИҚТИСОДИЙ ХАВФСИЗЛИК**



**“Akademiya” нашриёти  
Тошкент - 2006**

**Тақризчилар:**

**Э.Ф.Набиев, иқтисод фанлари доктори, профессор**

**Н.Х.Хайдаров, иқтисод фанлари доктори**

**П.З.Хошимов, иқтисод фанлари номзоди, доцент**

**Илмий муҳаррир:**

**М.Л.Турсунхўжаев, иқтисод фанлари доктори, профессор**

**Абулқосимов Ҳ.П. Иқтисодий хавфсизлик.**

**-Т., Akademiya. 2006.**

Ушбу ўкув кўллағма мамлакатимизнинг иқтисодий хавфсизлиги ва жаҳон иқтисодии тизимидағи рақобатбардошлигини таъминлашнинг зарурлиги, аҳамияти, механизмлари, миллий иқтисодиётнинг турли ички ва ташки иқтисодий таҳдидларга бардошлигини ошириш масалалари таҳлилига бағишланган.

Ўкув қўлланмадан Ўзбекистон Республикаси Президенти хузурилаги Давлат ва жамият курилиши академиясида раҳбар кадрларни тайёрлашда, республика олий ўкув юртларининг магистратура бўлимларида иқтисодиёт ихтисосликлари бўйича таҳсил олаётган талабалар учун маҳсус ўкув курсини ташкил этишда ҳам фойдаланиш мумкин.

## КИРИШ

Иқтисодий хавфсизликни таъминлаш ҳар қандай мустақил давлат учун муҳим аҳамият касб этади. Иқтисодий хавфсизликни таъминлашнинг долзарблиги унинг миллий иқтисодиётнинг аҳоли учун нормал ҳаётий фанлият шароитларини, уни барқарор тарзда ресурслар билан таъминлаш, миллий давлат манфаатларини рўёбга чиқара олишга қодирлигини ифодалаш билан ҳам тавсифланади. Айниқса, ёш мустақил давлатлар иқтисодиётининг бирёзламалиги ва қарамлиги, аҳолининг паст турмуш даражаси ўзида ижтимоий таҳдидни ифодалаб, хавфсизликни сақлашга салбий таъсир кўрсатади.

Миллий иқтисодиётнинг турли ички ва ташки таҳдидларга бардошлигини ҳамда иқтисодий хавфсизликни таъминлаш, унинг жаҳон иқтисодий тизимида рақобатбардошлигини ошириш масалаларини таҳлил қилиш мазкур ўқув қўлланмасининг мақсади хисобланади.

Ўқув қўлланманинг вазифаси тингловчиларда бозор иқтисодиёти шароитида шахс, корхона (фирма) ва миллий иқтисодиёт хавфсизлигини таъминлаш билан боғлиқ муаммоларни илмий-назарий жиҳатдан таҳлил қилиш асосида зарурий билим ва қўникмаларни шакллантиришдан иборатdir.

Бозор иқтисодиётига ўтиш даврида миллий иқтисодиётга, корхона (фирма) ва алоҳида шахсга нисбатан хавф туғдираётган таҳдидларни келтириб чиқарувчи ижтимоий-иктисодий жараёнларнинг барчаси ўқув қўлланмада баён қилинган масалаларнинг объекти хисобланади. Зоро, бугунги ўтиш шароитида ҳар бир фуқаро, шахс иқтисодий ҳаётда содир бўлаётган жараёнларнинг ўзи, оиласи ва мамлакат учун қай дара-

жада таъсир этиши хақида мустакил фикрлашни, иқтисодий таҳдидларни аниқлаш ҳамда хавфсизликни микро ва макро даражада таъминлашдаги муаммолар ечи мини излаб топиш йўл-йўриқларини ўрганиши лозим. Шу асосда иқтисодий таҳдид ва хавфсизлик, иқтисодиётнинг рақобатбардошлигини ошириш масалала-рига илмий-назарий жиҳатдан ёндашиб, уни ҳал этишда амалий кўникмалар ҳосил этиши мақсадга муво-фиқдир. Шунинг учун ҳам, ушбу ўқув қўлланмада шахс, корхона (фирма) ва бутун мамлакатнинг иқтисодий манфаатларига таъсир этувчи таҳдидлар ҳамда уларнинг иқтисодий хавфсизлигини таъминлаш механизмлари, восита ва усуллари баён этилган.

Қўлланма айрим камчиликлардан холи бўлмаслиги табиийдир. Шу боис китобхонларнинг бу борадаги барча фикр-мулоҳазалари ва таклифлари муаллиф томонидан миннатдорчилик билан қабул қилинади.

**Манзилимиз:** Тошкент шаҳри, Ўзбекистон шоҳкӯчаси, 45-уй, Ўзбекистон Республикаси Президенти хузуридаги Давлат ва жамият курилиши академияси.

# **1-боб. Иқтисодий хавфсизликнинг моҳияти ва миллий хавфсизлик тизимида тутган ўрни**

## **1.1. «Хавфсизлик» тушунчасининг моҳияти**

Хавфсизлик муаммоси мустақил давлатчиликнинг шаклланиши ва жамиятда ижтимоий, сиёсий, иқтисодий манфаатларнинг қарор топиши билан бир вактда вужудга келади. Чунки шу вактдан бошлаб, барқарорлик, ривожланиш билан бир қаторда хавф-хатар, турли-туман таҳдидлар ҳам пайдо бўлиб, уларни ҳисобга олиш, уларга асосланиб, давлат стратегияси ва сиёсатини ишлаб чиқиш ҳамда амалга ошириш мамлакат хавфсизлигини таъминлашнинг муҳим шарти ҳисобланади. Шу боисдан ҳам Ўзбекистон Республикаси Президенти Ислом Каримов таъкидлаганидек, "...хавфсизлик, барқарорлик ва танлаган йўлдан оғишмаслик деган ана шу оддий сўзлар замирида чуқур маъно-мазмун бор. Биз буни билиб олмоғимиз ва англаб етмоғимиз зарур. Хавфдан қандай холи бўлиш мумкин? Ривожланиш учун куч-мададни қаердан излаш лозим? Булар стратегик муаммолар бўлиб, ҳар қандай мустақил давлат, энг аввало, ана шу муаммоларга эътибор бериб келган ва бундан буён ҳам эътибор беражак"!

Дарҳақиқат, «хавфсизлик» тушунчаси Робер маълумотномасига кўра, 1190 йилда пайдо бўлди. Унда ўзини ҳар қандай хавф-хатардан ҳимояланган деб ҳисобловчи инсон руҳиятининг хотиржам ҳолати ифодаланган<sup>2</sup>. Ушбу маънода мазкур термин Фарбий Европа ҳалқлари лексиконида XVII асргача қўлланилган. Тарихнинг кейинги даврларида давлат тузилмаларининг шакллани-

ши билан боғлиқ равиша «хавфсизлик» тушунчаси моддий, сиёсий ва иқтисодий соҳаларда давлат қурилиши, бошқариш органлари тенденцияларига мос келадиган реал хавф-хатарнинг (жисмоний ва маънавий) йўқлиги натижасида вужудга келадиган тинчлик ҳолати шарорити маъносини англатган<sup>3</sup>.

XX асрнинг охирлари га келиб, “хавфсизлик” ва “миллий хавфсизлик” тушунчалари бизнинг лексиконимизда тез-тез қўлланила бошланди. Бу инсоният ривожланишининг мураккаблашуви, ядро, атом ва бошқа оммавий қирғин қуролларининг кенг тарқалиши, экологик вазиятнинг кескинлашганлиги, янги хавфли касалликларнинг вужудга келиши, терроризм хавфнинг кучайиши, тоталитар тузум емирилганидан кейин дунёning қарама-қарши қутбларга бўлиниши барҳам топгандан кейин давлатлар ўртасидаги мувозанатнинг бузилиши, янги мустақил давлатларнинг пайдо бўлиши, уларда бозор ислоҳотларининг амалга оширилиши билан изоҳланади. Дунёдаги бундай ўзгаришлар хавфсизлик, умумий ва миллий хавфсизлик муаммоларига бўлган эътиборни янада кучайтирди.

«Хавфсизлик» тушунчаси кўп киррали бўлиб, турлича маънода талқин этилади. Шунга қарамасдан уларда умумий ғоя ҳам мавжуд бўлиб, бунга кўра хавфсизлик инсоният ҳаётининг турли соҳаларида вужудга келадиган хавф-хатардан ҳимояланиш, кафолатланиш маъносини англатади. Хавф-хатар эса давлат ва жамият ривожланишига, нормал амал қилишига таҳдид солувчи потенциал ёки реал куч, омил ҳисобланади. Хавф-хатар намоён бўлишининг кескин шаклларига табиий, ижтимоий катаклизм ва ларзалар, инқироз ва тангликлар, инқилоб ва қўзғолон, уруш ва қуролли тўқнашувлар киради (каранг: 1.1.1-чизма).

Хавфсизлик кўп қиррали бўлиб, у бутун инсоният, давлат ёки иқтисодий тизимнинг нормал фаолият юритиши, ривожланиши учун нохуш, салбий, заарарли таъсирлардан, хавф-хатарлардан сақланиш, ҳимояланиш ҳолатини ифодалайди. Хавфсизлик умумий тарзда зиён етказиш учун потенциал шароитларнинг йўклигини, сақланишлик, ҳимояланиш ва ишончлиликни англатади. Бу тушунча кишилар ва жамият ҳаёт фаолиятининг аниқ специфик соҳаларида ўзига хос ҳусусиятларга эга бўлади.

Хавфсизлик қандай соҳада, қандай шакл ва қиёфада намоён бўлмасин уларнинг барчаси умумийлик ҳусусиятига эгадир. Умуман, хавфсизлик хавф-хатардан ҳимояланиш шарти ва стратегияси сифатида ижтимоий тизим, шахс, жамият ва давлат ҳаёт-фаолиятининг нормал амал килишини таъминлашта йўналтирилган бўлади<sup>4</sup>.

Хавфсизликнинг субъектлари шахс, аҳоли ижтимоий гурӯҳлари, кишилар уюшмалари ҳамда бирлашмалари, давлат ва жамият ҳисобланади.

Хавфсизлик объекти инсон ҳаётининг барча соҳалари, жумладан, шахсий-оилавий, сиёсий, иқтисодий, ижтимоий, маданий, маънавий табиий соҳа ва жабҳаларини ўз ичига қамраб олади (қаранг: 1.1.2-чизма).

«Хавфсизлик» тушунчаси кенг қиррали бўлиб, ўзининг объектлари ва субъектлари нуқтаи назаридан турли шаклларда намоён бўлади. Аммо ҳозирги даврда бу тушунчанинг умумлашган шакли миллий хавфсизлик деб аталади.

Кўпгина ривожланган мамлакатлар ўз миллий хавфсизлик стратегиясини ишлаб чиқмоқда. Масалан, АҚШ-да Президентнинг миллий хавфсизлик соҳасидаги конституцион мажбурияти ва бош вазифаси сифатида мамлакат аҳолисини, унинг ҳудудини ва америкаликларнинг турмуш тарзини ҳимоя қилиш белгиланган.

Миллий хавфсиалик элементлари ичига армиянинг жанговарлиги, бошқа мамлакатларда демократияни қўллаб-қувватлаш билан бир қаторда, Американинг иқтисодий тараққиётига кўмаклашиш ҳам киритилган. Иқтисодиётни жонлантириш, миллий маҳсулот рақобатбардошлигини ошириш, янги хорижий бозорларни очиш, янги иш жойларини яратиш ҳам миллий хавфсизликнинг муҳим элементлари ҳисобланади<sup>5</sup>.

Миллий хавфсизлик фуқароларнинг, жамият ва давлатнинг ўта муҳим манфаатларининг, шунингдек, миллий қадрият ва ҳаёт тарзининг кенг кўламдаги ва турли-туман ташки ҳамда ички таҳдидлардан ҳимояланганлитини ифодалайди.

## 1.2. Миллий хавфсизлик ва унинг таркиби

Миллий хавфсизлик манфаатларни ҳимоялашнинг умумий шакли ҳисобланади. Шунингдек, у манфаат ва эҳтиёжларнинг намоён бўлиш шакли ҳамdir. Бошқача айтганда, манфаат ва эҳтиёжларни кондириш, моддий, маънавий, умуминсоний қадриятлардан баҳраманд бўлиш ва фаровонликка интилиш тўғрисидаги барча тасаввурларни ифодалайди.

Миллий хавфсизлик фуқаролар, яъни шахс, жамият ва давлат манфаатларини ҳимоя қилишга йўналтирилган бўлади. У шахс, фуқаро манфаатлари, конституцион хуқук ва эркинликлари, яшаш хавфсизлигини таъминлаш, турмуш даражаси ва сифатини ошириш, жисмоний, маънавий, интеллектуал ривожланишини таъминлашга хизмат килади..

Жамият манфаатлари демократияни мустаҳкамлаш, ижтимоий-сиёсий барқарорлик, фуқаролар ўртасида тинчлик ва миллатлараро тотувликни саклаш, ахоли-

нинг яратувчилик фаоллигини ошириш ва унинг барча ижтимоий ва этник гуруҳларининг маънавий ривожланнишини таъминлашни ўз ичига олади.

Давлат манфаатлари эса конституцион тузум, мамлакат суворенитети ва территориал яхлитлигини ҳимоя қилиш, сиёсий, иқтисодий ва ижтимоий барқарорликни қарор топтириш, қонунларнинг сўзсиз амал қилишини таъминлаш, хукуқ-тартиботни қўллаб-кувватлаш ва тенг шериклик асосида халқаро ҳамкорликни ривожлантиришдан иборат.

Ушбу манфаатлар бир-бири билан ўзаро боғланган бўлиб, улар жамият аъзоларининг мустақиллигини таъминлаш, халқ фаровонлиги ва турмуш даражасини ошириш, унинг маданиятини ва маънавий қадриятларини сақлашга бўлган интилишларини ифода этади. Шу боис ҳар қандай мамлакат манфаатлари учта муҳим мақсадга йўналтирилган бўлади: 1) халқ фаровонлигини ошириш; 2) мамлакат тинчлиги ва худудини ҳимоя қилиш ҳамда юртни обод этиш; 3) миллий маданиятни ривожлантириш<sup>6</sup>.

Ўзбекистонда миллий хавфсизлик миллий истиқлол мафкураси билан ҳамоҳангdir. Чунки "...миллий истиқлол мафкураси ўз мазмун-моҳиятига кўра, Ўзбекистоннинг ижтимоий-сиёсий тараққиётига хизмат қилади, барча сиёсий партиялар, гуруҳлар ва қатламларнинг - бутун халқимизнинг куйидаги умумий манфаатларини ифодалайди:

- мамлакатнинг мустақиллиги, худудий яхлитлиги, сарҳадлар даҳлсизлиги;
- юртнинг тинчлиги, давлатнинг ҳарбий, иқтисодий, гоявий, экологик, информацион таҳдидлардан муҳофаза этилиши;
- мамлакатда фуқаролараро ва миллатлараро тотувлик, ижтимоий барқарорлик мухитини таъминлаш;

- ҳар бир оила ва бутун халкнинг фаровонлиги;
- жамиятда адолат устуворлиги, демократия, ўз-ўзини бошқариш тамойилларининг амал қилиши”<sup>1</sup>.

Ушбу манфаатлар миллий давлат манфаатини ташкил этади. Мамлакатнинг миллий хавфсизлиги унинг миллий манфаатини турли сиёсий, ҳарбий, иқтисодий, экологик, гоявий, информацион ва бошқа омиллар ҳамда таҳдидлардан ҳимоя қилишга йўналтирилади. Шу боис миллий хавфсизлик таркиби мураккаб тузилишга эга бўлиб, сиёсий, ҳарбий-мудофаа, гоявий, мафкуравий, иқтисодий, экологик, ахборот хавфсизлигини ўз ичига олади (қаранг: 1.2.1- чизма.)

Сиёсий хавфсизлик мамлакатнинг миллий-давлат тузилишини, конституцион тузумни ҳимоя қилишга йўналтирилади. Ҳарбий-мудофаа хавфсизлиги мамлакат мустақиллиги, ҳудудий яхлитлиги ва сарҳадлар дахлсизлигини таъминлашга қаратилган. Гоявий, мафкуравий хавфсизлик ҳозирги даврда айниқса долзарб аҳамият касб этмоқда. Мафкура, гоя ҳар қандай жамият хаётида мухим ўрин тутади. Чунки мафкура мавжуд бўлмаса, ҳар қандай жамият ўз танлаган йўлини йўқотиши мумкин. Қаерда мафкуравий бўшлиқ вужудга келса, ўша ерда бегона мафкура ҳукмронлик қилиши барчага аён ҳақиқатdir.

Ҳозирги даврда турли хил эски ва янги мафкура, гояларнинг ўзаро кураши ҳар қачонгидан ҳам шиддатли тус олмоқда. Бунга сабаб социалистик тоталитар тузум емирилганидан кейин дунёнинг икки қарама-қарши қутбларга бўлиниши барҳам топган бўлса-да, турли хил мақсад, манфаатларни ифода этувчи мафкуралар, гоялар кураши, тортишуви ҳали тўхтагани йўқ. Бу курашлардан мақсад инсон, жумладан, ёшлар қалбини эгаллаш, муайян мамлакат ёки минтақадаги бирор мил-

лат ёки халқнинг онги ва тафаккурига таъсир ўтказиш, уни ўзига бўйсундириш, маънавий жиҳатдан заиф ва тебе қилишдан иборатdir. Фикр қарамлиги, тафаккур қуллиги эса ҳар қандай иктиносидий ва сиёсий қарамликлардан ҳам кўра даҳшатлироқdir. Шу боис, давлатимиз раҳбари таъкидлаганидек, мафкура полигонлари ядро полигонларига нисбатан ҳам кўпроқ кучга эга. Агар ҳарбий, иктиносидий, сиёсий таҳдид, хавф-хатар, тазиик бўлса, буни сезиш, кўриш, олдини олиш мумкин. Аммо мафкуравий, ғоявий хавфни, тазиикни тезда илғаб олиш, сезиш ниҳоятда қийин. Инсон ўз мустақил фикрига, событ эътиқодига, ўзи таяниб яшайдиган ҳаётин миллий қадриятларга, мустаҳкам иродага эга бўлмаса, жамиятда халқни ягона мақсад йўлида бирлаштирувчи миллий ғоя ва мафкура мавжуд бўлмаса, унинг турли зарарли ғоя ва мафкураларнинг тазиикига бардош бериши амри маҳолдир. Ҳозирги даврда Ўзбекистонда "...жамиятимиз ҳаётига жиддий хавф тугдирадиган мафкуравий таҳдидлар қуидагилардан иборат:

-ислом халифалигини тиклаб, унинг байроби остида мусулмон халқларини янги империяга бирлаштиришга қаратилган интилишлар;

-ёш мустақил давлатларни собиқ иттифоқча бирлаштириш ғояси;

-тарихимизни, миллий қадриятларимиз ва диннинг моҳиятини сохталаштиришга уринишлар;

-ахлоқсизлик ғояларини ёйиб, халқни маънавий жиҳатдан бузишга интилишлар;

-турли мафкуравий воситалар орқали минтақавий ва давлатлараро можароларни келтириб чиқаришга қаратилган харакатлар”<sup>8</sup>.

Бундай ғоявий, мафкуравий таҳдидлар инсонлар ва халқнинг қалби, онгини забт этишга, уларни ўз миллий

ва маънавий, маданий қадриятларидан, умумбашарий цивилизация ютуқларидан маҳрум қилишга, пировард натижасида мамлакатни ўзларига қарам қилиб олишга қаратилган Шунинг учун ҳам ғоявий, мафкуравий хавфсизликни таъминлаш ғоят муҳим аҳамият касб этмоқда.

Экологик хавфсизлик табиат ва инсоннинг ўзаро муносабатларидаги муайян қонуниятларнинг бузилиши оқибатида юзага келадиган экологик фалокатларнинг олдини олишга қаратилган. Бу хавф-хатар, фалокатлар инсоннинг табиат имкониятларини ва унинг ривожланиш қонуниятларини хисобга олмасдан, табиий ва минерал ҳом ашё захираларидан ваҳшийларча, экстенсив усулда, жуда катта харажатлар ва истрофгарчиликлар билан фойдаланишга асосланиб, хўжалик фаолиятини юритиш оқибатида юзага келмоқда. Президент Ислом Каримов экологик хавфсизликни таъминлашнинг аҳамияти тўғрисида тўхталиб бундай деган эди: “Тараққиётнинг ҳозирги босқичида инсон билан табиатнинг ўзаро таъсирига оид бир қатор муаммоларни ҳал этиш фақат бир мамлакат доирасида чекланиб қола олмайди. Уларни бутун сайёрамиз кўламида ҳал қилиш зарур. Кўриниб турибдики, табиий мухитни инсон юритадиган хўжалик фаолиятининг заرارли таъсиридан ҳимоя қилиш билан боғлиқ кўпгина муаммолар кенг кўлам касб этади. Шу сабабли улар фақат ҳалқаро ҳамкорлик асосида ҳал қилиниши лозим”<sup>9</sup>. Демак, экологик хавфсизлик миллий хавфсизликнинг муҳим таркибий кисми бўлиши билан бир қаторда глобал аҳамият касб этиб бораётганини таъкидлаш жоиз.

Иқтисодий хавфсизлик мамлакатнинг иқтисодий жиҳатдан мустақил, баркарор ривожланишга қодирлигини таъминлашга йўналтирилган.

Информацион хавфсизлик юкорида тавсифланган

миллий хавфсизликнинг барча шаклларини, айниқса, ғоявий, мафкуравий хавфсизликни таъминлашнинг муҳим воситаси сифатида алоҳида аҳамият касб этади.

Шуни таъкидлаш жоизки, «миллий хавфсизлик» тушунчаси кўп қиррали ва хилма-хил шаклларда намоён бўлади. Умумлаштирилган ҳолда унинг қуидаги хусусиятларига эътибор қаратиш лозим.

Биринчидан, миллий хавфсизлик аниқ тарихий мазмунга эга, яъни жамият хаётининг кайси соҳаларида қандай таҳдидларнинг вужудга келаётганини аниқлашга караштилан муайян ҳолатларда теран таҳдилни талаб қиласди.

Иккинчидан, миллий хавфсизлик бир-бирига зид ўлчамлар, жамият хаётига хавф соладиган таҳдидлар ва уларни бартараф этишни тавсифлайдиган ижтимоий-иктисодий параметр ва кўрсаткичлар билан ифодаланади.

Учинчидан, миллий хавфсизлик муаммосининг аҳамияти ва кескинлиги жаҳон ҳамжамияти ҳамда айрим мамлакат, ҳудуд тараққиётининг бурилиш даврларида ортиб боради.

Тўртингидан, миллий хавфсизлик томойиллари ва параметрлари, кўрсаткичлари ўзгарувчан ҳамда турли мамлакатларда ўзига хос хусусиятга эга бўлади. Аммо ҳар бир мамлакатнинг миллий хавфсизлиги инсониятнинг ижтимоий ва иқтисодий тараққиётининг умумий тенденциялари билан боғлиқдир. Ва аксинча, умумбашарий иқтисодий, сиёсий ва ижтимоий муносабатлар тизимидағи ўзгаришлар миллий хавфсизликка таъсир этади.

Бешинчидан, миллий хавфсизликка давлат манфатлари, миллий ғоя ва миллий мафкура ҳам жиддий таъсир кўрсатади.

Олтинчидан, миллий хавфсизликни таъминлашда иқтисодий хавфсизликнинг ўрни бекиёсдир. Чунки миллий хавфсизликни, жумладан, мамлакатнинг сиёсий,

конституцион тузумини, давлат мустақиллигини ва суверенитетини сақлаш, ҳарбий қудратини ошириш, экологик муаммоларни юмшатиш ва ҳал этиш, аввалимбор, мамлакатнинг иқтисодий салоҳиятига ва қудратига, унинг иқтисодий хавфсизлигининг қай дарајада таъминланганига боғлиқ.

### **1.3. Иқтисодий хавфсизликнинг моҳияти ва таркибий элементлари**

Таъкидланганидек, миллий хавфсизликнинг муҳим таркибий қисми, уни таъминлашнинг энг муҳим шарти ёки омили, кўрсаткичи иқтисодий хавфсизлик ҳисобланади. «Иқтисодий хавфсизлик» тушунчасида энг умумий тарзда мамлакатнинг моддий ва номоддий, қайта тикланадиган ва тикланмайдиган иқтисодий салоҳияти акс этади.

«Иқтисодий хавфсизлик» тушунчасининг мазмуни илмий адабиётда турлича талқин қилинади. Бир гуруҳ олимлар мазкур тушунча мазмунини мамлакатнинг етарли мудофаа салоҳиятини, давлат сиёсатининг ижтимоий йўналтирилганини, миллий манбаатларни ҳимоя қилишни кафолатлашга қодир бўлган иқтисодиёт ва ҳокимият институтларининг ахволи сифатида таърифлайди<sup>10</sup>. Шунингдек, у ҳокимият институтларининг иқтисодиётни ривожлантиришга қаратилган, миллий манбаатларни ҳимоя қилиш ва рўёбга чиқариш ҳамда жамиятнинг ижтимоий-сиёсий баркарорлигини таъминлаш механизmlарини яратишга қодирлиги ва тайёрлиги деб ҳам талқин қилинади<sup>11</sup>.

Иккинчи гуруҳ олимлар мазкур тушунчани ҳалқнинг мустақил равишда ташқи кучларнинг аралашувисиз ва тазиикисиз иқтисодий тараққиёт йўли ва шаклларини ўзи белгилаб олишига имкон берадиган ҳолат сифатида тавсифлайди<sup>12</sup>.

Учинчи гурух олимлар «иктисодий хавфсизлик» тушунчасини иктисолиётнинг ижтимоий эҳтиёжларни самарали қондиришга қодирлиги деб таърифлайди<sup>13</sup>.

Тўртинчи гурух олимлар эса мазкур тушунчани иктисолиётнинг барқарор ривожланишининг муҳим шарти, бу соҳада шахс, жамият ва давлатнинг энг муҳим манфаатларининг ички ва ташки таҳдидлардан ҳимояланиши деб тавсифлайди. Уларнинг фикрича, иктисолиётний хавфсизликни таъминлаш - шахс, жамият ва давлат мавжудлиги ва уларнинг изчил ривожланишига имкон яратадиган талаб-эҳтиёжларнинг қондирилиши демакдир<sup>14</sup>.

Таникли рус иктисадчиси Л.И.Абалкин ушбу тушунча моҳиятини очиб берувчи уч омилга эътибор қаратган:

**1. Иктисолиётний мустақиллик.** Ҳозирги жаҳон ҳўжалиги шароитида иктисолиётний мустақиллик абсолют характерга эга эмас, чунки ҳалқаро меҳнат тақсимоти миллий иктисолиётларни бир-бирига ўзаро боғлиқ қилиб қўяди. Бундай жараёнда иктисолиётний мустақиллик давлатнинг иктисолиёт заҳиралар устидан назорат ўрната олиш имкониятини, жаҳон савдосида, кооперация алоқаларида, илмий-техника ютуқларини айирбошлишда тенг иштирок этишни ва рақобатбардошликни таъминлайдиган ишлаб чиқариш, самарадорлик ва сифат даражасига эришишни англалади;

**2. Миллий иктисолиётнинг барқарорлиги.** Бу омил шаклидан қатъий назар, мулкчиликнинг ҳимоя қилиниши, тадбиркорлик фаоллиги учун барча шарт-шароит ва кафолатларнинг яратилишини, мамлакатдаги вазиятнинг ёмонлашувига, бекарорликка олиб келадиган ҳолатларнинг жиловланишини (яъни иктисолиётдаги криминал тузилмаларга қарши кураш, даромадларнинг тақсимланишидаги жиддий фарқ, табакаланишнинг

келиб чиқиши, ижтимоий зиддиятларнинг кескинлашиб кетишига йўл қўймаслик) тақозо этади;

**3. Ўз-ўзидан ривожланишга ва тараққий этишга кодирлиги.** Бу эса инвестициялар ва инновация учун қулай мұхитнинг яратилиши, ишлаб чиқаришнинг мунтазам модернизациялашуви, янгиланиши ва такомиллашиб бориши ҳамда ходимларнинг билим, касб-малақа, умумий маданий даражасининг ўсиб бориши миллий иқтисодиёт барқарорлигининг зарур шартига айланишини ифодалайди<sup>16</sup>.

Е.Бухвалийд эса иқтисодий хавфсизликни иқтисодий тизимнинг аҳоли ҳаёт фаолияти учун зарур шароит яратиш, ҳалқ хўжалигини ресурслар билан баркаор таъминлаш ҳамда миллий давлат манфаатларини таъминлаш ва ҳимоя этишга қодир эканини акс эттирадиган сифат тавсифи деб таърифлайди<sup>16</sup>.

«Иқтисодий хавфсизлик» тушунчасининг моҳиятини англаш учун, энг аввало, “ривожланиш”, “баркаорлик” ва “хавфсизлик” тушунчаларининг ўзаро бөғлиқлигини аниқлаш лозим. Ушбу тушунчалар иқтисодий хавфсизликнинг асосий атрибутлари, компонентлари ҳисобланади. Агар миллий иқтисодиёт ривожланмаса, у ҳолда унинг амал қилиш имкониятлари, ички ва ташки таҳдидларга қарши туриш салоҳияти, турли ўзгаришларга мослашувчанлиги камаяди.

Баркаорлик ва хавфсизлик бир бутун тизимнинг мұхим элементлари бўлиб, уларни бир-бирига қарама-қарши қўйиш мумкин эмас. Барқарорлик иқтисодий тизимнинг, тизим ичидаги барча йўналишдаги алоқаларнинг мустаҳкамлигини, ишончлилигини, ички ва ташки таҳдидларни бартараф этиш қобилиятини ифодалайди. Хавфсизлик эса тизимдаги обьектнинг ички ва ташки таҳдидларнинг мавжудлиги шароитида яшай

олиш ва ривожланиш қобилиятига эга экани ва кўзда тутилмаган, аниqlаниши қийин бўлган нохуш омиллар таъсирига бардошлилик ҳолатини ифодалайди (қаранг: 1.3.2-чизма).

Ушбу фикрларга асосланган ҳолда «иқтисодий хавфсизлик» тушунчасини миллий иқтисодиёт мустақиллигининг, унинг барқарорлиги, мустаҳкамлиги, доимо янгиланишга ва такомиллашиб боришга қодирлигини таъминловчи шарт-шароит ва омиллар йиғиндиси<sup>17</sup> деб таърифлаш мумкин.

Илмий иқтисодий адабиётда ушбу таъриф энг тўғри ва тўла қонли таъриф сифатида эътироф этилмоқда<sup>18</sup>. Иқтисодий хавфсизлик иқтисодиёт ва ҳокимият институтларининг шундай ҳолатидирки, бундай ҳолатда мамлакат миллий манфаатларининг кафолатли ҳимоялангани, мамлакат иқтисодий ривожининг ижтимоий йўналтирилгани, ички ва ташки жараёнлар ривожидаги энг нокулай шароитда ҳам мудофаа салоҳиятининг етарли даражада таъминланганини ифода этади.

Иқтисодий хавфсизлик иқтисодиётнинг турли субъектларига тегишли бўлиб, улар қуидагилардан иборат: алоҳида фуқаролар; хусусий тадбиркорлик, бизнес; давлат корхоналари; миллий иқтисодиёт; давлат.

Ички иқтисодий соҳаларда хавфсизлик табиий, техникавий-иқтисодий, инфратузилмавий, ижтимоий, микро ва макроиқтисодий ривожланишнинг бошқа омиллари, шунингдек, турли бекарорликни, тангликни келтириб чиқарувчи ички ва ташки таҳдидлар таъсиридан ҳимоя қилувчи ички имкониятлар билан боғлиқдир.

Ташки иқтисодий соҳадаги хавфсизлик мамлакатнинг жаҳон бозоридаги рақобатбардошлиги, миллий валютанинг барқарорлиги, давлатнинг молиявий аҳволи билан тавсифланади.

Илгари икки қарама-қарши **ижтимоий-слиёсий ти-**

зим мавжуд бўлган даврда иқтисодий хавфсизлик ўз моҳиятига кўра «миллий хавфсизлик» тушунчасига тўлиқ мос келар эди. Эндиликда жаҳон социалистик лагери барбод бўлганидан сўнг бу тушунчалар ўртасидаги фарқ тобора яққол кўзга ташланмоқда. Жаҳон хўжалик тизимиға кириб бораётган ёш мустақил давлатлар учун иқтисодий хавфсизликни таъминлаш борасидаги энг муҳим муаммо - мамлакатнинг иқтисодий мустақиллигига эришишдан иборатdir.

Ўтиш, яъни транзит иқтисодиётига эга бўлган, бозор иқтисодиётига ўтиш мақсадида ислоҳотларни амалга ошираётган мамлакатларда иқтисодий хавфсизликни таъминлаш алоҳида аҳамият касб этади. Уларда, жумладан, Ўзбекистонда амалга оширилаётган иқтисодий ислоҳотлар мамлакатнинг геосиёсий ҳолатини, унинг ҳозирги замон жаҳон иқтисодий тизимидаги ўринини тубдан ўзгартириб юборади.

Ислоҳотлар кишиларнинг, иқтисодиёт субъектларининг мотивация механизmlарига, манфаатларига, иқтисодий фаолиятига таъсир кўрсатади. Шунингдек, ислоҳотлар ишлаб чиқаришнинг моддий асосларига, иқтисодиётнинг таркибий тузилишининг ўзгаришига, илмий-техникавий салоҳиятига, иқтисодий мувозанатни таъминлашга таъсир этади. Бу иқтисодий хавфсизликни таъминлаш муаммоларининг иқтисодий ислоҳотлар мақсадлари, стратегияси ва уни амалга оширишнинг устувор йўналишлари билан узвий боғлиқ эканидан далолат беради.

Ўтиш даврида давлатнинг иқтисодий хавфсизлик стратегияси, авваламбор, аҳолининг турмуш даражасини бир меъёрда ушлаб туриш ва яхшилаш, жамиятнинг ижтимоий-сиёсий хавфсизлигини, миллатлараро тутувликни таъминлаш, давлатнинг конституцион тизими асосларини сақлаш ва мустаҳкам миллий қадри-

ятлар ва манфаатлари тизимини шакллантиришга йўналтирилади. Бу жараёнда барқарорлик ва хавфсизликни таъминлаш механизмлари ўзаро зид бўлиб, улар катта иқтисодий харажатлар қилишни тақозо этади. Бу харажатлар миллий хўжалик ва табиий-иктисодий салоҳиятнинг ўрни қопланмайдиган сарфидан иборат бўлиб, унинг миқдори иқтисодий бекарорликнинг муҳим омилига айланиши ҳеч гап эмас. Шунинг учун ҳам танглик ёки ўтиш даврида инсон, иқтисодиёт, жамиятга келтирилган зарар ва харажатларни камайтириш иқтисодий хавфсизликни таъминлашнинг муҳим тамойили или бўлиши мумкин. Иқтисодий хавфсизлик тамойиллари сифатида ижтимоий-иктисодий тизим ҳолатининг қуий чегарасини ифодаловчи кўрсаткичлар қўлланади. Кўрсаткичлар мазкур чегарадан пасайиб кетган ҳолларда иқтисодий тизим учун таҳдидлар вужудга келади; улар бу тизимнинг бузилиши, деградациясига олиб келиши мумкин. Ушбу чегарани ва унинг миқдорий ўлчамларини аниқлаш, белгилаш учун, бизнингча, қуидагилар амалга оширилиши лозим:

- миллий иқтисодиёт ва иқтисодий тизим фаолиятининг асосий шароитларини ўрганиш ва уларни тавсифловчи кўрсаткичларни белгилаб олиш;
  - миллий иқтисодиётни тангликка ва бекарорликка олиб келадиган омилларни аниқлаш;
  - турли танглик, хавфли ҳолатлар юзага келишининг шарт-шароити, омиллари ва имкониятларини баҳолаш;
  - хавфсизлик ва барқарорликни сақлашга хавф соладиган таҳдидларнинг олдини олиш йўлларини аниқлаш.
- Алоҳида таъкидлаб ўтиш жоизки, «иктисодий хавфсизлик» тушунчаси «risk» (таваккалчилик) категорияси билан узвий боғлиқдир. Узоқ йиллар давомида иқтисодиётни бошқариш назарияси ва амалиётида, айниқса,

макроиктисодиёт даражасида унинг ривожланишига қатъий белгиланган жараен сифатида қаралган. Ушбу жараёнда хўжалик қарорларининг кўзда тутилмаган натижаларга олиб келиши, такрор ишлаб чиқариш жараёнлари бузилишининг салбий оқибатлари назарда тутилмас эди. Бу эса «иқтисодий ризк» омилларига зътибор бермаслик оқибати эди. Зеро иқтисодий ризк категорияси иқтисодий хавфсизликни таъминлашда муҳим ўрин тутади. Бу ўринда ризкни баҳолаш билан уни бошқаришни бир-биридан фарқ қилиш лозим. Иқтисодиётта таъсир кўрсатувчи омиллар ва қабул қилинган хўжалик қарорлари оқибатларининг ноаниклиги туфайли ризкни баҳолаш эҳтимоллик касб этади. Бу жараённи бошқариш фавқулодда содир бўладиган ижтимоий-иқтисодий ҳодисаларни олдиндан пайқаб, уларнинг оқибатларини юмшатиш, кучсизлантириш ва бартараф этиш имконини яратади. Албатта, танглик ҳолатининг пайдо бўлиш эҳтимоллигини баҳолаш билан бир қаторда у билан боғлиқ равища кўриладиган зарар ва йўқотишларни ҳам олдиндан баҳолаш зарурати туғилади. Демак, иқтисодий хавфсизлик даражасини баҳолаш ризк омилларини таҳлил қилиш билан биргаликда «йўқотиши» (зарар) категориясидан фойдаланишни ҳам тақозо этади. Йўқотиши, зарар ҳақиқий, кутилган, потенциал, компенсациявий, яъни ўрни тўлдириладиган ва тўлдирилмайдиган бўлиши ҳам мумкин. Йўқотиши ва кўрилган зарарнинг ўрнини қоплаш учун зарур бўлган ресурсларнинг вужудга келиши характерига кўра ризк омиллари ёки уларнинг амал қилиши билан боғлиқ бўлган нохуш ижтимоий-иқтисодий ҳодиса ва ҳолатларнинг салбий оқибатлари қуидагиларда намоён бўлади:

- локал (алоҳида ҳудуд, аҳоли гурӯҳи, корхона) даражасида;

- мезодарражада (халқ хўжалиги соҳалари, секторлари);
- умуммиллий ва глобал даражада.

Турли иқтисодий таҳдидлар, ноҳуш ҳолатлар оқибатида кўрилган заарларнинг ўрнини қоплаш учун зарур бўлган харажатларни прогноз қилиш ҳам муҳим аҳамиятга эга. Бунинг натижасида фавқулоддаги ҳолатлар оқибатида кўриладиган заарларни қоплаш, барқарор ижтимоий-иктисодий ривожланишни таъминлашга йўналтирилган ресурсларни баҳолаш ва ўз вақтида шакллантириш учун имконият яратилади. Шунга боғлиқ равишда компенсацион ресурслар ва компенсацион салоҳият (потенциал) тушунчаларини бир-биридан фарқ қилиш лозим бўлади.

Компенсацион ресурслар ўз мазмунига кўра сугурта, захира, резерв ресурсларини англатади. Компенсацион салоҳият (потенциал) мамлакат иқтисодиётининг танглик, ноҳуш ҳолатларга қайишқоқлиги, унинг олдини олиш ва уни енгигб ўта олиш, хўжалик жараёнларининг ижтимоий-иктисодий ривожланишнинг барқарорлиги, мустаҳкамлигини тиклай олиш қобилиятида намоён бўлади. Компенсацион салоҳият миллий иқтисодиётнинг, халқ хўжалигининг бирон-бир сектори ёки бирон-бир муайян ҳудудда ноҳушликлар вужудга келганида уларни тиклай олишга қодирлигини ифодалайди.

Компенсацион салоҳият қўйидагиларни қамраб олади:

- ишлаб чиқариш ва ноишлаб чиқариш характеристидаги моддий захиралар;
- ҳудудлар бўйича жойлаштирилган маҳсус захиралар;
- танглик, ноҳуш ҳолатлар содир бўлган жойларга моддий ресурсларни етказиб бериш учун зарур бўлган кўшимча транспорт воситалари имкониятлари;
- йирик тиклаш ишларини амалга ошириш учун зарур бўлган кўшимча резерв қувватлари (айниқса, энерге-

тика тармоқларида), шунингдек, техник воситалар; - аҳолига ижтимоий ёрдам кўрсатиш ва аҳолининг ижтимоий қўничиш ҳосил қилиши учун резерв имкониятларни сақлаш (қаранг: 1.3.3-чизма).

Компенсация салоҳияти, шунингдек, молиявий резервлар, сугурта тизими, халқаро ёрдам ва хайрия фондлари имкониятлари, соғлиқни сақлаш тизимининг мобиллиги, кадрларни қайта тайёрлаш ва бошқа омиллар билан ҳам тавсифланади.

Мамлакат иқтисодий тизимининг қуидаги элементлари иқтисодий хавфсизлик объекти ҳисобланади:

- мамлакат макроиктисодиёти;
- ҳудудий ва тармоқ иқтисодиёти;
- оила ва шахснинг иқтисодий манфаатлари.

Хулоса қилиб айтганда кенг маънода иқтисодий хавфсизликни миллий иқтисодиётнинг самарали, динамик ўсиши, унинг жамият, давлат, шахс эҳтиёжларини қондириш, ташқи бозорда рақобатбардошлигини таъминловчи, турли таҳдид ва йўқотишлардан кафолатловчи ички ва ташқи шароитлар йигиндиси деб таърифлаш мумкин. Ушбу таърифдан келиб чиқсан ҳолда иқтисодий хавфсизликни таъминлаш учун ўтиш даврида унга хавф солувчи ички ва ташқи таҳдидларни таҳлил қилиш муҳим аҳамият касаб этади.

## Асосий таянч тушунчалар

Хавфсизлик, миллий хавфсизлик, мустақиллик, барқарорлик, ўз-ўзидан ривожланишга қодирлик, риск, компенсацион салоҳият, иқтисодий хавфсизлик.

## Такрорлаш учун саволлар

1. Хавфсизлик нима ва у жамият ҳамда инсон ҳаётида қандай ўрин тутади?
2. Миллий ва иқтисодий хавфсизлик тушунчаларининг қандай ўхшаш ва фарқли жиҳатлари бор?
3. «Иқтисодий хавфсизлик», «таҳдид» ва «риск» тушунчаларининг фарқли ва ўхшаш жиҳатларини тушунириб беринг.
4. Иқтисодий йўқотиш ва зарар нима?
5. Иқтисодий хавфсизликнинг объектлари ва субъектлари нималарда намоён бўлади?
6. Иқтисодий хавфсизлик қандай кўрсаткичлар орқали тавсифланади?
7. Иқтисодий хавфсизликни қандай баҳолаш мумкин?

---

<sup>1</sup> Каримов И.А. Ўзбекистон булоқ келажак сари - Т., Ўзбекистон, 1998. 421-б.

<sup>2</sup> Основы экономической безопасности – М., 1996, с.3.

<sup>3</sup> Экономическая безопасность хозяйственных систем. Учебник – М., изд-во РАГС, 2001, с.8.

<sup>4</sup> Экономическая безопасность хозяйственных систем. Учебник – М., Изд-во РАГС, 2001, с.7.

<sup>5</sup> Сенчаков В.К. Экономическая безопасность: geopolитика, глобализация, самосохранение и развитие (книга четвертая)- М, ЗАО "Финстатинформ", 2002, с.6.

<sup>6</sup> Экономическая безопасность хозяйственных систем. Учебник – М., изд-во РАГС, 2001, с. 29.

<sup>7</sup> Миллий истиқлол юяси: асосий тушунча ва тамойиллар. -Т., Ўзбекистон, 2000, 45-б.

<sup>8</sup> Ўша асар.

<sup>9</sup> Каримов И.А. Ўзбекистон XXI аср бўсағасида: хавфсизлика таҳдид, баркарорлик шартлари ва тараққомёт кафолатлари – Т., Ўзбекистон, 1997 йил 115-116-б.

<sup>10</sup> Экономическая безопасность. Производство, финансы, банки. М., ЗАО "Финстатинформ", 1998, с. 12.

<sup>11</sup> Ўша ерда.

<sup>12</sup> Жандаров А.М., Петров А.А. Экономическая безопасность России: определения гипотезы, расчеты// Безопасность. 1994, №3, с.8.

- Архипов А., Городецкий А., Михайлов Б. Экономическая безопасность: оценки, проблемы, способы обеспечения // Вопросы экономики. 1994, №12, Экономика, 2003, №4.
- Прохожев А., Корнилов М. О проблеме критериев и оценок экономической безопасности // Общество и экономика, №4, 2003.
- <sup>10</sup> Станов М. Экономическая безопасность: сущность, критерии, формы // Транзитная экономика, 1998, с.3.
- <sup>11</sup> Станов М. Экономическая безопасность: сущность, критерии, формы // Транзитная экономика, 1998, с.3.
- <sup>12</sup> Экономическая теория. Учебник для студентов вузов // Колл. Авт: К.Х.Абдурахманов и др./. -Т, Шарк, 1999, с.560.
- <sup>13</sup> Станов М. Экономическая безопасность: сущность, критерии, формы // Транзитная экономика, 1998, №4, с.4.


### 1.1.1-чизма

## Хавф-хатарнинг намоён бўлиш шакллари




### 1.2.1-чизма

## Миллий хавфсизлик тизими таркиби



### 1.1.2.-чиизма

## Хавфсизликнинг объект ва субъектлари




### 1.3.1-чизма

#### Иқтисодий хавфсизлик мазмуни




### 1.3.2-чизма

#### «Ривожланиш», «баркарорлик» ва «хавфсизлик» тушунчаларининг ўзаро боғлиқлиги



### 1.3.3-чиизма

## Компенсация салохияти компонентлари



## **2-боб. Иқтисодий хавфсизлик шакллари ва асосий кўрсаткичлари**

### **2.1. Иқтисодий хавфсизликнинг намоён бўлиш шакллари**

Иқтисодий хавфсизлик шаклларини унинг объект ва субъектлари нуқтаи назаридан туркумлаш мумкин. Иқтисодиёт субъектлари нуқтаи назаридан иқтисодий хавфсизлик қўйидаги шаклларда намоён бўлади:

- шахснинг иқтисодий хавфсизлиги;
- корхонанинг (фирма) иқтисодий хавфсизлиги;
- давлатнинг иқтисодий хавфсизлиги (қарант: 2.1.1-чиズма).

Шахснинг иқтисодий хавфсизлиги унинг ҳаётий мағфаатларининг, яъни яшаш ва шахсий дахлсизлик, эркин меҳнат қилиш, тадбиркорлик фаолияти билан шуғулланиш, мулкдор бўлиш, ҳаётий истеъмол эҳтиёжларини қондириш, саломатлигини сақлаш, билим олиш ва касбга эга бўлиш, қариганда ва меҳнат лаёқатини йўқотганда ижтимоий таъминот олиш ҳуқуқларининг ҳимояланганини ифодалайди. Бунда шахснинг бозор иқтисодиётида истеъмолчи ва ишчи, хизматчи, тадбиркор сифатидаги ижтимоий-иктисодий ҳуқуқ ва эркинликларининг, мағфаатларининг ҳимоялангани, кафолатлангани нуқтаи назаридан иқтисодий хавфсизликни икки турга ажратиш мумкин.

Корхоналарнинг (фирма) иқтисодий хавфсизлигини таҳлил қилганда уларни ишлаб чиқариш, хизмат кўрсатиши, молиявий, савдо-тижорат ҳамда нотижорат ва жамоатчилик ташкилотлари сифатида фаолият юритиши нуқтаи назаридан туркумлаш мақсадга мувофик. Корхонанинг (фирма) ихтисослигига кўра хавфсизли-

гини таъминлаш хусусиятлари ҳам турлича бўлиши табиййидир.

Давлатнинг иқтисодий хавфсизлиги унинг мамлакат ички муаммолари ва ташки иқтисодий фаолияти ҳамда халқаро молиявий ташкилот ва уюшмаларда иштирок этиши билан боғлик хавф-хатарлар нуқтаи назаридан таҳлил этилади.

Иқтисодий адабиётда хавфсизлик хўжалик фаолияти соҳаларида юзага келиши нуқтаи назаридан, асосан уч йўналиш, яъни ишлаб чиқариш - хўжалик, хўжалик-истеъмол ва молиявий соҳалар бўйича туркумла-нади<sup>1</sup>. Бизнинг назаримизда, ушбу уч йўналиш барча мамлакатлар учун умумий бўлгани билан, айримлари учун қўшимча йўналишлар ҳам муҳим аҳамият касб этади. Масалан, Ўзбекистон учун халқаро бозорларга чиқишида янги транспорт йўллари, коммуникация тармоқларини барпо этиш ҳам муҳим ҳисобланади. Шунингдек, аҳолининг турмуш даражаси, даромадлар бўйича табакаланиши билан боғлик ижтимоий хавфсизликни таъминлаш ҳам алоҳида ўрин тутади. Шунга кўра, бизнинг фикримизча, иқтисодий хавфсизликни ишлаб чиқариш-хўжалик, хўжалик-истеъмол, молиявий, транспорт коммуникация ва ижтимоий соҳалар бўйича туркумлаш мақсадга мувофиқ бўлур эди.

Ишлаб чиқариш-хўжалик соҳасида энергетик ва технологик хавфсизликни таъминлаш муҳим ҳисобланади. Бу ўринда айниқса, энергетика ресурсларининг аҳамияти бекёёсdir. Чунки мазкур ресурслар ҳар қандай мамлакат иқтисодиёти учун стратегик ҳом ашё ҳисобланиб, унинг салоҳиятини, мустақил ривожла-ниш имкониятларини белгилаб беради.

Мамлакат иқтисодиёти энергетик ҳом ашё ресурсларининг импортига боғлик бўлиб қолса, у ҳолда иқти-

содий мустақилликка эришиш мушкул муаммога айланади. Технологик хавфсизликнинг таъминланиши истиқболда фан, техника ва технология ютуқларидан ўз вақтида ва тўлиқ фойдаланиш имкониятини, интеллектуал салоҳиятдан хўжалик фаолиятида фойдаланиш даражасини ифодалайди. Шу боисдан энергетик ва технологик хавфсизликнинг таъминланиши мамлакат иқтисодиётининг салоҳиятини, қудратини ва мустақиллигини ҳамда рақобатбардошлигини ифодалайди.

Энергетика хавфсизлигини таъминлаш учун ёнилғи-энергетика ресурсларини ишлаб чиқаришни кўпайтириш, истеъмолчиларга етказиб бериш ва уларни сотиш тизимини ташкил этиш муаммоларини ҳал этиш лозим. Ёнилғи-энергетика ресурсларини қидириб топиш, қазиб олиш ва дастлабки қайта ишлашни йўлга қўйиш ҳам таuning ҳажмини кўпайтириш орқали миллий иқтисодиёт эҳтиёжларини тўлиқ қондириш мумкин. Бунинг оқибатида энергия ресурсларини четдан ташиб келишга барҳам берилиб, энергетика мустақиллигига эришилади.

Ўзбекистон сиёсий мустақилликка эришгунига қадар собиқ Иттифоқнинг ягона ҳалқ хўжалиги комплексининг хом ашё базасига айлантирилган эди. Республика ер ости бойликларига, шунингдек, энергетика ресурслари хом ашёсига эга бўлишига қарамасдан, улардан ўз эҳтиёжлари учун мустақил фойдалана олмас эди. Шунинг учун ҳам нефть маҳсулотлари ва бошқа энергия ресурсларини четдан, асосан, МДҲ мамлакатларидан ташиб келишга мажбур эдик. 1990 йилда республикада истеъмол қилинадиган нефтнинг 70 фоизидан ортифи ва нефть маҳсулотларининг деярли ярми импорт қилинган<sup>2</sup>. Бу эса мустақилликка эришгандан сўнг республика иқтисодиётининг бошқа мамлакатларга қарамалиги муаммосини кескинлаштириб қўйиши мумкин эди.

Шу боисдан ҳам Президент Ислом Каримов энергетика мустақиллигига эришиш вазифасини белгилаб берар экан, “...республика энергетика мустақиллигига эришган тақдирдагина тўла мустақил бўлади”<sup>3</sup>, деб таъкидлаган эди.

Энергетика мустақиллигига эришиш учун нефть қазиб чиқариш 1991 йилдаги 2,8 млн тоннадан 2000 йилга келиб 7,5 млн тоннага етказилди, яъни қарийб уч баробарга кўпайтирилди. Табиий газ қазиб олиш ҳажми 41,9 млрд м<sup>3</sup>дан 55,5 млрд м<sup>3</sup>га, яъни 37%га ўсди. Ўзбекистон 1996–1997 йилдаёқ энергетика мустақиллигига эришиб, нефть ва газ экспорти ҳажмини анча кўпайишига эришди<sup>4</sup>. Истиқболда энергия ресурсларига бўлган эҳтиёж анча ошади. Масалан, 2010 йилга келиб, нефтта бўлган эҳтиёж 8,5–10 млн т.н.э., кўмур истеъмоли 2–2,1 млн т.н.э., газ 45–52-млн т.н.э., электроэнергия истеъмоли 59,4–70,1 млн квт. с. га етиши тахмин қилинмоқда (қаранг: 2.1.1-жадвал).

Ушбу жадвал маълумотлари газдан ва электроэнергетикадан фойдаланиш муттасил ўсиб борганидан да-лолат беради. Истиқболда ҳам уларга устуворлик берилади. Энергетика хавфсизлигини таъминлаш учун нефть, газ ва бошқа ҳозирги даврда ишлатилаётган энергия ресурсларидан ташқари унинг янги турлари, манбаларини излаб топиш ва улардан фойдаланиш чора-тадбирларини амалга ошириш зарур. Шу боис республикамизда қўёш ва шамол энергияси, геотермал энергия, яъни ўртача температураси 45°C (градус) бўлган сувлардан, биомасса ва маиший қаттиқ чиқиндиilar, тўйинтирилган урандан (атом энергиясидан) кенг фойдаланишни йўлга қўйиш мақсадга мувофиқдир. Шуни таъкидлаб ўтиш жоизки, энергетика ресурсларини ишлаб чиқариш ҳажмининг ўсишини таъминлаш билан бирга,

улардан тежаб, самарали фойдаланиш чора-тадбирларини ишлаб чиқиши ва амалиётга тадбиқ этиш лозим. Бунинг учун бу соҳада ишлаб чиқаришни модернизация қилиш, техника ва технологияни янгилаш каби ишлар амалга оширилиши даркор.

Технологик хавфсизлик мамлакат иқтисодиётининг илғор техника ва технология билан жиҳозланган; бошқа мамлакатлардан келтириладиган технологияга қарам эмаслигини ифодалайди. Шунингдек, фан ва техника ютуқларидан фойдаланиш даражасини, интеллектуал, инновацион ва инженерлик салоҳиятининг ҳимояланганини ҳам акс эттиради. Технологик хавфсизлик мамлакат иқтисодий қудратини акс эттирган ҳолда, ўзининг технологиясига асосланган, жаҳон бозорларида ўхшаши йўқ, рақобатбардош маҳсулотлар ишлаб чиқаришда ўз ифодасини топади<sup>5</sup>. Унинг асосий кўрсаткичлари илмталаб ва юқори технологияли маҳсулотлар ишлаб чиқарилишида намоён бўлади. Бинобарин, бу ҳол фан-техника соҳасидаги ютуқлар асосида янги техника ва технологияни ривожлантиришни ҳам тақозо этади.

Технологик хавфсизлик иқтисодиётда мукаммал технологик жараённи ўз ичига олган, ички ва ташки бозорда ракобатбардош тайёр маҳсулот ишлаб чиқариш, миллий ва хорижий илғор замонавий технологиялардан, интеллектуал ва илмий-техникавий салоҳиятдан тўлиқ ва самарали фойдаланиш асосида таъминланади.

Ўзбекистон учун технологик хавфсизликни таъминлаш ғоят муҳимдир. Чунки республикамизга собиқ тоталитар тузумдан мўрт, заиф, бирёқлама ривожланган, асосан, хом ашё ва оралиқ маҳсулотлар ишлаб чиқаришга йўналтирилган иқтисодиёт мерос бўлиб қолган эди. Пахтанинг 95 фоизи қайта ишланмасдан республикадан ташқарига олиб кетилар эди. Табиийки,

собиқ мустабид тузум даврининг 50 йили мобайнида енгил саноатнинг умумий тармоқ ишлаб чиқариш ҳажмидаги улуши 54 фоиздан 37 фоизгача, озиқ-овқат саноати улуши 30 фоиздан 14 фоизгача, яъни икки баробар камайишига сабаб бўлган.

Шунга кўра, ёқилғи, қора ва рангли металлургия каби хом ашё ишлаб чиқарувчи тармоқларнинг улуши эса кескин ўсиғи. Машинасозлик саноати тармоқлари пахта комплексига бўйсундирилган бўлиб, унинг улуши атиги 16% ни ташкил этади<sup>6</sup>. Бу, албаттa, республика иқтисодиётини марказга, бошқа собиқ иттифоқдош республикаларга боғлиқ ва тобе бўлиб қолишига олиб келди. Айниқса, технологик жиҳатдан миллий иқтисодиётимиз импортга тобе қилиб қўйилган эди.

Бу эса мустақилликни мустаҳкамлашда технологик хавфсизликни таъминлашнинг ўта зарурлигидан далолат беради. Бунинг учун республикамиизда иқтисодиётни модернизация қилиш ва таркибий жиҳатдан чукур ўзгартиришлар амалга оширилмоқда. Буларнинг натижаси ўлароқ, саноатда юксак технологияга асосланган ва истиқболли тармоқларнинг, чунончи, машинасозлик, ёқилғи-энергетика, кимё ва енгил саноат кабиларнинг ҳиссаси ортиб бормоқда. Шунингдек, республика учун тамомила янги бўлган автомобилсозлик саноати вужудга келтирилди. Хорижий инвестицияларни жалб этиш йўли билан самолётсозлик, радиоэлектроника ва электроника соҳаларини ривожлантиришга катта эътибор берилмоқда. Енгил ва озиқ-овқат саноати учун асбоб-ускуналар, қишлоқ хўжалиги учун кичик механизация воситалари ишлаб чиқаришни таъминловчи бошқа истиқболли тармоқлар ва ҳалқ истеъмоли моллари ишлаб чиқариш соҳаларини ривожлантириш борасида изчил чора-тадбирлар амалга оширилмоқда.

Иқтисодиёт таркибий тузилишининг ўзгариши на-тижасида пахта толасини ўзимиизда қайта ишлаш 1990 йилдаги 5%дан 2004 йилда 30%га, аҳоли томонидан мамлакатда ишлаб чиқарилган маҳсулотларнинг истеъ-моли 60%дан 90%га ўси. Саноатнинг хом ашёга йўнал-тирилганлик даражаси 1990 йилдаги 70%дан 2004 йилда 50,9%га камайишига эришилди. Аммо бу ҳол республика иқтисодиётида хом ашёга йўналтирилганлик даражаси-нинг ҳамон юқори эканлигидан далолат беради. Чунки бу кўрсаткич индустрисал ривожланган давлатларда ўртача 33%ни ташкил этади<sup>7</sup>. Бу эса ишлаб чиқаришни жадал модернизация қилиш, замонавий қувватларни ишга ту-шириш истеъмол бозорини сифатли ва рақобатбардош маҳсулотлар билан тўлдириш асосида нафакат техноло-гик, шу билан бирга озиқ-овқат хавфсизлигини ҳам таъ-минлаш имкониятини беради.

Озиқ-овқат хавфсизлиги ички имкониятлардан фой-даланган ҳолда мамлакат аҳолисининг асосий озиқ-ов-қат маҳсулотлари билан етарли даражада таъминла-нишини, импорт маҳсулотларга боғлиқликни пасайти-ришга эришишни ифодалайди.

Ҳар бир мамлакат аграр сектори ислоҳотидан кўзлан-ган бош мақсад - озиқ-овқат таъминоти мустақиллиги-га эришиш бўлиб, катта ижтимоий-иктисодий аҳамият касб этади. Ўзини ўзи озиқ-овқат маҳсулотлари билан таъминлаш зарурати мамлакатда мустақиллик, иқти-садий хавфсизлик ва ижтимоий барқарорликни сақлаб қолиш шартларидан бири ҳисобланади.

Собиқ Иттифоқ даврида Ўзбекистонга пахта толаси етказиб бериш вазифаси юклатилган эди. Бунинг нати-жасида сабзавот, мевали боғ, узумзор, ем-хашак, дон экинлари майдонлари кескин қисқартирилди, ун маҳ-сулотларининг асосий турлари, картошка, шакар, чорва-чилик маҳсулотлари ва бошқа бир қатор озиқ-овқат

маҳсулотлари кўшни республикалардан ташиб келтирилар эди. Масалан, республикага келтириладиган ун ва ун маҳсулотларининг ўртача йиллик миқдори деярли 500 минг тонна, картошка – 450 минг тонна, шакар – 300 минг тонна, гўшт ва гўшт маҳсулотлари – 6,5 минг тонна, сут ва сут маҳсулотлари 3,7 минг тоннани ташкил этарди<sup>8</sup>. Аммо барибир республикага олиб кирилаётган озиқ-овқат маҳсулотлари ҳажми аҳоли эҳтиёжларини қондириш учун етарли эмас, уларнинг асортименти бўйича тиббий меъёрларга ҳам риоя қилинmas эди.

Ўзбекистон мустақилликка эришганидан сўнг озиқ-овқат хавфсизлигини таъминлаш учун икки йўналишда чора-тадбирлар амалга оширилди:

- қишлоқ аҳолиси томорқа майдонларини кенгайтириш ва янгиларини ажратиб бериш;
- қишлоқ хўжалиги экинлари таркибини қайта кўриб чиқиш.

Натижада пахта майдонлари 1,5 миллион гектаргача қисқартирилиб, дон экинлари, сабзавот, мевали боғ, узумзор ва ем-хашак экинлари майдонлари анча кенгайтирилди. Мамлакатда дон мустақиллиги дастури қабул қилиниб, сугориладиган ерлардаги буғдой экишга ажратилган ер майдони 1 миллион гектарга оширилди. Бунинг натижасида буғдойнинг бир йиллик ялпи ҳосили 3 миллион тоннадан ошиб кетди. Ўзбекистон дон мустақиллигига эриши.

Давлатнинг озиқ-овқатга оид сиёсати картошка, мева-сабзавот маҳсулотлари билан ҳам ўз-ўзини таъминлашни кўзда тутади. Аҳолига етарли даражада чорвачилик маҳсулотлари ва ўсимлик ёғи етказиб бериш, қишлоқ хўжалик маҳсулотларини қайта ишлаш ва сақлаш учун зарур бўлган базани барпо этиш, шунингдек,

озик-овқат маҳсулотлари асосий турларининг етарли захирасини шакллантириш, уларнинг чакана баҳолари барқарорлигини таъминлашга эришиш, четдан келтирилаётган маҳсулотлар ҳажмини қисқартириб бориш ҳам озиқ-овқат хавфсизлигини таъминлашнинг муҳим йўналишлари ҳисобланади.

Озиқ-овқат хавфсизлиги хўжалик фаолияти натижасида табиатга техноген таъсир этишнинг кучайиши муаммоси билан ҳам боғлиқдир. Ҳаёт фаолияти маконининг бузилиши, табиий ресурсларга истеъмол талабининг ўзгариши атроф-муҳитнинг, экологиянинг ёмонлашувига олиб келади. Бу эса экологик хавфсизликни таъминлаш заруратини келтириб чиқаради. Экологик хавфсизлик табиий муҳитга турли ноҳуш таъсирлардан, табиий оғат ва фалокатлардан ҳамда инсон ва хўжалик субъектларининг атроф-муҳитга салбий таъсиридан ҳимояланганликни ифодалайди. Атроф-муҳитнинг шундай хусусиятлари мажмуйи мавжудки, уларнинг инсон фаолияти натижасида ўзгаришига ҳеч йўл кўйиб бўлмайди. Бу хусусиятлар иқтисодий адабиётда “экологик императив” деган тушунча билан изоҳланади<sup>9</sup>. Мазқур тушунча табиий муҳит билан инсоннинг физиологик ва ижтимоий хусусиятлари ўртасидаги нисбатни ифодалайди. Инсон ва табиий муҳит, табиат ва жамият ўртасидаги нисбатнинг бузилиши, авваламбор, инсон ҳаёт фаолиятига, жамият ривожига салбий таъсир этади. Шу боис атроф-муҳит, экологик мувозанатни сақлаш ва муҳофаза қилиш ҳаётий заруратга айланади.

Экологик хавфсизликни таъминлашнинг иқтисодий механизми табиий ресурслардан фойдаланиш ва атроф-муҳитга таъсир этиш бўйича белгиланган норма, нормативлар, квоталарга катъий риоя этиш, уларга риоя

этмаганлик учун иқтисодий санкцияларни қўллаш, экологик хавфсизлик даражасини оширишни рағбатлантириш, солик имтиёzlари бериш, имтиёzли кредитлаш, бюджетдан молиялаштириш, шунингдек, фавқулодда вазиятлар учун моддий ва материал ресурслар захираларини барпо этиш ва уларнинг ноxуш оқибатларини бартараф этиш учун зарур бўлган ишлаб чиқариш, қурилиш қувватларини барпо этишини назарда тутади.

Иқтисодий хавфсизлик турларида яна бири молиявий соҳадаги фаолият билан боғлиқ хавфсизлик ҳисобланади. Молиявий хавфсизлик мамлакат ва унинг ҳудудлари ижтимоий-иқтисодий барқарорлиги ва ривожланиши учун зарур молиявий шароит ва ресурсларнинг яратилганини, молиявий тизим яхлитлигини сақлаш ҳамда ички ва ташқи иқтисодий манфаатлар таҳдидларига муваффақиятли қаршилик қилишни ифодалайди. Бу хавфсизлик пул, бюджет, кредит, соликقا тортиш ва валюта тизимларида вужудга келадиган таҳдидларнинг олдини олиш, улардан муҳофазаланиш кабиларда намоён бўлади.

Ижтимоий хавфсизлик эса аҳолининг энг бой ва энг қўйи табақалари даромадлари ўртасидаги фарқ, қашшоқлик муаммоси, турли юқумли қасалликлар кўламининг кенгайишини олдини олиш заруратида ўз ифодасини топади.

Мамлакатнинг барқарор ижтимоий-иқтисодий ривожланишини таъминлашда, унинг жаҳон иқтисодий тизимига интеграциялашувида ички ва ташқи транспорт йўл ва алоқа коммуникациялари тизимининг яратилиши орқали мазкур тизим хавфсизлиги таъминланади.

Иқтисодий хавфсизлик турларининг моҳиятини, вужудга келиш сабабларини ўрганиш, миллий манфа-

атларга таҳдидларни аниқлаш, уларнинг олдини олиш ва улардан муҳофазаланиш чора-тадбирлари, механизмларини ишлаб чиқиш ҳамда вужудга келтиришга имкон беради. Бунинг учун ушбу хавф-хатарларни ва хавфсизлик даражасини аниқлаш, уларнинг кўрсаткич ва мезонларини ўрганишга зарурат туғилади.

## 2.2. Иқтисодий хавфсизлик кўрсаткичлари

Иқтисодий хавфсизликни таъминлашда давлат бошқа субъектлардан фарқли ўлароқ ҳал қилувчи ўрин тутади.

Давлатнинг энг муҳим вазифаси - жамият барқарорлиги ва ривожланишини таъминлаш, мамлакат хавфсизлигига таҳдидларни бартараф этишдан иборат. Эндиғина вужудга келаётган хавфнинг олдини олиш иқтисодий таҳдидларнинг чуқурлашиб кетишини пассив кузатиб туришга қараганда ғоят муҳим аҳамият касб этади. Зоро, оқилона ёндашувга таянган бундай саъй-харакатлар хавфнинг олдини олишнинг асосий тা�мойили бўлиши мумкин.

Бозор муносабатларига ўтиш даврида аралаш иқтисодиёт шаклланаётган шароитда давлат мамлакат иқтисодий хавфсизлигини таъминлаш учун барча хўжалик субъектлари фаолиятини илгаригидек директив усуллар билан тартибга солиб бўлмайди. Бундай вазиятда давлат хўжалик субъектлари фаолиятини, иқтисодиётни, ижтимоий тақрор ишлаб чиқариш жараёнларини асосий иқтисодий усул ва воситалар кўмагида тартибга солиш талаб этилади.

Мамлакат иқтисодий хавфсизлигини таъминлашга қаратилган тадбирларни амалга ошириш учун унинг индикаторлари мониторингини ташкил этиш ҳам мув-

ҳим аҳамият касб этади. Мониторинг иқтисодий хавф-сизлик кўрсаткичларини аниқлаш, таҳлил қилиш ва уларнинг ўзгариш тенденциялари ва истиқболини аниқлаш имконини беради.

Иқтисодий хавфсизликнинг умумий кўрсаткичлари (индикаторлари) қуидагилардан иборат:

- турмуш даражаси ва сифати;
- инфляция суръати;
- иқтисодий ўсиш;
- бюджет дефицити;
- давлат қарзи;
- жаҳон иқтисодиётига интеграциялашув даражаси;
- "хуфёна иқтисодиёт" фаолияти;
- мулк таркиби;
- солиқ тизими;
- бозор инфратузилмаларининг ривожланиши (қаранг: 2.2.1-чиэзма).

Худудий даражада умумий кўрсаткичлардан ташқари яна қуидаги индикаторлар иқтисодий хавфсизликни ифодалайди:

- аҳоли даромадлари;
- чакана нархлар миқдори;
- уй-жой билан таъминланганлик;
- қочоқлар, эмигрантлар ва бошқалар сони;
- ҳудуднинг мамлакат ЯИМдаги улуши;
- ҳудуднинг тўлов баланси;
- экспорт-импорт сальдоси (қаранг: 2.2.1-чиэзма).

Юқоридаги кўрсаткичлар миқдорининг таҳликали куи (пороговая черта) чегарасини кўрсатиш ва аниқ белгилаш зарур. Кўрсаткич миқдори куи чегарадан пастга тушгандагина иқтисодий таҳдид вужудга келади. Бу чегара – иқтисодий манфаатлар нуктаи назаридан хўжалик фаолияти пропорцияларининг энг куий

мақбул нисбатларини ифодаловчи миқдорий индикаторлар бўлиб, уларга риоя қиласлик тақрор ишлаб чиқаришнинг турли элементларининг иқтисодий ривожланишига тўсқинлик қиласди ва мамлакат иқтисодий хавфсизлигига таҳдид солади.

Таҳликали қуи чегаранинг миқдорий ўлчамларини аниқлаш учун қуийдагиларга асосланиш лозим:

- миллий иқтисодиёт ҳолатининг ва ундаги мутаносибликлар ҳамда тақрор ишлаб чиқариш элементлари ва омиллари ҳолатининг бирламчи, муҳим хусусиятларини тавсифлаш;

- иқтисодиёт соҳасидаги миллий манфаатларни тўлик ва кенг қамровли ифодалаш;

- иқтисодиёт соҳасидаги миллий манфаатларга хавф солувчи таҳдидларни тўлиқ ва ҳар томонлама ҳисобга олиш;

- иқтисодий хавфсизликнинг қуи таҳликали чегарасини ифодаловчи индикаторлардан ҳокимият органдарни мамлакат иқтисодиёти ҳолатини аниқ баҳолашда ва бошқа мамлакатлар билан қиёслашда фойдаланиш имкониятининг мавжудлиги;

- ушбу индикаторларнинг мамлакат ҳисоб, статистика ва прогнозлаштириш тизими билан мувофиқ келиши.

Иқтисодий хавфсизликнинг қуи таҳликали чегараси индикаторлари миллий иқтисодиёт соҳалари ва уларнинг ҳар қайсисидаги миллий манфаатлар нуқтаи назаридан туркумланади.

Илмий адабиётда иқтисодий хавфсизлик қуи таҳликали чегарасига оид индикаторлар 50 та кўрсаткични қамраб олган ҳолда қуийдагича туркумланган<sup>10</sup>:

1) иқтисодиётнинг барқарор ривожланишига қодирлигини ифодаловчи кўрсаткичлар. Ушбу гурухга ялпички маҳсулот ҳажми, саноат ишлаб чиқариши ва унинг

таркиби, машинасозлик маҳсулотлари ҳажмида янги турдаги маҳсулотлар улуши, мудофаа ва фан учун харажатлар улуши, инвестициялар, фойдали қазилма бойликларининг захиралари бўйича қуи таҳликали чегарани ифодаловчи индикаторлар;

2) молиявий тизим барқарорлиги кўрсаткичларига давлат бюджети камомади, давлат қарзи, пул муоммаси, ўзаро хисоб-китоб ва солиқ интизомини ифодаловчи кўрсаткичлар;

3) ижтимоий соҳа кўрсаткичлари аҳоли даромадлари даражаси ва унинг мулкий жиҳатдан табақаланиши, ишсизлик ва ижтимоий соҳа харажатлари бўйича қуи таҳликали чегараларни ўз ичига олади;

4) ташки савдо ва иқтисодий фаолият кўрсаткичлари гурухига мамлакат ички истеъмолида импортнинг улуши ва миллий ишлаб чиқариш ҳажмида экспортнинг улуши бўйича қуи таҳликали чегараларни ифодаловчи индикаторлар киради.

Иқтисодий адабиётда иқтисодий хавфсизлик кўрсаткичлари сифатида С.Ю.Глазьев таклиф этган туркумлашдан кўпроқ фойдаланилмоқда. Бу кўрсаткичлар туркумига қуидагилар киради<sup>11</sup>:

- ялпи ички маҳсулотнинг умумий ва аҳоли жон бошига тўғри келадиган ҳажми;
- саноат маҳсулотлари умумий ҳажмида ишлаб берувчи саноат маҳсулотлари улуши;
- саноат ишлаб чиқаришида машинасозликнинг улуши;
- инвестициялар ҳажмининг ЯИМга фоиз хисобидаги нисбати;
- илмий тадқиқотлар учун харажатларнинг ЯИМга нисбати (фоиз хисобида);
- янги турдаги маҳсулотларнинг ялпи ишлаб чиқарилаётган маҳсулотлар ҳажмидаги улуши;

- яшаш минимуми даражасидан паст даромад олувчи кишилар улуши;
- аҳолининг ўртача умр узоқлиги (ёш);
- аҳолининг энг юқори даромад олувчи 10 фоизи ва энг кам даромад олувчи 10 фоизи гурухлари даромадлари ўртасидаги нисбат;
- қайд этилган жинояллар ҳар 100000 киши ҳисобига;
- Ҳалқаро Меҳнат Ташкилоти (ХМТ) методологияси бўйича ишсизлик даражаси (фоиз ҳисобида);
- йиллик инфляция даражаси (фоиз ҳисобида);
- ички қарзлар ҳажмининг ЯИМга нисбати (фоиз ҳисобида, қиёсий даврда);
- ички қарзларни қоплаш ва уларга хизмат кўрсатиш учун жорий эҳтиёжнинг бюджетта солиқ тушумлари ҳажмидаги улуши (фоиз ҳисобида);
- ташқи қарзининг ЯИМга нисбати (фоиз ҳисобида);
- ташқи қарзниң ЯИМ камомадини қоплашдаги улуши;
- хорижий валюталар миқдорининг миллий валюта массасига нисбати (фоиз ҳисобида);
- нақд хорижий валюта миқдорининг нақд миллий валюта ҳажмига нисбати (фоиз ҳисобида);
- пул массасининг ЯИМга нисбати (фоиз ҳисобида);
- ички истеъмолда импортнинг ҳиссаси, жумладан, ички озиқ-овқат маҳсулотлари истеъмоли ҳажмида импорт озиқ-овқат маҳсулотлари улуши (фоиз ҳисобида);
- аҳоли яшаш даражаси бўйича мамлакат ҳудудлари ўртасидаги фарқлар.

Ҳар бир мамлакатда расмий тарзда белгиланган қуйи таҳликали чегара индикаторлари миллий ва жаҳон иқтисодиётидаги шароитларнинг ўзгариши натижалари билан таққосланади.

Шуни таъкидлаш жоизки, иқтисодий хавфсизлик кўрсаткичларини турли нуқтаи назардан туркумлаш

мумкин. Масалан, А.Илларионовнинг фикрича, иктиносидий ривожланишнинг таъминланиши нуқтаи назаридан иктиносидий хавфсизлик кўрсаткичларини қўйида-гича туркумлаш мумкин:

- давлат секторининг (корхоналарининг) ЯИМ ишлаб чиқаришдаги улуши (фоиз ҳисобида);
- давлат истеъмолининг ЯИМга нисбати (фоиз ҳисобида);
- давлат харажатларининг ЯИМга нисбати (фоиз ҳисобида);
- давлат бюджетининг ЯИМга нисбати (фоиз ҳисобида);
- давлат қарзлари ўсишининг ЯИМга нисбати (фоиз ҳисобида);
- пул массасининг ўсиш суръати (фоиз ҳисобида);
- инфляция суръатлари (фоиз ҳисобида);
- валюта курсининг пасайиш суръатлари (фоиз ҳисобида);
- ташқи савдо солинадиган солиқларнинг ташқи савдо айланмасига нисбати (фоиз ҳисобида)<sup>12</sup>.

Иктиносидий хавфсизлик кўрсаткичларини миллий иктиносидиёт субъектларининг ҳаётий муҳим манфаатларини таъминлаш нуқтаи назаридан ҳам туркумлаш мумкин. Масалан, А.Прохожев ва М.Корнилов, шахснинг, яъни алоҳида индивид, фуқаронинг ҳаётий муҳим манфаатини рӯёбга чиқариш нуқтаи назаридан иктиносидий хавфсизликни ифодаловчи қўйидаги кўрсаткичларни таклиф этади:

- жон бошига ойлик даромад микдорининг расмий равиша белгиланган яшаш минимуми микдорига нисбати;
- аҳоли озиқ-овқат харажатларининг йиллик жон бошига даромадлар ҳажмидаги улуши;
- аҳоли жон бошига кундалик истеъмол қилинаётган калориялар микдори;
- аҳоли жон бошига ўртача йиллик даромадида уй-жой ва коммунал тўловларга қилинган харажатлар улуши;

- ахоли жон бошига ўртача йиллик даромадидаги жамғармаларнинг улуси ва бошқалар<sup>13</sup>. Шуни айтиб ўтиш жоизки, кўрсаткичларининг ўртача жаҳон ва МДҲ мамлакатларининг айнан шундай, шунингдек, расмий белгиланган қуи таҳликали чегара индикаторларига тақкослаш орқали миллий иқтисодиётнинг ҳақиқий ҳолатини аниқлаш, унга баҳо бериш мумкин. Натижада, хукумат томонидан мамлакат иқтисодий хавфсизлиги ни таъминлашга қаратилган иқтисодий сиёsatнинг максадлари ва уларни амалга ошириш йўналишларини белгилашга имкон туғилади.

## **Асосий таянч тушунчалар**

Шахс, корхона (фирма) ёки давлат миқёсидаги иқтисодий хавфсизлик; энергетик ва технологик хавфсизлик; озиқ-овқат ва молиявий хавфсизлик; транспорт-коммуникация соҳасидаги хавфсизлик, ижтимоий хавфсизлик; хавфсизлик мезони ва кўрсаткичлари, хавфсизликнинг қуи таҳликали чегараси.


## **Такрорлаш учун саволлар**

1. Иқтисодий хавфсизлик субъектлари нуқтаи назаридан қандай шаклларда намоён бўлади?
2. Иқтисодий хавфсизликнинг ишлаб чиқариш-хўжаллик фаолияти бўйича намоён бўлиш шаклларини тавсифлаб беринг.
3. Истеъмол нуқтаи назаридан иқтисодий хавфсизлик қандай шаклларда намоён бўлади?
4. Ижтимоий хавфсизлик шакллари нималарда намоён бўлади? Уларнинг аҳамиятини тушунтириб беринг.

5. Иқтисодий хавфсизликнинг транспорт-коммуникацияси соҳасидаги шаклининг ижтимоий-иқтисодий аҳамиятини изоҳлаб беринг.
6. Иқтисодий хавфсизлик қандай кўрсаткичлар орқали тавсифланади?
7. Иқтисодий хавфсизликнинг қути таҳликали чегараси нима?

- <sup>1</sup> Экономическая безопасность хозяйственных систем Учебник – М, Изд-во РАГС, 2001, с.39.
- <sup>2</sup> Ўзбекистон XXI асрга интилоқда. – Т, Ўзбекистон, 2000, 64-б.
- <sup>3</sup> Каримов И.А. Ўзбекистон иқтисодий ислохотларни чукурлаштириш йўлида. Т, Ўзбекистон, 1995, 234-б.
- <sup>4</sup> Ўзбекистон Республикаси Давлат статистика қўмитаси маълумотлари.
- <sup>5</sup> Кушмур А. Мировые технологические тенденции и экономическое переустройство России // Экономист 1998, №7; Экономическая безопасность хозяйственных систем. Учебник М, Изд-во РАГА, 2001, с.410.
- <sup>6</sup> АбулқосимовҲ.П., Ваҳобов А.В., Рахимова Д.Н., Нарбаев Б.И. Ўзбекистонда иқтисодий ислохотларни чукурлаштириш ва иқтисодийни зорилаштириш йўллари. Т., ТДТУ, 2001, 60-61-б.
- <sup>7</sup> Ўзбекистон иқтисодиги Тахлилий шарх, 2004 йил Т, 2005, 99-б.
- <sup>8</sup> Ўзбекистон аграр иқтисодчи олимлари анжумани (форуми) Т, 2001, 110-б.
- <sup>9</sup> Зоологическая безопасность хозяйственных систем Учебник М, Изд-во РАГС, 2001, с.49.
- <sup>10</sup> Илларионов А. Критерии экономической безопасности // Вопросы экономики, 1999, №10. Сенчагов В.К Экономическая безопасность: геополитика, глобализация, самосохранение и развитие (книга четвертая) / Ин-т экономики РАН- М, ЗАО "Финстатинформ", 2002, с.72-78; Экономическая безопасность хозяйственных систем. Учебник – М, Изд-во РАГС, 2001- с.176-180; Проходжев А, М.Корнилов О проблеме критериев и оценок экономической безопасности // Общество и экономика, № 4-5. 2003, с. 232-233.
- <sup>11</sup> Глазьев С.Ю. Теория долгосрочного технико-экономического развития. – М, Изд. Вла-Дор, 1997, с.107-110; Экономическая безопасность хозяйственных систем. Учебник. – М., Изд. РАГС, 2001, с.178-179.
- <sup>12</sup> Илларионов А. Критерии экономической безопасности. // Вопросы экономики. 1999, №10.
- <sup>13</sup> Проходжев А, Корнилов М. О проблеме критериев и оценок экономической безопасности // Общество и экономика, № 4-5, 2003, с. 233.

## Иқтисодиёт субъектларининг хавфсизлиги




## 2.1.2-чиизма

### Хўжалик фаолияти соҳаларидаги иқтисодий хавфсизлик турлари



## Иқтисодий хавфсизлик кўрсаткичлари



### 2.1.1-жадвал

## Ўзбекистонда асосий энергия ресурсларига бўлган эҳтиёжнинг ўсишига oid прогноз\*

Энергия тури	Йиллар				
	1990	1995	2000	2005	2010
Нефть (млн т.н.э)	12,5	7	7,33	7,8-8	8,5-10
Кумир (млн т.н.э)	3,4	1,05	0,88	1,5-1,6	2-2,1
Газ (млн т.н.э)	28,6	34,2	41,32	44,1-47,1	45-52
Электроэнергия (млн квт.с)	54,2	46,2	46,84	54,5-60,4	59,4-70,1
Иссиқлик энергияси (ТДЖ)	245765	236564	194266	226565-2522464	234879-280934

\* Ўзбекистон Республикаси Иктисадиёт вазирлиги ва Давлат статистика кўмитаси мазъуломлари асосида тузилди.

## **3-боб. Иқтисодий хавфсизликка таҳдидлар**

### **3.1. Иқтисодий манфаатлар ва таҳдидлар**

Жамиятда инсон, хўжалик субъектларининг фаолияти уларнинг эҳтиёжларини қондириш ва манфаатларини рӯёбга чиқариш мақсадида амалга оширилади. Эҳтиёж кишиларнинг ҳаёт фаолиятини таъминлаш, инсон организми ва шахсини ривожлантириш учун унинг ҳаётий неъматларга ва нарсаларга бўлган объектив зарурати ҳисобланади.

Кишилар эҳтиёжи хилма-хил бўлиб, уларнинг таркибида социал-иктисодий эҳтиёжлар алоҳида ўрин тулади. Умуман, инсон эҳтиёжларини америкалик олим А.Маслоу қуйидаги гурухларга ажратган:

- 1) физиологик, яъни овқатланиш, ичимлик ичиш, ухлаш ва бошқалар;
- 2) хавфсизлик эҳтиёжлари, яъни касаллик, қўрқинчли вазиятлар, табиий оғат ва бошқалардан ҳимояланиш;
- 3) ижтимоӣ алоқаларга бўлган эҳтиёжлар, яъни меҳроқибат, муҳаббат, бирон-бир гурухга, оиласа бирикиш ва бошқалар;
- 4) ҳурматга сазовор бўлиш (мақсадга эришиш, тан олиниш);
- 5) ўзини намоён этиш, юқори мавқега эришиш, яъни ўз қобилияtlарини намоён этиш ва амалга ошириш ва ҳ.к.

Инсон ўз эҳтиёжларини қондириш зарурлигини англағанида манфаат юзага келади. Манфаат эса меҳнатта, фаолиятта ундовчи мотивацияни вужудга келтиради.

Иқтисодий манфаат англантан ижтимоӣ-иктисодий эҳтиёжларнинг намоён бўлиши шаклидир. Манфаатлар хўжалик юритишда кўзланган наф ва ютуқни ифода-

лайди. Уларга эришилганда хўжалик субъекти мустақилликка ва ўзидан-ўзи ривожланиш имкониятига эга бўлади. Шу боис иқтисодий манфаатлар хўжалик фаолиятини юритишдан кўзланган иқтисодий мақсадларни ҳам ифодалайди. Иқтисодий мақсадларни умумий тарзда қўйидагича туркумлаш мумкин:

1. Иқтисодий ўсиш. Кўпроқ миқдорда ва юқори сифатли маҳсулот ҳамда хизматларни ишлаб чиқариш орқали юқори турмуш даражасини таъминлаш.
2. Тўлиқ бандлик. Ишлашга кодир бўлган ва ишлашни хоҳлайдиган кишиларни ўзларига мос машғулот билан таъминлаш.
3. Иқтисодий самарадорлик. Чекланган ишлаб чиқариш ресурсларини минимал даражада харажат қилиб, максимал натижага олишиш.
4. Барқарор нарх даражаси. Умумий нарх даражасининг жиддий даражада кўтарилиши ёки пасайишининг, яъни инфляция ёки дефляциянинг кескин ўзгаришига йўл қўймаслик чора-тадбирларини кўриш.
5. Иқтисодий эркинлик. Корхона бошқарувчилари, ишчи ва истеъмолчиларнинг иқтисодий фаолият эркинлигини таъминлаш.
6. Даромадларнинг одилона тақсимланиши. Аҳолининг энг бой ва энг кам бағал қатламлари ўртасидаги фарқнинг ҳаддан ташқари катталашувига йўл қўймаслик чора-тадбирларини кўриш.
7. Иқтисодий жиҳатдан таъминлаш. Мехнатга лаёкатсиз, касалманд, қари-қартанг, ногирон ва аҳолининг бошқа кам таъминланган, ёрдамга муҳтоҷ тоифасини ижтимоий ҳимоялашни амалга ошириш.
8. Савдо баланси. Халқаро савдо ва халқаро молиявий битимларда оқилона балансни таъминлашга интилиш<sup>1</sup>.

Ушбу умумий иқтисодий мақсадлар хўжалик юри-

тишнинг микро ва макро даражаларидағи, турли иқтисодиёт субъектларининг иқтисодий манфаатларини умумий тарзда ифодалайди.

Иқтисодиёт субъектларининг кўплиги улар манфаатларининг хилма-хил шаклларда намоён бўлишини кўрсатади. Шунга мувофиқ манфаатлар иқтисодиёт субъектлари нуқтаи назаридан шахс, жамият, давлат, худуд, маҳкама, гурӯҳ, оила манфаатлари шаклида намоён бўлади.

Шунингдек, манфаатларнинг жорий ва истикбон, рационал ва норационал, англанган ва англанмаган, молијавий, меҳнат, маънавий-аҳлоқий шакллари ҳам мавжуддир.

Шахсий манфаатлар кишиларнинг конституциявий ҳуқуқ ва эркинликларини, яшаш ҳавфсизлигини таъминлаш, турмуш даражаси ва сифатини ошириш, жисмоний, маънавий ва интеллектуал ривожланишидан иборат.

Ўзбекистон Республикасининг Конституциясида шахснинг яшаш, эркинлик ва шахсий дахлсизлик, ўзини судда ҳимоя қилиш, ўз шаъни ва обрўсига қилинган тажовузлардан, шахсий ҳаётига аралашишдан ҳимояланиши ҳамда турар жойи дахлсизлиги ҳуқуқига эгаллиги қайд қилинган. Шунингдек, фуқаролар фикрлаш, сўз ва эътиқод эркинлигига ҳам эгадирлар. Шахснинг иқтисодий ва ижтимоий ҳуқуқлари, яъни мулкдор бўлиш, меҳнат қилиш, эркин касб танлаш, адолатли меҳнат шароитларида ишлаш ва қонунда кўрсатилган тартибда ишсизликдан ҳимояланиш, дам олиш, қариганида ва меҳнат лаёқатини йўқотганида, шунингдек, боқувчисидан маҳрум бўлганида ижтимоий таъминот олиш, малакали тиббий хизматдан фойдаланиш ва билим олиш, илмий ва техниковий ижод эркинлиги ҳамда маданият ютуқларидан фойдаланиш ҳуқуқларининг

кафолатланиши Конституциямизда белгилаб қўйилган<sup>2</sup>. Бу эса шахс ижтимоий ва иқтисодий манфаатларининг хуқуқ даражасида қонуний муҳофаза қилинишидан далолат беради.

Жамият манфаатлари ўз ичига демократияни мустаҳкамлаш, аҳоли барча ижтимоий ва этник гуруҳларининг ижтимоий тотувлиги, яратувчилик фаоллигини ошириш ҳамда маънавий ривожланишини ифодалайди. Ўзбекистон Республикасининг Конституциясида ҳам Ўзбекистон ҳалқи "... республика фуқароларининг муносиб ҳаёт кечиришларини таъминлашга интилиб, инсонпарвар демократик хуқукий давлат барпо этишни кўзлаб, фуқаролар тинчлиги ва миллий тотувлигини таъминлаш мақсадида, ўзининг мухтор вакиллари сиймосида Ўзбекистон Республикасининг мазкур Конституциясини қабул қиласди"<sup>3</sup>, деб таъкидланган.

Давлат манфаатлари конституцион тузум, суверенитет, мамлакат ҳудудий дахлсизлиги ва бўлинмаслигини ҳимоя қилиш, сиёсий, иқтисодий ҳамда ижтимоий барқарорликни қарор топтириш, қонунларга қатъий риоя этиш, хуқуқ-тартиботнинг ўрнатилиши, teng шериклик асосида ҳалқаро ҳамкорликни ривожлантиришни ифода этади.

Шуни таъкидлаш жоизки, алоҳида шахслар манфаатларини рӯёбга чиқариш орқали умумий манфаатлар рӯёбга чиқарилади. Аммо бунга кишилар ва уларнинг ижтимоий гуруҳларининг бирлашуви, бирғаликдаги фаолияти орқалигина эришиш мумкин.

Жамият аъзоларининг умумий манфаатлари уларнинг бирғаликда давлатнинг мустақиллиги, ҳалқ фаровонлиги ва юқори турмуш даражасини таъминлаш ҳамда унинг маданияти ва маънавий қадриятларини сақлашга бўлган интилишини ифодалайди. Шу боис иқтисодий

адабиётда «миллий», «миллий-давлат манфаатлари» каби тушунчалар қўлланади. Бу тушунча мамлакат фуқароларининг умумий иқтисодий манфаатларини акс эттиради. Миллий манфаат эса инсоннинг маънавий-маданий ривожланиши, унинг ҳуқуқ ва эркинлигини ҳимоя қилиш ҳамда ўз фаолияти учун масъулиятини рағбатлантириш асосида халқ фаровонлигининг барқарор ўсишини таъминлаш демакдир.

Маълумки, иқтисодий манфаатларни рўёбга чиқаришнинг ички ва ташқи шарт-шароитлари мавжуд. Ички шароитларга шахснинг ривожланиши, конституцион тузумнинг мустаҳкамланиши, мамлакат ҳудудларининг яхлитлиги ва бўлинмаслигини таъминлаш ҳамда хўжалик ва бошқа фаолият турлари, шунингдек, фавқулодда вазиятлар, табиий офат, фалокатлар таъсирида вужудга келадиган нохуш экологик ҳолатлардан кишилар саломатлигини сақлаш киради. Ташқи шароитларга эса шерикчилик ва ўзаро ҳамкорлик асосида халқаро алоқаларнинг самарали тизимини шакллантириш ва ривожлантириш, ташқи тажовузни қайтариш қобилиятини мустаҳкамлаш, давлатнинг иқтисодий, ҳарбий-сиёсий, интеллектуал салоҳиятига мос равишда халқаро ҳамжамиятда ўзига муносиб ўрин эгаллашини киритиши мумкин. Ушбу иқтисодий манфаатларни рўёбга чиқаришга тўсқинлик қиласидиган турли таҳдид ва хавф-хатарлардан ҳимоя қилиш давлат зиммасига юклатилган.

Таҳдид жамият, давлат ва уларнинг субъектлари, алоҳида шахснинг нормал ҳаёт фаолиятига, улар манфаатларини рўёбга чиқаришга тўсқинлик қиласидиган, зиён-захмат келтирадиган, хавф-хатар туғдирадиган омиллар ва шарт-шароитларни англатади.

Иқтисодий манфаатларга таҳдидлар улар таъсирида вужудга келадиган нохуш ва салбий оқибатлар би-

лан боғлиқ равишда қаралиб, хавф-хатар манбаи сифатида изоҳланади. Уларни қўйидаги белтилар бўйина бир қанча турларга ажратиш мумкин:

- таҳдидлар манбаларига кўра ички ва ташки гурухларга ажратилади;
- инсон фаолияти соҳалари бўйича сиёсий, иқтисодий, ижтимоий, ҳуқуқий, жарбий, миллатлараро муносабатлардаги, экологик, демографик, илмий-техникавий, технологик, интеллектуал, информацион, хом ашёвий таҳдидларга бўлинади;
- инсон фаолиятига нисбатан таҳдидлар объектив, субъектив таҳдидга ажратилади. Субъектив таҳдидларга ташкиллаштирилган ва онгли равишда амалга ошириладиган таҳдидлар киради. Масалан, разведка, шпионаж, айғоқчилик, уюшган жиноятчилик;
- амалга ошиш эҳтимоли бўйича, яъни маълум шартшароитлар тақозоси билан вужудга келадиган таҳдидлар. Инқироз, қайта қуриш, ислоҳ этиш, қарама-қаршилик, шерикчилик туфайли вужудга келадиган таҳдидлар шулар жумласидандир;
- оқибатига кўра умумий, (мамлакат миқёсига таъсир кўрсатувчи), локал, (маълум ҳудудга таъсир кўрсатувчи), хусусий, (айрим хўжалик субъектларига таъсир кўрсатувчи) таҳдидлар<sup>4</sup>.

Ўзбекистон Республикаси Президенти И.А.Каримовнинг “Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари” асарида таҳдидлар мамлакатимиз, миллатимиз, жамиятишимиз ва ҳар бир фуқаронинг хавфсизлигига, янгилиниш ва тараққиёт йўлига, жаҳон ҳамжамиятияга кўшилиш йўлига солинаётган таҳдидлар гурухларга ажратилиб, таҳлил қилинган<sup>5</sup>.

Иқтисодий таҳдидларни энг умумий тарзда ички ва

ташқи гурухларга ажратиб ўрганиш мумкин. Ташқи таҳдидлар геосиёсий, ташқи-иктисодий, шунингдек, глобал экологик омиллар билан тавсифланади (қаранг: 3.1.1-чизма).

Иктиносидий таҳдидлар мамлакат иктиносидиёти ривожига, жамият, давлат, хўжалик юритувчи субъектлар, фуқароларнинг иктиносидий манфаатларига бевосита хавф туғдиради. Бу таҳдидлар ижтимоий такрор ишлаб чиқаришини издан чиқариб, жамият ҳаётида танглилар ҳолатларини келтириб чиқаради.

### **3.2. Иктиносидий хавфсизликка ички таҳдидлар**

Мамлакатнинг ички иктиносидий соҳадаги хавфсизлиги табиий, техника-технологик, инфратузилмавий, ижтимоий ва бошқа макро ва микроиктиносидий ривожланиш омиллари, ички иммунитет ва турли бекарорлик, тангликлар таъсиридан ҳимояланиш орқали таъминланади.

Иктиносидий хавфсизликка таҳдид солувчи ички омилларга қуидагилар киради:

- илгариги тизимдан бирёзлама, таркиби деформациялашган иктиносидиётнинг мерос бўлиб қолгани;
- кўпчилик тармоқларнинг қолоқ технологик базага, юқори энергия ва ресурс сифимига эгалиги сабабли миллий иктиносидиёт рақобатбардошлигининг пастлиги;
- иктиносидиётнинг юқори даражада монополлашуви;
- юқори даражадаги инфляция;
- инфратузилма объектларининг етарли даражада ривожланмагани ва мустахкам эмаслиги;
- минерал-хом ашё базаларининг кам ўрганилган ва хўжалик оборотига тортилиш имкониятларининг етарли эмаслиги;

- мамлакат илмий-техника салоҳиятининг ёмонлашуви, фан-техника ривожланишининг айрим йўналишларида илгор ўринларнинг бой берилиши, бошқа фаолият соҳаларида интеллектуал меҳнат нуфузи ва обрў-эътиборининг тушиб кетиши;
- ички бозорлардан чет эл фирмалари томонидан маҳаллий товар ишлаб чиқарувчилар маҳсулотларининг, жумладан, истеъмол товарларининг сиқиб чиқарилиши;
- худудий сепаратизм тенденцияси ва бошқариш қарорларини қабул килишда тармоқ лоббизмининг юқори даражада экани;
- инвестицион фаолликнинг сустлиги;
- капитал харажатлар ўрнига жорий харажатларни афзал кўриш;
- социал конфликтларнинг (зиддият) келиб чиқиш хавфининг мавжудлиги. Бундай ижтимоий зиддиятлар меҳнатга ҳақ тўлаш механизмининг такомиллашмагани, ишсизлик даражасининг юқорилиги, аҳоли ўртасидаги табақаланишининг кескинлашиб кетиши, аҳоли билим даражаси ва ишчи кучи сифатининг пасайиши туфайли вужудга келади;
- конунчиликнинг ривожланмагани, бир қанча иқтисодий субъектларнинг ички ва ташки бозорда монопол ўрин тутгани, гайриконуний фаолият кўрсатиши хамда уларнинг ҳукуқий интизомининг пастлиги;
- иқтисодиёт субъектларининг молиявий ва шартномавий интизомининг пастлиги;
- иқтисодиётнинг криминаллашуви ва коррупциянинг кучайиши;
- даромадларни яшириш ва солик тўлашдан қочиш ҳолларининг кўпайиши;
- молиявий маблағларни чет элларга ноқонуний тарзда ўтказиши (қаранг: 3.2.1-чизма).

Ички таҳдид омилларини, ўз навбатида, икки гу-

руҳга ажратиш мумкин. 1) иқтисодий тизимнинг циклик ривожланиш қонуниятларига боғлиқ омиллар; 2) циклик ривожланиш қонуниятларига боғлиқ бўлмаган омиллар. Биринчи гурӯҳ омиллари таъсири оқибатида маълум шароитларда макроиктисодиёт даражасида салбий оқибатларнинг келиб чикиши ва давлатнинг иқтисодий хавфсизлигига таҳдид қилиши мумкин.

Иккинчи гурӯҳ омиллари эса узоқ муддатли даврда хўжалик тизими муҳим элементларининг такрор ишлаб чиқарилиши шароитида тўпланган ноҳуш тенденциялар туфайли юзага келади. Бу ноҳуш тенденциялар куйидагиларда намоён бўлади:

- мамлакатнинг ишлаб чиқариш, инновацион ва илмий-техникавий салоҳиятидан фойдаланиш даражаси ва самарадорлиги;
- хўжалик юритиш ва бошқаришнинг иқтисодий муносабатлари;
- социал соҳа;
- атроф-муҳит ҳолати;
- мамлакат ҳудудларидағи аҳвол.

Иқтисодий ислоҳотларнинг дастлабки босқичида тантлик ҳолати чукурлашиб, ишлаб чиқариш кескин қисқариб кетади. Бу ҳолнинг ўзиёқ жиддий иқтисодий хавф тугдиради. Чунки ишлаб чиқаришнинг қисқариши, ички бозорда товар ва хизматлар миқдорининг камайиб кетиши оқибатида уларнинг ўрнига хориж товарлари, айниқса, арzon ва сифатсиз товарлар кириб келади. Ички бозордан сиқиб чиқарилган миллий товарларнинг ўрнини тиклаш ниҳоятда оғир кечади. Шунингдек, бой берилган Гарбий ва Марказий Россия ва бошқа МДҲ мамлакатлари бозорларига қайтадан кириб бориш ҳам қийин бўлади.

Мамлакат иқтисодий хавфсизлиги учун фундамен-

тал тадқиқот ишларининг тўхтатилиб қўйилиши, жаҳон талабларига жавоб берадиган илмий-тадқиқот жамоалиари ва конструкторлик бюроларининг тарқалиб кетиши, юқори технологик ва рақобатбардош маҳсулотларга буюртмаларнинг кескин камайиб кетиши, мамлакатдан “аклларнинг чиқиб кетиши” (“утечка мозгов”) ҳам жиддий таҳдид солади. Юқори малакали мутахассис ва ишчиларнинг ўз мутахассислигидан чиқиб кетиши обрўли, нуфузли соҳалардан бошқа, бундай билим ва малака талаб қилмайдиган, айниқса, тижорат-воситачилик соҳаларига ўтиб кетиши ҳам хавфли оқибатларга олиб келиши мумкин бўлган жиддий таҳдид хисобланади.

Иқтисодиёт таркиби тузилишида ҳом ашё маҳсулотлари ишлаб чиқарувчи, ёқилғи энергетика, металлургия тармоқлари улушкининг ўсиб, машинасозлик, кимё, енгил ва озиқ-овқат саноати улушкининг камайиб кетиши ҳам жиддий хавф туғдиради. Россия Федерациясида XX аср 90-йилларининг биринчи ярмида бозор муносабатлари ўз-ўзидан иқтисодиётнинг таркибий тузилишини ўзгартириб юборади деган қарашлар ўзини оқламади. Шунингдек, таркибий ўзгартиришларда чет эл инвесторларига умид қилиш ҳам ўзини оқламади. Чунки уларнинг манфаатлари давлат иқтисодий сиёсатига мос келмади.

Мавжуд хўжалик тузилиши ва алоқаларнинг узилиши, саноат ва қишлоқ хўжалиги маҳсулотлари нархлари ўртасидаги диспропорциянинг кучайиши, ватанимиздаги ишлаб чиқарувчиларни қўллаб-қувватлашдан воз kechiш, амалда ички бозорни озиқ-овқат маҳсулотлари импортига тўлиқ очиб қўйилиши ўзини ўзи озиқ-овқат билан таъминлаш базасининг барбод бўлишига, заифлашувига олиб келади. Давлат мустақиллиги хавф остида қолади. Шунинг учун мамлакат озиқ-овқат мустақил-

литини таъминлашда маҳаллий товар ишлаб чиқарувчиларни самараали ҳимоя қилиш, импорт маҳсулотлари билан миллий товарлар нисбатини тартиблаш муҳим аҳамиятга эга бўлади.

Ишсизликнинг оммавий ва турғун тус олиши мамлакатга жиҳдий ижтимоий хавф түгдирини мумкин. Ишсизлик турли-туман жиноятлар, хусусан, экстремизмнинг кучайиши учун база ҳисобланади.

Ишбилармонлик, инвестиция фаоллигига тўсиқларнинг мавжудлиги давлатнинг молиявий қийинчиликларни чет эл кредитлари ҳисобига “яшашга” интилишини кучайтиради. Чет эл кредитларидан фойдаланиш бирор хавф түгдирмайди, аксинча, иқтисодий тараққиётга кўмаклашувчи восита бўлади. Аммо чет эл кредитларидан самарасиз фойдаланиш, уларни ҳаддан ташқари қўл мулкдорда олиб, тўлай олмаслик хавфлидир. Буни хозирги Аргентинадаги воқеалар мисолида кўриш мумкин.

Иқтисодиётда коррупция ва “маъмурий рэкет” мамлакат хавфсизлигига жиҳдий таҳдид солади. Бозор иқтисодиётига ўтиш даврида “маъмурий рэкет” турли давлат ҳамда назорат органларининг кичик ва хусусий бизнес субъектлари фаолиятига ноўрин аралашиши туфайли вужудга келган. У мамлакатда ўрта мулкдорлар синфининг амалда шаклланиши, қарор топишига, тадбиркорликнинг ривожланишига тўскиллик қиласди.

Иқтисодиётда криминал жараёнларнинг кучайиши жиноий ёки “хуфёна” иқтисодиётнинг вужудга келиши билан боялинидир. Президентимиз Ислом Каримов бу борада тўхталиб, шундай деган эди: “Жиноий ёки қўп ҳолларда “хуфёна” деб аталаётган иқтисодиёт воқелик сифатида қуйидагича шароитда ўсади ва ривожланди: у ишлаб чиқариш соҳасидаги қонунларни қўпол равишда бузиб, ўзига хон – ўзига бек бўлиб олган эди. Чунки

унга энг яқин рақобатчи бўлган давлатнинг иқтисодий тузилмалари қотиб қолган кўрсатмалар ва тақиқлар билан чеклаб қўйилган эди. Совет даврида бу ҳодиса ҳаддан ташқари кучайди, хунук ҳолга келди ва Ўзбекистонга мерос бўлиб қолди”<sup>6</sup>.

Ички таҳдидлар ичida хуфёна иқтисодиёт ўта хавфлилиги билан ажралиб туради. Шунинг учун унга қарши кураш иқтисодий хавфсизликни таъминлашда муҳим аҳамиятга эга.

Мамлакат иқтисодий хавфсизлигини таъминлаш учун унга таҳдид солувчи ички ва ташқи омилларни аниқлаш билан бир каторда, унинг кўрсаткичларини таҳлил қилиш ҳамда улар асосида хавфсизликни таъминлаш механизмини шакллантириш долзарб муаммо ҳисобланади.

### **3.3. Иқтисодий хавфсизликка ташки**

#### **таҳдидлар**

Очиқ иқтисодиёт шароитида ташқи иқтисодий хавфсизликни таъминлаш учун қуйидагилар тақозо этилади:

Биринчидан, жаҳон хўжалик алоқаларида иштирок этиб, миллий ишлаб чиқариш учун қулай шароитлар яратиш;

иккинчидан, жаҳонда содир бўлаётган иқтисодий, сиёсий нохуш ҳодисалар салбий оқибатларининг миллий иқтисодиётга таъсирини камайтиришга эришиш. Алоҳида таъкидлаш жоизки, очиқ иқтисодиёт шароитида ташқи таҳдидлар таъсирини бутунлай йўқ қилиш, унга барҳам бериш мумкин эмас.

Иқтисодий хавфсизликка таҳдид солувчи ташқи омилларга қуйидагилар киради:

- 1) Экспорт таркибида хом ашё товарларининг ус-

туборлиги, анъанавий машинасозлик ва ҳарбий саноат товарлари бозорларининг йўқотилиши;

2) мамлакатнинг кўп турдаги маҳсулотлар, шу жумладан, стратегик аҳамиятдаги ва озиқ-овқат маҳсулотлари импортига қарамлиги;

3) ташки қарзларнинг ўсиб бориши;

4) экспорт ва валюта назоратининг яхши йўлга қўйилмаганлиги, божхона чегараларининг очиклиги;

5) рақобатга бардошли экспортни қўллаб-куватловчи молиявий, ташкилий ва ахборот инфратузилмаларнинг ривожланмаганлиги ва импорт таркибининг рационал эмаслиги;

6) экспорт-импорт операцияларига хизмат кўрсатувчи транспорт инфратузилмаларининг ривож топмаганлости (каранг: 3.3.1-чизма).

Экспорт товарларига нархларнинг кескин пасайиб кетиши ёки аксинча, импорт товарларига нархларнинг кескин қўтарилиб кетиши ташки бозорга боғлиқ бўлган иқтисодиёт учун ўта хавфли ҳисобланади.

Бундан ташқари, бозорларда савдо қилиш ёки маҳсулот етказиб берувчи мамлакат ёки мамлакатлар гурухи томонидан эмбарго киритилиши ҳам иқтисодиёт ривожига хавф туғдиради. Шунингдек, бир мамлакатдан ёки мамлакатлар гурӯҳидан айрим турдаги маҳсулотларни келтиришда юқори даражадаги қарамликка, боғлиқликка йўл қўйиб бўлмайди. Чунки бу иқтисодий қарамликдан сиёсий жиҳатдан таъсир кўрсатишда фойдаланишлари мумкин.

Миллий иқтисодиёт учун унинг экспорти таркибида икки-уч жил товарнинг устувор ўринни эгаллаши, ҳатто экспорт ҳажмининг ярмидан кўпини ташкил этиши ўта хавфли ҳолатларни туғдириши мумкин. Кўпгина ривожланаётган мамлакатлар тажрибаси шуни кўрсат-

моқдаки, экспортнинг бундай таркиби жаҳон бозори конъюнктураси ёмонлашган шароитда, уларга бўлган талабнинг камайиши оқибатида иқтисодиёт ҳалокатига олиб келиши мумкин.

Мамлакат экспорт қилаётган хом ашё ресурслари-нинг жаҳон бозоридаги нархларининг тушиб кетиши оқибатида унинг ташки савдо айланмаси пасайиб кетади. Натижада, валюта тушуми камаяди ва бу ҳол мамлакат учун зарур инвестиция лойихаларининг бажарилишига салбий таъсир кўрсатади. Ҳатто миллий валюта қадрининг тушиб кетишига ҳам олиб келиши мумкин. Шунингдек, хом ашё ишлаб чиқарувчи миллий корхоналарнинг иқтисодий молиявий аҳволи ёмонлашади. Уларнинг баъзилари хонавайрон бўлади, кўпчилги эса ишлаб чиқариш ҳажмини камайтиришга мажбур бўлади. Оқибатда, иш билан банд ҳодимлар сони қисқариб, ишсизлар сони ошади. Давлат бюджетидан аҳолини ижтимоий ҳимоялашга ажратилган маблағ кўпайиб, ижтимоий муаммолар ҳам бирмунча кескинлашади. Миллий иқтисодиётнинг ривожланиш суръатлари секинлашади ёки турғунликка, тангликка юз тутади.

Очик иқтисодиётга ўтиш ўта даражадаги протекционизмдан воз кечишни тақозо этади. Аммо мамлакатни жаҳон хўжалигига кириб бориши нуқтаи назаридан истиқболли бўлган тармоклар ва ишлаб чиқаришларни ҳимоя қилиш, яъни селектив протекционизм зарурдир. Бу даврда иқтисодий хавфсизлик нуқтаи назаридан ватанимизда ишлаб чиқарилган товарларни сотиш бозорларини, импорт хом ашё ва саноат маҳсулотлари манбаларини диверсификациялаш, кўплаб мамлакатлар билан иқтисодий алоқа қилиш, бир мамлакат билан ёмонлашган муносабатлар ўрнига бошқа мамлакат-

лар билан бўладиган илиқ муносабатлар ривожлантирилади.

Иқтисодиёт чуқур кризисга учраган ва капитал маблағларни унга жалб қилиш кескин камайиб кетаётган шароитда хорижий инвестициялар баъзи соҳаларда иқтисодий ўсиш катализатори бўлиши мумкин. Бу эса иқтисодий хавфсизликни мустаҳкамлашга имкон беради. Хорижий инвестицияларни жалб қилиш механизми хорижий ҳамкорларнинг молиявий ва моддий ресурсларини миллий иқтисодиётга реал киритишга ундаши лозим. Улар томонидан моддий бойликларни арzon нархларда кўплаб сотиб олинишига йўл қўйиш мумкин эмас. Шундай қилиб, хорижий инвестицияларни иқтисодиётта кенг жалб қилиш чораларини кўриш билан бир қаторда, бу жараёнларни тартибга солиш ҳам даркор. Бунда миллий манфаатларга риоя қилган ҳолда, хорижий компанияларнинг минимал маблағлари эвазига бутун бир тармоқлар устидан ўз назоратини ўрнатишларига йўл қўймаслик лозим бўлади.

Бутун дунёда миллий валюта қадри мамлакат иқтисодий ахволининг индикатори ҳисобланади. Мамлакатдан молиявий маблағларнинг катта миқдорларда чиқиб кетиши, яъни “капиталнинг қочиши” миллий иқтисодий хавфсизликка жиддий таҳдиддир. Маблағларнинг четта чиқиб кетишининг легал, яъни очиқдан-очик йўли тижорат банклари томонидан хорижий банклар ҳисоб счетларига катта миқдордаги маблағларнинг ўтказилиши ҳисобланади. Маблағларнинг четга чиқиб кетишининг ноконуний, яъни яширин йўлларига эса қуидагилар киради:

- экспортда маҳсулот нархини пасайтириб, импортда ошириб кўрсатиш. Бунда фиктив ва ҳақиқий нарх ўртасидаги фарқ хорижий компаниялар томонидан ватанимиздаги ишбилармоннинг хорижий банкдаги счегтига ўтказилади;

- импорт учун “аванс” ўтказилади, аммо импорт со-  
дир бўлмайди ва ҳ.к.

БМТ маълумотларига кўра, дунёда ҳар йили 300 миллиард доллар нолегал йўл орқали топилган ҳаром пуллар легаллаштирилади. 1990 йили Европа кенгаши томонидан жинояткорона йўл билан топилган даромадларни конфискация қилиш тўғрисида Конвенция қабул қилинган, аммо уни фақат 6 та давлат ратификация қилган холос.

Мамлакатнинг нафақат иқтисодий, шунингдек, сиёсий ахволига ҳам жиддий хавф тугдирувчи таҳдидлардан бири ташки қарз муаммосидир. Ташки карзнинг юқори даражадалигининг ўзиёқ ташки сиёсат юритишни шубҳа остига қўяди. Мамлакат қарз берган йирик кредитор мамлакатларга қарам бўлиб қолади. Ташки қарзларни тўлаш учун мамлакат қарзлардан кредитларни белгиланган муддатларда тўлашни кафолатлайдиган ишлаб чиқариш лойиҳаларини молиялаштиришда фойдаланиши ҳамда янги объектларда ишлаб чиқарилган маҳсулотлар экспортини кенгайтириши мумкин.

Давлат иқтисодий манфаат ва хавфсизликка таҳдидни аниқлаб, уларнинг олдини олиш учун иқтисодий сиёсат мақсад ва стратегияларини ишлаб чиқади. Бу билан иқтисодий хавфсизликни таъминлаш механизми яратилади.

## Асосий таянч тушунчалар

Эҳтиёж; иқтисодий манфаат; шахс, корхона, жамият ва давлатнинг иқтисодий манфаатлари; таҳдид; ички таҳдид; ташки таҳдид.

## Такрорлаш учун саволлар

1. Иқтисодий манфаатнинг моҳияти нимада? Улар қандай шаклларда намоён бўлади?
2. «Иқтисодий манфаатларга таҳдидлар» деганда нимани тушунасиз? Улар қандай вужудга келади?
3. Криминал иқтисодий таҳдидлар қандай турлардан иборат?
4. Иқтисодий таҳдидлар қандай турларга эга?
5. Ички таҳдидлар қандай шаклларда намоён бўлади?  
Улар қандай хавф туғдиради?
6. Та什қи таҳдидлар қандай шаклларда намоён бўлади?
7. Таҳдидларнинг ўзаро боғлиқлиги нималарда кўринади ва уларнинг олдини олиш учун нима қилиш керак?
8. Ўзбекистон иқтисодий хавфсизлигига қандай ички ва ташқи таҳдидлар мавжуд?

---

Мажконнелл К.Р., Брю С.Л Экономикс : Принципы, проблемы и политика. В 2Т, Пер. С. Англ // -то изд Т. 1. – М., Республика, 1992.- с. 23-24.

<sup>2</sup> Ўзбекистон Республикасининг Конституцияси. Т. Ўзбекистон 2003 7-8-9-10-б.

<sup>3</sup> Ўша манбаа. 3-б.


<sup>1</sup>Экономическая безопасность хозяйственных систем. Учебник – М. Изд-во РАСС. 2002 – с.63; Сенчагов В. Экономическая безопасность как основа обеспечения национальной безопасности России // Вопросы экономики, №8. 2001 – с.71-73.

<sup>1</sup> Каримов И.А. Ўзбекистон XXI аср бўсағасида: хавфсизлик таҳдид, баржарорлик шартлари ва тараққиёт кағололатлари. –Т, Ўзбекистон, 1997-15-б.

<sup>4</sup> Ўша манбаа. 87-б.

### 3.1.1-чизма

## Иқтисодий таҳдидлар таркиби



### 3.2.1-чизма

## Иқтисодий хавфсизликнинг ички таҳдид омиллари таркиби



### 3.3.1-чизма

## Ташки таҳдид омиллари таркиби



## **4-боб. Иқтисодий хавфсизликни таъминлаш механизми**

### **4.1 Иқтисодий хавфсизликни таъминлашдан мақсад ва унинг институционал шароитларининг яратилиши**

Хавфсизликни, шу жумладан, иқтисодий хавфсизликни таъминлаш давлат сиёsatининг муҳим таркибий қисми ҳисобланади. Ушбу мақсадда унинг сиёсий ташкилий ва ҳуқуқий асослари яратилиб, концепция ишлаб чиқилади. Уни ишлаб чиқиш эса иқтисодий ҳолатни обьектив баҳолашга ҳамда унинг ривожланиш тамойили ва тенденцияларини прогноз қилишга асосланади. Бунинг учун иқтисодий хавфсизликни белгиловчи вазият ва ҳолатлардаги сабаб-оқибатлар аниқланиб, иқтисодий хавфсизликни саклаш ва мустаҳкамлашга масъул, жавобгар давлат органлари, ташкилот ҳамда муассасалар белгиланади.

Концепцияни ишлаб чиқишида иқтисодий хавфсизлик, таҳдидларнинг ҳақиқий ҳолатини аниқлаш муҳим аҳамиятга эга. Мамлакатдаги ҳақиқий иқтисодий аҳволни аниқлашга қаршилик килувчи сиёсий кучлар ёки юқори мансабдор шахслар мавжуд бўлиши мумкин. Шу боисдан уларнинг бу бора даги қаршилик ва тўсқинликлари ни енгиги ўтишга тўғри келади.

Иқтисодий хавфсизлик концепциясида иқтисодиётда ижтимоий ишлаб чиқариш ҳажми ва динамикаси, иқтисодий салоҳиятдан фойдаланиш самарадорлиги, иқтисодиётнинг очиқлиги, интеллектуал салоҳиятнинг ҳолати, инновацион даражаси, ижтимоий-сиёсий баркарорлик, давлатнинг ижтимоий-иктисодий жараёнларга

таъсир кўрсатиш даражаси, мамлакатнинг ижтимоий-иктисодий ривожланиши тенденцияларининг истикболли прогнозлари ва уларнинг асосий устуворликлари ўз ифодасини топиши лозим.

Иқтисодий хавфсизлик концепцияси ўз ичига қуидагиларни олади:

- хавфсизликни таъминлашнинг мақсад ва вазифалари;
- уларни амалга ошириш йўллари ва усуллари;
- олий ҳокимият ва маҳаллий ҳокимият органлари, иқтисодиёт тармоқлари бошқарув тизимлари, хукук-тартибот, миллий хавфсизлик органларининг умумдавлат, худудий даражадаги иқтисодий хавфсизликни таъминлаш бўйича вазифалари;
- мавжуд ва потенциал хавфсизликка таҳдидларни таҳлил қилиш;
- давлатнинг хавфсизликни таъминлашдаги имкониятлари, иқтисодий ресурслардан, восита ва кучлардан рационал фойдаланиш назарда тутилади;
- иқтисодий таҳдидларни бартараф этиш, уларнинг олдини олиш ва салбий таъсирини юмшатиш йўллари, восита ва усуллари.

Хавфсизлик концепцияси асосида уни таъминлашнинг давлат стратегияси ишлаб чиқилади. Ушбу стратегия таҳдидларнинг можиятини, объектлар индикатори ва уларнинг олдини олиш ёки бартараф этиш механизmlарини белгилаб беради.

Иқтисодий адабиётларда давлат иқтисодий стратегиясининг уч жиҳати ва таркибий қисмлари ажратиб кўрсатилган:

1. Иқтисодий хавфсизлик ва мамлакат ҳаётидаги муҳим соҳаларнинг ҳимояланганлигини таъминлайдиган миллий, давлат манбаатларини аниқлаш.
2. Шахс, жамият ва давлатнинг муҳим ҳаётий манфа-

атларига зиён келтирадиган иқтисодий хавфсизликка таҳдидлар ва хавф-хатарларни тавсифлаш. Бунда кисқа, ўрта ва узок муддатли даврларда давлат ва ижтимоий-иктисодий тизим барқарорлигига заарли, салбий таъсир кўрсатувчи ҳолатлар аниқланади.

3. Иқтисодий хавфсизликни, унинг турли таҳдидлар, хавф-хатарлардан барқарор ҳимояланишини таъминлашга қаратилган иқтисодий сиёsatни шакллантириш, институционал ўзгаришларни амалга ошириш бўйича таклиф ва тавсиялар ишлаб чиқиш.<sup>1</sup> Ушбу стратегияда иқтисодий хавфсизлик талабларига жавоб берадиган иқтисодиётнинг мезон ва параметрлари ҳам аниқланади.<sup>2</sup> Иқтисодий манфаатларга ва хавфсизликка таҳдидларнинг олдини олиш ва уларни бартараф этишнинг устувор вазифаларига қуйидагилар киради:

- аҳолининг барча ижтимоий гурух ва табақалари турмуш даражасини ошириш орқали жамият барча аъзоларининг бирдамлигига эришиш;
- миллий иқтисодиётга хусусий инвестицияларни киритишни рағбатлантириш, инвестицион жараёнларни фаоллаштириш;
- қатъий солик, пул-кредит сиёsatини юритиш, миллий валюта қадрини ошириш ва мустаҳкамлаш;
- ташки иқтисодий фаолиятни тартибга солиш ва самарали божхона назорат тизимини шакллантириш;
- мамлакат фани ва интеллектуал салоҳияти ривожланишини қўллаб-қувватлаш;
- мамлакат ҳудудларини ижтимоий-иктисодий жиҳатдан ривожлантириш, улар ўртасидаги ўзаро алоқадорликни кучайтириш орқали ички иқтисодий маконни мустаҳкамлаш;
- хўялилек субъектларининг ҳалқаро бозорларга чиқишидаги мустакиллиги ва эркинлигини таъминлаш.

Шуни айтиб ўтиш жоизки, иқтисодий хавфсизликни таъминлашда иқтисодий восита ва чора-тадбирлар билан бир қаторда, коррупция, ташкилий жиноятчиликка, хуфёна иқтисодиётга қарши сиёсий, хукукий, иқтисодий, ташкилий тавсифдаги чора-тадбирлар, воситалардан ҳам фойдаланилади. Бунда иқтисодий бошқарув органлари хукуқ-тартибот, миллий хавфсизлик хизмати, чегара, божхона органлари билан биргаликда ўзаро алоқадорликда фаолият юритадилар.

Иқтисодий хавфсизликни таъминлашнинг институционал муҳитини яратиш муҳим ҳисобланади. Бунда институтлар деганда жамиятдаги турли тизимлар, субъектларнинг ўзаро алоқадорликдаги фаолиятлари қоидалари (ўйин қоидалари) назарда тутилади. Улар маълум чеклашлар ҳамда рағбатларни ўз ичига олган бўлиб, фаолиятга ундовчи мотив ва механизмларни шакллантирувчи қонун-коидалар йигиндисидир. Институтлар формал ва ноформал чеклашлар асосида ҳаракат чегараларини белгилаш орқали бозор иқтисодиёти шароитидаги ноаниқликларни камайтиради, қабул қилинаётган қарорларнинг етарли даражада натижа беринини таъминлайди.<sup>3</sup> Ушбу институционал ёндашувга кўра иқтисодий хавфсизликни таъминлаш учун муасасалар, хўжалик тузилмалари белгиланган қонун-коидалар асосида зарарли фаолиятни чеклаш орқали бир-бири билан алоқадорликда фаолият юритишлари учун қулай муҳит яратилиши муҳим аҳамиятга эга бўлади. Жамиятда ноформал чеклашлар, яъни анъана, одатлар, турли ижтимоий шартлар, формал чеклашлар, яъни қонунлар, суд прецидентлари, маъмурий актлар ҳамда белгиланган фаолият қоидаларига риоя қилинишини таъминловчи суд, хукуқ-тартибот ва бошқа хавфсизлик органлари айрим хўжалик субъектла-

ри, шахслар, гурухлар ва бошқа кучларнинг хавфсизликка таҳдид солувчи хатарли фаолиятининг олдини олиш ва бартараф қилиш учун тегишли муҳит яратади. Бу эса маълум трансакцион харажатларни тақозо этади. Буларга ахборот излаш, тузилмалар ўртасида келишув ва музокаралар ўтказиш, шартномалар тузиш ҳамда уларнинг бажарилиши устидан назорат қилиш харажатлари киради.<sup>4</sup> Институционал ёндашув турли даражадаги хўжалик субъетларининг иқтисодий хавфсизлиги бўйича қарорлар қабул қилиш процедуралари ва жараёнлари харажатларини оптималлаштириш, иқтисодий ўсишни таъминловчи механизмларни такомиллаштириш орқали самарали бошқариш тамойилларининг шаклланиши учун имкон яратади.

Иқтисодий хавфсизликни таъминлаш учун асосий шарт-шароитлар қуйидагиларда ўз ифодасини топади:

- аҳолининг цивилизацион эҳтиёжларини қондира оладиган яшаш имкониятининг яратилиши. Бу кишилар учун танлаш эркинлиги ҳамда узок муддат меҳнат қобилиятини сақлаган ҳолда фаолият юритиш ҳукуқи ва мажбуриятини ифодалайди. Бунинг учун бозорнинг ўз-ўзини тартиблаш ва иқтисодиётни давлат томонидан тартиблаш механизмлари уйғулугини таъминлашга хизмат қилувчи ресурс, энергетика, транспорт, ишлаб чиқариш ва бозор инфраструктуралари шакллантирилади;

- хотиржам яшаш имкониятларининг яратилиши. Бунинг учун фавқулодда нохуш вазиятлар вужудга келишининг олдини олиш ҳамда ишончли ахборотга эга бўлиш учун иқтисодий шароитлар вужудга келтирилиши лозим бўлади. Бундан кўзланган мақсад, биринчидан, иқтисодий ва техноген хавф-хатарга қарши турла олиш, иққинчидан, иқтисодий жиноятчилик ва терроризмнинг кучайишига қарши турли имкониятларни яратиш ҳисобланади;

- мамлакатнинг ҳудудий ва иқтисодий яхлитлигига хавф солувчи омилларнинг олдини олиш. Бу омиллар мамлакат ҳудудларининг ривожланиши ва ахоли турмуш даражасидаги фарқларнинг катталашиб кетиши туфайли вужудга келади. Мамлакатнинг ҳудудий ва иқтисодий яхлитлигини таъминлаш учун, биринчидан, ягона иқтисодий маконни ташкил этиш мақсадида пул ва банк тизимини мустаҳкамлаш, молиявий ва савдо инфратузилмасини ривожлантириш; иккинчидан, ҳудудларнинг ижтимоий-иктисодий ривожланиш даражаларини бир-бирларига яқинлаштиришга қаратилган оқилона ҳудудий сиёsatни амалга ошириш мақсадга мувофиқ бўлади.

Ушбу шарт-шароитларни яратиш асосида иқтисодий хавфсизликни таъминлаш механизмининг асосий элементлари - ҳуқуқий база, бошқаришнинг иқтисодий услублари ҳамда иқтисодиётни давлат томонидан тартибга солиш вужудга келади.

Иқтисодий хавфсизликни таъминлашнинг ҳуқуқий базасини Ўзбекистон Республикасининг Конституцияси ва бошқа қонунлар ташкил этади. Эндиликда эса “Хавфсизлик тўғрисида” ги қонунни қабул қилиш лозим бўлади.

Бошқаришнинг иқтисодий услублари таркиби тўлов, товар айрибошлиш ва нарх шаклланишини тартибга солиш, иқтисодий жавобгарлик ва масъулият ҳамда молиявий интизомни ўз ичига олади. Шунингдек, уларнинг таркибига турли сугуртавий ҳимоялар, фаолият турларини лицензиялаш, хўжалик жараёнларини текшириш орқали улардаги қийинчилик ва тўсик бўлувчи омилларнинг олдини олиш ва бартараф этиш воситаси сифатида аудит ҳамда ахборот киради.

## **4.2 Иқтисодий хавфсизликни таъминлашда давлатнинг тартибга солиш вазифаси**

Бозор муносабатлари шароитида давлат иқтисодиётта аралашиб, бозор механизмининг амал қилишига қўмаклашади ва аҳолини унинг салбий оқибатларидан ҳимоялаш чора-тадбирларини кўради. Иқтисодиётни давлат томонидан тартибга солишдан кўзланган асосий мақсад бозор муносабатларини муайян ва маълум йўналишларда ривожлантириб, иқтисодий танглик, таҳдид ва хавф-хатардан ҳимоялаш ҳамда аҳоли турмуш даражасининг пасайиб кетишига йўл қўймаслиқдан иборатdir. Давлатнинг иқтисодиётта аралашуви кўлами ва даражаси унинг имкониятларига мос равишда бўлмай, бозор механизмлари, хўжалик субъектларининг эркин фаолият юритиши учун қулай иқтисодий муҳит яратилишига имкон бериши лозим бўлади. Шунингдек, давлат хўжалик тизимининг рақобатбардошлигини ошириб, бизнес ва хусусий тадбиркорликнинг ривожланишини рағбатлантиради.

Давлат иқтисодиётни тартибга солишнинг қуидаги йўналишларида ҳам фаолият юритади:

- иқтисодиётдаги жараёнларни объектив, кенг қамровли мониторинги, шу жумладан, шахс, давлат ва жамиятнинг муҳим ҳаётий манфаатларига бўладиган ички ҳамда ташки таҳдидларни аниқлаш ва прогнозлаштириш учун ахборотлар базасини яратиш;

- иқтисодий манфаатларга таҳдидларнинг олдини олиш ва салбий оқибатларини енгиш ҳамда барҳам бериш бўйича жарима ва узоқ муддатли чора-тадбирлар комплексини ишлаб чиқиш. Бунда давлатнинг иқтисодий хавфсизлик стратегиясини амалга ошириш бўйича

фаолиятини мувофиқлаштириш ва назорат қилиш чоратадбирлари натижалари баҳоланади.

Давлатнинг ушбу иқтисодиётга аралашуви дастакларини аниқлашда хўжалик субъектларининг ривожланиш ва ўз фаолиятларини тартибга солиш имкониятларини аниқлаш мухим аҳамият касб этади. Давлат институционал ўзгаришларни, таркибий сиёсатни амалга ошириш орқали иқтисодиётнинг самарали амал қилиши учун қулай шароитлар яратиш мақсадида молиявий, пул-кредит, инвестициялаш ва ташки иқтисодий соҳаларни фаол тартибга солади.

Давлатнинг иқтисодий хавфсизликни таъминлаш бўйича фаолияти қўйидагиларни ўз ичига олади:

- мамлакатнинг ижтимоий-иқтисодий тизими ва давлатнинг барқарорлигига хавф туғдирувчи омилларни аниқлаш ва мониторинг қилиш;
- ушбу омилларнинг зарарли, салбий таъсирига барҳам бериш ёки юмшатишга қаратилган иқтисодий сиёсатни шакллантириш ва институционал ўзгаришларни амалга ошириш.

Шуни айтиб ўтиш жоизки, иқтисодий хавфсизликни таъминлашда давлат бошқарув органлари фаолиятини мувофиқлаштириш ишлари Республика Президенти раҳбарлигидаги Миллий хавфсизлик Кенгаши томонидан амалга оширилади. Хавфсизлик Кенгаши аъзолари мамлакат Президенти томонидан тайинланади. Унинг таркибига бош вазир, Хавфсизлик Кенгаши котиби, Ташки ишлар вазири, Миллий хавфсизлик хизмати раҳбари, Мудофаа ва Ички ишлар вазирликларининг раҳбарлари киради. Кенгаш доирасида иқтисодий хавфсизликни таъминлаш бўйича идоралараро доимий комиссия фаолият юритади. Ушбу комиссия Олий Мажлиснинг Конунчилик палатаси ва Сенатининг тегишли кўмиталари билан иқтисодий хавфсизликни таъмин-

лашнинг қонунчилик базасини такомиллаштириш борасида ҳамкорлик қиласи, шунингдек, хавфсизлик кенгашига иқтисодий хавфсизлик соҳасидаги давлат сиёсатининг муҳим йўналишлари бўйича таклиф ва тавсиялар ишлаб чиқади ҳамда бу борадаги турли вазирлик ва муассасалар, ҳудудий бошқарув органлари фолиятини мувоғиқлаштиришга кўмаклашади.

#### **4.3 Ўзбекистонда иқтисодий хавфсизликни таъминлашнинг устувор йўналишлари**

Бозор муносабатларига ўтишдаги иқтисодий ислоҳотлар шароитида давлат хўжалик субъектлари фаолиятининг иқтисодий хавфсизлигини таъминлашга дафуқароларга зиён келтирилишига йўл қўймаслиги керак. Ушбу мақсадларда давлат, энг аввало, тадбиркорлик муҳитини яхшилаш, кичик ва ўрта бизнеснинг мамлакат иқтисодиётидаги улушини кўпайтириш, иқтисодиётни монополиядан чиқариш ва рақобатбардошлигини ривожлантириш, фонд бозорини, ер ва кўчмас мулк бозорларини шакллантириш бўйича чора-тадбирларни ишлаб чиқиши керак. Бундан ташқари, ҳокимиятнинг барча бўғинларида қонун лойиҳаларининг сифати ва асосланганлик даражасини ошириш ҳамда қонунга барчани, ҳатто давлат ҳокимияти органларининг ҳам қатъий риоя этишлари бўйича тадбирлар амалга оширилиши зарур бўлади.

Иқтисодий хавфсизликни таъминлаш учун давлат куйидагиларни кўзда тутиши лозим:

- ижтимоий институтлар стратегияларини бир-бirlарига яқинлаштириш, уларнинг фаолиятларини координациялаштиришга имкон берадиган институционал ўзгаришларни амалга ошириш;

- хўжалик жараёнларининг барча иштирокчилари учун лоббизмни қонуний чеклаш, қонунчиликни максимал унификациялаш (яъни имтиёзлари ва турли преференцларни қискартириш ва йўқотиш) учун иқтисодий ва ижтимоий хатти-ҳаракатларнинг умумий тамоилиларини ишлаб чиқиши ва қабул қилиши;

- иқтисодиёт субъектлари ва давлат бошқарув органдари томонидан қонунларга, тартиб-коидаларга риоя қилинишини назорат қилиши;

- иқтисодий муносабатлар соҳасида вужудга келадиган мунозара ва зиддиятларни ҳал қилиш механизмини яратиш;

- кадрларни корхоналар хўжалик фаолиятини таҳлил қилиши ва инвестиция лойиҳаларини баҳолашнинг замонавий усуллари билан таништириш;

- жамиятда иқтисодий барқарорликни ошириши ва ижтимоий кескинликнинг ўсишига йўл қўймаслик;

- мамлакат иқтисодий манфаатларини ҳисобга олган холда яқин ва узок хорижий мамлакатлар билан иқтисодий, сиёсий муносабатларни ҳар томонлама ривожлантириш.

Шунга мувофиқ, равишда собиқ тоталитар тизимдан бозор иқтисодиётига ўтаётган мамлакатлар яқин истиқболда қўйидаги вазифаларни амалга оширишлари лозим бўлади:

1) Самарали ва рақобатбардош ишлаб чиқаришни кўллаб - қувватлаш ва истиқболи йўқ, эскирган ишлаб чиқаришдан воз кечиш;

2) таркибий ўзгаришларни амалга ошириш учун зарур бўлган иқтисодиёт инфратузилмаларини ривожлантириш;

3) иқтисодий ресурслардан самарали фойдаланишни таъминлаш;

4) мавжуд илмий техника салоҳиятининг энг илғор томонларини саклаш;

5) иқтисодиёт таркибининг деформациялашувига барҳам беришда чуқур таркибий ўзгаришларни амалга ошириш, ишлаб чиқариш таркибини тўловга қодир талаб билан уйғулаштириш;

6) корхоналарнинг бозор шароитларига мослашуви ни тезлаштириш,

7) экспорт салоҳиятини диверсификациялаш;

8) экологик хавфсизликни ошириш.

Ушбу вазифаларни бажариш миллий иқтисодиётнинг кўпчилик тармоқларининг рақобатбардош эмаслигини бартараф этишга имкон яратади. Бундан келиб чиқкан ҳолда, таркибий сиёsat микро ва макро иқтисодиёт даражаларида уч асосий йўналишда амалга оширилиши керак, деган хулоса келиб чиқади. Давлат ҳокимият органлари мамлакат иқтисодий хавфсизлигини таъминлаш учун маълум тармоқ ва соҳаларни селектив қўллабкуватлаши даркор бўлади.

Макроиқтисодиёт даражасида таркибий сиёsatни амалга ошириш жараёнларида қуйидаги вазифалар ҳал килиниши зарур:

- жами талабни ошириш;

- жамғариш нормасини ўстириш ва уни инвестицияга айланишини таъминлаш;

- ривожланишдан тўхтаб қолган секторлардаги барча турдаги ресурсларни ривожланаётган секторларга ўтишини рағбатлантириш;

- ялпи инвестицияларни кўпайтириш;

- экспортни рағбатлантириш;

- умумқабул қилинган тартиб-қоидалар доирасида миллий ишлаб чиқарувчиларни ҳимоя қилиш мақсадида импортни тартибга солиш.

Микроиқтисодиёт даражасида таркибий сиёсатни амалга ошириш жараёнларида қуйидаги вазифаларни бажариш зарур бўлади:

- иқтисодий нуқтаи назардан самарали корхона ва ишлаб чиқаришларнинг ривожланишини рағбатлантириш ва қўллаб-қувватлаш;
- самарасиз ишлаб чиқаришларни, корхоналарни тутгатиш ёки реорганизация, яъни қайта ташкил этиш;
- янги монополистик тузилмаларнинг пайдо бўлишига йўл қўймаслик;
- тармоқлараро капитал оқувчанлигини таъминлаш мақсадида фонд бозорининг ривожланишини тартиба солиш ва рағбатлантириш;
- нарҳ ўсишини тўхтатиш чора-тадбирларини кўриш;
- иқтисодий субъектлар хатти-ҳаракатининг бозорга хос нормаларини жорий қилишни рағбатлантириш.

Иқтисодий хавфсизлик нуқтаи назаридан энг муҳим тармоқлар қаторига - ёқилғи-энергетика, озиқ-овқат саноати, транспорт ва алоқа соҳалари киради. Ушбу стратегик аҳамиятга эга бўлган тармоқларни ривожлантириш орқали биринчидан, энергетик ва озиқ-овқат мустақиллигига эришилади, иккинчидан, жаҳон бозорларига, ресурсларнинг халқаро манбаларига чиқиш учун транспорт йўлларига эта бўлинади.

Илмий техника салоҳиятини сақлаш, қўллаб-куватлаш, ривожлантириш ва ундан самарали фойдаланиш мамлакатнинг иқтисодий, ҳарбий хавфсизлигини таъминлашнинг муҳим стратегик йўналиши хисобланади. Шу боис, мамлакатни илмий-техникавий ривожлантиришнинг узок муддатга мўлжалланган давлат концепциясини ишлаб чиқиш муҳим аҳамият касб этади. Бу борада, энг аввало, яқин истиқболли давр учун давлат фан-техника сиёсатининг устуворликларини

аниқлаш лозим бўлади. Фанни мамлакатнинг энг муҳим стратегик устуворлиги деб тан олиб, уни қўллаб-кувватлаш ва молиялаштириш, олимларни моддий таъминлаш ва рағбатлантириш бўйича тегишли сиёсатни амалга ошириш мақсадга мувофиқдир.

Мамлакат иқтисодий хавфсизлигини таъминлашда ижтимоий зиддиятларнинг олдини олишга, ижтимоий-сиёсий барқарорликни таъминлашга қаратилган давлатнинг ижтимоий сиёсати муҳим аҳамиятга моликдир. Ижтимоий сиёсат аҳолининг турмуш даражасини ошириш, фуқароларнинг иқтисодий аҳволини яхшилаш учун шароитлар яратиш, аҳолининг пул даромадлари ни кўпайтиришга ҳам йўналтирилади.

Бозор иқтисодиётига ўтиш шароитида аҳолининг турли табакаларга - бой ва камбағал қатламларга ажралиши кучаяди. Бу жараённинг тез ва кескин юз бериши бекарорлик омилига, ижтимоий зиддият ва кескинликларни туғдирувчи таҳдидга айланади. Аҳолининг энг бой ва энг камбағал қатламлари ўртасидаги фарқнинг ниҳоятда катталашиб кетиши ўрта табака амалда мавжуд бўлмаган шароитда иқтисодий таҳдидни вужудга келтиради.

Ўтиш даврида давлат кам таъминланган аҳоли қатламларини кучли ижтимоий ҳимоя қилиш, даромадларни адолатли қайта тақсимлаш орқали жамиятнинг кескин қарама-қарши кутбларга ажralиб кетишига йўл қўймасликка ҳаракат қиласди.

Шуни айтиб ўтиш жоизки, банкротлик тўғрисидаги қонунчилик амал қилаётган шароитда оммавий ишсизликнинг пайдо бўлишига йўл қўймаслик, банкротта учраган корхоналарнинг ишчи-ходимларини ижтимоий жиҳатдан қўллаб-кувватлаш, ижтимоий қийинчиликларни юмшатиш, иш жойидан бўшаёттан ходимларни қайта

Ўқитиши ташкил этиш, янги ишчи ўринларини яратиш, нафақалар тўлаш, жамоат ишларига жалб қилиш чоратадбирларини амалга ошириш мақсадта мувофиқ бўлади. Буларнинг барчаси ижтимоий таҳдидларнинг салбий таъсирини юмшатишда муҳим урин тутади.

Маълумки, ҳар бир мамлакатда баъзи худудлар бошқаларига нисбатан ривожланган бўлади. Худуднинг ижтимоий-иктисодий ривожланиш даражаларидағи фарқлар, улардаги ишлаб чиқарувчи кучларнинг номутаносиб жойлашуви оқибатида вужудга келади. Бу фарқлар оқибатида аҳоли даромади ва турмуш даражасида ҳам худудий фарқлар вужудга келади. Натижада, аҳоли ўртасида мамлакат ички миграцияси юз беради. Ижтимоий-иктисодий таҳдиднинг келиб чиқишининг олдини олиш мақсадида аҳолининг ички миграциясини, яъни иктиносидий начор ҳудудлардан аҳолининг аҳволи яхши ҳудудларга оқиб ўтишини чеклаш, тартибга солиш чоратадбирлари амалга оширилади. Аҳолининг ички миграциясини тартибга солиш қўйидаги йўналишларда амалга оширилади:

- янги ўзлаштирилаётган, истикболли ҳудудларга кўчиб борувчилар учун қўшимча имтиёзлар ва ижтимоий кафолатлар белгилаш, жорий қилиш, иктиносидий-ижтимоий начор, қолок ҳудудлардан аҳолининг чиқиб кетишини тўхтатиш учун уларга ҳам қўшимча имтиёз ва рағбатлар берилади;

- турли ҳудудлардан кўчиб келган мигрантларни иш билан таъминлаш, жойлаштириш билан боғлиқ муаммоларни ҳал қилиш;

- қишлоқ жойларда аҳолининг мустаҳкам қўним топиб яшаши учун зарур хукуқий ва ижтимоий-иктиносидий база яратиш, саноатни қишлоқса олиб кириш орқали, ижтимоий ва ишлаб чиқариш инфраструктураларини ривожлан-

тириш натижасида қишлоқ хўжалигида бўш қолган ортиқча ишчи кучи учун янги иш ўринларини яратиш.

Мамлакатда иқтисодий хавфсизликни таъминлаш узоқ муддатли стратегик вазифа ҳисобланади. Бу вазифани амалга ошириш учун иқтисодий хавфсизликни таъминлаш давлат стратегиясини, яъни доктринасини ишлаб чиқиш ва қабул қилиш зарур бўлади. Ушбу давлат стратегияси олий миллий давлат манфаатларига жавоб берга олиши керак.

Иқтисодий хавфсизлик давлат стратегияси пировард мақсади ва уни амалга ошириш босқичларида ўз ифодасини топиши лозим. Бу ерда шуни айтиб ўтиш жоизки, ўтиш даврида иқтисодий таҳдидларнинг кўплиги ва кескинлиги, биринчи навбатда, зарурй чора-тадбирларни амалга оширишга катта эътибор беришни тақозо этади. Шу даврда иқтисодий хавфсизликни таъминлашнинг кафолати бўлган давлатнинг асосий вазифалари қўйида-гилардан иборат бўлади:

- хавфсизликни таъминлаш бўйича хўжалик ва сиёсий характердаги қарорларни қабул қилиш;
- ижтимоий жараёнларни бошқариш механизмига таҳдидларнинг пайдо бўлганлиги тўғрисида сигнал берувчи индикаторларни киритиш;
- иқтисодий таҳдидларни юмшатиш, бартараф этиш, нейтраллашга қаратилган самарали чора-тадбирларни ишлаб чиқишни амалга ошириш.

Мамлакат иқтисодий хавфсизлигини таъминлаш концепцияси доимо узоқ муддатли миллий давлат манфаатларига асосланади. Бошқача айтганда, мазкур концепция мамлакатнинг келажаги тўғрисидаги тасаввурга, ислоҳотлар натижасида вужудга келадиган ижтимоий-иқтисодий моделга, шунингдек, барқарор, мустаҳкам ривожланиш стратегиясига боғлиқ бўлади.

## **Асосий таянч тушунчалар**

Иқтисодий хавфсизлик концепцияси, стратегияси, институтлар, институционал мұхит, трансакцион харажатлар, давлатнинг иқтисодиётга аралашув дастаклари, самарали ва рақобатбардош ишлаб чиқариш, таркибий сиёсат, илмий-техникавий салоҳият.

### **Такрорлаш учун саволлар**

1. Иқтисодий хавфсизликнинг институционал шароитлари деганда нимани тушунасиз?
2. Трансакцион харажатлар ва хизматлар нима?
3. Иқтисодий хавфсизликни таъминлашда давлат қандай вазифаларни бажаради?
4. Иқтисодий бошқаришнинг хавфсизликни таъминлашдаги ўрни қандай?
5. Ўзбекистонда иқтисодий хавфсизликнинг ўзига хос хусусиятларини изоҳлаб беринг.
6. Давлатнинг иқтисодий хавфсизликни таъминлаш концепцияси қандай бўлиши керак?
7. Давлатнинг иқтисодий хавфсизлик сиёсатининг мақсад ва вазифалари нималардан иборат?
8. Иқтисодий жиноятчилик ва ҳуқуқбузарликларга қарши қандай курашмоқ лозим?

---

<sup>1</sup> Экономическая безопасность хозяйственных систем. Учебник -М, Изд- во РАГС, 201.-96

<sup>2</sup> Давлат стратегияси ва иқтисодий сиёсатнинг можияти, мезонлари классификацияси нафакат иқтимоий-иктисодий тараққиётни, шу билан бирга, унинг хавфсизлигини ҳам таъминланни лозим. Карант: Ведуга Е.Н. Стратегия и экономическая политика государства. -М, Акад. Проект, 2004. с.11-23.

<sup>3</sup> Норт Д. Институты, институциональные изменения и функционирование экономики. М., 1997. с. 70.

<sup>4</sup> Курс экономической теории. - 4-е доп И перераб. Изд "АСА" - Киров, 1999- с.192-193

# **5-боб. Шахснинг иқтисодий хавфсизлигини таъминлаш муаммолари**

## **5.1. Шахснинг эркинликлари ва иқтисодий мустакиллиги**

Инсон ўз ҳаёт фаолиятини табиат ва жамият билан диалектик боғлиқликда олиб борадиган, табиат қонунлари ва ижтимоий муносабатларнинг обьекти ва субъекти бўлган табиий-биологик мавжудот ва ижтимоий воқеликдир<sup>1</sup>. Инсонда табиий-моддий, ижтимоий, маданий ва маънавий хусусиятлар мавжуд бўлади.

Инсоннинг ҳаёт фаолияти турли обьектив ва субъектив омилларга, моддий ишлаб чиқариш ва хизмат кўрсатиш соҳалари ҳамда маънавий ривожланишга, шунингдек, табиий-иклимий таъсирга, экологияга, ижтимоий, миллатлараро ва геополитик шарт-шароитларга боғлиқ бўлади. Унинг хатти-харакати шахснинг психологик ҳолатига, қизикиши, одати, ўз олдига қўйган мақсади, ижтимоий ва миллий хусусиятларига, бошқа кишилар билан ўзаро муносабатига, ёши, жинси, жисмоний куч ва ақлий кобилияти ва ҳ.к. ларга боғлиқ ҳолда амалга ошади.

Бозор муносабатлари шароитида инсоннинг имкониятлари қуйидагилар билан белгиланади:

- шахсий мол-мулки, бойлигининг миқдори. Бу эса шахснинг кўчмас ва ҳаракатдаги мулки, шахсий капиталининг жамидан иборат бўлади;
- шахс бошқарадиган капитал миқдори. Бу капитал кимниги ва қандай шаклда бўлиши аҳамиятсизdir;
- шахсга маъмурий, ихтиёрий ёки мажбурий равишда бўйсунувчи ёки унга қарам жисмоний шахслар сони. Булар қаторига кишиларнинг онги ва қайфиятига

таъсир кўрсата оладиган ҳамда билим, тарбия, ахборот олиш, диний ишларга оид маълум ижтимоий вазифани ўтайдиган шахслар ҳам киради.

Ушбу шахс имкониятини белгиловчи кўрсаткичлар, асосан, жамиятда ижтимоий-иқтисодий муносабатларнинг амал қилишига ва ўзгаришига таъсир кўрсатади.

Демократик жамиятда қуидаги тамойиллар амал қиласди:

- барча жамият аъзолари қонун олдида тенгdir;
- жамиятнинг барча аъзолари ўз мақсадларини амалга оширишлари учун тенг имкониятларга эга;
- жамиятнинг ҳар бир аъзоси шахсан ўзига тегишли ҳар қандай масалаларни ҳал этишда танлаш ҳукуқига эгадир. Мазкур эркинлик кишининг касб, фаолият тури ва соҳасини танлаш, даромадига мувофиқ истеъмол тобарларини, хизмат турларини эркин танлаш ҳукуқига ҳамда имкониятига эга эканлигига ўз ифодасини топади;
- қарор қабул қилиш кўп сонли кишиларга тегишли бўлганлиги сабабли бир шахс фаолиятига, хоҳиш-иродасига боғлиқ бўлолмайди;

- ҳокимият органлари ваколатларининг турли поғоналари, бўғинлари ўртасида тақсимланиши тўғрисидағи қарорлар кўпчилик иштироки билан қабул қилинади.

Шуни айтиш жоизки, жамиятнинг ижтимоий, иқтисодий, экологик, сиёсий ва бошқа тизимлари инсон учун яшаш мухити ҳисобланади. Шу боисдан уларнинг амал қилиши самарадорлигини факат инсон манфаатларига қай даражада мослиги нуқтаи назаридан баҳолаш мумкин бўлади.

Инсон ва унинг манфаатлари учун оила мухим аҳамият касб этади. Оила қариндошлик алоқалари ва маший хаёт умумийлиги асосида онгли равишда ташкил этилган кишиларнинг кичик гурӯҳидан иборат. Оиладаги фаолият шахснинг, у аъзо бўлган силанинг ва жамият-

нинг ижтимоий, иқтисодий ва маънавий эҳтиёжларини рӯёбга чиқариш мақсадида амалга оширилади ҳамда у ўзининг уй хўжалигини мустакил равишда юритади.

Оиланинг афзалликлари унинг қандай товар ва неъматлар яратиш қобилияти билан ифодаланади. Улар эса қуидагилардан иборат:

- эр-хотиннинг оиласида, никоҳда маҳсулот, неъмат яратиш, ишлаб чиқариш қобилиятидан келиб чиқадиган афзаллик. Уларга қонуний тугилган болалар, обрў-эътибор, оила мақоми кабилар киради;

- оила алохида уй хўжалиги сифатида фаолият юритиб, юқори унум ва самарали тарзда товар ва хизматлар ишлаб чиқаради. Ушбу маҳсулот ва хизматларнинг кўпчилиги жамоат неъматлари ҳисобланади, чунки улар оила-нинг барча аъзолари томонидан истеъмол қилинади.

Бозор муносабатлари тизимида оиланинг иқтисодий вазифаларини қуидагича ифодалаш мумкин:

- оиланинг янги эҳтиёжлари ва имкониятларини шакллантириш;

- оиланинг иқтисодий вазифаларини амалга ошириш учун зарур шароитларни яратиш ва ривожлантириш;

- оиланинг ижтимоий-иктисодий мавқенини ошириш;

- оиланинг нормал майший ҳаёт кечириш шароитларини ва ижтимоий қўллаб-куватланишини таъминлаш<sup>2</sup>.

Бозор итқтисодиёти шароитида оила, авваламбор, инсон капиталини шакллантириш ва жамғаришнинг асосий бўғини ҳисобланади. Шу нуқтаи назардан оила-нинг вазифаларини уч босқичда, яъни моддий асосни яратиш, таълим, инсон капиталини ишлаб чиқариш ва реализация қилишда кўриш мумкин.

Биринчи босқичда, оила бюджетини шакллантириш ва ундан фойдаланиш, уй хўжалигини юритиш функциялари амалга оширилади.

Иккинчи босқичда, оила фарзандни дунёга келтириш, тарбиялаш ва уни ижтимоий-иктисодий ҳаёт кечириш шароитларига мослаштириш вазифаларини бажаради.

Учинчи босқичда, тадбиркорлик фаолияти ва меҳнат қилиш орқали оила бозор хўжалигида ўз аъзоларининг якка тартибда иштирок этиши, оилаский бизнесни ташкил этиш вазифаларини бажаради.

Барча оиласарга хос бўлган умумий вазифа уй-рўзгор хўжалигини юритишни талаб қилади ва меҳнат ресурсларини тайёрлаш билан боғлиқ бўлади. Бу хўжалик оиласанинг умумий мулки ва топган даромадига таянади.

Оила учун ташки ҳаёт кечириш муҳити сифатида қўйидагилар хизмат қилади:

- ижтимоий-сиёсий ҳаёт;
- табиат, иқлим, экология;
- маданият ва санъатнинг ривожланиши;
- таълим ва соғлиқни сақлашнинг ривожланиши, аҳолининг билим, саводхонлик даражаси;
- оила иқтисодиёти, уй-хўжалиги.

Аҳоли турмуш даражаси, оила иқтисодиётининг ривожланишини ифодалайдиган мухим тамойил ва қўрсаткичларнинг баъзилари қўйидагилардан иборат:

- кишиларнинг меҳнат ва турмуш шароитининг яхшиланиши;
- жамиятнинг интеллектуал салоҳиятидан самарали фойдаланиш;
- ишлаб чиқаришга янги техника ва технологияни жорий этиш ҳисобига меҳнатнинг ижодий характеристини ошириш;
- босқичма-босқич оқилона моддий ва маънавий эҳтиёжларнинг қондирилишига эришиш;
- аҳоли умр кечириш даражасининг ўсиши ва иқтисодий фаол аҳолининг унумли меҳнат фаолияти билан шуғулланиш даврининг узайиши.

Шуни айтиш жоизки, шахс, оила ва жамиятнинг

ўзаро муносабати инсон фаолияти учун маконни белгилаб беради. Ушбу макон эса инсон фаолияти ва хатти-харакати учун чегараларни белгилайди. Улар қуидагиларда намоён бўлади:

- инсоннинг жисмоний имкониятлари чегараси шахс ҳаётининг, мавжудлигининг жисмоний шароитларини белгилаб беради;
- иқтисодий, инсонда мавжуд моддий неъматлар қадриятлар миқдори ва инсоннинг иқтисодий соҳадаги имкониятлари билан белгиланадиган иқтисодий чегаралар;
- ижтимоий ва ҳукуқий чегаралар жамият томонидан қабул қилинган қонунлар, ҳаёт кечириш меъёrlа-ри ва қоидалари орқали белгиланади;
- мағкуравий, гоявий чегаралар инсоннинг ички эъти-коди ва ўзи учун қабул қилган гоялар билан белгиланади;
- диний чегаралар, инсон амалга оширадиган ва риоя киладиган диний қоидалар орқали белгиланади;
- маъмурий чегаралар турли маъмурий органлар томонидан ўрнатилади ва инсон ҳаёт кечириш макони чегараларини белгилаб беради;
- инсоннинг билим, ҳаётий тажрибасининг чеклан-ганлиги, ахборотларга эга эмаслиги туфайли вужудга келадиган чегаралар.

Инсоннинг ҳаёт кечириши ва фаолияти макони жамиятда демократик йўл билан конституцион нормалар доирасида кенгайтирилиб боришилиши керак. Бу маконни революцион йўл билан, ўрнатилган конституцион нормаларга зид йўллар билан ўзгартиришга уринишлар жамиятда вайронагарчилик, зўравонликларнинг вужудга келишига олиб келади. Инсон ҳаёти ва фаолияти ушбу маконда мустақилликка ва эркинликларга ҳамда жамият, давлат олдида ўз мажбуриятларига эга бўлади. Ушбу маконда инсон ҳаётий муҳим манфаатла-рига эга бўлиб, уларга нисбатан таҳдидларнинг вужудга келиши шахс хавфсизлигига путур етказади.

## **5.2. Шахснинг хаётий мухим манфаатлари ва унинг хавфсизлигига таҳдидлар**

Бозор иқтисодиётига ўтиш шароитида инсон ўз кела-жагига, ўзининг турмуш даражасининг ошиб боришига, яшаш шароитларининг яхшиланишига, тинч, хавф-хатарсиз яшашга умид қиласи Ийсоннинг эҳтиёжлари, манфаатларига салбий таъсир кўрсатадиган, уларни рӯёбга чиқаришга тўсқинлик қиласидиган омиллардан ҳимояланганлиги шахс хавфсизлиги деб аталади. Шахс хавфсизлиги ўз ичига унинг ҳаёти, саломатлиги, эркинлиги ва шахсий даҳлсизлигига, қадр-қиммати, шаъни ва обрўси, молмулкига қилинган тажовузлардан ҳимояланишни олади.

Шахс манфаатларига, хавфсизлигига таҳдидлар кўпқиррали бўлиб, улар қўйидаги гурухларга бўлинади:

- шахснинг ўз олдига нотўри мақсадларни қўйиши;
- ташқи ижтимоий тизимлар таҳдиди;
- иччи ижтимоий тизимда вужудга келадиган таҳдидлар;
- табиий тавсифдаги таҳдидлар.

Инсон хавфсизлигига таҳдидлар мамлакат ижтимоий-иқтисодий ривожланиш суръатларининг жамият эҳтиёжлари ўсишига нисбатан орқада қолиши, ҳудудлар ривожланишидаги номутаносибликнинг кучайиши, табиий ёки инсон капитал ресурсларининг етарли эмаслиги, жамиятда урбанизация жараёнларининг кучайиши, ташқи атроф-табиий мухитнинг зарарланиши ёки ёмонлашуви ҳамда маълум ижтимоий ҳаракатлар туфайли вужудга келади. Таҳдидлар, шунингдек, турли давлатлар ҳамда улар билан ҳамкорлик қилувчи сиёсий ва ижтимоий ҳамкорлик кучлари ўртасидаги низо, зиддият, қарама-қаршиликларнинг кучайиши сабабли ҳам вужудга келиши мумкин.

Таҳдидлар ичida шахсга тажовуз, зўравонлик ало-

хида хусусиятга эга. Зўравонлик маълум ижтимоий гуруҳнинг бошқасига нисбатан иқтисодий ёки сиёсий ҳукмронликни сақлаш ёки қўлга киритиш мақсадида қилинган тажовуз, мажбурлаш ҳамда жисмоний ёки психологоик таъсир этишга уриниш ҳисобланади.

Ижтимоий жиҳатдан зўравонлик инсон шахсини камситиши, дискриминация қилиш, унинг эркинлиги ва ҳуқуқларини чеклаш орқали шахснинг нормал ҳаётига таҳдид солишида намоён бўлади.

Иқтисодий соҳада инсон шахсига нисбатан тажовуз рэжетда ўз ифодасини топади. Рэжет кишининг моддий ахволига зарар келтирадиган товламачилик ҳисобланади. Унинг намоён бўлиш шакллари куйидагилардан иборат:

- шантаж, яъни хизмат қилишнинг қулай шароитларини талаб қилиб, товламачилик қилиш, яъни ўз қурбони учун нохуш ахборотни бошқаларга ошкор қилиш билан қўрқитиб, уни ҳеч кимга айтмаслик учун ҳақ талаб қилиш. Масалан, йирик миқдордаги даромадини соликдан яширганлиги тўғрисидаги маълумотни билиб қолиб, уни солик инспекциясига билдириласлик учун ўз қурбонидан ҳақ тўлашни талаб қилиш;

- инсон ҳаётига, саломатлигига, мол-мулки ва капиталига таҳдид солиши. Бунда жиноятчилар ўз қурбонларига зарар етказиши билан қўрқитиб, уларга зиён етмаслиги учун пул талаб киладилар;

- иқтисодий тероризм, шахснинг ишончига кириб олиб, турли йўллар билан қўрсатаётган хизматлари учун тўла-надиган ҳақ миқдорини ошириб бориш. Агар шахс қаршилик қилса, куч билан ёки психологоик йўл билан таҳдид солиши. Бунга шахснинг мол-мулкига эга бўлиш мақсадида қилинган тажовуз, ўғрилик, тунаш, қароқчилик қилиш, қўрқитиши, таҳдид солиши ва бошқалар киради.

Шахсга нисбатан жиноий мазмунга эга бўлган таҳдид-

**ларнинг янги шакллари қўйидагиларда намоён бўлади:**

- маълум ҳақ эвазига буюртма асосида шахсни ўлдириш, кўрқитиш, зўравонлик қилиш. Бунда шахсга нисбатан қурол-яроғ, портловчи қурилмалар, радиоактив моддалар ишлатишга ҳаракат қилинади;

- бойиш мақсадида иқтисодий ташкилий жиноятчилик билан ҳамкорлик қилиш;

- товламачилик мақсадида одамларни ўғирлаш;

- миллат ажратиш негизида шахсга нисбатан жиноят содир этиш.

Кишиларни юқорида келтирилган тажовуз ва таҳдидлардан ҳимоя қилиш мақсадида ҳуқук-тартибот органлари фаолиятини кучайтириш ва такомиллаштириб бориш лозим бўлади. Шунингдек, мамлакатда турли хусусий қўриқчи ташкилотлар, фирмалар вужудга келиб, улар йирик ташкилот, муассаса ва корхоналарни маълум ҳақ эвазига қўриқлашни ўз зиммаларига олмоқдалар. Шунингдек, хусусий детектив ташкилотлар ҳам фаолият юритмокда. Эндиликда "Хусусий детективлар ва қўриқчилик фаолияти тўғрисида"ги қонунни ишлаб чиқиш ва қабул қилиш лозим бўлади.

Шахс билан боғлиқ таҳдидлар ичida ижтимоий таҳдидларни ҳам таъкидлаб ўтиш лозим бўлади. Уларга қўйидагилар киради:

- Ишсизлик. Ишсизлик келиб чиқишининг уч хил сабаби ва шакли мавжуд. **Фрикцион ишсизлик** - кишининг бирон жойга кўчиши, юқори ҳақ тўланадиган, меҳнат шароитлари яхши бўлган бошқа ишга ўтиши ёки бошқа сабабларга кўра вақтинча ишсиз қолиши. Бундай ишсизлик кўпгина холларда ихтиёрий бўлади. Бундай ишсизликка ўқишини битириб, биринчи марта иш ахтараётганлар ҳам киради. **Таркибий (структуравий) ишсизлик.** Иқтисодиётда содир бўлаётган тарки-

бий ўзгаришлар натижасида, маълум касбдаги ходимларга талаб камаяди ёки бу касб-корлар йўқ бўлиб кетганлиги учун уларга талаб бўлмайди. Ушбу икки ишсизлик шакли табиий бўлиб, уларнинг даражалари табиий ишсизлик даражаси ҳисобланади. Циклик ишсизлик эса иқтисодиётдаги циклик тебранишлар, кризис ва тантлиқ, турғунлик ҳолатларининг кучайиши туфайли вужудга келади;

- камбағал бўлиб қолиш - шахс ва оила иқтисодий ахволининг ёмонлашуви, унинг ишсиз бўлиб қолганлиги, узоқ вақт иш топа олмаслиги ёки билим, касб-малака даражасининг пастлиги туфайли кам ҳақ тўланадиган ишларда ишлаганлиги сабабли, рақобат қурашида синиш, касод бўлиш, даромади кам бўла туриб, болалари кўп бўлиши, қариганлиги ва турли касаллiliklar, травмалар сабабли меҳнат қобилиятини йўқотганлиги, бокувчисидан айрилиб қолиш, омадсизлик туфайли содир бўлади.

Ишсизлик, кам таъминланган ва камбағал аҳоли қатламларининг купайиши жамиятда ижтимоий бекарорликнинг вужудга келишига сабаб бўлиши мумкин. Шу туфайли давлат янги иш жойларини яратиш, рафтаблантириш, меҳнат биржалари орқали ишсизларни ишга жойлаштириш, янги касбларга ўқитиш, малакасини ошириш, ҳақ тўланадиган жамоатчилик ишларига жалб этиш, ишсизлик нафақаси тайинлаш орқали ишсизликни камайтиришга ҳаракат қиласи.

Бу ерда шуни айтиб ўтиш жоизки, бозор иқтисодиёти шароитида ишсизликнинг, камбағалларнинг бўлиши, аҳолининг даромадлари бўйича юқори, ўрта ва кам даромадли ижтимоий табакаларга бўлинishi табиий ҳол. Бу ҳол ўз-ўзича ижтимоий хавф туғдирмайди. Ижтимоий хавф энг юқори даромадли аҳоли билан энг паст

даромадли аҳоли гурухи даромадлари ўртасида ҳаддан ташқари катта фарқ вужудга келгандагина юзага кела-ди. Бунинг натижасида ижтимоий ларзалар вужудга келиш эҳтимоли мавжуд бўлади. Шунинг учун давлат аҳолининг тадбиркорлик фаолсизлигини рағбатлантириш ва кам таъминланган аҳолини ижтимоий ҳимоялаш орқали ушбу ижтимоий ҳавф-хатар, таҳдиднинг олдини олишга ҳаракат қиласди.

### **5.3. Шахснинг ижтимоий-иктисодий ҳавфсизлигини таъминлаш йўллари ва воситалари**

Шахс манфаатлари ва ҳавфсизлигига таҳдидлар кучайган шароитда инсонда фаоллик, бағрикенглик (толерантлик), чидамлилик каби сифатлар мужассам бўлмоғи лозим.

Фаоллик инсоннинг ўз мақсади йўлида юқори энергия, шиҷоат, жўшкинлик билан фаолият кўрсатишга шайлигидир. Бу ҳол шахснинг маълум билим, касб-малакага, маҳоратга эга бўлиб, ўзгарувчан вазиятларда ҳам ўзига муносаб ўринни эркин эгаллашга, юқори натижа ва самара билан ишлашга имкон беради. Бундай киши рақобатбардош, иктиносий жиҳатдан мустақил бўлиб, ўзининг меҳнати, маҳорати, ишбилармонлиги туфайли кўпгина эҳтиёжларини қондира олади.

Фаол инсон таваккалчилик билан иш юритиб, ўзи учун ҳавфли, таҳликали холатлардан чиқиб олиш имкониятига кўпроқ эга бўлади.

Фаоллик туфайли инсон муаммоларни ҳал қилишининг самарали воситаларини излаб топиш ноанъанавий усуслар ва воситаларни қўллаш эвазига катта, жиддий ижобий натижаларни қўлга киритиш имкониятига эга бўлади.

Бағрикенглик – инсоннинг ахлоқий-психологик хусусияти бўлиб, ўзига ёт бўлган ғоя, одат, жатти-жарақатларга бағрикенглик билан қарайди, уларни йўқ қилишга интилмайди.

Чидам – инсонга салбий таъсир этадиган ижтимоий, руҳий, иқтисодий ҳолатларга бардошлилик, уларни қабул қилиш чегараси бўлиб, бу чегарадан ташқарида шахс ўзининг барқарорлигини сақлаб қолиши учун кутилмаган тезкор ҳаракатлар қилиши мумкин бўлади.

Жамиятда мафкуравий, ғоявий, сиёсий ва иқтисодий плюрализмнинг ривожланиши, сўз эркинлигининг кентайиши кишиларда ижтимоий назарияларга ва жатти-ҳаракатларга нисбатан бағрикенглик билан муносабатда бўлишни талаб этади. Шу боисдан, Ўзбекистонда ижтимоий-сиёсий, иқтисодий ҳаётни, давлат қурилишини эркинлаштиришга қаратилган ижтимоий-сиёсий, иқтисодий ислоҳотлар амалга оширилмоқда.

Мамлакатда кам таъминланган аҳоли гурӯҳларини аниқ йўналтирилган ижтимоий ҳимоялаш тизими ning кўлами ва самарадорлигининг ўсиши, унда халқ томонидан анъана сифатида қабул қилинган адолат тамойилларига қатъий риоя этилиши натижасида аҳолининг ўз ижтимоий-иқтисодий аҳволига чидамлилигини янада ошириш имкониятини беради.

Ўзбекистонда иқтисодий ўсишга эришилган ЯИМ-нинг йиллик ўсиш суръати 1996 йилда 1,7 фоизни, 2000 йилда 4,2 фоизни ташкил этган бўлса, 2004 йилда 7,7 фоизни ташкил этди. Аҳолининг реал даромадлари шу йили 15 фоизга ўсади. Аҳолининг турмуш шароитларини яхшилаш учун уни тоза ичимлик суви, газ билан таъминлаш, уй-жой қурилиши дастурлари амалга оширилмоқда. Шу боисдан, аҳолининг уй-жой билан таъминланиши бир кишига 1991 йилда  $12,2 \text{ м}^2$ дан 2004 йил-

да 14,4 м<sup>2</sup>га ўсди. Ичимлик суви билан таъминланиш даражаси шу даврда 56,4 фоиздан 81,8 фоизга, табиий газ билан таъминланганлик даражаси 46,2 фоиздан 80,2 фоизга ўсди. Таълим соҳасида амалга оширилаётган ислоҳотлар туфайли таълим муддати 10,9 йилдан 11,5 йилга, катта ёшдаги аҳолининг саводхонлик даражаси 97,7 фоиздан 99,2 фоизга ўсди. 2004 йилда 1996 йилга нисбатан иқтисодиётда банд бўлган кишилар сони 15,5 фоизга ўсди. Ваҳоланки, 1991-1995 йилларда бу ўсиш атиги 2,7 фоизни ташкил этган эди. Соғлиқни сақлаш соҳасида кўрилаётган чора-тадбирлар оқибатида оналик ва болаликни ҳимоя қилиш кучайди ҳамда улар ўртасида ги ўлим ҳолатлари сезиларли даражада камайди. Кам таъминланган аҳолини аниқ манзилли ижтимоий ҳимоялаш самарадорлиги ошиб бормоқда. Ушбу амалга оширилаётган ижобий ишлар самарааси туфайли инсон учун ззгу ният бўлган, узоқ умр кўриш, яъни ўртача умр кўриш даражаси 1991 йилдаги 69,3 ёшдан 2004 йилда 71,6 ёшга узайди<sup>3</sup>. Таққослаш учун шуни айтиш мумкинки, аҳолининг ўртача умр кўриш кўрсаткичи Болгарияда 70,9 ёш, Белорусда 69,9 ёш, Украинада 69,5 ёш, Россияда 66,7 ёш, Қозогистонда 66,2 ёш, Қирғизистонда 68,4 ёш, Мисрда 68,6 ёш, Ҳиндистонда 63,7 ёш, Жанубий Африка Республикасида 48,8 ёшни ташкил этади<sup>4</sup>.

Шунинг учун ҳам республикамизда аҳолининг ҳукумат органларига, мамлакатимизда амалга оширилаётган ислоҳотларнинг муваффақиятига ишончи юқоридир. Аҳоли ўз келажаги, истиқболда ўзининг ижтимоий-иктисодий аҳволининг яхшиланишига, турмуш даражасининг ошиб боришига ишонч билан қарамоқда. Шунинг учун ақидапараст террорчилар ва айрим сиёсий кучларнинг мамлакатда ижтимоий лар-

залар ва портлашларни уютиришга бўлган уринишлиари бехудадир.

Шахснинг хавфсизлиги ҳозирги даврда қуидагилар билан тавсифланади:

- аҳолининг меҳнат ва тадбиркорлик фаоллиги;
- меҳнат унумдорлиги ва ишлаб чиқариш самародорлигининг ўсиши, иқтисодий ўсишга эришиш;
- тиббий хизмат сифатининг яхшиланиши;
- меҳнатга лаёқатли аҳолининг иш билан бандлигининг ошиши ва ишсизликнинг камайиши;
- аҳоли даромадлари ва истеъмоли ўртача даромад даражасининг ўсиши;
- кишиларнинг билим, қасб-малака ва маданият даражасининг ўсиши;
- маънавиятнинг ривожланиши;
- фаннинг ривожланиш даражаси;
- камбағаллик ва қашшоқликнинг камайиши;
- аҳоли ўлим даражасининг камайиши;
- аҳоли ўртача умр кўриш даражасининг ўсиши.

Давлат шахс хавфсизлигини таъминлаш учун жамиятда ижтимоий беқарорликни вужудга келтириши мумкин бўлган қуидаги кўрсаткичларни таҳлил қилиб бориши керак бўлади:

- жамиятда аҳолининг тор доирада ниҳоятда бойбадавлат ва келажагига ишончини йўқотган ниҳоятда камбағал кишиларга ажралиши, уларнинг даромадлари ўртасидаги фарқнинг катталашиб бориши;
- ижтимоий низоларни келтириб чиқариши мумкин бўлган даражада ишсизликнинг ўсиши;
- аҳоли турмуш даражасининг камбағаллик ва қашшоқлик муаммосини келтириб чиқариши мумкин бўлган даражада кескин пасайиб кетиши;
- шаҳарларда кишлоқлардагига нисбатан камбағал

кишиларнинг купайиши, наркомания, фоҳишиалик, уюшган жиноягчиликнинг ўсишига шароитнинг вужудга келишининг олдини олиш;

- жамият ва хўжалик фаолиятида коррупция ҳамда криминалликнинг ўсиши.

Давлат ижтимоий ахволни баҳолашда ва прогнозлаштиришда ҳамда иқтисодий ва ижтимоий сиёсатга тузатишлар киритиш мақсадида қуидагиларга ҳам эътибор қаратиши лозим:

- ҳокимият органларида жамиятни ижтимоий ривожлантиришнинг йўллари, кутилаётган натижалари тўғрисида аниқ тасаввурнинг шаклланганлиги;

- аҳолининг турли ижтимоий гуруҳ ва табақаларининг ахлоқий-психологик ҳолати мезонлари ва меъёрлари (нормалари);

- ижтимоий барқарорлик ва унга таъсир этувчи омиллар тавсифи;

- давлат бошқаруви органлари ва жамоат ташкилотлари ҳамда уларнинг раҳбарлари фаолиятини ахлоқий нуқтаи назардан баҳолаш.

Шахснинг иқтисодий ҳавфсизлигини таҳлил қилишда инсон капитали, меҳнат салоҳияти, турмуш даражаси ва сифати, ижтимоий барқарорлиги баҳоланиши керак. Шунингдек, шахснинг оиласи ҳавфсизлигини таҳлил қилинади.

Фан-техника таракқиёти шароитида инсоннинг интеллектуал мулки ва унга бўлган ҳукуқи ҳам ҳимоя қилиниши лозим. Чунки шахснинг интеллектуал мулкига ва унга бўлган ҳукуқига қилинган тажовуз, таҳдид шахс ҳавфсизлигига путур етказади.

Кишиларнинг интеллектуал мулк объектлари тар-

кибига ноу-хау; маълумотлар базаси ва электрон хисоблаш машиналари дастурлари (уларни расмий рўйхатга олинганилиги тўғрисида далолатнома берилади); саноат мулки, фойдали моделлар, ихтиrolар, саноат намуналари (уларга патентлар берилади), товар белгилари киради. Интеллектуал мулк объектлари қонунлар ҳамда патент идоралари томонидан ҳимоя қилинади.

Шахс хавфсизлиги қўйидаги шароитлар мавжуд бўлганида реал воқеиликка айланади:

- жамият, табиат ва ўзига-ўзи зиён етказмайдиган инсонлар типининг оммавий тарзда шаклланиши;
- ҳар бир фуқарони халқ тинчлиги, уни қуролли тўқнашувлардан ва турли хавф-хатарлардан сақлаш учун курашга жалб этиш; унинг фаолиятини, инсоният, жамият, халқ манфаатларига йўналтириш;
- ҳар бир оилани жисмоний ва маънавий жиҳатдан ривожлантириш учун моддий маблағ ҳамда бўш вақтининг етарли бўлишига эришиш;
- халқнинг кучли, адолатли, хуқукий демократик жамият қуришга бўлган хоҳиш-иродасини мустаҳкамлаш;
- жамиятда инсонни ҳурмат қилиш ва соғлом турмуш тарзига асосланган муҳитни шакллантириш;
- жамият ва жаҳон тинчлигини сақлашга бўлган хоҳиш-ирода ҳамда интилишнинг ҳар бир шахс турмуш тарзининг ажралмас кисмига айланиши<sup>6</sup>.

Шахснинг хавфсизлигини таъминлашда давлатнинг ижтимоий сиёсати муҳим ўрин тутади. Ўзбекистон Республикаси Президенти И.А.Каримов “...ижтимоий сиёсат, уни амалга ошириш механизмлари одамларнинг меҳнатдаги фаоллигини ва тадбиркорлигини ўстириш учун шарт-шароитлар яратилиши даркор”<sup>6</sup>, - деб таъкидлаб, бу борадаги вазифаларни белгилаб берган.

Ўтиш даврида Ўзбекистонда ушбу вазифаларни амал-

га ошириш мақсадида давлатнинг ижтимоий сиёсати қуидагиларга қаратилган:

- фуқароларнинг эркин иқтисодий фаолият, тадбиркорлик ва меҳнат, касб-корлик турлари ҳамда соҳаларини эркин танлаш каби конституциявий ҳуқуқларини таъминлаш;

- меҳнат мотивациясининг кучли механизмини кўллаш, ахолининг иқтисодий фаоллигини ошириш учун шароитлар яратиш;

- ахолини мақсадли ва манзилли ижтимоий ҳимоя қилиш ҳамда кам таъминланган гуруҳларни давлат томонидан қўллаб-қувватлаш;

- таълим, ижтимоий сугурта, соғлиқни сақлаш тизимларини ислоҳ қилиш йўли билан ахолининг ижтимоий хизматларга бўлган зарур кафолатини таъминлаш<sup>1</sup>. Шунингдек, давлат ижтимоий сиёсати ахолининг даромад ва мулкка эгалик даражаси бўйича кескин табакалашувининг олдини олиш ҳамда ахолининг тўлов талабларини кенг микдорда қондириш ва унинг ўсишини таъмилаш чора-тадбирларини амалга оширади.

Давлат ижтимоий сиёсатида ахолини ижтимоий ҳимоялаш мухим ўрин тутади. Давлатнинг бу соҳадаги сиёсатининг устувор йўналишлари қуидагилардан иборат:

- давлат ижтимоий истеъмол фондларини ташкил этиш ва улардан жамиятнинг ҳар бир аъзоси фойдаланишини кафолатлайдиган қонунларни қабул қилиш;

- давлатнинг марказлашган ижтимоий сугурта фондини ташкил этиш; .

- кўрсатилган хизматлар ва самарали меҳнатлари учун давлат томонидан бериладиган имтиёзлар;

- иш ҳақи ва пенсия энг кам микдорининг давлат томонидан кафолатланиши;

- кўп болали оиласаларга тўланадиган нафакалар;

- кам таъминланган аҳоли табақаларига моддий ёрдам кўрсатиш;
- болалиқдан ногирон ва бошқа меҳнат қобилиятини йўқотганларни ижтимоий қўллаб-қувватлаш;
- талабалар учун тўланадиган давлат стипендиялари;
- ишсизлик нафақаси;
- энг муҳим озиқ-овқат маҳсулотлари турларининг белгиланган нархларда сотилишини таъминлаш;
- ижтимоий аҳамиятта эга бўлган хизматлар баҳосидаги фарқларни бюджет ҳисобидан қоплаш.
- ижтимоий соҳанинг энг муҳим тармоқлари (соғлиқни сақлаш, таълим, жисмоний тарбия, спорт ва маданият) моддий базасини қўллаб-қувватлаш ва мустаҳкамлаш.

Хар бир шахс, фуқаро хавфсизлигини таъминлашда фуқаронинг ўзи, у ишлайдиган меҳнат жамоаси, давлат, жамоат ташкилотларининг ижтимоий ҳамкорликдаги фаолияти талаб этилади.

## **Асосий таянч тушунчалар**

Шахс, шахс эркинликлари, шахснинг мустакиллиги, шахснинг эҳтиёjlари, шахснинг манфаатлари, шахс манфаатларига иқтисодий таҳдидлар, иқтисодий шантаж ва террор, ишсизлик, камбағаллик, ижтимоий сиёsat.

## **Такрорлаш учун саволлар**

1. Ҳозирги замон шароитида шахснинг қандай салоҳияти ва имкониятлари мавжуд?

2. Шахснинг иқтисодий эркинликлари нималарда намоён бўлади?
3. Шахс билан давлат ўртасидаги ўзаро боғлиқлик ва алоқадорлик нималарда намоён бўлади? Бу боғлиқликнинг қандай чегаралари бор?
4. Шахснинг ҳаётий манфаатларига қандай иқтисодий таҳдидлар хавф солади?
5. Шахснинг иқтисодий хавфсизлиги деганда нимани тушунасиз?
6. Шахснинг иқтисодий хавфсизлигини қандай таъминлаш мумкин?
7. Шахснинг иқтисодий жиҳатдан ҳимояланишини давлат қандай таъминлайди?
8. Шахсга нисбатан иқтисодий шантаж ва терроризмга карши қандай чоралар кўриш мумкин?

---

<sup>1</sup> Абулқосимов Х.П. Шакланаёттан бозор иқтисодиётида инсон омили ва уни фаоллаштириш йўллари. –Т., ТМИ нашриёти, 2005. 8-б.

<sup>2</sup> Абулқосимов Х.П., Холмуратова Г.П., Жуманиёзова М. Ўзбекистонда хотин-кизларниг ижтимоий-иктисодий ахволини исчилаш масалалари. –Т., ТМИ, 2004. 7-8-б.

<sup>3</sup> Ўзбекистон Республикаси Иқтисодиёт вазирлиги ва Давлат статистика қўмитаси маълумотлари.

<sup>4</sup> Статкомитет СНГ маълумотлари.

<sup>5</sup> Экономическая безопасность хозяйственных систем. Учебник – М., РАГС, 2001. с.245.

<sup>6</sup> Каримов И.А. Ўзбекистон буюк келажак сари. – Т., Ўзбекистон, 1998. 595-б.

<sup>7</sup> Абулқосимов Х.П. Шакланаёттан бозор иқтисодиётида инсон омили ва уни фаоллаштириш йўллари. – Т., ТМИ, 2005. 182-б.

## **6-боб. Корхона (фирма)нинг иқтисодий хавфсизлигини таъминлаш**

### **6.1. Корхонанинг иқтисодий манфаатлари ва фаолияти коидалари**

Бозор иқтисодиёти шароитида корхона ягона миллий иқтисодиётнинг узвий таркибий қисми ва айни пайтда иқтисодий жиҳатдан мустақил бўғини ҳисобланади. Корхона ўзини ўзи бошқарувчи, харажатдарини ўзи коплаши асосида, фойда (даромад) олиш мақсадида фаолият юритадиган бирламчи хўжалик субъектидир.

Корхоналар ишлаб чиқариш, савдо, тижорат-воситачилик, транспорт, суфурта, банк, инжиниринг, молиявий-инвестиция, илмий-тадқиқот, инновация ва турли хизмат кўрсатиш соҳаларида фаолият кўрсатади. Иқтисодиёт тармоқларида фаолият турлари хилмажил бўлган корхоналар мавжуд бўлиб, улар монотармоқ (якка тармоқ) ёки диверсификациялашган корхона шаклларида намоён бўлади. Монотармоқ корхоналарига саноат, қишлоқ хўжалиги ва бошқа тармоқларга тегишли корхоналар киради.

Диверсификациялашган корхоналар икки турга бўлинади. Биринчи тур корхоналар кўп тармоқли ва фаолият соҳалари хилмажил бўлиб, улар бирор-бир иқтисодиёт тармоғида устувор фаолият кўрсатувчи корхона атрофида жипслашадилар. Етакчи тармоқдаги фаолият соҳасига бошқа соҳалар технологик жиҳатдан болжик бўлади.

Диверсификациялашган корхоналарнинг иккинчи тури бирлашма (ёки конгломерат) деб аталади. Унинг асосида устувор тармоқ ёки устувор соҳа мавжуд эмас.

Шунингдек, унга бириккан корхоналар бир-бирлари билан технологик жиҳатдан боғлиқ бўлмайди.

Корхоналар ҳудудий жиҳатдан миллий ва трансмиллий ҳамда халқаро компанияларга бўлинади. Миллий корхона мамлакат доирасида амал қиласди. Трансмиллий компания чет элларда ўз филиалларига эга бўлган корхоналардир. Халқаро корхоналар эса бир неча мамлакатлар миллий компанияларининг бирикишидан ҳосил бўлади. Бунинг натижасида қўшимча корхоналар вужудга келади.<sup>1</sup>

Корхона (фирма) фаолиятининг асосий мақсади фойда (даромад) олиш хисобланади. Шунингдек, корхона ўз олдига ишлаб чиқаришни кенгайтириш, персоналнинг касбий маҳоратини ошириш, фан-техника тараққиёти ютуқлари асосида меҳнатни ташкил этишини такомиллаштириш, ишлаб чиқарилаётган ва таклиф этилаётган маҳсулотнинг истеъмолчиларини, мижозларини ва инсофли шерик, ҳамкорларнинг сонини кўпайтиришни ҳам мақсад килиб олади.

Маълумки, маҳсулотни ишлаб чиқариш жараёнида хўжалик субъектлари ва технологик жараён бўғинлари ўртасидаги ўзаро алоқадорлик вужудга келади. Улар ўртасидаги ўзаро муносабатларда ҳуқук ва масъулият - ларнинг ўзгариши иқтисодиётнинг барча даражаларида, хўжалик соҳаларида савдо-истеъмол шароитларининг тубдан ўзгаришига, рақобат мухитининг кучайишига олиб келди. Шу боисдан корхоналар ўзларининг иқтисодий келажаги учун қайфуриб, кенгайтирилган такрор ишлаб чиқаришни таъминлаш, фан-техника тараққиёти ва инвестицион фаолликни рагбатлантиришга эътиборни кучайтирадилар. Буларнинг мақсадли йўналишлари эндиликда миллий товар ишлаб чиқарувчилар манфаатини ҳимоя қилиш, яъни уларнинг иқтисо-

дий хавфсизлигини таъминлаш зарурати билан уйғунашып кетади.

Бозор муносабатлари шароитида корхона, ташкилот ва муассасалар иқтисодий жиҳатдан хўжалик субъектлари сифатида муваффақиятли фаолият юритишлари уларнинг иқтисодий манфаатлари қай даражада қондирилгани билан боғлик бўлади.

Корхонанинг муҳим иқтисодий манфаатлари ичига истеъмолчилар талаблари ва ички омилларга боғлик ҳолда вужудга келадиган кутилмаган вазиятларга мослашиш қобилияти киради.

Корхона ўзининг фойда олиш мақсадини амалга ошириши учун мунтазам равишда маҳсулот ишлаб чиқариш ва хизмат кўрсатиш технологиясини такомиллаштиришга, маҳсулотларнинг истеъмол ҳусусиятларини оширишга, уларни сотиш жараёнларига кўпроқ эътиборни картишга мажбур бўлади. Шунингдек, ундан айланма маблаглар ҳаракатини тезлаштириш, барча турдаги захираларни камайтириш, реклама, ҳамкорлар билан иккита томонлама шартномалар тузиш, келишув мажбуриятларига риоя этиш талаб этилади. Маҳсулотни реализация қилиш ва хизмат кўрсатиш жараёнида корхонанинг иқтисодий манфаатлари рўёбга чиқади.

Рақобат қураши шароитида корхона бозордаги ўзгарувчан вазиятларга мослаша билиши, ўзининг ва потенциал рақобатчиларининг иқтисодий салоҳиятини, ривожланиш истиқболлари, молиявий имкониятлари, маҳсулот сотиш ва моддий ресурслар билан таъминлаш даражаларини баҳолай билиши керак бўлади.

Иқтисодий манфаатлар корхонанинг баркарор, ишончли, молиявий-иктисодий жиҳатдан самарали фаолият юритиши, персоналнинг шахсий хавфсизлиги ва фаоллигини ошириш, етарли даражада молдий, информацион

ва интеллектуал салохиятга эга бўлишга интилишидан ҳам юзага келади.

«Иқтисодий назария» фанида хўжалик субъектлари фаолияти тўғрисида бир қанча концепциялар илмий жиҳатдан асосланган. Уларда корхона иқтисодий манфаатларини рўёбга чиқариш билан боғлиқ фаолият, хатти-ҳаракатларнинг хусусиятлари ёритилган.<sup>2</sup>

Анъанавий фирма назариясига кўра корхонанинг ятона иқтисодий манфаати фойдани максималлаштиришга қаратилади. Менежериал назариясига кўра фирманинг фаолиятини унинг эгалари эмас, балки менежерлари белгилаб беради. Уларнинг иқтисодий манфаатлари ишлаб чиқариш ва маҳсулотлар сотиш ҳажмини ҳамда даромадни максималлаштириш хисобланади. Фирма киска муддатли даврда товар сотиш ҳажмини максималлаштиришга, узок муддатли даврда эса фойдани максималлаштиришга ҳаракат килади.<sup>3</sup>

Фирма эгалари капитални ўстириш, шахсан бойиши хоҳлайдилар. Бундай хоҳиши чексиз бўлиб, менежерлар иш ҳақлари, обрў-эътибори, фирмадаги ўз мавқени ўстиришни истайдилар.

Кўп мақсадлар концепциясига кўра фирма бир неча мақсадни, яъни фойда, сотиш ҳажмини ошириш, иқтисодий ўсиш ва бошқаларни кўзлади.

Мураккаб корпоратив тизимга, тузилишга эга бўлган замонавий фирмада иерархияга мос равишда турли субъектларнинг манфаатлари ва мақсадлари иерархияси ҳам мавжуд бўлади. Фирма олий раҳбариятининг манфаати фирманинг нуфузини ошириш, унинг ишлаб чиқариш кўрсаткичларини яхшилаш ҳамда барқарорлигини таъминлаш билан боғлиқдир. Менежерларнинг мақсади эса ўз мансабини ошириш ҳамда юкори даромадга эга бўлишдан иборат. Акционерларнинг манфа-

ати юқори дивиденд олиш билан изоҳланади. Ёлланма ишчи ва хизматчилар эса юқори иш ҳақи олиш, меҳнат шароитларини яхшилаш, малакасини оширишни ўз олдига мақсад қилиб қўяди.

Технологик ёндашув концепциясига мувофиқ белгиланган техника ва технологиянинг ривожланиш даржаси, ишлаб чиқариш омиллари комбинациялашувининг барча вариантиларида маҳсулотлар ишлаб чиқаришнинг максимал ҳажмини ифодаловчи функцияни аниқлашнинг имконияти ҳамма вақт мавжуд деган тасаввур ётади.<sup>4</sup>

Институционал ёндашувга кўра фирмани ўрганишнинг асосий муаммоси фойданни максималлаштириш эмас, балки фирманинг вужудга келиши, унинг ривожланиш қонуниятлари ва пировард натижада ўқ бўлиб кетиши сабабини тушунтириб беришдан иборатдир. Фирмани ташкил этиш жараёнида тадбиркорлар ҳаражатларни камайтириш мақсадида ўз ҳаракатларини мувофиқлаштиришга интиладилар. Р. Коуз фирмани тадбиркорга бўлган ресурсларни йўналтиришга қаратилган муносабатлар тизими деб таърифлайди.<sup>5</sup>

Неоинституционал фирма концепциясида “принципал – агент” муаммоси кўрилади. Принципал – бу ресурснинг, мулкнинг эгаси. Агент эса ресурсларни фойдаланиш ҳукукига эга бўлган субъектдир. Принципал, яъни корхона эгаси кўп ахборётларга эга бўлмайди ва агент, яъни менежернинг фаолиятини тўлиқ назорат қила олмайди. Назоратдан четда қолган агент (менежер) эса ўзбошимчалик қилиши, ўз эгасига кўра оппортунистик ҳолатта ўтиши мумкин. Бу ерда энг муҳим масала улар ўртасида келишувчилик, манфаатлар уйғунлигини вужудга келтиришдир. Корхона ноаниқликлар шароитида ишлаб чиқаришнинг энг яхши, қулай

усулини топишга қаратилған фаолият юритишига интилади. Бунда фирма бошқарувчилари трансакцион қаржатларни камайтириб, фирма учун энг қулай иш юритиш шароитларини яратишига ҳаракат қиласылады.<sup>6</sup>

Ушбу концепциялар асосида корхонани вакт ва маңданда маҳсулот ишлаб чиқариш, сотиш ҳамда ресурсларни тақрор ишлаб чиқариш жараёнларини ўзиди мужассамлаштирган ижтимоий-иктисодий тизим деб қарашга имкон берувчи омиллар ётади.

Корхонани бошқариш мақсади хўжалик фаолиятининг асосий манфаатларидан келиб чиқади. Бунда корхона ўз ходимларининг моддий ва интеллектуал ахволига салбий таъсир кўрсатувчи ички ва ташки таҳдидларни бартараф этиш, ривожланишининг салбий тенденцияларига барҳам бериш, иктиносидий хавфсизликни таъминлашга ҳаракат қиласи. Бу мақсадларга эришиш учун қуийдаги вазифалар бажарилиши лозим:

- хўжалик субъектларининг давлат, нодавлат ташкилотлари, мамлакат ичидаги ва хориждаги ҳамкорлар ҳамда рақобатчилари билан бўладиган ўзаро муносабатларда қонун билан белгиланган ҳуқуқларини ҳимоя килиш;

- корхонанинг моддий ва молиявий базасини сақлаш ва кўпайтириш, меҳнат жамоасининг, тадбиркорнинг ижтимоий эҳтиёжларини қондиришга йўналтирилган ресурслардан самарали фойдаланиш;

- маҳсулот ва кўрсатилаётган хизматларнинг рақобат-бардошлигини ошириш, ички ва ташки бозорларда уларни сотиш учун қулай бозор конъюнктурасини яратиш;

- хўжалик тузилмалари фаолиятининг ички ва ташки ташкилий барқарорлигига, иктиносидий алоқаларнинг ишончлилигига эришиш ва тасодифий, ноинсоф, виж-дансиз ҳамкор ва шерикларга қарам бўлиб қолишдан сақланиш;

- хўжалик тузилмалари фаолиятини тўлиқ, аник

ахборотлар билан таъминлаш, ишлаб чиқариш ва тижорат сирларини ҳамда интеллектуал мулкка бўлган ҳуқуқни сақлаш;

- реклама ахборотидан фойдаланиш самарадорлиги ва корхона нуфузини ошириш.

Ушбу мақсадларни амалга ошириш учун уларга хавф соладиган таҳдидларни аниқлаш ва уларни бартараф этишга интилиш корхона фаолиятининг муҳим таркибий қисми ҳисобланади.

## 6.2. Корхонанинг иқтисодий манфаатлари ва хавфсизлигига таҳдидлар

Корхонанинг иқтисодий манфаатлари, турли эҳтиёжлар мавжуд шароитда талабни қондириш, яшаш ва ривожланиш учун рақобат кураши кучайган шароитда ҳимоя қилинади.

Тадбиркор фаолиятининг муваффақияти қуидагиларга:

- бозор конъюктурасини билиш;
- унга наф келтирадиган, бозор талабларидан келиб чиқадиган қимматли ахборотлардан фойдаланиш;
- ўзининг ишлаб чиқариш сирларини сақлаш;
- интеллектуал салоҳияти ва технологияси;
- рақобатчининг режаси ва технологик сири тўғрисидаги ахборотга эга бўлишига боғлиқдир.

Корхона (фирма)нинг иқтисодий хавфсизлиги – маъмурият ва персонал томонидан амалга оширилган ҳуқуқий, ташкилий-иктисодий ва инженер-техник чоратадбирлар тизими туфайли вужудга келтирилган ҳаётий муҳим иқтисодий манфаатларнинг ички ва ташки хавфхатарлардан ҳимояланганлик ҳолатидир.

Корхона турли йўналишдаги иқтисодий хавфсизлик

стратегияларини ишлаб чиқади. Уларнинг муҳимлари қўйидагилардан иборат:

- мавжуд ёки вужудга келиши мумкин бўлган Иқтисодий таҳдидларни бартараф этиш ёки олдини олишга йўналтирилган, масалан, ахборот оқимларига;
- хавфсизлик объектларига нохуш, салбий таъсирларни чекловчи, масалан, тижорат сирита эга маълумотлар;
- рискларни ҳисобга олган ҳолда инновацион ва инвестицион сиёсатларни амалга ошириш оқибатида корхонага етказилган зарар ёки йўқотишларнинг ўрнини қоплашга, уларни тиклашга қаратилган хавфсизлик стратегиялари.

Корхона иқтисодий хавфсизлигига таҳдидлар ичida энг муҳимларидан бири иқтисодий шпионаж ва разведка ҳисобланади. Мутахассисларнинг ҳисоботларига кўра, АҚШда ҳар йили ҳусусий фирмалар иқтисодий разведка мақсадлари учун 1,5 млрд. доллардан ортиқ маблағ сарфлайдилар. Япония корпорациялари эса шпионаж орқали бошқа мамлакатларнинг техника ютуқлари тўғрисидаги ахборотларнинг 40 фоизига эга бўлишади.<sup>7</sup> Ушбу йўл билан ракиблар бир-бирларининг бозор стратегиялари, битим (контракт)лар, ишлаб чиқарин реjalari тўғрисидаги маълумотларни яширинча олишга харакат қиласидилар. Яширин тарзда сакланётган маълумотларни, ҳужжатларни ўғирлаш, нусха кўчириш, алоқа каналларини яширинча эшлиши, тегишли ходимларни сотиб олиш, уларга таҳдид қилиш, компьютер, электрон ҳисоблаш техникиаси тармоғига кириш ва бошқа усусларни қўллаш йўли билан иқтисодий шпионлик фаолиятини амалга оширадилар.<sup>8</sup>

Тадбиркорлар тижорат сирларини саноат шпионажидан, ошкора бўлишдан ҳимоялаш учун қуйидагиларни амалга оширадилар:

- илмий-техникавий янгилик ва ахборотларни химоя қилиш учун уларни патентлаштириш, муаллифлик ҳуқукини олиш, тижорат сири ҳисобланган маълумотларни аниқлаш;

- ҳужжатлар билан ишлайдиган ходимларни аниқлаш, рўйхатини тузиш, уларнинг фаолиятини мунтазам назорат қилиш, ахборот ва маълумотлар билан ишлаш тартибини белгилаш ҳамда унинг устидан назорат ўрнатиш;

- тижорат маълумотлари ва ахборотларини маҳсус ҳисобга олиш, уларни сақлаш тартибини ўрнатиш, назорат остида кўпайтириш ҳамда маҳсус шахслар кузатувида ҳужжатларни йўқ қилиш;

- ходимларни ҳужжатлар билан ишлаш ва уларни химоялаш бўйича ўқитиш, машғулотлар ўтказиш, инструкция, тавсиялар бериш, кундалик эслатмалар қилиш (қаранг: 6.2.1-чизма).

Корхона иқтисодий манфаатига таҳдидлар ичида тижоратга оид жиноятлар, товламачиликлар ҳам жиддий таҳдид ҳисобланади. Ушбу жиноят қонунчиликдаги, молия тизимидағи камчиликлардан, бўшлиқлардан, савдо-иктисодий алоқаларнинг муракқаблиги ва кўп босқичлиги, корхона раҳбарлари, масъул ходимлар, хусусий тадбиркорларнинг ўз ишини билмаслиги, масъулиятсизлиги, ҳаддан ташқари ишонувчанлигидан устамонлик билан фойдаланиши туфайли содир этилади.

Иқтисодий жиноят субъектлари корхонада ишлаётган мансабдор шахслар, бухгалтерлар, буюртма, иқтисодий ҳужжатларни тақдим этиш, расмийлаштириш билан шуғулланувчилар, компьютер техникасида ишловчи шахслар бўлиши мумкин. Шунингдек, улар жумласига собиқ ходимлар, штатда бўлмаган, лекин амалда ишлаётган шахслар, собиқ раҳбарлар ва бошқа тоифадаги ходимлар ҳамда корхонага бегона шахслар киради.<sup>9</sup>

Корхона ходимлари томонидан амалга ошириладиган жиноятлар ташки савдо битимлари бўйича ҳисоб-китобларда, масалан, хорижий валюгани ёпик валюта ҳисоб варагасига ўтказиши, жисмоний шахслар чет элдан кела-диган пул ўтказишларни амалга оширмаслик ва кейинчалик бу маблағларни ҳисоб варакаларидан олиш усулларида содир этилади. Шунингдек, тўлов ҳужжатларини сох-талаштириб, бирон-бир чет элдаги ўзининг ёки ҳамтаво-фининг ҳисобига қўчиради. Бундай жиноятларнинг содир бўлишига имзо чекилган ва муҳр босилган тоза бланка-ларнинг берилиши, касса, бухгалтерия ҳужжатлари, муҳр, штамп, ҳисоб бланкаларини саклаш тартиб-қоидаларига қатъий риоя қилинмаслик сабаб бўлади.

Собиқ ходимлар, штатсиз ходимлар томонидан қилинадиган жиноятларда жиноий мақсадлардан бехабар кишилардан фойдаланилади. Банкрот бўлган корхона раҳбарлари ўзларида қолган бланка ва муҳр, штамплардан фойдаланиб жиноий ишга қўл урадилар. Улар жавобгарликдан қочиб, корхона раҳбарлик лавозимларига илгари судланган ёки нолойиқ кишиларни ўтка-зишга ҳаракат киласидилар.

Бегона шахслар, субъектлар корхона ходимлари кўмагида музокаралар ўтказиб моддий неъматлар, товар пул маблағлари ресурслар олиш учун тўлов ҳужжатлар, чекларни қўлга киритиб, бирон-бир қурбон (шерик) билан товар олиш бўйича шартнома тузадилар.

Расмий равишда рўйхатдан ўтган ва фаолият юритаётган корхона раҳбарлари томонидан жиноят, товламачилик касддан банкрот қилиш, мол-мулкка эга бўлиб буни ҳамкорлардан яшириш йўли билан амалга оширилади. Бундай жиноятда қуйидаги усуллар қўлланади:

- товар етказиб бериш, фаолият юритиш учун бошқа ташкилотдан олдиндан ўтказилган пул маблағларини

ноқонуний тарзда ушлаб қолади. Мақсад - шартномани бажармаслик. Ёки шартнома шартларини бажариш билан боғлиқ бўлмаган ишларга харажат қилиш.

Айрим ҳолларда бу маблағларни олиб, корхона ўз фаолиятини тўхтатади, аммо шартномани бажармайди. Товламачилар корхонани ташкил этиб, бирон-бир корхона билан шартномалар тузадилар. Пул маблағлари ёки товарни олгач, улар яширина дилар ёки бошқа мамлакатларга қочиб кетадилар.

Касдан банкротга учраш қуйидагича амалга оширилади. Корхона озгина миқдорда бошқа корхонадан товар олиб, унинг учун тезда тўловни амалга оширади. Бу билан ҳамкорлар ишончига киради. Сўнгра катта миқдорда товарни кредитга харид қилиб, уни сотиб, нақд пулга айлантирадилар. Шундан сўнг қарздор ёки фирма эгалари судга мурожаат этиб корхонани банкрот деб эълон қилишга зришадилар. Охир оқибатда корхона тугатилади. Колган мулк сотилиб, қарзнинг бир қисмигина тўланади<sup>10</sup>.

Хозирги даврда чет эл тажрибасида кўп учрайдиган уч босқичли банкротлик усулини қўллаш ҳам кучаймоқда. Ушбу усулда янги корпорация ташкил этилиб, унга обрўга, нуфузга эга бўлган таниқли раҳбар тайинланади. Дастребки босқичда кичик ҳажмда товар етказиб бериш бўйича бошқа компаниялар билан шартномалар, буртмалар тузилади. Кейинги босқичда катта ҳажмда буюртма берилади. Аммо унинг қиймати қисман, 25 фоиз миқдорида тўланади. Учинчи босқичда эса ҳамкорнинг ишончидан фойдаланиб, яна катта миқдорда товар олиш бўйича шартнома тузилади.

Ушбу товарнинг катта қисмини сотиш осон бўлган товарлар, масалан, ювелир буюмлари, ҳисоблаш техникаси кабилар ташкил этади. Шу даврлардан бошлаб

тovlamachilarni yoki vositachilarni tomoniidan tovarlar nakkal pulga aylantiriladi. Shundan sungi korporatsiya kreditorlarining taziyek bilan uzini bankrot deb zylon kildi.<sup>11</sup>

Shuning учун ҳар бир корхона boшқалар bilan shartnomaga tuzishda potentsial hamkorning bankrot bўliish eҳtimolligini жиддий ўрганишлари kerak bўladi.

Сохта (фиктив) корхона tuzish йўли bilan жиноят sodir этишда қуидаги usуллардан fойдаланилади:

- сохта ҳужжатлар асосида сохта корхона ташкил этилади;

- ommavij axborot vositalariida turli tovarlar arzon narxlarda, qisqa muddatda etkazib bérish sharti bilan сотиш tўfriсида эълонлар beriladi;

- эълонга жавоб berган корхона bilan oлдиндан pul utkaziш ёки avans tўlaш sharti bilan savdo-sotik shartnomasi tuziladi;

- shu ijol bilan olingan pul tovlamachilarni tomoniidan ўzлаштирилади.

Ушбу xavf-hatarning oлдини oлиш учун корхona raҳbarlari shartnomaga tuzmoқchi bўlgan korxonani ўргaniшlari, ўzlari boriб kўriшlari hamda shartnomaga shartlarini puxta taҳlil қiliшlari kerak bўladi.

### **6.3. Корхона (фирма) иқтисодий хавфсизлигини таъминлаш**

Корхона хавфсизлигини таъминлаш учун xўjaliq faoliyatining sifat va mikdor kўrsatkichalarini taҳlil қiliш ijoli bilan uning turli taҳdidlariga barqaorligi hamda xavfsizlik daражаси баҳolanadi.

Ушбу taҳlil қuидagilarni ўз ichiga oladi:

- iқtisodiy manfaatlariga taҳdidlar bўyicha korhnanning zaif tomonlari, taҳdidlarning salbij tаъsiyi baҳolanadi;

- иқтисодий таҳдидларнинг салбий таъсирини бартараф этиш бўйича шу дамгача кўрилган чора-тадбирларни хўжалик субъектларининг бошқариш элементлари фаолияти билан боғлиқ равишда қайта кўриб чиқиши;
  - хўжалик субъектини бошқаришнинг функционал элементлари таҳдиднинг салбий таъсирини бартараф этишдаги ролини миқдор ҳамда сифат жиҳатдан тавсифлаш ва баҳолаш;
  - иқтисодий хавфсизлик даражасини интеграл баҳолашни шакллантириш;
  - хавфсизлик даражасини баҳолашнинг жорий натижаларини илгариги даврда олинган натижалар билан таққослаш;
  - иқтисодий манфаатларга таҳдидларни бартараф этиш ёки нейтраллаштириш бўйича кўрилган чора-тадбирларнинг етарли даражада натижалар бермаганилигининг сабабларини аниқлаш;
  - иқтисодий хавфсизликни таъминлашда хўжалик субъектини бошқаришнинг функционал элементлари фаолиятини яхшилаш бўйича қўшимча тавсиялар тайёрлаш.
- Ушбу бошқаришнинг функционал элементларини молиявий, интеллектуал, кадр, техника-технологик, сиёсий-ҳукуқий, иқтисодий, ахборот, куч элементлари ташкил этади.<sup>12</sup>
- Иқтисодий хавфсизликни таъминлашнинг корхона хўжалик-молиявий фаолияти билан боғлиқ жиҳатларини активларни бошқариш, капитал қўйилмалар таркибини назорат қилиш, молиявий портфель қисмларининг риск ва даромадлилик бўйича нисбатлари, рентабелликнинг ўсиши, маркетинг тизимининг ривожланиши, корхонанинг қимматли қоғозлар бозорини шакллантириш ва тартибга солиш, бошқаришнинг ташкилий тузилишини тақомиллаштириш ҳисобига харажатларни камайтириш,

шунингдек, ракобатчи корхона фаолияти ва товарлар бозоридаги аҳволни чуқур таҳлил қилиш ташкил этади.

Иқтисодий хавфсизликнинг интеллектуал ва кадрлар билан персонал ишлаш, ходимларни ўқитиш ва меҳнат мотивациясини ривожлантириш интеллектуал салоҳиятни сақлаш ва ривожлантиришга йўналтирилган. Бунда кадрлар малакасининг етишмаслиги, уларнинг корхонага наф келтиришга қодир эмасликлари ёки буни истамасликлари, корхонанинг турли бўлинмалари меҳнат унумдорлиги ва иш сифатининг пасайиши иқтисодий хавфсизликка салбий таъсир кўрсатади.

Иқтисодий хавфсизликни таъминлашда ишлаб чиқаришнинг техник даражаси, сотилаётган ва харид қилинаётган лицензиялар, ишлаб чиқарилаётган маҳсулот ва қўлланилаётган технологиянинг жаҳоннинг энг яхши андозаларига мослиги, маҳсулотнинг илм талаблиги ва инновация даражаси муҳим ҳисобланади.

Хавфсизликни таъминлашнинг сиёсий-ҳуқуқий жиҳатлари фаолиятнинг ҳуқуқий жиҳатдан таъминлашиши, меҳнат жамоасидаги ишбилармонлик кайфияти ва ижтимоий мухитни қўллаб-кувватлаш бўйича кўрилган чора-тадбирларни баҳолашни ўз ичига олади.

Ахборотлардан оқилона ва самарали фойдаланиш ҳамда уни ҳимоя қилиш корхона учун иқтисодий жиҳатдан муваффакият келтиради.

Жисмоний шахсларнинг саломатлиги ва ҳаётига етказиладиган моддий ҳамда маънавий зарарлардан ҳимоя қилиш иқтисодий хавфсизликни таъминлашнинг элементлари ҳисобланади.

Иқтисодий хавфсизликни таъминлашда – хўжалик субъектининг молиявий барқарорлигини таҳлил қилишда қўйидаги ҳисбот кўрсаткичларидан фойдаланиллади:

– корхонанинг ўз маблаглари билан таъминланиш

коэффиценти, ўзининг айланма активларининг умумий активлар суммасига нисбати;

- жорий ликвидлик кўрсаткичи;

- ўз капиталининг рентабеллиги;

- умумий тўловга қодирлик кўрсаткичи, активлар бозор қийматининг хўжалик субъектининг барча мажбуриятларига нисбати;

- капиталлаштириш коэффициенти, ўз капиталини бозор қийматининг қарз маблағларини баланс қийматига нисбати;

- менежмент коэффициенти, сотишдан олинган пул тушумининг жорий мажбуриятлар микдорига нисбати<sup>13</sup>.

Шуни айтиб ўтиш жоизки, бугунги бозор иқтисодига ўтиш даврида корхоналар ўзининг иқтисодий хавфсизлигини кўпроқ ўзи таъминлашга мажбур бўлмоқдадар. Корхона хавфсизлигини таъминлаш учун ҳукукий, ташкилий, техник чора-тадбирлар мажмуасини ишлаб чиқиш лозим. Бунда хавфсизликни таъминлашнинг асосий тамойиллари қуидагилардан иборат бўлади: қонунийлик; шахсий ва корхона манфаатларининг уйғулити; персонал ва раҳбарларнинг ўзаро биргаликдаги масъулияти; давлат хавфсизлик ва ҳукук-тартибот органлари билан ҳамкорлик қилиш. Шундан келиб чиқиб, иқтисодий хавфсизликни таъминлашнинг ягона тизимини яратиш қуидаги тамойиллар асосида амалга ошириладики, улар ҳаётий муҳим манфаатларни ҳимоя қилиш ва тадбиркорлик фаолиятини муваффакиятли ҳал этиш бўйича тадбирлар ишлаб чиқиш ҳамда амалга оширишнинг муҳим талаблари ҳисобланади:

**Қонунийлик.** Хавфсизлик чоралари мамлакатда амал қилаётган қонунлар доирасида ишлаб чиқилади.

**Иқтисодий мақсадга мувофиқлик ва фойдалилик.** Кўрилаётган иқтисодий хавфсизлик чоралари хўжалик

фаолиятининг ёмонлашувига, фойданинг камайиб кетишига олиб келмаслиги керак.

**Дастурли-мақсадли режалаштириш, мустақиллик ва масъулият.** Корхонанинг хавфсизлик хизмати ўз фаолияти учун зарур бўлган маблағ, ресурс, моддий техника анжомлари билан таъминланган бўлишлари лозим.

**Ўзаро хамкорлик ва фаолиятларни мувофиқлаштириш.** Корхонанинг турли бўлимлари ушбу тамойил асосида фаолият юритишлари керак бўлади.

**Ихтисослашув ва профессионализм.** Хавфсизлик хизматининг кадрлар таркиби бу йўналишда маълум тайёргарликдан ўтган ва шундай ихтисосликдаги касб эгаси бўлиши керак.

**Ишни ташкил этиш.** Хавфсизликни таъминлашда химоянинг замонавий воситаларидан фойдаланиш, илғор тажриба ва илмий ишпланмаларга таянган ҳолда ишни ташкил қилиш лозим.

**Талабчанлик ва назоратнинг очиқлиги.** Корхона фаолиятида маъмурий-хуқуқий режимни қўллаш ва унга риоя қилиш устидан назорат маълум шароитларда консператив тавсифга эга бўлади.

Хавфсизлик тизими ўз ичига қўйидагиларни олади:

- корхона обьектларини, бошқарувчи раҳбарларнинг шахсий дахлсизлигини ҳамда пул маблағларини сақлаш учун қўрикчи-коровуллик хизматини ташкил этиш;
- корхонанинг информацион ва ижтимоий жиҳатдан химояланишини таъминлайдиган аналитик хизматни ташкил этиш. Унинг вазифалари ичida разведка ва контрразведка билан шуғулланишини ташкил этиш учун стратегик мухим субъектлар билан ишлаш ҳам мухим ўрин тутади;
- ташкил экспертлар ва ички консультантлар гурухининг стратегик мухим масалалар бўйича таклифларини ишлаб чиқиш ҳамда ходимларни ўқитиш бўйича фаолиятини ташкил этиш.

Корхонада ташкил этиладиган хавфсизлик хизмати ўз фаолиятини кўйидагиларга қаратади:

- корхонанинг мол-мулки ва интеллектуал мулкига килинган тажовузкорона таҳдид ёки улардан норационал фойдаланиш ҳолатларининг олдини олиш;

- ишлаб чиқариш бўлинмаларидағи технологик жараёнлар мунтазамлигининг бузилишига ҳамда малакали кадрларнинг кетиб қолишига олиб келувчи нохуш, салбий тенденцияларнинг олдини олиш;

- иқтисодий дастурлар ва шартнома мажбуриятларининг бажарилмаслигига сабаб бўлувчи омилларни аниқлаш ҳамда уларнинг таъсирини камайтириш чораларини амалга ошириш. Бундай омиллар маҳсулотнинг сифат ва рақобатбардошлиги кўрсаткичларининг ўзгаришига олиб келиши мумкин

- ҳамкорлар ва рақобатчиларнинг молиявий аҳволи, ишбилармоянлар доирасидаги нуфузи тўғрисидаги ахборот ва маълумотларни таҳлил қилиш асосида таклиф ва тавсиялар ишлаб чиқиш<sup>14</sup>.

Корхона иқтисодий хавфсизлигини таъминлашда мустақил хўжалик субъектлари сифатида фаолият юритувчи хавфсизлик тадбиркорлик фирмалари муҳим ўрин тутади. Ўзининг хавфсизлик хизмати бўлимини ташкил этиш имкониятига эга бўлмаган корхоналар хусусий хавфсизлик хизмати ҳамда объектларни кўриқлаш бўйича хуқуқ-тартибот органлари билан шартномалар тузиши мумкин.

Эндиликда, тадбиркорлик субъектлари билан хусусий хавфсизлик фирмалари ва хуқуқ-тартибот органлари биргаликда иқтисодий хавфсизликни таъминлашнинг хуқуқий-ташкилий, иқтисодий асосларини яратиш, “Хусусий корхона” тўғрисидаги Ўзбекистон Республикаси қонунига тегишли ўзгаришиш ва қўшимчалар киритиш мақсадга мувофиқдир.

## **Асосий таянч тушунчалар**

Корхонанинг иқтисодий манфаатлари, фирма назариялари, корхона иқтисодий манфаатларига таҳдидлар, саноат-иқтисодий жосуслик, иқтисодий разведка ва контрразведка, риск ва риск омиллари, корхонанинг иқтисодий барқарорлиги, барқарорликни тавсифловчи кўрсаткичлар, хавфсизлик хизмати. Иқтисодий хавфсизликни таъминлаш тамойиллари.

### **Такрорлаш учун саволлар**


1. Корхонанинг иқтисодий манфаатлари нималарда на-  
моён бўлади?
2. Корхона фаолиятига қандай ноаникликлар, рисклар  
таъсири этади?
3. Корхона фаолиятининг хавфсизлиги қандай аниқланади?
4. Саноат-иқтисодий жосуслик нима ва у корхона фао-  
лиятига қандай хавф солади?
5. Корхона иқтисодий манфаати ва хавфсизлигига қан-  
дай таҳдидлар мавжуд?
6. Корхонада қандай хавфсизлик чора-тадбирлари кўри-  
лади?
7. Ишлаб чиқариш ва молиявий фаолият хавфсизлиги  
қандай таъминланади?
8. Корхонанинг тижорат сири ва ахборот объектлари  
қандай ҳимоя қилинади?
9. Корхонадаги хавфсизлик хизмати қандай вазифаларни  
бажариши керак?

---

<sup>1</sup> Абулкосимов Х.П., Ехубова С. Полюнов Х. Иқтисодиётни эркинлаштириш шароитиша корхона фаолияти самарадорлигини ошириш йўллари. – Т., ТДЮИ, 2004. 8-10-б.

- <sup>2</sup> Экономическая теория. Учебник. колл. авт. К.Абдурахмонов и др. / -Т., Шарк, 1999. с.190-191.
- <sup>3</sup> Макконнелл КР Брю С.Л. Экономикс: Принципы, проблемы и политика. В. 2т.; Пер. Сангл. 11-го изд. Т 1. –М., Республика, 1992. с. 145.
- <sup>4</sup> Абулкосимов Х.П., Ёкубова С., Польонов Х. Иқтисодиётни эркинлаштириш шароитида корхона фаолиги самарадорлигини ошириши йўллари. -Т., ТДЮИ нашр., 2004. 17-19-б.
- <sup>5</sup> Коуз Р.Фирма, рынок и права. – М., 1993. с. 38.
- <sup>6</sup> Норт Д. Институты, институциональные изменения и функционирование экономики. – М., 1997. с. 70.
- <sup>7</sup> Экономическая безопасность хозяйственных систем. Учебник. – М., Изд-во РАГС, 2001. с. 257.
- <sup>8</sup> Захаров В. Промышленный шпионаж в российском интерьере. // Служба кадров. 1998. №2. с.13-17.
- <sup>9</sup> Экономическая безопасность предприятия (фирмы). / В.Б.Зубик, Д.В.Зубик Р.С.Седегов, А.С.Головачева. Под ред. Р.С.Седегова, М.И.Плотницкого, А.С.Головачева– М., Выш Шк., 1998. с. 10.
- <sup>10</sup> Экономическая безопасность предприятия (фирмы). / В.Б.Зубик, Р.С.Седегов, А.Абдулла; Под ред. Р.С.Седегова, М.И.Плотницкого, А.С.Головачева. //Выш. Шк., 1998. с. 13-17.
- <sup>11</sup> Ларичев В.Д. Как уберечься от мошенничества в сфере бизнеса: Практическое пособие.–М., Юрий, 1996.
- <sup>12</sup> Основы экономической безопасности – М., 1997.с.139; Экономическая безопасность хозяйственных систем. Учебник – М., Изд-во РАГС, 2001 – с. 285.
- <sup>13</sup> Вешняков Я.Д., Колосов А.В. , Шемякин В.Л. Оценки и анализ финансовых рисков предприятия в условиях враждебной среды бизнеса. // Менеджмент в России и за рубежом. 2000. №3.
- <sup>14</sup> Экономическая безопасность предприятия (фирмы) / В.Б.Зубик, Д.В.Зубик, Р.С.Седегов, А.Абдула; Под. ред. Р.С.Седегова, М.И.Плотницкого, А.С.Головачева МН: Выш. шк., 1998. с. 40-41.

## Корхонанинг тижорат сирларини ҳимоялаши



## **7-боб. Хўжалик фаолиятининг пул молия соҳасидаги иқтисодий хавфсизлик**

### **7.1 Молия муассасаларининг иқтисодий манфаатлари, молиявий оқимларга таҳдидлар**

Бозор муносабатларига ўтиш шароитида тижорат ҳисоби асосида фаолият юритувчи молиявий муассасалар тизими шаклланади. Улар жумласига банклар, биржалар, сугурта компаниялари, инвестицион фондлар ва бошқа иқтисодий-молиявий муассасалар киради. Молия иқтисодий сиёсатнинг ва иқтисодиётни давлат томонидан тартибга солишнинг дастурига айланади. Молиявий муассасаларнинг иқтисодий манфаатлари пул муаммосининг барқарорлигига, миллӣ пул бирлигининг қадрлилигига, ҳисоб ва солиқ интизомига риоя қилишга, молиявий операцияларнинг даромадлилиги, инфляциянинг қаноатлантирувчи даражасига, инвестицион талаб ва мижозларнинг кредитларни тӯлаш кобилиятига йўналтирилган бўлади. Бозор иқтисодиётiga ўтиш шароитида институционал ўзгаришларнинг, давлат мулкини унинг тасарруфидан чиқариш жараёнларининг амалга оширилиши натижасида нодавлат, шу жумладан, хусусий тадбиркорлик субъектлари, молиявий муассасалар ҳам вужудга келади. Хўжалик субъектларига молиявий хизмат кўрсатиш ҳам ривожлана боради. Уларнинг қўлида бошқариш дастакларидан бири бўлган молия такрор ишлаб чиқариш жараёнларида пул маблағлари тўпламларининг вужудга келиши ва тақсимланиши ҳамда ишлатилишини ифодалайдиган иқтисодий муносабатлардир<sup>1</sup>. Ушбу муносабатларнинг моддий асосини молиявий ресурслар ташкил этади. Молиявий

ресурслар пул маблағлари ҳаракатининг ўзига хос шаклидир. Улар хўжалик субъектлари ва давлат қўлида турли пул даромадлари, ажратмалари ва тушумлари ҳисобидан тўпланади. Сўнгра такрор ишлаб чиқариш, ҳодимларни рафбатлантириш жамиятнинг ижтимоий-иктисодий эҳтиёжларини қондириш учун ишлатилади.

Давлат ва хўжалик субъектлари пул маблағлари фондларининг вужудга келиши, тақсимланиши ва ишлатилиш шакллари ҳамда усуллари молиявий тизимни ташкил этади<sup>2</sup>. Бу тизимнинг инфраструктурасини банклар, биржалар, коммуникация воситалари, ахборот-аналитик ва маслаҳат (консалтинг) хизматлари ташкил этади. Улар пул муомиласини, молиявий оқимларни кўплаб инструмент (дастак) лардан фойдаланиш орқали тартибга соладилар.

Шу боисдан молия соҳасини мустаҳкамлаш учун қўйидаги вазифаларни амалга ошириш лозим:

- умумдавлат устуворликларидан келиб чиқиб молиявий ресурсларни қайта тақсимлаш самарадорлигини ошириш;
- ҳисоб-китоб интизомини мустаҳкамлаш ва солик тизимини такомиллаштириш, солиқлар сонини камайтириб, унинг йиғилишини ошириш;
- пул массасидан фойдаланиш устидан назорат қилишнинг самарали механизмини яратиш;
- банк тизимининг ишончли амал қилишини таъминлаш.

Молиявий ташкилотларнинг ишончлилигини икки мухим тамойил белгилаб беради:

- 1) оқилона молия-кредит сиёсати;
- 2) самарали хавфсизлик тизими.

Молия тизимида банк хизматлари кўрсатиш мухим ўрин тутади. Банк тизимининг самарали ишлаши кўп

жиҳатдан ташқи ва ички омиллар, мухит таъсирига адекват жавоб беришга қаратилган бошқарув қарорларини қабул қилишга боғлиқдир. Банкларнинг самарали фаолият юритишнинг муҳим шартлари, яъни кўзлаған манфаатлари қўйидагиларда намоён бўлади:

- молиявий бозорда банк хизматлари рентабеллигини таъминлаш. Бунинг учун мижозлар ва фойдали инвестицион лойиҳалар учун рақобат кураши олиб борилади;
- лиқвидликни таъминлаш;
- мижозларнинг кўрсатилаётган хизмат кўлами, таркиби ва сифати бўйича эҳтиёжи ҳамда талабини максимал даражада қондириш. Бу унинг бизнес алоқаларини мустаҳкамлаш манфаатига мос келади;
- банк омонатчилари ва кредиторларининг манфаатларини ҳимоя қилиш. Бунда, албатта, мажбурий нормативлар ва тартиб-қоидаларга қатъий риоя қилиниши лозим бўлади;

- иқтисодий хавфсизлик талабларига риоя қилиш.

Молиявий муассасалар товар, фонд ва валюта биржаларида, корхоналарнинг молиявий аҳволи, бозор конъюнктураси ҳамда маркетинг усуллари тўғрисидаги ахборотларни олиш учун ўзаро рақобатлашадилар.

Молиявий ресурсларни инвестицияларга йўналтириш, умуман, инвестицион фаолликни рағбатлантириш учун қўйидагиларни амалга ошириш лозим бўлади:

- инвесторлар фаолияти учун барқарор ҳукуқий база яратиш;
- ишлаб чиқаришни ривожлантириш, уни модернизация қилиш ва янгилашга инвестицияларни йўналтириш бўйича солиқ имтиёзларини кенгайтириш;
- корхоналарнинг инвестицион салоҳиятини асосий фонdlарни баҳолашнинг бозор усуллари ва жадаллаштирилган амортизациядан фойдаланиш асосида мустаҳкамлаш;

- иқтисодиётнинг реал секторидаги корхоналарни кредитлаш учун ички ва ташки манбалар маблағлари-ни жамлаш;

- лизингни ривожлантириш;

- суғурталашни давлат томонидан қўллаб-куватлаш.

Молиявий муассасалар баркаорлиги асосий максадларнинг амалга оширилиши, иқтисодий хавфсизлик шартларининг бажарилиши, уларнинг фаолиятига ташки аралашувлардан, ички ахборотларнинг рухсатсиз ёки санкциясиз чиқиб кетишидан ҳимояланганини, иммунитетининг мавжудлиги билан белгиланади.

Молия тизими молиявий ресурслар оқими билан тавсифланади. Бозорлардаги товар ва хизматлар оқими пул муомаласи воситасида содир бўлади ҳамда молиявий муносабатларнинг субъектларини бир-бирлари билан боғлайди.

Молиявий оқимлар иқтисодий муносабатларнинг хуқуқий-меъёрий базасига асосланган иқтисодий восита ва молиявий дастаклар тизими орқали амал қиласди. Молиявий муносабатлар шароитида қийматларнинг тақсимланиши ва қайта тақсимланиши жараёнида турли молиявий ресурс шакллари намоён бўлади. Бунда молия ресурслари иш ҳақи, жамғариш, кредит, инвестициялар ва уларни хисоб-китоб қилиш, кўчириш, пул ўтказиш жараёнлари шаклларида намоён бўлади. Молиявий ресурслардан фойдаланиш пул фондлари, яъни бюджетлар, нобюджет фондлар, банк операциялари орқали амалга оширилади.

Молиявий оқимлар хўжалик субъектлари жамғармаларининг инвестицияларга айланиши жараёнини ифодалайди. Аммо капиталнинг оқувчанлиги ошкора, қонуний ёки яширин, яъни ноконуний шаклларда намоён бўлади. Бу молиявий оқимлар ҳаракатида икки

хил нохуш, салбий жиҳатлар ҳам содир бўлиши мумкин. Бир томондан, мамлакатда инвестиция ресурслари етишмаган бир шароитда капиталнинг қочиб, чет эл мамлакати иқтисодиётини инвестициялаш манбаига айланиши мумкин. Бу эса мамлакатнинг ички молиялаштириш, инвестициялаш имкониятларини заифлаштиради. Иккинчи томондан, номаълум манбалар ҳисобига капитал тўпланиб, иқтисодиётнинг реал ва хуфёна секторларида муомилага тортилади, яъни "харом" пуллар оқланади, "отмывания грязных денег" деб аталувчи жараён содир бўлади. Капитал "қочиши"нинг сабаблари тижорат фойдаси олиш эмас, балки уни сақлашга, ундан фойдаланишнинг ишончли шароитларга эга бўлишига интилиши билан изоҳланади.

Бозор иқтисодиётига ўтиш шароитида капитал "қочиши" унинг келиб чиқишининг ноконуний, яширин тавсифга эгалиги, миллий пул бирлигига, банкларга ишончнинг сустлиги билан изоҳланади.

Мамлакатдан капиталнинг «чиқиб кетиши» усула-ри қуидагилардан иборат:

- ташки савдо операцияларини амалга оширишда товар ва хизматларнинг реал қийматини сохталаштириш йўли билан чет элга маблағлар ўтказилади. Экспорт операцияларида шартнома нархлари амалдаги нархларга нисбатан пасайтириб кўрсатилади. Импорт операцияларида эса юқори нархлар белгиланади. Шундай йўл билан ҳисобга олинмаган валюта тушуми чет эл банкларига, хорижий шерикларнинг қўшма ёки оффшор компанияларига ўтказилади;

- илгари белгиланган ҳисоблар бўйича импорт товарларини етарли бўлмаган даражада ёки илгари белгиланмаган бошқа нархларда етказиб бериш. Айrim ҳолларда сохта ҳисоблар кўрсатилади, аммо товарлар етказиб берилмайди;

- “толлинг” операцияларини амалга ошириш. Бунда хом ашёни экспорт қилиш бўйича шартнома тузилади. Аммо хом ашё четга олиб кетилмасдан ўз жойида хорижий даваль хом ашё сифатида қайта ишланади. Тайёр маҳсулот эса чет элга тегишли солик ва бож тўловларисиз олиб кетилади;

- эркин алмаштириладиган валютани қўлламасдан валютасиз ҳисоб-китоб бўйича товар айрибошлаш. Бундай келишувларда шартнома нархлари ўртача жаҳон нархларидан кескин фарқ қиласди. Ушбу операциялар бартер, клиринг, чегара олди, параллель ва компенсацион битимлар шаклида амалга оширилади;

- “челнок”, яъни ташмачилик савдоси;

- контрабанда экспорти, яъни валюта, қимматбаҳо буюмлар, антиквариатлар, қурол, ҳарбий техника ва ўқ-дорилар, рангли ва қимматбаҳо металлар, нефть ва нефть маҳсулотларини, газ, кўмир, прокат, қурилиши материалларини ва бошқа маҳсулотларни ноконуний тарзда, яширинча сотиб фойда олиш мақсадида чет элларга олиб чиқиб кетиш;

- резидент ва норезидентлар ўртасида расмий шартнома тузмасдан, ўзаро келишув асосида товарлар, кўрсатилган хизмат ҳамда мол-мулкка згаллик хукукини сотиш ва сотиб олиш бўйича ўзаро хорижий ҳамда миллий валютада ҳисоб-китоб қилиш;

- чет элларда оффшор компаниялар ташкил этиш<sup>3</sup>.

Мамлакатдан капиталнинг қочиш ҳажмлари Россиядан капитал чиқариш ҳажмининг 75 фоизини ташкил қиласди. Бу ички капитал қўйилмаларга нисбатан 15-20 фоизни, экспортдан олинган валюта тушумларининг 25 фоизини ташкил этади. Унинг миқдори 90-200 млрд доллар деб баҳоланади<sup>4</sup>.

Мамлакатдан «капиталнинг чиқиб кетиши» валютавий тартибга солишдаги тартиббузарликлар ҳам

сабаб бўлади. Уларни қуийдагича тавсифлаш мумкин:

- рухсат этилган банкларни четлаб, резидентлар ва норезидентлар ўртасида ҳисоб-китоблар қилиш, хорижий валюта сотиш ва сотиб олиш бўйича валюта операцияларини амалга оширишдаги қонунбузарликлар;

- марказий банкнинг лицензиясиз валюта операцияларини амалга ошириш бўйича тартиб ва қонунбузарликлар;

- молиявий кредитлар олиш ва бериш, экспорт-импорт операциялари бўйича тўлов муддатларини чўзиш билан боғлиқ қонунбузарликлар;

- резидент ва норезидентлар ўртасидаги валюта операцияларини тўлиқ ва объектив ҳисобга олишнинг йўлга қўйилмаганлиги билан боғлиқ қонунбузарликлар.

Мамлакатдан капитал қочишининг олдини олиш ва молиявий муҳитни соғломлаштириш учун қуийдаги ташкилий-иктисодий чора-тадбирлар амалга оширилади:

- мамлакатда инвестицион муҳитни яхшилаш, инвестицияларни иқтисодиётта жалб этишни рағбатлантириш тизимини такомиллаштириш орқали инвестицион жозибадорликни юксалтириш. Оқибатда, капитални четга чиқариш камайиб, хориждаги ватандошларимиз ҳисобидаги маблағларнинг юртимизга қайтиш жараёни юз беради;

- аҳолининг банкларга ишончини тиклаш ва мустахкамлаш чора-тадбирларини амалга ошириш;

- миллий валютадаги жамғармаларнинг кўпайишини ҳамда уларни инвестицияларга айланишини рағбатлантириш тизимини яратиш;

- молиявий оқимларни божхона, валюта, банк назоратининг шакл ва воситаларини, усууларини такомиллаштириш;

- капитални экспорт ва импортини тартибга солишнинг ҳуқуқий-меърий базасини такомиллаштириш ва кенгайтириш.

## **7.2 Пул муомаласи соҳасидаги иқтисодий таҳдидлар**

Пул муомаласи товар ва хизматлар айланмасига воситачи сифатидаги пул ҳаракатини ифодалайди. Пул айланмаси товарлар реализациясига ҳамда капитал ҳаракатига хизмат қилади. Пул тизимининг энг муҳим компонентлари қуидагиларда намоён бўлади:

- миллий пул бирликларида товар ва хизматларнинг нархлари ифодаланади;
- кредит ва қофоз пуллар, монеталар қонуний тўлов воситалари ҳисобланади;
- пул эмиссияси тизими, яъни пулни муомалага чиқаришнинг қонуний ўрнатилган тартиби;
- пул муомаласини тартибга солувчи давлат бошқаруви органлари<sup>5</sup>

Пул муомаласи тизими ҳозирги даврда олтин асосга эга эмас. Пул тизими қофоз ва кредит пуллар, монеталар айланмаси шаклида бўлиб, унда нақд пуллар муомаласи жисмоний шахслар ўртасида, нақдсиз пул муомаласи тижорат мақсадларида ҳуқуқий шахслар ўртасида амал қилади.

Пул муомаласидаги қонунбузарлик, жиноят, ўғирлик ҳолатларининг вужудга келишига қуидагилар қулай шароит яратади:

- инфляцион жараёнларнинг кучайиши;
- даромадларни декларация қилиш тизимининг етарли ривожланмаганлиги;
- хорижий валюталар муомаласининг тартибга солинмаганлиги;
- банк ва молиявий муассасалар томонидан пул маблағларини ҳуқуқий ҳимоя қилишининг бўшлиги;
- ҳисоб-касса операцияларининг такомиллашмагани

ҳамда пул тўловлари муддатларининг атайин чўзиб юборилиши ҳолатлари.

Молиявий товламачилик ўзга шахсларнинг пулинни ўзлаштириш, уларни сохта фирма ҳисобига ўтказиш, тўплланган пулларни накд пулларга айлантириш ҳамда кейинчалик яшириш, тўловсизлик кризисини юзага келтиришда намоён бўлади. Одатда, товламачилар тўловсизликнинг сабаблари сифатида умумий танглик инфляция ҳамда харид қобилиятининг пасайишини баҳона қилиб кўрсатадилар. Аслида, дебиторлик қарзлари кўринишидаги ноқонуний товар қарзи ва товар билан кредитни қоплаш тўловсизликни келтириб чиқарадиган сабаб ҳисобланади. Бу билан мулкдорнинг, ҳамкорнинг ва банкларнинг капиталига ҳамда бюджетнинг молиявий талабларига ва солик тизим субъектларига зарар етказилади.

Ўтиш даврини бошидан кечираётган мамлакатларда нодавлат банк тизими ва фонд биржалари, инвестицион фондларнинг ривожланиши ҳамда давлат назоратининг етарли даражада эмаслиги турли криминоген омилларни вужудга келтиради:

- давлатнинг пул-кредит сиёсатидаги зиддиятлар, молиявий муносабатларни тартибга солишдаги узилиш ва камчиликлар;

- пул-кредит тузилмаларини ташкил этиш ва уларни тугатишга бўлган талабларнинг ҳамда хўжалик субъектлари билан ўзаро муносабатлари тартиб-қоидаларининг етарли даражада такомиллашмаганлиги;

- дастлабки банк капитали манбайнинг қонунийлигини хукуқий жиҳатдан назорат қилишининг мавжуд эмаслиги;

- жиноий йўллар билан топилган маблағларни легаллаштиришга тўскинилик қилувчи механизмнинг мавжуд эмаслиги;

- банклар ўртасидаги ўзаро ҳисоб-китобларнинг та-комиллашмаганлиги.

Бизнес ва хусусий тадбиркорликнинг ривожланиши натижасида илгариги уюшган жиноий гурухлар савдо соҳасидан пул-кредит муносабатлари соҳасига ўта бошлидилар. Соҳта тўлов ҳужжатлари, соҳта банк кафолатларидан фойдаланиш орқали пул маблағларини ўғирлаш оммавий тус олди. Шунингдек, имтиёзли кредитларни ноконуний олиш ва мақсадсиз ишлатиш, капиталнинг хуфёна иқтисодиётга, хорижий банкларга назоратсиз оқиб ўтиши, криминал пулларнинг легаллаштирилиши, шунингдек, молиявий ҳужжатлар ўтишини тезлаштириш, нақд пул ва кредитлар бериш билан боғлиқ пораҳурлик ҳолатлари ўтиш даврида анча кенгайди.<sup>6</sup>

Айрим товламачиларнинг жиноий йўл билан топилган пуллари хорижий валюталарни катта микдорда сотиб олишлари натижасида миллий валюталарнинг айрибошлиш курслари кўтарилиб кетишига олиб келди. Товламачилар сотиб олинган валютани хориждаги банкларга, компанияларга ўтказадилар ҳамда мол-мулк, қимматбаҳо товарлар сотиб олишга сарф қиласидилар.

Товламачилик, жиноий ҳаракатларга сабаб бўлувчи ташкилий-хўжалик омиллари ва шарт-шароитлари ҳам мавжуд бўлиб, уларни баъзилари қуидагиларда ўз ифодасини топган:

- тўлов ҳужжатларидан фойдаланадиган банклар устидан назоратнинг йўқлиги;
- банкларнинг соҳта муҳр, штамп ва ҳужжат нусхаларини компьютер усулида тайёрлаш имкониятларининг мавжудлиги;
- банкнинг мансабдор шахслари томонидан нақд пуллар беришни чекловчи қоидаларнинг бузилиши, авизоларни олдиндан текширмасдан тушган маблағларнинг имтиёзли конвертация қилиниши;
- тижорат банкларининг айрим раҳбарлари томони-

дан ноконуний операцияларни яшириш, кейинчалик тушган пул маблағларини ҳуқуқий шахс мақомидаги мижозларнинг ҳисоб рақамларига кўчириш ҳоллари;

- тижорат банкларининг айрим раҳбарлари ўз ҳисобларига тўлов ҳужжатларининг ҳақиқий ёки сохталигидан қатъий назар катта микдорда пул маблағларининг келиб тушишидан манфаатдор бўладилар. Чунки пул кўчирганлик ёки юборганилиги учун улар катта микдорда комиссион ҳақ оладилар.

Банк соҳасида кредитлар олиш ва фойдаланишдаги суиистеъмоллик, ҳисоб ва депозит ҳисоб рақамларидан пул ўғирлаш, кредит карточкаларидан фойдаланиб пул ўғирлаш, яъни “компьютер орқали ўғирлик” содир этиш, валюта операцияларини амалга оширишдаги тартиббузарликлар бу соҳадаги жиноятчиликнинг кенг тарқалган шакллари ҳисобланади. Бундай жиноий хатти-харакатларга қарши курашиш учун янги банк технологияларини жорий этиш лозим бўлади.

Тижорат банкларининг ахборот тизимига кириб, пул маблағларини ноконуний тарзда маҳсус ҳисоб рақамларига кўчириш жиноятчиликнинг кенг тарқалган турларидан биридир. Кредитларни қасдан қайтармаслик, уларни маҳсус ташкил этилган тадбиркорлик субъектлари ҳисоб рақамига ўтказиб, нақд пулга айлантириб ёки конвертация қилиб, сўнгра яшириниш ҳам сўнгги ийларда кўп учрайдиган жиноий ҳаракатдир.<sup>6</sup>

Асоссиз равишда кредит олиш ва уни мақсадсиз ишлатишга тижорат банклари томонидан кредит шартномалари тузишда етарли даражада назорат йўқлиги, қарз олувчи ҳужжатларнинг синчиллаб текширилмаслиги, унинг тўлов қобилиятининг ўрганилмаганлиги, кредитлаштириладиган лойиҳаларнинг иқтисодий экспертизадан ўтказилмаслиги ёки бу ишларни амалга

оширишда айрим мутассади ходимлар томонидан совуқ-конлик, суистеъмолга йўл қўйилганлиги сабаб бўлади.

Жиноий гуруҳлар ўз жиноий хатти-харакатларини амалга ошириш учун тижорат банкларининг айрим ходимларини пора бериш, сотиб олиш, қўрқитиш орқали ўзларига шерик қилиб оладилар. Шунингдек, ўзларининг яширин агентларини ишга жойлаштиришга ҳаракат қиласидилар. Конун асосида ишлайдиган молиявий муассасаларда оғир иқтисодий, майший – психологик вазиятларни вужудга келтиришга интиладилар. Мисол учун улар тижорат банкида сунъий равишда кредитларни қайтармаслик ҳолатини вужудга келтиришади. Сўнгра уни қайтаришда ёрдам берилишини таклиф қилишади. Кўпинча банк раҳбарлари улар билан умидсиз кредитни қайтариш бўйича маълум ҳақ эвазига келишадилар. Жиноий гуруҳ кредитни қайтаришда ёрдамлашиб, банк ишончига киради ҳамда унга ўзининг таъсирини ўтказиш имкониятига эга бўлади. Улар тижорат банки акционерлари реестрига ҳамда улар тўғрисидаги ахборотга эга бўлиб олгач, акцияларни, пай улушларини ўзларига арzon акция курслари бўйича сотишига кўндиришади. Шу йўл билан акционерлик тижорат банкининг назорат пакетини сотиб олишга ҳам интиладилар<sup>8</sup>. Шунингдек, улар банкларнинг раҳбарлари ва мансабдор ходимларининг шахсий ҳаёти, меҳнат фаолияти, камчиликлари тўғрисида ахборот тўплайдилар. Хуллас, уларни обрўсизлантирадиган маълумотларни йигадилар ёки компроматни сунъий равишда туздилар.

Жиноий хатти-харакатларнинг олдини олиш, уларга қарши курашиш учун маҳсус хавфсизлик хизматларини ташкил этиш ҳамда хавфсизликни таъминлашга катта эътибор қаратиш лозим бўлади.

### **7.3. Молия, пул-кредит тизимида иқтисодий хавфсизликни таъминлаш дастаклари**

Иқтисодиёт нормал амал қилиши учун молиявий маблағлар унинг соҳалари, тармоклари, ҳудудлари бўйича тақсимланади. Буларнинг барчаси ҳужжатлар айланмаси, ҳисоботлар ва иқтисодий ахборотларда қайд этилади ҳамда ўз ифодасини топади. Шу боисдан молия соҳасидаги хавфсизликни таъминлаш учун, аввалимбор, молиявий ҳужжатларнинг умумўрнатилган ҳукуқий-меъёрий талабларга мувофиқлигини текшириш лозим бўлади. Ушбу умумий талаблар куйидагилардан иборат:

- зарурый реквизитларни, яъни ҳужжатлар учун конун, амалдаги тартиб-қоидаларга мувофиқ мажбурий маълумотлар бўлишини белгилаш;
- муҳр ва штампларнинг аниқлиги;
- ҳужжатларда тузатиш, қўшимча ёзувлар, бузилишлар, унинг турли нусхалари мазмунининг турлича бўлишига йўл қўймаслик;
- мансабдор шахслар имзосининг мослиги ва бошқалар;
- барча ҳужжатлар синчилаб ўрганилиши, таҳлил қилиниши, текширилиши керак.

Бизнес бўйича ҳамкорлик қилувчи хўжалик субъектлари, шериклар, мижозларни ўрганиш, улар тўғрисида куйидаги объектив маълумотларга эга бўлиш лозим:

- хўжалик субъектининг рўйхатдан ўтганлигини, солик ва бошқа органларда рўйхатга олинганлиги тўғрисидағи маълумотларни текшириш;
- ташкилотнинг қайси уюшмага, холдинг компанияяга кириши, шуъба компанияяга, ширкатга эга ёки эга эмаслиги, устав капитали, хўжалик фаолияти реквизитла-

ри, раҳбарлари, бошқарув тизими тўғрисидаги маълумотларга эга бўлиши, уларнинг тўғрилигини текшириш;

- ташкилот, мижознинг манзилини аниқлаш, агар ижарада турган бўлса, ижара ҳақини тўлаган ёки тўламаганлиги тўғрисидаги маълумотларни олиш;

- муссасаларнинг мулкдорлар - арендаторлар билан ўзаро муносабатини ўрганиш;

- мижознинг обрў-эътиборини, нуфузини, мол- мулки ҳолати, қарзи бор ёки йўқлиги тўғрисида маълумотлар тўплаш;

- маҷбуриятларнинг таъминланганлиги тўғрисидаги маълумотларнинг ҳаққонийлигини текшириш, бухгалтерлик маълумотларини солиқ инспекциясидаги маълумотлар билан таққослаш;

- кафил бўлган ташкилотнинг кредитини тўлаш қобилияти, банк кафолатининг ҳаққонийлиги тўғрисидаги маълумотга эга бўлиш;

- қарз олувчи фойдаланиши мумкин бўлган ҳисоб рақамларини, турдош корхоналар ҳисоб рақамларини, мижозга яқин муносабатда бўлган корхона ва шахсларни ўрганиш;

- ташкилот муассасалари ва раҳбарларининг фаолияти, ўзаро муносабатларини аниқлаш. Уларнинг “кредит тарихини” ўрганиш.

Ушбу маълумотларга эга бўлиш ҳамда хавфсизликни таъминлаш учун унинг ишончли тизимини ишлаб чиқиш ва жорий этиш лозим бўлади. Бунинг учун эса қўйидагилар кўзда тутилиши лозим:

- банк ва унинг ҳар бир бўлинма(филиал)ларида хавфсизликни таъминлашнинг ташкилий тузилмаларини вужудга келтириш;

- ахборотларни ўғирлаш, йўқ қилиш мақсадида уни

олишнинг потенциал имкониятларини мунтазам равиша  
урганиш ва баҳолаш;

- ахборотлар хавфсизлигини таъминлаш бўйича услубий, ташкилий-меъёрий ҳужжатларни ишлаб чиқиш ҳамда уларнинг талабларини бажармаганлик учун жавобгарликка тортиш чора-тадбирларини қабул қилиш;

- ахборотларни ҳимоя қилишнинг ташкилий-техник, дастурий чора-тадбирларини, воситаларини маҳсус ташкилотлар ёрдамида ишлаб чиқиб, жорий этиш;

- ахборотларни ҳимоялаш тизимини аттестация қилиш, унинг амал қилинишини мунтазам назорат қилиш;

- ахборотлар хавфсизлигини таъминлаш бўйича банк мутахассисларини тайёрлаш;

- ҳужжатлар, бланкалар, муҳр, штампларни сақлашнинг ҳимоя чораларини кўриш, расмийлаштирилмаган шартнома лойиҳалари ва бошқа ҳужжатларнинг ўз вақтида қайтарилишини таъминлаш;

- молиявий ҳужжатларни ички ва ташқи аудиторлар томонидан текширишлар ўтказиш;

- банк операциялари бўйича рискларни аниқлаш ва баҳолаш<sup>9</sup>.

Капиталнинг етарлилик кўрсаткичини ва ҳар бир қарз олувчи учун рискни максимал миқдорини аниқлаш муҳим ҳисобланади<sup>10</sup>. Алоҳида мижознинг рискини аниқлаш учун банк томонидан хўжалик субъектларининг кредит котировкаси тузилади. Шунингдек, банклар рискларни бошқаришлари керак бўлади.

## **7.4. Пул муомаласини мустаҳкамлаш ва банклар хавфсизлигини таъминлашнинг устувор йўналишлари**

Ўзбекистонда валюта тизимининг асосини ўзбек сўми ташкил этади. У 1994 йил 1 июлдан ягона қонуний тўлов воситаси ҳисобланади. Миллий валюта сўмнинг барқарорлигини таъминлаш ва унинг қадрини ошириш, халқ фаровонлигини ҳамда иқтисодий хавфсизликни таъминлашда муҳим аҳамият касб этади. “Миллий валютанинг барқарорлиги, унинг ички бозорда эркин алмашинуви, - деган эди юртбошимиз Ислом Каримов, - етарли миқдордаги рақобатбардош маҳсулотлар, зарур резервлар орқали таъминланади”<sup>11</sup>. Бунга эришиш учун Ўзбекистонда аниқ вазифаларни ҳал этишга қаратилган тўртта алоҳида дастур қабул қилиниб, амалга оширилмоқда.

Ушбу дастурлар қуйидагилардан иборат:

1. Сўмнинг харид қувватини ошириш учун республика ички бозорини мумкин кадар тезроқ истеъмол моллари билан тўлдириш чора-тадбирларини кўриш. Бунинг учун мулкчилик шаклидан қатъий назар, истеъмол товарларини ишлаб чиқарадиган корхоналарга ҳар томонлама ёрдам кўрсатиш, бу соҳага инвестицияни биринчи навбатда йўллаш, уларни хом ашё ва кредит ресурслари билан таъминлаш чора-тадбирлари кўриш. Шунингдек, ишлаб чиқаравчиларнинг ҳам, истеъмолчиларнинг ҳам руҳиятини ўзгартириш, миллий товарларга кишиларда фахрланиш ҳиссини уйғотиши. Миллий товарларнинг эса сифатли ва харидоргир бўлишини таъминлаш.

2. Валютанинг барқарор амал қилишига эришиб, унинг етарли валюта захирасини вужудга келтириш.

Бунинг учун ташқи иқтисодий сиёсатни тубдан қайта кўриб чиқиш лозим бўлади. Шу боисдан республика экспорт имкониятларини кенгайтириш, экспорт учун маҳсулот ишлаб чиқаришни кўпайтираётган корхоналарни хом ашё, инвестициялар билан таъминлаш, уларни ҳар томонлама имтиёзли воситалар орқали кўллаб-куватлаш.

3. Ҳар бир корхона, ҳар бир киши ишлаб топган сўмни кадрлашини, ҳурматлаш, фахрланиши учун шартшароит яратиш. Бунинг учун қатъий молиявий-кредит сиёсатини изчиллик билан ўтказиш лозим бўлади.

4. Миллий валютани мустаҳкамлаш учун инфляцияга қарши пухта ўйланган сиёсат ўтказиш. Бунинг учун пул миқдорини товар ва хизматлар миқдорининг тегишли даражада ўсиши билан мустаҳкамлаш, уларнинг мутаносиблигини вужудга келтириш. Шунингдек, аҳолининг ҳарид учун товарлар ва хизматлар билан таъминланмаган ортиқча пул даромадларининг кўпайиб кетишига йўл қўймаслик лозим бўлади. Яна накд пул ва кредит эмиссиясининг ҳаддан ташқари ўсиб кетишининг олдини олиш керак бўлади<sup>12</sup>.

Республикамизда пул-кредит сиёсатининг асосий мақсади инфляцияни паст даражада ушлаб туриш ва сўмнинг барқарор айрибошлаш курсини таъминлашга қаратилган. Бу вазифалар макроиктисодий барқарорликни мустаҳкамлаш ва иқтисодий ўсишни рағбатлантиришга йўналтирилган умумиктисодий сиёсат билан узвий боғланган. Марказий банк пул-кредит сиёсатининг воситалари сифатида очик бозорда қимматли қоғозлар операцияси, ички валюта бозоридаги операциялар, қайта молиялаштириш ставкаси ва тижорат банкларига мажбурий захира талаблари воситаларини ишга солмоқда.

Ўз МБ пул бозорларида қисқа муддатли ликвидликни тартибга солиш мақсадида амалга оширган очик бозордаги операциялари натижасида 2004 йилда тижорат банкларининг бўши пул маблағларини депозитларга жалб қилиш ва муомалага қимматли қофозларни чиқариш ҳажми 100 млрд. сўмни ташкил этди.

Кейинги йилларда валютани эркинлаштириш натижасида миллий валюта конвертациясининг жорий қилиниши эвазига ички валюта бозоридаги операциялар салмоғи сезиларли даражада ортиб бормоқда. Шунингдек, ташки савдо, жумладан, экспорт операцияларининг кенгайиши ташки савдо балансининг ижобий қолдигининг 2004 йилда 1037 млн. АҚШ доллари бўлишига ва Ўзбекистон Марказий Банкининг олтин валюта захирасининг 30 фоизга ўсишига олиб келди<sup>13</sup>.

Марказий Банк томонидан босқичма-босқич қайта молиялаш ставкасини пасайтириб бориш сиёсатининг олиб борилиши натижасида бу кўрсаткич 2000 йилдаги 32,3 фоиздан 2004 йилда 18,8 фоиз пасайди. Бунинг натижасида тижорат банкларининг фоиз ставкалари шу даврда 25,7 фоиздан 21,2 фоизга камайди (қаранг: 7.4. 1-жадвал).

Иқтисодий хавфсизликни таъминлаш мақсадида мажбурий захира талаблари тижорат банкларини Ўз МБ да мажбурий депонентлаш хисобидан вужудга келтирилмоқда. 2004 йил мобайнида захиралаш нормаси ўзгармасдан 20 фоиз миқдорида сақлаб колинди. Пул кредит сиёсатининг амалга оширилиши натижасида истеъмол товарларининг нарх индекси 3,7 фоизни, миллий валюта сўмнинг АҚШ долларига нисбатан айрибошлиш курсининг камайиши 8 фоизни ташкил этди.

Юкорида келтирилган ижобий тенденциялар туфайли қисқа муддатли кредитлар бўйича олинган ўртача став-

ка, сўмда 2002 йилдаги 32,2 фоиздан 2004 йилда 21,2 фоизга пасайди. Шу даврда юридик шахсларнинг тезкор депозитлари бўйича олинган ўртacha ставка 19,2 фоиздан 11,3 фоизга камайди<sup>14</sup>. Бундай тенденция депозитлар бозорида ракобатнинг кучайганлигидан ва банкларнинг фоиз ставкаларининг камайганлигидан далолат беради.

Шуни таъкидлаш жоизки, қатъий пул-кредит сиёсатининг амалга оширилиши пул қадрининг ошишига, пул муомаласининг барқарорлашувига олиб келади. Бу эса ушбу соҳада иқтисодий хавфсизликни таъминлаш учун тегишли шарт-шароитларнинг вужудга келишига имкон яратади. Бунинг учун, албатта банк тизимининг ривожланиши муҳим аҳамият касб этади. 2005 йил январь ҳолатига кўра Ўз МБ ва respublika бўйича 805 та бўлимларга эга бўлган 32 та тижорат банклари фаолият юритмоқда. Уларнинг таркибига 11 та хусусий, 5 та хорижий капитал иштироқидаги, 13 та аралаш мулк шаклларидағи банклар киради. Шунингдек, 1122 та мини банклар фаолият юритмоқда.

Молия-кредит соҳасида иқтисодий хавфсизликни таъминлаш мақсадида қарздорларнинг кредитлари ҳақидаги маълумотларни ҳисобга олиш билан шуғулланадиган кредит маълумотлари миллий институтини ташкил этиш бўйича низом қабул қилиниб, кредит маълумотлари банклараро кредит бюроси ва тижорат банкларига тақдим этилган. Кредит маълумотларининг ягона реестри тижорат банкларининг кредит, лизинг ва факторинг шартномалари, гаровга қўйилган мол-мулк ва кафолатлар (кафолат бериш, суғурта полислари) ҳамда давлат статистика идоралари, нодавлат ташкилотлар ва хўжалик субъектларидан олинган маълумотлар асосида шакллантирилади. Карз олувчиларнинг

кредити ҳақидаги мәълумотлардан самарали фойдаланиш банк назорати сифатини оширишга ва кредит хатарларининг, рискларининг камайишига, бу соҳадаги жиной хатти-харакатларининг бирмунча олдини олишга, пировардида пул-кредит соҳасидаги хавфсизликни оширишга олиб келади. Барқарор пул муомаласининг қарор топиши унинг долларлаштириш муаммосини ҳал этишга, капиталнинг мамлакатдан “қочиши” жараёнларини жиловлашга имконият яратади.

Молия-кредит соҳасида иқтисодий хавфсизликни таъминлашда давлатнинг валюта сиёсати ҳам муҳим аҳамият касб этади. Ўзбекистоннинг валюта сиёсати куйидагиларга қаратилган:

- мамлакатнинг валюта – молиявий ҳолатини мустаҳкамлаш, унинг тўлов қобилиятига ва кредитга лаёкатлигига эришиш;
- инфляцияни “жиловлаш”;
- чет эл капиталини жалб этиш;
- иқтисодиётнинг “долларлашуви”га йўл қўймаслик;
- ўзбек сўмининг мавқеини мустаҳкамлаш ва унинг тўлиқ конвертациясига эришиш.

Бу сиёсат валютавий чеклашлар, валюта курсини тартибга солиш, олтин-валюта захираларини ошириш, сўмнинг конвертацияланиш жараёнларини бошқариш кабиларда намоён бўлади<sup>15</sup>.

Ўзбекистонда амалга оширилаётган валюта сиёсатининг асосий эътибори айрибошлиш курсининг барқарорлигини таъминлашга ва конвертация қилинган сўмнинг жорий тўловларини амалга ошириш бўйича мажбуриятларини бажаришга қаратилган. Олиб борилган чора-тадбирлар туфайли Ўз МБ айрибошлиш курсининг ўтган даврга нисбатан ўзгариши суръати камайди, яъни бу кўрсаткич анча барқарорлашди (қаранг: 7.4. 2 жадвал).

Миллий валютанинг реал айрибошлаш курсининг барқарорлашувига Ўз МБ нинг қатъий пул кредит сиёсати ва истеъмол товарларига нархларининг пасайиши сабаб бўлди. 2005 йилда Ўз МБнинг валюта сиёсати миллий валютанинг АҚШ долларига нисбатан барқарор курсини таъминлашга қаратилади. 2004 йилда эришилган айрибошлаш курси динамикасига, миллий ва жаҳон иқтисодиётининг макроиктисодий кўрсаткичларининг ривожланишига асосланиб, сўмнинг АҚШ долларига нисбатан айрибошлаш курсининг камайишини 8-10 фоиз атрофига бўлишини кутиш мумкин<sup>16</sup>.

Молия-кредит соҳасида иқтисодий хавфсизликни таъминлашда банклар хавфсизлигини таъминлашнинг ташкилий-бошқариш чора-тадбирларини амалга ошириш мухим аҳамият касб этади. Улар қуидагиларни ўз ичига олади:

- банкларнинг манфаат ва хуқуқларини қонуний ҳимоя қилиш;
- банк билан боғлик вазиятларни тавсифловчи маълумотларни тўплаш, таҳдил қилиш, баҳолаш ва башорат қилиш;
- шерикларни, мижоз ва рақобатларни ўрганиш;
- хавфсизликка таҳдид соловчи манбаларни, субъектларни ифодаловчи шахслар томонидан банкка ва унинг ходимларига бўлган қизиқишни ўз вактида аниқлаш. Улардан ҳимояланиш чораларини кўриш лозим;
- банкка иқтисодий шпионаж, ташкилий жиноий гурӯҳ вакилларининг кириб олишига йўл қўймаслик;
- банкка жиноий мақсадларда техник, яъни алоқа компьютер тармоғи орқали кириб олишга тўскинлик қилиш;
- банк ходимларини турли тажовузлардан ҳимоя қилиш;

- молиявий ва моддий мол-мулкни, тижорат сири ҳисобланган ахборотларни, маълумотларни қўриқлаш;
- бино, иншоот, банк территориясини ва транспорт воситаларини қўриқлаш;
- молиявий фаолият стратегияси ва тактикасини ишлаб чиқиш;
- оммавий ахборот воситаларида, ҳамкорларда ва мижозларда банк тўғрисида ижобий фикр, тасаввур уйғотиш;
- банк ва унинг ходимларига айрим ташкилот ва шахслар томонидан етказилган моддий ва маънавий зарарни қоплаш учун шароитлар яратиш;
- хавфсизлик тизимининг самарали фаолият юритишини муутазам назорат қилиш<sup>17</sup>.

Умуман, банкларда унинг хавфсизлигини таъминлаш хизматини ҳамда кенг қамровли режимли қўриқлаш тизимини яратиш ва кадрларни танлаш, текшириш, жой-жойига қўйиш, ўқитиш ва қайта тайёрлаш орқали уларнинг қасбий маҳоратини ошириш, хавфсизликни таъминлаш кўникмасини ривожлантириб бориши мақсадга мувофиқдир.

Ўзбекистон Республикаси Президентининг 2005 йил 28 январда Олий Мажлис Конунчилик палатаси ва Сенатининг қўшима мажлисида қилган маъруzasида банк ва молия тизимларидаги ислоҳотларни чукурлаштиришга қаратилган муҳим вазифалар белгилаб берилди. Юртбошимиз таъкидлаганларидек, “тап молия ва банк тузилмаларининг қатъий пул-кредит сиёсатини ўтказиш, инфляция даражасининг барқарорлигини, миллий валютамиз ва унинг алмашув курси мустаҳкамлигини сақлашдаги масъулиятини ошириш ҳақида бормоқда”<sup>18</sup>.

Ушбу маърузада Президент И.А. Каримов бу соҳадаги қуйидаги вазифаларни белгилаб берди:

- банкларни капиталлаштириш, уларнинг низом ва айланма фондларини кўпайтириш;
- маблағларини инвестиция мақсадларига, биринчи навбатда, реал иқтисодиётга йўналтиришга қаратилган аниқ чора-тадбирлар кўриш;
- банк айланмасидан ҳали-бери четда қолаётган салмоқли молия маблағлари ва пул оқимларини ушбу тизимга жалб қилиш учун аниқ ва қатъий чоралар кўриш;
- юксак ривожланган мамлакатлардаги тижорат ва хусусий банкларнинг мижозларга хизмат кўрсатиш борасидаги тажрибаларини синчилаб, янада кенг ўрганиш;
- хўжалик субъектлари ва ахолининг банкларга нисбатан ишончини оширишга эришиш керак;
- кўплаб низом ва меъёрий ҳужжатларни қайта кўриб чиқиш;
- банк хизматчиларининг масъулиятини ва маданиятини ошириш<sup>19</sup>.

Ушбу вазифаларнинг амалга оширилиши молия, банк, пул муомаласи тизимини янада ривожлантиришга, шунингдек, уларнинг хавфсизлигини мустаҳкамлашга олиб келади.

## Асосий таянч тушунчалари

Молия, молия тизими, молия ресурслари, молия оқимлари, пул, пул муомаласи, инфляция, кредит, банк, банк кредити, инвестицион ресурслар, капитал, капиталнинг қочиши, қалбаки пул чиқариш, иқтисодий товламачилик, асоссиз кредит бериш, пул-кредит сиёсати , валюта сиёсати.

## **Такрорлаш учун саволлар**

1. Молиявий муассасаларнинг иқтисодий манфаатлари ва улар қандай шаклларда намоён бўлади?
2. Молиявий облигация нима?
3. Молиявий муассасалар манфаатларига қандай иқтисодий таҳдидлар хавф солади?
4. Мижозлар томонидан молиявий муассасаларга қанчалик ишонч билдиришини аниқлашга имкон берувчи мезонларни айтиб беринг.
5. Молиявий оқимлар нима?
6. Капиталнинг қочиши сабаблари нималарда ифодаланади?
7. Капитал қочишининг олдини олиш ва иқтисодий хавфсизликни таъминлаш учун қандай ишларни амалга ошириш керак?
8. Молия, пул муомаласи ва кредит соҳасидаги товламачилик нималарда намоён бўлади?
9. Пул муомаласи соҳасида хавфсизликни қандай таъминлаш лозим?
10. Ўзбекистонда миллий валюта – сўмнинг қадрини ошириш ва пул муомаласини мустаҳкамлаш учун нималар қилиш зарур?
11. Валюта сиёсатининг мазмuni ва мақсадларини айтиб беринг?
12. Банкларнинг иқтисодий хавфсизлигини таъминлаш учун қандай амалий чора-тадбирлар амалга оширилади?

---

<sup>1</sup> Шодмонов Ш., Алимов Р.Х., Жўраев Т.Т. Иқтисодиёт назарияси. – Т., Молия, 2002 323-324-б; Экономическая теория. Учебник. колл. авт. К.Х. Абдурахмонов и др. – Т., Шарқ, 1999. с. 473-474.

<sup>2</sup> Ўша ерда

Бурцев В. Основные условия государственной финансовой безопасности // Экономист, №9, 201 с 70-72; Дронов Р. Подходы к обеспечению экономической безопасности // Экономист, №2 2001.с. 43; Экономическая безопасность хозяйственных систем. Учебник – М., изд-во РАГС, 2001. с. 311-313

- <sup>1</sup> Экономическая безопасность хозяйственных систем. Учебник. – М., Изд РАГС, 2001. с. 313; Дронов Р. Подходы к обеспечению экономической безопасности // Экономист. №2, 2001г. с. 43.
- <sup>2</sup> Курс экономической теории. Учебник – 4-е допи перераб. изд. "АСА" – Киров, 1999 – с. 413-414.
- <sup>3</sup> Каранг: Чапыгин В.М. Секреты коммерческой безопасности.-М., 1993; Мишчин Г.К Проблема экономической преступности (опыт междисциплинарного изучения). М., 1994.
- <sup>4</sup> Волкенкин Б.В. Экономические преступления. СП б., 1999. с. 28-41.
- <sup>5</sup> Савинская Н.А. Устойчивость и экономическая безопасность банковской системы России.-СПб, 1994. с 25-32; Экономическая безопасность: производство-финансы – банки// Под. Ред. Сенчагова В. К.
- М., ЗАО "Финстатинформ, 1998 – с. 131-143; Экономическая безопасность хозяйственных систем. Учебник. – М., Изд-во РАГС, 2001. с. 319-324.
- <sup>6</sup> Курс экономической теории. Учебник. – 4-е доп. Перераб. Изд. "АСА" – Киров, 1999. с. 179-1862
- <sup>7</sup> Балтроп К, Макнютон Д. Банки на развивающихся рынках Т2. Интерпретирование финансовой отчётности.
- М., Финансы и статистика, 1994.– с. 204.
- <sup>8</sup> Каримов И.А. Ўзбекистон иқтисодий ислоҳотларни чукурлаштириш йўлида - Т., Ўзбекистон, 1995. 218-б.
- <sup>9</sup> Абулкосимов Х.П., Ваҳбов А.В., Раҳимова Д.Н., Нарбаев Б.И. Ўзбекистонда иқтисодий ислоҳотларни чукурлаштириш ва иқтисодийни зразилиштириш йўллари - Т., ТДТУ нашр., 2001. 64-б.
- <sup>10</sup> Ўзбекистон иқтисодиёти. Таҳлилий шарҳ. 2004 йил Т., СИСМ, 2005. 20-21-б.
- <sup>11</sup> Ўша ерда.
- <sup>12</sup> Бозор иқтисодиёти назарияси ва амалиёти Олий ўқув юртлари магистрантлари учун дарслик. – Т., Ўқитувчи, 2000. 180-б.
- <sup>13</sup> Ўзбекистон иқтисодиёти Таҳлилий шарҳ 2004. – Т., СИСМ, 2005.– 23-б.
- <sup>14</sup> Экономическая безопасность хозяйственных систем. Учебник. – М., Изд-во РАГС. 2001. с. 364- 365. Каранг: Савинская Н.А. Устойчивость и экономическая безопасность банковской системы России СПб, 1999; Экономическая безопасность: производства – финанссы – банки./под. Ред. Сенчагова В.К. – М., ЗАО, Финстатинформ, 1998.
- <sup>15</sup> Каримов И.А. Бизнингбон максадимиз – жамиятни демократлаштириш ва янгилаш, мамлакатни модернизация ва ислоҳ этишдир. – Т., Ўзбекистон, 2005. 85-86-б.
- <sup>16</sup> Ўша асар. 85-86-б.

#### 7.4.1-жадвал

### Фоиз ставкаларининг ўзгариши<sup>1</sup>

Давр	Кайта молилилаш ставкасиwing йиллик кўрсаткичи	Киска муддатли кредитлар бўйича олинган ўртacha ставка, сўнда	Юридик шахсларнинг тезкор депозитлари бўйича олинган ўртacha ставка, сўнда	Жисмоний шахсларнинг тезкор депозитлари бўйича олинган ўргача ставка, сўнда
2000	32,3	25,7	12,9	32,2
2001	26,8	28,0	16,0	38,1
2002	34,5	32,2	19,2	40,2
2003	27,1	28,1	17,1	36,2
2004	18,8	21,2	11,3	34,5

#### 7.4.2- жадвал

### Сўмнинг АҚШ долларига нисбатан айирбошлиш курси

(2000 – 2004 йй. давридаги ўртacha кўрсаткичлар)<sup>2</sup>

Давр	МБ айрибошлиш курси сўм/\$	Ўттан даврга нисбатан ўзгариши(%)	Накд хорижий валюта курси(сўм/\$)	Аавалги даврга нисбатан ўзгариши (%)
2000	236,6	89,9	450,1	183,5
2001	422,9	78,8	829,0	84,2
2002	770,8	82,3	1023,8	31,9
2003	979,39	26,0	995,1	-9,0
2004	1058,0	-8,0	1062,5	6,8

<sup>1</sup> Узбекистон иктисолиёти. Тахлилий шарх. 2004 йил Т., СИСМ, 2005. 20-21- б.

<sup>2</sup> Ўша ерда. 23-б.

## **8-боб. Мамлакатнинг иқтисодий хавфсизлигини таъминлаш**

### **8.1. Миллий иқтисодиётнинг жаҳон иқтисодий тизимида тутган ўрни ва унинг манфаатларига таҳдидлар**

Замонавий жаҳон иқтисодиёти халқаро меҳнат тақсимоти асосида миллий иқтисодиётлар ўртасида барқарор, ҳар томонлама ўзаро алоқадорликнинг шаклланиши оқибатида хўжалик ҳаётининг дунё миқёсида интернационаллашувини ифодалайди. Бу ҳол иқтисодий маконнинг вужудга келишига замин ҳозирлади. Ушбу маконда халқаро товарлар, хизматлар, хом ашё ресурслари, молиявий маблағлар, капитал, ишчи кучи бозорлари вужудга келиб, улар ўртасида ўзаро алоқадорлик ҳамда боғлиқлик кучаймокда. Жаҳон миқёсида глобал-технологик, молиявий ахборот, маданий тизимлар жадал равишда ривожланиб бормокда.

Миллий иқтисодиёт халқаро меҳнат тақсимотига кўра ихтисослашуви фойдали қазилма бойликлари, жугрофий жойлашуви, фан-техника тараққиёти, ижтимоий-иктисодий ривожланиш даражаси, халқаро савдо ва иқтисодий фаолиятининг фаоллигига мувофиқ жаҳон иқтисодий тизимида ўзига хос ўринни эгаллайди. Жаҳон иқтисодиётига интеграциялашиш учун миллий иқтисодиёт халқаро ҳамкорлик учун очик бўлиши, яъни очик иқтисодиёт тавсифига эга бўлиши лозим. Очик иқтисодиётнинг хусусиятлари ва мавжуд имкониятларини куйидагича тавсифлаш мумкин:

- ўтиш даврини бошидан кечираётган мамлакатда бозор механизми ва унсурлари ҳамда рақобат муҳити шаклланишининг жадаллашуви;

- миллий иқтисодиёт жаҳон хўжалиги билан анъанавий товар айирбошлашдан ташқари, капитални четга чиқариш ва четдан киритиш, илмий-техниканинг кооперациялашуви, ишлаб чиқариш интеграцияси каби шаклларда уйғунлашади;

- ҳалқаро ресурслар айланмаси ва унинг самарадорлигини оширишга асосланган ҳолда ички ишлаб чиқариш ҳажмига нисбатан миллий даромаднинг ўсиши;

- ҳалқаро айирбошлашнинг мутаносиб иқтисодий ўсиш омили сифатидаги ролининг кучайиши;

Ўзбекистон мустақилликка эришганидан сўнг ҳалқаро меҳнат таксимотида фаол иштирок этиш орқали очик турдаги бозор иқтисодиётини вужудга келтирмоқда. Унинг истиқболлари эса кўп жиҳатдан жаҳон хўжалиги тизимиға кириб уйғунлашувига боғлиқ. Ушбу мақсадга эришиш учун Президент Ислом Каримов томонидан республика ташки иқтисодий сиёсати қуидаги тамойилларга асосланиши белгилаб берилган:

- мафкуравий курашлардан қатъи назар, ташки муносабатларда ошкораликка интилиш;

- тенг хуқуқли ва ўзаро манфаатли ҳамкорлик, бошқа мамлакатларнинг ички ишларига аралашмаслик;

- ўзининг миллий давлат манфаатлари устуворлигида ўзаро манфаатларни ҳар томонлама хисобга олиш;

- тўла ишонч, ҳалқаро иқтисодий ва молиявий ташкилотлар доирасидаги ҳамкорликни чуқурлаштириш негизида икки томонлама ва кўп томонлама ташки алоқалар ўрнатиш ва уларни ривожлантириш;

- умумэътироф этилган ҳалқаро хуқуқ меъёрларига риоя қилиш ва ҳалқаро тартибларга изчиллик билан ўтиш.

Юртбошимиз томонидан ташки иқтисодий сиёсат республиканинг жаҳон бозоридаги мавқеини мустаҳкамлашга, унинг тўлов балансини кучайтиришга ва

хорижий инвестиция учун қулай мухитни вужудга келтиришга қаратилиши алоҳида таъкидлаб ўтилган.

Иқтисодиётнинг очиқлигини таъминлаш ва ташқи иқтисодий фаолиятни эркинлаштиришга қаратилган чоратадбирларнинг амалга оширилиши туфайли мамлакатга хорижий инвестициялар кириб кела бошлади, қўшма корхоналар сони тобора кўпайиб бормоқда, ички бозорни маҳсулот билан тўлдиришга эришилмоқда. Аммо, шу билан бирга, бу жараёнда мамлакат манфаатларига зид жиҳатлар ҳам кўзга ташланмоқда.

Бу ҳолатлар қуидагиларда намоён бўлди:

- республиканинг илгор технологияларга эга бўлишига чекловларнинг мавжудлиги;
- мамлакатга маънавий ва моддий жиҳатдан эскирган техника ва технологияларни олиб киришга уриниш;
- миллий рақобатбардош маҳсулотларни хорижий бозорларга чиқаришга тўёсқинлик қилиш, илгари ўзлаштирилган бозорлардан сиқиб чиқаришга уриниш;
- миллий бойликнинг бир қисмини хорижий капитал томонидан қўлга киритишга интилиш;
- мухим хом ашё товарлари ва капитални четга чиқариш устидан назорат қилиш механизмининг етарли даражада шаклланмагани.

Ташқи иқтисодий алоқаларнинг эркинлаштирилиши шароитида хўжалик субъектлари фаолиятини назорат қилиш механизмининг тақомиллашмагани туфайли, бу соҳада жиноий гурӯҳлар, коррупция, хуфёна иқтисодиёт, наркобизнес, иқтисодий қароқчилик ҳам жонлана бошлади. Шунингдек, айрим ҳолатларда жаҳон хўжалиги тизимита интеграциялашув мақсадлари билан миллий ишлаб чиқарувчилар манфаатлари ўртасида зиддиятнинг вужудга келгани боис, асосий энергия ва хом ашё маҳсулотларининг жаҳон ва ички нархлари ўртасида номутаносибликлар пайдо бўлди.

Таъкидлаш жоизки, ўтиш иқтисодиётига эга мамлакатларда иқтисодиётни тезда очик қилиб қўйиш, ташки иқтисодий фаолиятни жадал эркинлаштириш мамлакат иқтисодий хавфсизлигига таҳдидларнинг кучайишига олиб келди. Бу ҳолат эса миллий ишлаб чиқарувчилар фаоллигининг чеклаб қўйилишига, молиявий пул тизимининг фаолиятига путур етказилиши, импортга, халқаро иқтисодий ташкилотларга қарам бўлиб қолишига олиб келиши мумкин. Шу боис, очик иқтисодиётни шакллантириш ва ташки иқтисодий фаолиятни эркинлаштириш жараёни босқичма-босқич амалга оширилиши керак бўлади.

Мамлакат иқтисодий хавфсизлигига, манфаатларига таҳдидлардан ҳимояланиш учун қуйидагиларни амалга ошириш лозим:

- таклиф этилаётган инвестицион лойиҳа ва хорижий ҳамкорлар билан тузилган йирик битимларни, иқтисодий хавфсизлик талабларини ҳисобга олган ҳолда, дастлабки мустақил экспертиздан ўтказиш;
- хорижий капитал учун устувор соҳа ва тармоқлар билан бир қаторда уларнинг киритилиши ман қилинадиган соҳа ва тармоқлар ҳам қонуний асосда белгилаб қўйилиши керак;
- хорижий инвесторлар томонидан айрим соҳаларда акцияларни харид қилиш тартибини қатъийлаштириш;
- хорижий инвесторларнинг стратегик тармоқларда миллий бойликларимизнинг катта қисмини қўлга киритишига йўл қўймаслик;
- мамлакат банк тизимини ишончли ҳимоялаш;
- ташки фаолият билан шуғулланувчи хўжалик субъектларидағи раҳбар кадрларнинг малакасини ошириш, уларни ўқитиш ва қайта тайёрлаш;

- ички бозорни, миллий ишлаб чиқарувчиларни ташқи рақобатчилар тажовузидан ҳимоя қилиш;
- ташқи иқтисодий алоқалар инфратузилмасини ривожлантириш;
- ташқи бозорларда миллий экспортчилар ва ишлаб чиқарувчиларимизнинг дискреминация қилиниши, камситилишига йўл қўймаслик;
- ташқи иқтисодий фаолият соҳасидаги низо ва келишмовчиликларни кўп томонлама тартибга солиш механизмлари, тенг ҳуқуқли шартномалар тузиш орқали ҳал қилишга интилиш зарур. Бунда асосий эътибор мамлакат товар ишлаб чиқарувчилари ва фуқароларимизнинг манфаатларини ҳимоя қилишга қаратилади;
- чет эллардаги республика мулкини ҳимоя қилиш;
- ташқи иқтисодий фаолият ташқи савдодан юкори фойда, иқтисодий самара олишга интилиш билан бир вактда, мамлакатнинг жаҳон иқтисодиёти тизимида ўзига мос нуфузли ўринни эгаллашига интилиши кабиларни амалга ошириш мақсадга мувофиқдир.

## **8.2. Мамлакат иқтисодий манфаатларини ҳимоя қилиш ва хавфсизлигини таъминлаш**

Мамлакат иқтисодий манфаатларини ҳимоя қилиш ва унинг хавфсизлигини таъминлашда давлат асосий ўрин тутади. Бу борадаги давлатнинг вазифалари қуидагиларда ўз ифодасини топади:

- давлатни микро ва макро иқтисодий тараққиётiga оид стратегик қарорларни асослаш ва уларнинг бажарилишини таъминлаш;
- иқтисодий-маъмурий восита ва усувлар ёрдамида иқтисодий стратегия ва жорий дастурларни амалга ошириш, эришилган натижаларни таҳлил қилиш ва баҳо-

лаш, мавжуд шароитларга мос равишида кўрилаётган чоратадбиrlарга тузатишлар киритиш;

- бошқа мамлакатлар билан ўзаро алоқалар тизимида химояланишни рағбатлантириш режимини кўзда тутадиган қонунлар ва меъёрий хужжатларни ҳаётга татбиқ этиш орқали мамлакатнинг иқтисодий суверенететини хукукий ва сиёсий жиҳатдан химояланишини таъминлаш;

- иқтисодиётда юзага келадиган муаммоли вазиятларни ўз вақтида ҳал қилиш учун давлат бошқарувি органлари ҳамда мансабдор шахсларнинг хуқуқлари, вазифалари ва мастьулиятини оқилона тақсимлаш ва уларнинг ўзаро фаолиятини уйғунлаштириш.)

Мамлакат хавфсизлигини таъминлашни бошқариш тизими ўз ичига қуйидагиларни қамраб олади:

- ташкилий тузилмалар;
- коммуникация ва ўзаро алоқа тизими;
- ахборотлар;
- ҳар томонлама тайёрланган кадрлар.

Мамлакат иқтисодий хавфсизлигини таъминлашга қаратилган бошқарув ишлари икки, ўзаро боғлиқ йўналишда олиб борилади:

- иқтисодий хуқуқбузарликларнинг манбалари ва уларнинг субъектларига қарши қурашиш;

- барча қонун, меъёрий хужжатлар ҳамда бошқарув қарорларини иқтисодий хавфсизликни мустаҳкамлаш талабларига мослигини аниқлаш учун экспертиза-дан ўтказиш.

Иқтисодий хавфсизликни таъминлашнинг мухим шарти ижтимоий-иктисодий жараёнларни бошқариш, бозор иқтисодиётини давлат томонидан тартибга солишинг самарадорлигини ошириш ҳисобланади. Зоро мамлакат иқтисодий хавфсизлиги даражаси унинг иқтисо-

дий салоҳияти билан белгиланади. Бу салоҳият миллий иқтисодиёт ресурслари, захиралари, амалга оширилаётган иқтисодий сиёсатнинг самарадорлиги, бозор инфратузилмаси, бошқариш тизими, саноатни ташкил этиш ҳамда ташқи бозор конъюктурасидаги ўзгаришларга мослашувчанлиги, бошқа мамлакатларнинг қўллаб қувватлаши, ҳалқаро уюшма ва ташкилотларда фаол иштирокида намоён бўлади.

Мамлакатнинг иқтисодий мустаҳкамлиги унга нисбатан қўлланилаётган блокада, санкция ва куч билан таъсир килишга қаршилик кўрсатишга қодирлигини ўзида мужассамлаштиради. Уни таъминлаш учун миллий манфаатларни келиштириш, мувофиқлаштиришнинг сиёсий механизмларини қиёсий таҳлил қилиш лозим.

Иқтисодий хавфсизликни таъминлашда миллий иқтисодиётнинг жаҳон ҳамжамияти билан такрор ишлаб чиқариш жараёнларига тўсқинлик қилмайдиган ҳамда таҳдидлар хавфини кескин камайтиришга имконият берадиган ўзаро уйгуналашиш шарт-шароитларини яратиш алоҳида аҳамият касб этади.

Мамлакат иқтисодий хавфсизлигини таъминлаш учун асосий маҳсулотлар бўйича импортга боғлиқликка барҳам бериш, тайёр маҳсулотларни экспорт қилишни кучайтириш зарур. Бунинг учун мамлакат иқтисодиёти таркибий тузилишини тубдан ўзгarterиши, хом ашё, оралиқ маҳсулотлар ишлаб чиқаришга йўналтирилган иқтисодиётни, маҳсулотларни экспорт қилишга йўналтирилган тайёр маҳсулотга айлантириши мақсадга мувофиқдир. Шундагина малакатнинг иқтисодий ахволи жаҳон бозорларидаги конъюктура ўзгаришларига, ресурс баҳоларининг ўзгаришига боғлиқ бўлмайди. Шу боис, мамлакат иқтисодий хавфсизлигини таъминлашга қаратилган давлат стратегияси иқтисодиётда чуқур таркибий ўзгarterишиларни

амалга ошириш, саноат, молия ва банк тизимини мустаҳкамлашга қаратилади. Бунинг учун технологик жиҳатдан оркада қолишга барҳам бериш, ишлаб чиқаришни модернизация қилиш даркор. Шунингдек, миллий товар ишлаб чиқарувчиларнинг манфаатларини ички ва ташки бозорда химоя қилишга қаратилган оқилона протекционизм сиёсатини амалга ошириш талаб этилади. Бу сиёсат куйидагиларни кўзда тутиши керак:

- монополистик фаолиятни чеклаш;
- тайёр ишлаб берувчи саноат маҳсулотларини, асосан, машина ва асбоб-ускуналарни экспорт қилишни рағбатлантириш учун солик имтиёзларини, имтиёзли кредитлаш усуулларини қўллаш;
- турли ишлаб чиқариш тармоқларида кичик бизнес ва хусусий тадбиркорликни, янги ташкил топган хўжалик субъектларини қўллаб қувватлаш, улар учун қулай шароитлар яратиш;
- ички бозорга ноқонуний йўллар билан арzon, истеъмолчилар саломатлигига салбий таъсир кўрсатувчи товарлар кириб келишининг олдини олиш;
- ички бозорда миллий товар ишлаб чиқарувчилар манфаатини қўзлаш, уларни ташки бозорга чиқишлирини қўллаб қувватлаш;
- йирик ишлаб чиқариш бирлашмаларини қўллаб қувватлашнинг оқилона тизимини яратиш.

Иқтисодий хавфсизликни таъминлаш мақсадида давлат томонидан иқтисодиётни тартиба солишининг самарали тизими шакллантирилади. У ўз ичига куйидагиларни қамраб олади:

- барча турдаги корхона ва ташкилотлар хўжалик юритишининг умумий қоидаларини ўрнатувчи макроиктисодий тартибнинг жорий этилиши;
- иқтисодий ривожланишни прогнозлаштириш ва индикатив режалаштириш;

- давлат ва хўжалик бошқаруви салоҳиятини муво-  
фиқлаштириш ҳамда давлат мулкини бошқаришнинг  
самарали усулларини қўллаш.

Бундан ташқари, мамлакат иқтисодий ҳавфсизли-  
гини таъминлаш учун иқтисодиётнинг криминаллашу-  
вига қарши қурашиш ғоят муҳим аҳамият касб этади.  
Жиной гурухларнинг иқтисодиётта кириб келишининг  
олдини олиш учун, бизнингча, қуйидаги чора-тадбир-  
ларни амалга ошириш керак:

- даромадларни декларация қилиш тизимини тако-  
миллаштириш;

- нодавлат хўжалик субъектларининг айrim фаоли-  
ят турларини қонун йўли билан чеклаш;

- рўйхатга олинмасдан туриб тадбиркорлик фаолия-  
ти билан шугулланишни ман қилиш;

- истеъмолчилар саломатлигига заарар етказувчи  
маҳсулотларни лицензиясиз, сифат сертификатисиз  
сотишни ман қилиш;

- банкротлик қонуни талабларини қатъий ҳаётга  
татбиқ этиш;

- хуқук-тартибот органларида иқтисодий қонунбу-  
зарликларга қарши қурашиш бўлимлари фаолиятини  
кучайтириш;

- иқтисодиётни эркинлаштириш шароитида турли  
назорат ва давлат органларининг тадбиркорлар хўжа-  
лик фаолиятига ноқонуний аралашувини чеклаш ва унга  
карши қурашиш;

- иқтисодиётни тартибга солишининг бозор механизм-  
лари эркин амал қилишини таъминлаш билан бир  
қаторда, давлат органларининг иқтисодиётини тартибга  
солиш фаолияти самарадорлиги ва таъсирчанлигини  
oshiриш.

### **8.3. Мамлакат ички иқтисодий хавфсизлигини таъминлаш**

Мамлакат ички иқтисодий хавфсизлигини таъминлашнинг асосий йўли барқарор иқтисодий ўсишни таъминлаш, аҳоли турмуш даражасини ошириш ва турмуш шароитларини яхшилаш ҳисобланади. Чунки ижтимоий соҳада кескинликнинг вужудга келиши мамлакат иқтисодий хавфсизлиги учун хавф-хатар туғдириши шубҳасиздир.

Иқтисодий хавфсизликка таҳдид солувчи омиллар аҳоли турмуш шароитлари билан боғлиқ муаммо ва зиддиятлар ҳисобланади. Шу боис, Юртбошимиз Ислом Каримов “Миллий давлатчиликни шакллантириш, демократик ислоҳотларни амалга ошириш, иқтисодиётни бир ҳолатдан иккинчи ҳолатга ўтказиш ҳамда бозор муносабатларига ўтиш даврида ижтимоий муаммоларга алоҳида эътибор бериш зарур”<sup>1</sup> лигини таъкидлагани бежиз эмас. Ижтимоий муаммолар ўз вақтида ҳал этилмаса, улар хавфсизликка таҳдид солувчи омилга айланади. Шу маънода Президент И.Каримов таъкидлаганидек, “Тарих сабоқлари шундаки, унинг айнан кескин бурилишларида, ижтимоий формациялар алмашинаётганда ижтимоий муаммолар ва зиддиятлар фоят кескинлашади, миллий хавфсизликка, фуқаролар тинчлигига ва барқарорликка таҳдид солувчи омилга айланади”<sup>2</sup>.

Юртбошимиз унинг қуидаги сабабларини кўрсатиб берган:

1. Ижтимоий зиддиятлар ўз можиятига кўра ҳамиша сиёсий, ижтимоий ва иқтисодий ўзгаришларни ҳаракатлантирувчи куч бўлиб хизмат қиласи. Ўзгаришларнинг қай тарзда бориши ёки бўлмаса, кескин шаклларга кириши: ижтимоий норозиликлар, стихияли портлашлар,

фуқаролар урушлари ва инқирозлар тусини олиши тўпланаб қолган ижтимоий муаммоларнинг қай даражада кескинлигига, ҳукмрон тузилмаларнинг бу муаммоларни ҳал қила олиши ёки ҳал қила олмаслигига боғлик;

2. Амалдорлар томонидан ислоҳотларнинг моҳиятини тушуниб етмаслик, ижтимоий адолатнинг бузилиши, ҳокимиётнинг турли погоналаридағи коррупция аҳолининг ижтимоий-рухий кайфиятига салбий таъсир этиши ва оқибатда жиддий зиддиятларга олиб келиши мумкин;

3. И.А.Каримов кенг кўламдаги узоқ муддатли ислоҳ қилиш жараёнининг дастлабки босқичини энг қийин, ижтимоий портлаш хавфи бўлган босқич деб атаган.

4. Бозор иқтисодиётига ўтиш шароитида эскича ва янгича дунёқарааш, ўтмиш ва замонавий қадриятлар тизими ўртасидаги зиддиятлар янада кескинлашади. Юртбошимиз таъкидлаганидек, “Ижтимоий муаммоларнинг кескинлиги кимларнингdir камбағаллиги ёки бойлигига эмас, балки ушбу ижтимоий табақалар ўртасидаги ҳаддан ташқари катта фарқ пайдо бўлишида-дир. Бу эса, беихтиёр уларнинг қарама-қаршилигига олиб келади”.

Ушбу фикрларга таянган ҳолда айтиш мумкинки, энг жиддий иқтисодий таҳдид аҳолининг турли табақалари даромадларида дифференциаллашув даражасининг юқорилигига намоён бўлади. Бу эса аҳоли ичидаги камбағаллар қатламиининг кўпайишига сабаб бўлади. Албатта, у ҳам иқтисодий хавфсизликка таҳдид хисобланади. Ҳадисларда “Камбағаллик энг катта баҳтсизлик ва зўр мусибатдир. Мухтоҷлик одамни ҳаммага душман, беҳаё қилади, инсоф ва мурувватини қўлидан олади, қувват ва идрокини заифлаштиради. Мухтоҷлик гуноҳ ва фасод манбаидир”<sup>3</sup> деб бежиз айтилмаган.

**Аҳоли даромадлари ўргасидаги фарқнинг пайдо бўлиши ва кучайишта қуийдаги ҳолатлар таъсир кўрсатади:**

- иқтисодиётнинг турли соҳаларида, мамлакатнинг турли минтақаларида даромад олиш имкониятларининг баробар эмаслиги;
- мамлакатнинг 60 фоиздан ортиқ аҳолиси яшаётган қишлоқ жойлардаги яширин ишсизлик ҳамда кичик ва ўрта бизнеснинг етарли даражада ривожланмагани салбий таъсир кўрсатмоқда.

8.3.1-чизмадан кўриниб турибдики, аҳоли пул даромадлари таркибида меҳнат ҳақи 29.1 фоизни ташкил этган. Бу ҳол иш ҳақи улушкининг ёлланма ишчилар даромадларида пасайиб, уларнинг меҳнат мотивациясига салбий таъсир кўрсатишини билдиради. Масалан, кейинги йилларда ёлланма ишчилар даромадларида иш ҳақининг улуси 54.5 фоизни ташкил қиласди. Аҳоли даромадларида иш ҳақи улушкининг камайиб бориши меҳнат унумдорлиги, ишлаб чиқариш самарадорлитини опиришда ишчилар ва ходимлар манфаатдорлигининг пасайиб кетишига олиб келади. (8.3.1-чизмага қаранг).

Иқтисодиётнинг турли тармоқлари бўйича ишчи ва хизматчиларнинг ўртacha иш ҳақлари орасида кескин фарқ қўзга ташланмоқда. Қишлоқ хўжалигига банд бўлган ходимлар иш ҳақлари ўртacha республика кўрсаткичининг 60.9 фоизини ташкил этиб, саноатдаги ўртacha иш ҳақига нисбатан уч баробарга кам. Бундай кескин тафовут маълум иқтисодий таҳдидни келтириб чиқаради. Шунингдек, ижтимоий хизмат кўрсатиш, яъни соғлиқни сақлаш, таълим, маданият ва санъат соҳаларидаги ходимларнинг ўртacha ойлик иш ҳақлари ўртacha республика даражасининг 60-80%ини ташкил этмоқда. Ваҳоланки, ушбу тармоқларда ходимларнинг билим, касб-малака даражалари бошқа тармоқлардагиларга нисбатан анча юкоридир.

Яна бир жиддий ижтимоий таҳдид - ишсизликнинг юқори даражадалигидадир. Иқтисодий фаол аҳоли орасида ишсизлик даражаси 10%дан ошиб кетса, у иқтисодий таҳдидни вужудга келтиради. Ишсизликнинг вужудга келиши бозор иқтисодиёти қонуниятларидан биридир. Аммо ишсизлик туфайли камбағаллик, жиноятчилик, гиёхвандлик каби ижтимоий иллатлар келиб чиқишини ҳам унутмаслик лозим.

Ушбу иқтисодий таҳдиднинг яна бир жиҳати республика қишлоқ хўжалигида ортиқча бандликнинг мавжудлиги билан боғлиқ. Гап шундаки, меҳнат ресурсларидан экстенсив, унумсиз фойдаланиш кўпинча ишлаб чиқариш самарадорлигининг пасайишига олиб келади. Ҳозирги даврда республика қишлоқ хўжалигидаги ортиқча ишчи кучини бошқа соҳаларга ўтказиш талаб этилмоқда.

Мамлакатимизда расмий ишсизлик даражаси 0.5 %ни ташкил этади. Аммо норасмий яширин ишсизлик даражаси анча юқори бўлиб, у 5 %ни ташкил этади. Бундан кўриниб турибдики, ишсизлик хавфсизликнинг кўйи чегарасидан анча бери, яъни у ҳали иқтисодий таҳдид даражасига етгани йўқ.

Шуни айтиб ўтиш жоизки, кейинги йилларда кўплаб иш ўринлари яратилмоқда. Аммо уларнинг ўсиш суръатлари аҳолининг кўпайиш суръатларидан орқада қолмоқда. Ишсизлар билан бир қаторда кўп микдордаги бўш иш жойларининг мавжудлиги таклиф этилган ишчи кучининг маълумот-малака, иш тажрибаси даражасига кўра талабга мос эмаслиги билан изоҳланади. Бошқа томондан, ишчи кучига талаб кўпинча таклиф этилган иш ҳақининг камлиги туфайли талаб ва таклиф ўртасида номутаносибликка сабаб бўлмоқда.

Бу ҳол ҳисобга олинмаган иш билан бандликнинг, яъни қонун йўли билан тақиқланмаган даромад келти-

рувчи, аммо соликдан яшириб келинадиган ҳар қандай фаолиятнинг кенгайишига ҳам олиб келади.

Умумий ижтимоий-иктисодий таҳдид аҳолининг ўрта-ча кутилаётган умр узоқлиги ҳисобланади. Бу кўрсат-кичнинг Ўзбекистон учун хавфли чегараси 60 ёшни ташкил этади. Кутилаётган умр узоқлиги аҳоли саломатлигининг аҳволига баҳо берувчи асосий мезон сана-лади. Республикаизда кейинги 14 йил ичиди аҳоли-нинг кутилаётган умр узоқлиги 69.3 ёшдан 70.6 ёшга ўсиди. МДҲ мамлакатларининг аксариятида шу давр-нинг ўзида мазкур кўрсаткичнинг пасайиши кўзга таш-ланмоқда.

Бу ютуқлар аҳоли саломатлигининг мустаҳкамланиши, турмуш шароитининг яхшиланиши, жумладан, ичимлик суви билан таъминлаш бўйича кенг қамровли давлат дастурларининг амалга оширилиши, аёллар ва болаларга ҳар томонлама ғамхўрлик кўрсатилаётганлиги туфайли қўлга киритилди.

Шу билан бирга аҳоли саломатлиги аҳволида кейинги пайтларда юз берәётган ва республикаиз учун нисбатан янги бўлган, ҳам тиббий, ҳам ижтимоий-иктисодий муаммолар туфайли вужудга келган айрим салбий ўзгаришлар жиддий хавотир ўйғотмоқда. Бу, авваламбор, сил касаллиги билан оғриш ҳолларининг кўпайишида намоён бўлади.

Аҳоли саломатлиги ва кутилаёттан умр узоқлигига салбий таъсир этувчи гиёхвандлик ва токсикомания билан касалланишнинг кўпайиши ҳам ўта хавфли ижти-моий таҳдид ҳисобланади. Гиёхвандлик ва токсикомания билан касалланишнинг энг юқори кўрсаткичи Тошкент шаҳри, Хоразм, Самарқанд, Навоий ва Бухоро вилоятларида қайд этилган. Ушбу касалликлар аҳоли генофонига жиддий путур етказиши мумкинлиги айниқса ха-

тарлидир. Шунингдек, бу омил уюшган жиноятчиликнинг кенгайишига сабаб бўлиш эҳтимоли катта.

Мамлакат ички хавфсизлигига таҳдидлар жумласига қуйидагиларни киритиш мумкин:

- меҳнатга лаёқатли аҳоли, меҳнат ресурсларининг ўсиш суръатлари асосий фондлар яратилаётган янги йўринглари ўсиш суръатларидан ортда қолиши, келгусида ишсизлар даромад олиш имкониятига эга бўлмаган кишилар сонининг ўсишига олиб келиши мумкин;

- иш ҳақининг аҳоли, жумладан, ёлланма ишчи ва хизматчиларнинг оиласи даромадидаги улушкининг камайиши, иш ҳақининг рағбатлантирувчанинг пасайиши;

- аҳоли таркибида кекса, нафақа ёшидаги кишилар улушкининг кўпайиши келгусида уларнинг ижтимоий таъминоти масалаларида муаммоларни тұғдиради;

- кичик бизнес ва хусусий тадбиркорлик субъектлари фаолиятита тўскىнлик қилувчи омилларнинг мавжудлиги;

- солик юкиннинг оғирлиги тадбиркорлик фаолиятининг ривожланишига тўскىнлик қилувчи омил ҳисобланади.

Бу омиллар ижтимоий-иктисодий ривожланишга, тадбиркорлик фаолиятита тўскىнлик қилиб, ижтимоий зиддиятларни ва таҳдидларни вужудга келтиришга замин яратади.

Солик юкиннинг оғирлиги турли ҳукуқбузарликларнинг келиб чиқишига ҳам сабаб бўлиши мумкин. Соликка оид ҳукуқбузарликларни вужудга келтирувчи сабабларни уч гурухга ажратиш мумкин:

- қонунчилик меъёрларининг такомиллашмагани, уларнинг тез-тез ўзгариб туриши;

- солик ставкаларининг аҳоли ва корхона даромадлари даражаси ҳамда реал ҳолатни ҳисобга олмасдан юқори қилиб белгилангани;

- маънавий-ахлокий сабаблар. Улар солиқ тўловчи шахсларнинг, ишлаб чиқариш, молиявий корхона ва ташкилотлар томонидан ўз манфаатларини устун қўйишида, солиқ тўлашдан бўйин товлашида намоён бўлади.

Солиқ тўлашдан бўйин товлаш усуллари қуидаги лардан иборат:

- солиқ тури қандай бўлишидан қатъи назар, даромадларни, солиқка тортиш обьектини яшириш, солиқ ҳажмини камайтириш, солиқ имтиёзларидан ноқонуний фойдаланиш;

- жорий солиқларни тўламаслик мақсадида ёки солиқдан қарз бўла туриб маблағларни солиқ тўлашдан яшириши;

- фойда солиғини камайтириб кўрсатиш, қўшилган қиймат солиғини, жисмоний шахслар томонидан даромад солиғи тўлашдан бўйин товлаш.

Солиқ қонунчилиги соҳасидаги камчиликлар сабабли солиқларнинг йиғилишида камайишига олиб келмоқда. Бу ҳол иқтисодиётнинг хуфёна сектори билан ҳам боғлиқ бўлиши мумкин. Хуфёна иқтисодиёт билан боғлиқ солиқ тўлашдан бўйин товлаш ҳолатлари бухгалтерия ҳисобида даромадларни солиқка тортиш обьектларини тўлиқ равишда чиқариш, айланма маблағларни бир қисмини яширишда ўз ифодасини топади. Ушбу салбий жараёнлар, қонунбузарликларнинг олдини олиш учун солиқ ва фуқаролик жиноят-процессуал кодекслари такомиллаштирилиши зарур. Ўзбекистон Республикаси Президенти солиқ сиёсатини янада такомиллаштириш вазифасини белгилаб берар экан “шунга эришмогимиз керакки, ҳар бир солиқ тўловчи, у ҳам жисмоний ҳам юридик шахс бўлсин, солиқ тўлашдан бўйин товламасдан, даромадларни яширишга уринмасдан, аксинча ўз ишлаб чиқаришини ривожлантириш ва даромадини оширишга интилсинг”, деб таъкидлайди.

Мамлакат иқтисодий ҳавфсизлигига кишилар ўрта-

сидаги ноформал иқтисодий алоқа ва муносабатлар ҳам таҳдид солади. Бу таҳдидга сабаб бўлувчи ҳолатларни касса назоратидан ташқаридаги ҳисоб-китоблар, маиший хизматлар кўрсатиш, уй жойларни ижарага беришда накд пулнинг айланишида кўриш мумкин.

Хуфёна иқтисодиёт секторининг мавжудлиги мамлакат иқтисодий ҳавфсизлигига жиддий таҳдид солади. Наркобизнес хуфёна иқтисодиётнинг энг ҳавфли фаолият соҳаси ҳисобланади. Наркотик моддалар ишлаб чиқариш учун жалб этилаётган меҳнат, ер, капитал ресурсларининг арzon, улгуржи нархлари ҳам паст эканини эътиборга олиш даркор.

Агар Покистонда 1 кг героиннинг улгуржи нархи 1500 АҚШ доллар бўлса, Германияда 10000, Англияда 40000, АҚШда 120000 долларга сотилади. **Хатарли жиҳати шундаки, наркобизнес ўзининг нопок пулларини қонуний фаолият соҳаларига киритишга интилади.**

Кишиларни гаровга олиш ҳамда қурол савдоси хуфёна иқтисодиётнинг ўта хатарли соҳаси ҳисобланади. Хуфёна иқтисодиёт иқтисодий қонунбузарликлар, террористик жиноятлар билан ҳам қўшилиб кетмоқда.

Хуфёна иқтисодиётга қарши курашиш учун корхоналар хўжалик молиявий фаолияти, жисмоний шахсларнинг даромад олиши ва харажатлари тўғрисидаги хаққоний ахборотларни тўплаш, таҳлил қилиш асосида иқтисодий-ижтимоий жараёнларни кенг қамровли назорат қилиш тизимини шакллантириш лозим. Бунда давлат бошқа органлар, нодавлат ташкилотлар, уюшмалар билан ўзаро ҳамкорлик алоқаларини йўлга қўйиши лозим.

## **Асосий таянч тушунчалар**

Глобаллашув, интеграллашув, геоиктисодий майдон, миллий иқтисодиётниң очиқлиги, ташки иқтисодий фаолиятни эркинлаштириш, давлат иқтисодиётини тартибга солиш, ишсизлик, ахоли даромадлари, ижтимоий таҳдид, солиқ тўлашдан бўйин товлаш, наркобизнес, хуфёна иқтисодиёт.

### **Такрорлаш учун саволлар**

1. Хўжалик муносабатларининг глобаллашуви мамлакат хавфсизлиги учун қандай ижобий ва салбий таъсир этади?
2. Геоиктисодий макон нима?
3. Миллий иқтисодий манфаатларга нималар таҳдид солади?
4. Давлат ва хўжалик бошқарув органларининг мамлакат иқтисодий хавфсизлигини таъминлашдаги вазифалари нималардан иборат?
5. Мамлакат иқтисодий хавфсизлигига қандай ижтимоий таҳдидлар мавжуд?
6. Ижтимоий таҳдидларнинг олдини олиш учун нималар қилиш керак?
7. Хуфёна иқтисодиётта қарши қандай чора-тадбирлар қўлланиши мумкин?
8. Солиқ тўлашдан бўйин товлаш ҳолатларининг олдини олиш учун нималар қилиш керак?

---

<sup>1</sup> Каримов И.А. Ўзбекистон XXI аср бўсағасида: хавфсизлика таҳдид, барқарорлик шартлари ва тараққиёт кафолатлари.- Т., Ўзбекистон, 1997.- 211-б.



<sup>2</sup> Ўша асар, 211-б.

<sup>1</sup> Хадислар.– Т., Мехнат, 1991. – 126-бет.

<sup>1</sup> Каримов И.А. Бизнинг бош мақсадимиз – жамиятни демократлаштириш ва янгилаш, мамлакатни модернизация ва ислоҳ этишдир – Т., Ўзбекистон, 2005. 89-б.

### 8.3.1-чизма

#### Аҳоли даромадлари ва харажатлари балансига кўра пул даромадлари таркиби<sup>1</sup> (жамига нисбатан, % ҳисобида)



- 1 – кишлок хўжалик маҳсулотларини сотишдан олинган даромадлар – 23.7%; 29.1%
- 2 – тадбиркорлик, мулкий ва бошқа даромадлар – 28.2%; 31.1%
- 3 – социал трансферлар – 14.2%; 12.9%
- 4 – меҳнат ҳаки ва корхонадан олинган бошқа даромадлар – 29.4%; 26.9%
- 5 – бошқа даромадлар – 4.5%;

### 8.3.1-жадвал

## Ижтимоий-иктисодий таҳдидлар<sup>1</sup>

Кўрсаткочлар	Ўзбекистон учун хавфсизлик сизнига кўйи чигараси	Ҳакиқий ҳолат		Хавфсизлик чигарасидан тушаб кетишганда ижтимоий-иктисодий, сиёсий оқибатлари
		Ўтиш иктиносидроёт мимлакатларида	Ўзбекистонда	
Ахролининг 10% энг бой ва 10% энг камбагал гурӯҳлари даромадлари ўртасидаги нисбат	10:1 дан ортиқ змас	13 – 15 :1	10.5 : 1	Жамиятда ижтимоий ва муъюз табакаланинг кучайини
Иктиносидий феод аҳолига нисбатан ишсизлик	10 %дан ортиқ змас	7 – 10%	5 – 7%	Камбагаллик, ижтимоий ҳамоята муҳтожиқ ахли қатламларининг ўсиши ва ижтимоий зиддиятларининг кучайини
Умрнинг ургача узаклиги	60 ёйдан кам змас	65-69 ёш	70.6 ёш	Мимлакат меҳнат салоҳиятининг камайини, миллат саломатигининг ёмонлашуви

<sup>1</sup> Ўзбекистон Республикаси Иктиносидроёт вазирлиги маълумотлари асосида тузилган.

## **9-боб. Ташқи иқтисодий хавфсизлик ва мамлакат рақобатбардошлигини таъминлаш**

### **9.1. Ташқи иқтисодий фаолият ва миллий манфаатларга таҳдидлар**

Бозор иқтисодиётига ўтиш шароитида ҳалқаро меҳнат тақсимотида фаол қатнашиш, фан-техника соҳасида ўзаро манфаатли ҳамкорлик қилиш йўли биланги-на ижтимоий-иктисодий тараққиётга эришиш мумкин. Ташқи иқтисодий фаолиятни ривожлантиришда жаҳон иқтисодий тизимидағи рақобатнинг кучайиши, ўзаро ҳисоб-китоб ва транспорт алоқаларининг мураккаблашуви, керакли тажрибанинг камлиги, юқори малакали мутахассис кадрларнинг етишмаслигига алоҳида зътибор қаратиш лозим. Ташқи иқтисодий фаолият соҳасидаги асосий вазифа хорижий давлатлар билан савдо, илм-фан, техника, таълим, инвестиция ва шу сингари соҳаларда ўзаро манфаатли иқтисодий муносабатларни таъминлаш орқали мамлакатни ижтимоий-иктисодий ривожлантиришдан иборатdir.

Ташқи иқтисодий фаолиятнинг муҳим йўналиши ҳалқаро савдо бўлиб, бунда мамлакат чегарасидан ташқарида амалга ошириладиган товар ва хизматлар алмашуви тушунилади. Ҳалқаро савдонинг вужудга келиши мутлақ харажатлардаги тафовутлар ва қиёсий харажатлардаги тавофутлар билан тавсифланади<sup>1</sup>. Шунга кўра корхоналар (ёки мамлакатлар) ташқи савدونи амалга ошираетганида, ўзлари ишлаб чиқармаган (ёки бу улар учун четдан сотиб олиш арzonга тушадиган) маҳсулотларни сотиб оладилар ҳамда ўзлари фойдалан-

майдиган (ёки фойдаланишдан ортиб қоладиган) махсулотларни чет эл мамлакатлари ёки корхоналарига сотадилар. Бу ҳол уларнинг маълум товар ва хизматларни ишлаб чиқаришга ихтисослашишини билдиради. Оқибатда улар бошқалар ишлаб чиқармайдиган ёки ишлаб чиқариш улар учун қимматга тушадиган товарларни тайёрлаб, сотадилар. Бундай ихтисослашув савдода устунликни вужудга келтириб, уларга фойда келтиради.

Мамлакат ва хорижий давлат ўртасида маълум вақт оралиғида амалга оширилган трансоперациялар статистикада тўлов балансида акс эттирилади. Тўлов баланси жорий моддалар, яъни савдо баланси, хизматлар ва ўтказиладиган баланслар, шунингдек, капитал ҳаракати балансини ўз ичига олади. (қаранг: 9.1.1-жадвал).

Очиқ иқтисодиётга эга мамлакатларда ташки савдо фаолияти анча эркинлаштирилган. Аммо барча мамлакатларда ҳукуматлар таъсирида чекланган, тартибга солинадиган ташки савдо амалга оширилади. Унинг асосий воситаси тариф барьери деб аталадиган божхона пошлинаси ҳисобланади. Шунингдек, тарифсиз чеклашлар ҳам мавжуд бўлиб, у импорт ва экспорт квоталарини белгилашни ҳамда ўзини-ўзи чеклаш усулини ўз ичига олади. Ўзини-ўзи чеклаш усули экспортни қилувчи мамлакат ҳукумати ўзининг экспортни амалга оширувчи корхоналаридан савдо бозорига чиқариладиган товарларининг маълум йиллик ҳажмидан (қийматидан) ошиб кетмасликни талаб қилган ҳолда намоён бўлади. Мамлакатда ишлаб чиқарилган махсулотдан фойдаланиш лимитини белгилаш ҳам ташки савдони чеклашнинг ўзига хос тури ҳисобланади.

Ҳукумат томонидан амалга ошириладиган тарифли ва тарифсиз чеклашлардан мақсад мамлакатда ишлаб чиқарилган махсулотларнинг ички бозорда сотилиши-

ни ошириш йўли билан тўлов ва ташқи савдо балансининг мусбат самарасини олиш, шунингдек, миллий товар ишлаб чиқарувчиларни ташқи рақобатчилар тажовуздидан ҳимоя қилишдан иборат.

Жаҳон хўжалик тизимиға интеграциялашув шароитида мамлакатнинг иқтисодий хавфсизлигини таъминлаш учун қўйидагиларни амалга ошириш лозим:

- экспортнинг оптималь таркибини шакллантириш. Унинг таркибида тайёр юқори технологик, илмталаб маҳсулотлар ва юқори сифатли хизматларнинг улушкини кескин ошириш чора-тадбирларини кўриш лозим;

- мамлакатнинг мавжуд рақобат устунлиги имкониятларидан фойдаланиб, миллий товар ишлаб чиқарувчиларнинг маҳсулотларини экспорт қилишнинг янги, истиқболли бозорларини ўзлаштириш; уларда муваффақият қозониш учун халқаро маркетинг стратегияларини амалга ошириш; ишлаб чиқариш кооперацияси, инжинииринг, лизингни ривожлантириш;

- хорижий давлатлар уларнинг савдо-иқтисодий ташкилотлари, уюшма ва иттифоқлари билан ўзаро муносабатларда қулай имтиёзли савдо режимларига эришиш;

- мамлакат корхоналарига экспорт ва импорт қилувчи сифатида халқаро замонавий машина, техника ва технологиялар, асбоб-ускуналар, ахборот ва капитал бозорларига чиқишилари, транспорт коммуникацияларидан фойдаланишлари учун шароитлар яратишга кўмаклашиш;

- кредитор мамлакатлар ва халқаро ташкилотлар ҳамда қарздор давлатлар билан бўладиган ўзаро валюта, молиявий муаммоларни тартибга солиши.

Ушбу чора-тадбирларни амалга оширишда белгиланган ҳуқуқий меъёр ва нормалар асос бўлиб хизмат қиласди. Бу нормалар, ўз навбатида, товар ва хизматлар,

интеллектуал меҳнат натижалари, шунингдек, жисмоний ҳамда ҳуқуқий шахсларнинг мамлакатлараро ҳаракат йўналишлари, усувлари, шартларини белгилаб беради.

Мамлакатнинг иқтисодий хавфсизлигини таъминлаш учун давлат ташқи иқтисодий фаолиятни тартибга солади. Давлатнинг ташқи иқтисодий фаолиятни тартибга солиш механизми иқтисодий ва ҳуқукий-маъмурий усувларни ўз ичига олади.

Иқтисодий тартибга солиш усувлари божхона пошлина (тўлов)лари, йигимлари, қўшилган қиймат солиги, акцизлардан иборат.

Ҳуқукий-маъмурий усувлар лицензиялаш, квоталаш, товар сифатини сертификациялаш, айрим товарлар экспорти ва импортига давлат монополиясини ўрнатиш, шунингдек, божхона чегаралари орқали товарлар, капиталлар ва хизматларнинг ўтиб туриши билан боғлиқ ташкилий-ҳуқукий ва ташкилий-техник чоратадбирларни ўз ичига олади.

Мамлакатнинг экспорт ва импорти билан боғлиқ миллий манфаатлари ва хавфсизлигини ҳимоя қилиш учун самарали ва мослашувчан экспорт назорати тизимиши шакллантириш муҳим аҳамият касб этади. Экспорт назорати асосида экспорт шартномаларининг ҳалқаро мажбуриятларга, мамлакат иқтисодий хавфсизлиги талабларига мослиги таъминланади.

Шунингдек, мамлакат иқтисодий хавфсизлиги учун муҳим аҳамиятга эга бўлган товар ва технологиялар экспорти лицензиялаштирилади. Ушбу назорат асосида бирон-бир стратегик аҳамиятга эга бўлган маҳсулотни экспорт қилиш ман қилинса, ундан мамлакат ичидагойдаланиш имкониятлари яратилиши керак.

Мамлакатнинг иқтисодий хавфсизлигини таъминлаш-

да давлатнинг божхона органлари мухим ўрин тутади. Божхона органлари четга ружсатсиз, ноқонуний равища капитал, миллий ва маданий бойликлар, интеллектуал маҳсулотларнинг олиб кетилиши, ноқонуний валюта операциялари, қурол-яроғ, стратегик материал ва наркотик моддалар контрабандасининг олдини олишга қартилган фаолият юритадилар.

Давлат органларининг божхона назоратида халқаро тажрибада кўп қўлланиладиган қуйидаги усуслардан фойдаланилади:

- божхона йигимлари микдорини тартибга солиш орқали мамлакатга кириб келаётган товарлар таркибига таъсир кўрсатиш. Бунда товарларнинг мамлакат ҳаёт фаолияти учун қай даражада мухимлиги эътиборга олинади. Аҳоли ва мамлакат эҳтиёжлари учун мухим бўлган импорт маҳсулотларига бож тўловлари камайтирилади ёки бекор қилинади. Бошқа товарларга эса бож тўловлари юқори даражада белгиланади;

- мамлакатнинг ҳисоб ва тўлов балансининг ҳолатини ҳисобга олган ҳолда тариф қоидалариңи тартибга солиш;

- миллий иқтисодиётни жаҳон бозоридаги маҳсулотлар сифат кўрсаткичлари, ишлаб чиқариш харажатларидаги фарқлар ҳамда ички ва ташқи бозорлардаги нарх қайчиси туфайли юзага келадиган салбий омиллар таъсиридан ҳимоя қилиш. Ички ва жаҳон бозорлари нархларини мувофиқлаштириш учун божхона дастаклари ва воситаларидан фойдаланилади<sup>2</sup>.

Божхона органларининг мухим вазифаларидан бири мухим стратегик ҳом ашёларни, валюталарни ноқонуний тарзда четга олиб чиқиб кетилишига ёки экспорт ва бартер операциялари туфайли олинган валюта тушумларининг қайтмаслигига ҳамда контрабандага йўл қўймаслик ҳисобланади.

Иқтисодий контрабандага қарши кураш мухим аҳамиятга эга. Ташкилий жиноий гурухлар ва айрим тадбиркорлар томонидан мамлакатта ноконуний тарзда товарлар олиб келиниши ички бозорлардаги товарларнинг рақобатбардошлигига таъсир кўрсатади. Чунки контрабанда товарлари божхона тўловлари, солиқларни тўла масдан олиб кирилгани учун ички бозордаги миллий товарларга нисбатан арzon бўлади. Натижада улар миллий товарларнинг бозорини касод қилиб, товар ишлаб чиқарувчиларнинг хонавайрон бўлишига олиб келади. Контрабандистларнинг мақсади қисқа муддатда товарларини сотиб, фойда олишдан иборат. Иқтисодий контрабандага қарши курашнинг асосий йўллари қуидалардан иборат:

- барча транспорт воситаларидан фойдаланиб, божхона назоратидан яширинча божхона чегаралари орқали товар, бойликлар ва бошқа буюмларни олиб ўтишга бўлган уринишларни аниқлаш ва уларнинг олдини олиш;
- контрабанда буюмларини ўз вақтида аниқлаш ва уларни мусодара қилишнинг технологик схемаларини ишлаб чиқиши. Бунинг учун божхона чегара постларини замонавий техника ва технологиялар билан жиҳозлаш, юқори малакали божхона ходимларини тайёрлаш ва уларни ватанпарварлик руҳида тарбиялаш лозим бўлади. Шунингдек, контрабанда билан шуғулланувчи шахсларнинг жавобгарлигини, уларни жазога тортишнинг қонуний-мезёрий асосларини кучайтириш керак;
- ташқи иқтисодий фаолият иштирокчилари ўртасида профилактика ишларини олиб бориши;
- давлат божхона органларининг хавфсизлик ва хуқуқ-тартиб органлари ҳамда жамоатчилик билан ҳамкорликда фаолият олиб боришлиарини таъминлаш;
- контрабандага қарши кураш чора-тадбирларини

тартибга солувчи, уларнинг қонунийлигини таъминловчи хужжатларни ишлаб чиқиши.

## **9.2. Хорижий инвестицияларни жалб этиш билан боғлиқ хавфсизлик ва мамлакатнинг ракобатбардошлиги**

Бозор иқтисодиётiga ўтиш шароитида миллий иқтисодиётга хорижий инвестицияларни жалб этиш муҳим аҳамият касб этади. Хорижий капиталнинг кириб келиши Ўзбекистон иқтисодиётида таркибий қайта қуришни, истиқболли, замонавий тармоқларни вужудга келтиришга, ишлаб чиқаришни модернизация килишга, ички бозорни товарлар ва хизматлар билан тўлдиришга, товарларни экспорт қилишнинг янги бозорларини, хўжалик субъектларини бошқаришни замонавий менежмент асосида қайта ташкил этиш ва такомиллаштиришга, янги ишчи ўринларини яратишга имкон беради. Капитал киритувчи хорижий инвесторнинг инвестициялардан кутаётган даромади капитал эвазига олиш мумкин бўлган фоиз ставкасидан юқорироқ даражада бўлиши керак.

Ўзбекистон Республикасида иқтисодиётта хорижий инвестицияларнинг кириб келиши учун қулай шароитлар яратилган. Мавжуд қонунчиликка биноан хорижий инвесторлар ўз инвестицияларини республика ҳудудида қуидаги йўллар билан киритиш имкониятига эга:

- давлат мулкини хусусийлаштириш орқали янгидан ташкил этилаётган корхоналар, банклар ва бошқа ташкилотларга ўз улушкини қўйиши, яъни қўшма корхона ташкил этиш ёки бутунлай корхонани сотиб олиш;

- мулкни, акцияларни ва бошқа қимматли қофозларни харид этиш;

- мустақил ёки миллий хўжалик субъектлари иштирокида хусусийлаштирилаётган давлат объектларига мулкий ҳукуқни сотиб олиш, яъни табиий ресурслардан фойдаланиш ҳукуқини харид қилиш.

Республикамизда хорижий инвестицияларни жалб этишда қуидаги соҳаларга устуворлик берилади:

- замонавий технология асосида истеъмол товарларини ишлаб чиқиши, қишлоқ хўжалик маҳсулотларини қайта ишлаш;

- ускунасозлик, асбоб-ускуналар ва радиотехника, самолётсозлик, автомобилсозлик маҳсулотларини ишлаб чиқариш;

- хом ашё ва энергоресурсларни тежамли ишлатиш имкониятини берувчи ускуналарни ишлаб чиқариш;

- эҳтиёт қисмлар ва деталлар ишлаб чиқаришини йўлга қўйиш. Бу ишлар маҳаллийлаштириш дастури асосида амалга оширилади;

- замонавий ахборот ва телекоммуникациялар тизимини барпо этиш;

- хом ашё, табиий ресурсларни қазиб чиқариш ва экологик жиҳатдан соғф усууллар билан уларни қайта ишлаб чиқариш;

- дори-дармон ва замонавий тиббий техникани ишлаб чиқариш.

Мамлакатимизда хорижий инвесторларга Ўзбекистон Республикасининг чет эл инвестицияси тўғрисидағи қонунлари асосида кафолат ва имтиёзлар яратилган. Хорижий инвесторлар баъзи солиқлардан озод қилинган бўлиб, улар солиқ ва божхона тўловлари тўлашда имтиёзларга згалар.

Мамлакатимизда хорижий инвестицияларни иқтисодиётга жалб этиш учун қулай мухитнинг яратилганиги сабабли асосий капиталга инвестицияларнинг мо-

лиялаштириш манбалари бўйича таркибида хорижий инвестицияларнинг улуши 2000 йилдаги 23,2 фоиздан 24,5 фоизга ўсди. Шу жумладан, тўғридан-тўғри хорижий инвестицияларнинг улуши шу даврда 3,4 фоиздан 10 фоизга, яъни 3 баробарга яқин ўсди<sup>3</sup>.

Иқтисодиёт тармоқлари бўйича асосий капиталга киритилган хорижий инвестицияларнинг асосий қисми ишлаб чиқариш учун мўлжалланган. Унинг таркибида саноатнинг улуши 2001 йилда 69,6 фоиздан, 2004 йилда 39фоизга камайгани ҳолда, транспорт ва алоқанинг улуши 10,9 фоиздан 37,8 фоизга ўсди. (қаранг: 9.2.1-чизма).

Саноат тармоқларида хорижий инвестицияларнинг катта қисми ёқилғи-энергетика, металургия мажмуи ва енгил саноатга киритилмоқда. Енгил саноатнинг улуши 49,2 фоизни, электрэнергетика 6,6 фоиз, кимё ва нефть кимё-саноатининг улуши 9,2 фоизни ташкил этди. 2005 йилда тасдиқланган инвестиция дастурига муовфик хорижий инвестициялар иштирокида қуйидаги йирик инвестиция лойиҳаларини амалга ошириш мўлжалланган: республикада ирригация ва мелиорацияни таъмирлаш; янги темир йўл магистраллари ва энергетика каскадларини қуриш ва таъмирлаш; Камлим фойдали қазилмаларини ўзлаштириш ва Устюрт минтакасида геологик-қидирув ишларини амалга ошириш; Зеварда, Култак ва Памук фойдали қазилма мавжуд жойлардан фойдаланиш; Самарқанд кимё заводини кайта таъмирлаш; Енгил ва озиқ-овқат саноатида қатор кўшма корхоналар ташкил этиш ва бошқалар<sup>4</sup>.

Шуни айтиш жоизки, миллий иқтисодиётга хорижий инвестицияларни жалб этиш билан бир қаторда ушбу жараёнларда юзага келадиган таҳдидларнинг олдини олиш, иқтисодий хавфсизлигини таъминлаш чора-

тадбирларини ишлаб чиқиши лозим бўлади. Чунки хорижий инвесторлар томонидан инсофсиз хатти-ҳаракатлар содир этилиши мумкин. Бўндан инсофсизликлар қуидаги шаклларда намоён бўлади:

- чайқовчилик келишувлари. Давлат мулкини хусусийлаштириш жараёнида иштирок этиб, бирон-бир корхонани қўлга киритади. Сўнгра уни ёки ундаги ноёб техника, асбоб-ускуналарни юқори баҳода сотади;
- киска муддатда юқори фойда олиш учун капитал киритади. Фойда олгач, ўз фаолиятини тўхтатиб қўяди;
- хориждаги корхоналар учун рақобатлаша оладиган миллий корхонани қўлга киритиб, унда ишлаб чиқариш жараёнларини тўхтатиб қўйиб, иложи борича, ишлаб чиқариши хорижга кўчиришга ҳаракат қиласди; корхонадаги илмий-техникавий ва тажриба-конструкторлик ишларини тўхтатиб қўяди, охир-оқибатда хорижий компаниянинг ўзини мустақил ривожлантира олмайдиган бир бўлимига айлантириб қўяди;
- қўлга киритилган мулкдан ноиктисодий мақсадларда фойдаланиш<sup>5</sup>;
- стратегик аҳамиятга молик соҳаларга кириб олиб, мамлакатнинг мудофаа қобилиятини пасайтиришга уриниш; стратегик ҳом ашё ресурсларини арzon нархларда четга ташиб кетиш;
- табиий ресурсларни қазиб чиқариш ва қайта ишлаш ҳамда экологик жиҳатдан хавфли ишлаб чиқаришларга сармоя киритиб, иктисодий ва экологик талабларга риоя этмасликка уринадилар; ҳамкорларнинг худудларига ривожланган мамлакатларда фойдаланиш ман этилган технологияларни, заарли ишлаб чиқариш чиқиндиларини олиб киришга ҳаракат қиласдилар;
- инвестицион лойиҳаларнинг мақсадга мувофиқлиги, инвестицион муҳитни ўрганиш баҳонасида давлат-

нинг сиёсий ва иқтисодий сирларини билиб олишга, кўпроқ ўзларининг бошқа нохолис мақсадлари учун ахборотлар тўплашга ҳаракат қиласдилар. Бунда турли соҳаларни ислоҳ қилишга бағишланган, давлат бошқарув органлари ҳамда илмий жамоатчилик иштирокидаги илмий-амалий анжуманларни ташкил этишини молиялаштириш усулларидан фойдаланилади.

Давлат хорижий инвестицияларни миллий иқтисодиётга жалб этиш жараёнларини тартибга солиш орқали юқорида келтирилган нохуш-салбий хатти-ҳаракатларга қарши ўз механизмини яратди. Давлатнинг инвестицион сиёсати қуидагиларни ўз ичига олиши керак;

- иқтисодий ва сиёсий манфаатлардан келиб чиқиб, ички ижтимоий-иқтисодий барқарорликни сақлаган ҳолда ташки иқтисодий фаолиятни эркинлаштириб бориши;

- хорижий капиталнинг стратегик аҳамиятга молик соҳа, тармоқ ва корхоналар фаолиятига бўлган таъсирининг олдини олиш учун тўғридан-тўғри инвестицияларнинг жойлаштирилишини тартибга солиш;

- самарали фаолият юритаётган миллий компания ва корхоналарни хорижий инвесторлар ва трансмиллий компаниилар томонидан бутунлай сотиб олинишига ёки қўшиб олишларига йўл қўймаслик.

Мамлакатимизнинг халқаро капитал бозорларидаги рақобатбардошлигини мустаҳкамлаш инвестицион жараёнлар самарадорлиги билан узвий алоқадорликда бўлган қуидаги учта асосий омилга боғлиқ бўлади:

- давлат бошқарувининг рақобатбардошлигини кучайтириш. Бунинг учун давлатчилик функцияларининг оптималь ва бошқа мамлакатлардагига нисбатан янада самарали ташкил қилишга имконият берувчи тамойилларни ишлаб чиқиши ва амалиётга татбиқ этиши

керак. Шунингдек, амалдаги ва янги қонунларни халқаро талаблар асосида унификациялаш, уларни мақсадли қўлланишини таъминлаш, фукароларнинг эркинликлари ва хуқукларини ҳимоя қилиш ҳамда иқтисодий эркинликларни таъминлаш жараёнларини такомиллаштириш зарур;

- маҳаллий бизнес ва тадбиркорликнинг рақобатбардошлигини кучайтириш керак. Бунинг учун молиявий секторни ислоҳ қилиш, унинг кичик бизнес ва хусусий тадбиркорликни қўллаб-қувватлаш механизми ни такомиллаштириш лозим бўлади;

- инсон капиталининг, фукароларимизнинг иш билан таъминланиш ва даромад олиш имкониятлари, бизнесдаги юкори рақобат муҳити шароитида фаолият юрита олиш қобилияtlари билан белгиланади<sup>6</sup>.

Жамиятни демократлаштириш ва янгилаш, мамлакатни модернизация ва ислоҳ қилишни жадаллаштириш орқали мамлакатнинг жаҳон иқтисодий тизимидағи рақобатбардошлигини янада ошириш учун имкониятлар яратилади.

### **9.3. Халқаро иқтисодий ташкилотларда миллий манфаатларни ҳимоя қилиш ва иқтисодиёт рақобатбардошгини таъминлаш йўллари**

Мамлакатимизда очик иқтисодиётнинг шаклланиш ва ривожланиш истиқболлари устувор даражада жаҳон хўжалиги тизимига кириб боришига бўғлиқдир. Ҳозирги даврда Ўзбекистонни мустақил давлат сифатида дунёдаги 150 дан ортиқ давлат тан олди. Ўзбекистон халқаро иқтисодий ташкилотларда фаол иштирок эта бошлади.

Жумладан, Ўзбекистоннинг Бирлашган Миллатлар Ташкилотининг иқтисодий муассасалари, Умумжаҳон Банк гурухи, Халқаро Валюта фонди, Халқаро Мехнат ташкилоти, Жаҳон Соғлиқни сақлаш ташкилоти, Европа Таъмиrlаш ва тараққиёт банки, Осиё Тараққиёт банки каби халқаро молиявий-иктисодий ташкилотларга аъзо бўлганлиги қувонарлидир. Шунингдек, Ўзбекистон Марказий Осиё давлатлари билан биргаликда иқтисодий ҳамкорлик ташкилотига аъзо бўлиб кирди ва мазкур ташкилот доирасида дунё денгиз портлари, мамлакатлараро транспорт тармоқлари, жаҳон товар ва капитал бозорларига чиқиши имконини берадиган халқаро йўлларни қуриш лойиҳаларини ишлаб чиқиши ва амалга оширишда фаол қатнашмоқда.

Ўзбекистоннинг халқаро иқтисодий ташкилотлар билан ҳамкорлиги узоқ ва қиска муддатли мухим вазифаларни узвий боғлиқ ҳолда олиб бориш орқали амалга оширилмоқда. Бу борадаги вазифалар хусусида Президент И.А.Каримов, шундай деб таъкидлаган эди: “Биринчидан, жаҳон иқтисодиётига қўшилишдан иборат бўлган стратегик интеграцион вазифа - Ўзбекистондаги барча хўжалик субъектларининг ташки дунё билан ўзаро алоқалари учун тенг ҳуқуқли ва миллий манфатларга мос келадиган шарт-шароитлар яратиш асосида халқаро валюта молия ва савдо механизмларига бевосита қўшилиш назарда тутилади. Иккинчидан, республиканинг жорий муаммоларини ҳал этишга бевосита кўмаклашиш, мавжуд халқаро иқтисодий тажриба асосида, юқорида санаб ўтилган масалалардан молиявий, техникавий ёрдам ва маслаҳат олиш йўли билан ўtkазилаётган ислоҳотларни қўллаб-куvvatлаш кўзда тутилмоқда”<sup>7</sup>.

Ушбу вазифаларни амалга ошириш учун Ўзбекис-

тоннинг Жаҳон савдо ташкилоти фаолиятида иштирок этиши муҳим аҳамиятга эга. Ўзбекистоннинг Жаҳон савдо ташкилотига аъзо бўлиши мазкур кўп томонлама шартномага аъзо бўлган 130 дан ортиқ мамлакат билан савдо тўсиқларисиз паст божхона пошлиналари тўланган ҳолда савдо-сотик қилиш учун мустажкам ҳукуқий асосларга ва имтиёзларга эга бўлиш имконини беради.

Мамлакатимиизни халқаро савдо тизимиға интеграциялашувининг қуидаги шарт-шароитларини яратиш лозимдир:

- иктисодий ислоҳотларни чуқурлаштириш ва икти-  
солиётни янада эркинлаштириш, шу жумладан, таш-  
қи иктиносидий фаолиятни эркинлаштириш;

- ривожланиш стратегиясини шакллантириш; халқ-  
аро маркетингни йўлга қўйиш;

- ташқи иктиносидий фаолиятни, шу жумладан халқ-  
аро савдони тартибга солиш ва қўллаб-қувватлаш;

- халқаро савдони молиялаштириш ва инфратузил-  
мани шакллантириш;

- малакали кадрларни тайёрлаш.

Ўзбекистон Жаҳон савдо ташкилоти фаолиятида 1994 йилдан буён кузатувчи мақомида иштирок этмоқда. Эндиликда, ЖСТга аъзо бўлиб киришга тайёрланмоқда. Бунда республиканинг ЖСТга аъзо бўлишининг ижобий ва салбий оқибатларини баҳолаш мақсадга мувофиқдир. Чунки мазкур ташкилотга аъзо бўлиб кириш билан боғ-  
лиқ ижобий имкониятларни ва хавф-хатарни тўғри ба-  
ҳолаш лозим бўлади. Бунинг учун ЖСТнинг мажбури-  
ятларини чукур ўрганиш, бошқа мамлакатлар тажриба-  
сини таҳлил қилиш, шунингдек, иктиносидёт тармоқла-  
рининг таъсирчанлигини таҳлил қилиш ва оқибатларни  
миқдорий баҳолаш керак. Ушбу ишларни амалга оши-  
риш асосида ЖСТ талабларига мослашиш бўйича так-  
лифлар тайёрланади.

Проф. Д.Қ.Ахмедовнинг Ўзбекистоннинг ЖСТга аъзо бўлиши натижасида кутилаётган ижобий ва салбий оқибатлар тўғрисидаги фикрлари эътиборга сазовордир. Унинг фикрича, Ўзбекистон ЖСТга аъзо бўлиши натижасида кутилаётган ижобий натижалар қуйидаги-лардан иборат:

- ЖСТнинг бошқа аъзолари билан савдо қилишда мумкин қадар қулай режимига эга мамлакат мақомини олиш;
- тариф ва нотариф тўсиқларнинг бекор қилиниши натижасида ташки бозорга, энг аввало, ривожланган мамлакатлар бозорига кириш имкониятларининг кенгайиши (айниқса, қишлоқ хўжалиги маҳсулотлари, тери, тўқимачилик маҳсулотлари, кимё ва саноат маҳсулотларига нисбатан);
- савдо муносабатларида дискриминацияни бартараф этиш, ўзбек экспортерлари манфаатларини хорижда химоя қилиш, бунинг натижасида мамлакат экспорти учун преференциал режимнинг барпо бўлишига имкон яратилади;
- хорижий сармоядларнинг ишончи мустаҳкамланади, республика иқтисодиётига хорижий сармояларнинг оқими ортади, Ўзбекистонинг халқаро капитал бозоридаги ўрни мустаҳкамланади;
- юкларни ЖСТга аъзо давлатлар ҳудуди орқали эркин транзит қилиш хуқуқидан фойдаланилади;
- стандартлаштириш ва сертификациялаш тизими асосида савдода нотариф чекловлардан, шу билан бирга, ички бозорни химоя қилиш бўйича тариф чора-тадбирлари аҳамиятини камайтиришда санитар ва фитосанитар чора-тадбирлардан компенсацион механизмлар сифатида кенг камровли фойдаланиш имконияти яратилади;
- савдо шериклари билан юзага келадиган тушунмовчилик ва баҳсларни ЖСТ томонидан белгиланган механизмлар ва қоидалар ёрдамида ҳал қилиш;

- савдода вужудга келган муаммолар юзасидан ЖСТ аъзоларидан маслаҳатлар олиш, ташқи иқтисодий сиёсат ҳамда ҳукуматлар ва иштирокчи мамлакатларнинг максадлари бўйича тезкор мальумотларга эга бўлиш;

- экспорт, импорт, хорижий ва маҳаллий сармоялар салмоғининг ортиши натижасида давлатнинг фискал даромадлари ошади;

- ишлаб чиқариш жараёнида импорт ҳом ашёсидан, яримфабрикатлардан фойдаланадиган маҳаллий ишлаб чиқарувчиларнинг харажатлари қисқаради<sup>8</sup>.

ЖСТга аъзо бўлиш натижасида кутилаётган салбий окибатлар, яъни хавф-хатарлар ҳам мавжуд бўлиб, улар проф. Д.Қ.Ахмедовнинг хulosаларига кўра қуий-дагиларда намоён бўлади:

- мамлакатнинг иқтисодий хавфсизлигига таҳдидлар ортади, миллий иқтисодиётнинг кўп жиҳатдан очиклиги натижасида айрим тармоқларнинг барқарор ривожланиши хавф остида қолиши мумкин;

- ташқи шокларга нисбатан мамлакат иқтисодиётининг заифлиги ортади ҳамда жаҳон бозоридаги нархларнинг тебраниши республика тўлов балансига таъсир этиши мумкин;

- Республикаизда ишлаб чиқарилаётган маҳсулотларга айнан ўхшаш бўлган маҳсулотларни нисбатан арzon нархларда импорт қилиш (товар интервенцияси) натижасида саноат тармоғининг айрим базавий тармоқларида ракобатбардошлик пасайиши мумкин;

- музокаралар жараёнида ЖСТга аъзо мамлакатлар босими остида амалиётта жорий қилиниши лозим бўлган божхона тарифлари ва божларининг камайтирилиши натижасида илк босқичларда давлат бюджетининг даромадлар кисми қисқариши мумкин;

- иқтисодиётнинг айрим стратегик тармоқларини

тўғридан-тўғри қўллаб-қувватлаш бўйича ҳукумат имкониятларининг камайиши;

- трансмиллий корпорациялар ва хорижий фирмаларнинг мамлакатдаги мавқеи ошиши натижасида улар миллий иқтисодиётнинг асосий тармоқларини тартибга солиш жараёнига аралашишлари мумкин;

- ички бозор нархлари, монополия тарифлари, техник нормалар ва стандартлар, интеллектуал мулкдан фойдаланиш қоидалари каби амалиётда мавжуд бўлган тартибга солиш усулларини ўзгармаган ҳолда сақлаб қолиш имконияти камаяди<sup>9</sup>.

Мамлакатнинг жаҳон хўжалик тизимига кириб бориши ва ҳалқаро иқтисодий ташкилотларга, шу жумладан, Жаҳон Савдо ташкилотига аъзо бўлиши жараёнларида хавфсизликни таъминлаш учун ватанимизда ишлаб чиқарилган маҳсулотлар рақобатбардошлигини юксалтириш чора-тадбирларини амалга ошириш мақсадга мувофиқдир.

Ўзбекистон Республикаси Иқтисодиёт вазирлиги қошидаги Самарали иқтисодий сиёsat маркази олимлари томонидан саноат тармоқларида ишлаб чиқарилаётган маҳсулотларнинг алоҳида турларининг рақобатбардошлиги даражаси, нархлар тафовути, ишлаб чиқариш рентабеллиги ва экспорт кўрсаткичлари ҳисоб-китоби, шунингдек, товарларга ички ва ташқи талабни ўрганиш асосида амалга оширилди (қаранг: 9.3.1-жадвал).

Жадвал маълумотларидан кўриниб турибдики, маҳсулотларнинг рақобатбардошлиги ва экспортнинг юкори даражаси бўйича, асосан, пахта толаси, табиий газ каби хом ашё мајмуи товарлари устун туради.

Охирги йилларда саноат тармоғининг ривожланиш натижалари кўплаб ишлаб чиқариш корхоналарининг бозор шароитига мослашганлиги ва давлат кўмаги ёрда-

мидага юқори самарали ишлаб чиқаришни йўлга қўйганлигини кўрсатмоқда. Шу билан бирга, саноатда кузатиллаётган ўсиш омиллари ва манбаларининг бекарор характеристикини кўрсатувчи муаммолар ҳам юзага келган. Бу ҳол эса ўзбек товарларининг жаҳон бозорига чиқишига тўсқинлик қилиш билан бир қаторда мамлакатнинг ЖСТга аъзо бўлиш жараёнида жиддий муаммоларни келтириб чиқариши шубҳасизdir.

Ушбу муаммоларни ҳал этиш ва маҳсулотларнинг жаҳон бозорида рақобатбардошлигини кучайтириш учун иқтисодий ўсиш суръатларини ошириш, бой табиий ресурслар салоҳиятидан фойдаланиш орқали устувор тармоқлар ва ишлаб чиқаришни такомиллаштириш, унинг экспортга йўналтирилган таркибини шакллантириш, мамлакатнинг экспорт салоҳиятини ривожлантариш ва мустаҳкамлаш чора-тадбирлари кўрилади.

Жаҳон хўжалик тизимида ўзига муносиб ўринни эгаллаш, иқтисодий хавфсизлик ва юқори рақобатбардошликини таъминлаш учун мамлакат ижтимоий-иктисодий ривожланишини жадаллаштириш орқали ЯИМ ва саноат маҳсулотлари ишлаб чиқариш йиллик ўсиш суръатларини янада ошириш кўзда тутилмоқда. Ўзбекистон иқтисодиётининг 2006-2010 йиллардаги ривожланиш истиқболларига кўра, иқтисодий ўсиш, яъни ЯИМнинг йиллик ўсиш суръати 7-8 фоизга ошади. Шунингдек, саноат маҳсулотлари ишлаб чиқариш суръати камида 14 фоизни, қишлоқ хўжалиги маҳсулотларини етиштириш суръати 6-7 фоизни ташкил этиши мўлжалланмоқда.

Таркибий ўзгаришлар оқибатида иқтисодиётнинг экспортга йўналтирилган таркибий тузилиши вужудга келади. Натижада, 2010 йилга келиб, экспорт ҳажми 3 баробардан зиёдга кўпайтирилади ҳамда ЯИМдаги улуши 40-50 фоизга етказилади. Экспорт таркибида машина ва ас-

боб-ускуналарнинг улуши 15-17 фоизга етказилгани ҳолда пахта толасининг улуши 14-16 фоизгача қисқартирилади. Барқарор иқтисодий ўсишнинг таъминланиши ахолининг реал даромадларининг йиллига ўртacha 15-17 фоизга кўпайишига, унинг турмуш шароитини яхшилашга имкон беради.<sup>13</sup>

Барқарор иқтисодий ўсиш ва хавфсизликни таъминлаш ҳамда жаҳон хўжалик тизимида мамлакатнинг ракабатбардошлигини ошириш учун қуидаги макроиктисодий шарт-шароитлар яратилиши лозим бўлади;

- йиллик инфляция даражасини 3-4 фоизга тушириш;

- иқтисодиётдаги солиқ юкини 22-24 фоизга пасайтиришга эришиш;

- миллий валюта барқарорлигини таъминлаш;

- банк тизими ва иқтисодий фаолиятни эркинластиришни давом эттириш;

- мулкни давлат тасарруфидан чиқариш ва хусусийлаштиришни янада чуқурлаштириш асосида иқтисодиётда давлат улушкини 15-18 фоизгача камайтириш;

- кичик бизнес ва хусусий тадбиркорликни ривожлантириш асосида уларнинг ялпи ички маҳсулотдаги улушкини 50 фоизга етказиш;

- эркин иқтисодиёт тамойилларини жорий этиш, бозор инфратузилмасини жадал ривожлантириш;

- давлатнинг иқтисодиётга аралашувини камайтириб бориш орқали иқтисодиётни тартибга солишнинг бозор ва давлат механизmlарини уйғунлаштириш;

- институционал ислоҳотларни амалга ошириш орқали иқтисодиётни маъмурий асосда бошқаришдан возкечib, уни иқтисодий восита ва дастаклар орқали тартибга солиш механизмини шакллантириш.

## **Асосий таянч тушунчалар**

Жаҳон хўжалик тизими, ҳалқаро меҳнат тақсимоти, ташқи савдо, савдо баланси, тўлов баланси, экспорт, импорт, божхона, божхона пошлиналари, божхона тарифлари, тарифли ва тарифсиз чеклашлар иқтисодий рақобатбардошлик, мамлакатнинг экспорт салоҳияти, иқтисодий контрабанда.

### **Такрорлаш учун саволлар**

1. Ҳалқаро меҳнат тақсимоти ва савдода миллий манфаатлар нималарда намоён бўлади?
2. Турли мамлакатлар учун “Эркин ҳалқаро савдо” принципи қандай аҳамияга эга?
3. Кулай савдо ва иқтисодий алоқалар режими нимани англатади?
4. Ташқи иқтисодий хавфсизликни таъминлаш учун нималар қилиш керак?
5. Иқтисодий очиқликнинг қандай чегаралари бўлиши керак?
6. Ўзбекистоннинг Ҳалқаро савдо ташкилотига аъзо бўлиб кириши қандай салбий ва ижобий оқибатларга олиб келиши мумкин?
7. Мамлакатнинг рақобатбардошлигини таъминлаш учун нималар қилиш керак?

---

<sup>1</sup> Бозор иқтисодиёти назарияси ва амалиёти. Олӣ ўқуза юртулари магистрантлари учун ларслик Т., Ўқитгуочи, 2000. 140-143-бет.

<sup>2</sup> Экономическая безопасность хозяйственных систем. Учебник М. Изд-во РАГС, 2001. с.400.

<sup>3</sup> Узбекистон иқтисодиёти. Тахсилий шарҳ 2004 й. – Т., СИСМ, 2005, 62-б.

<sup>4</sup> Ўша ерда 56-б.

- <sup>3</sup> Основы экономической безопасности. Под ред. Олесникова Е.А. – М., ЗАО "Бизнес школа", "Интел Синтез", 1987, с.67-81. Экономическая безопасность хозяйственных систем. Учебник. – М., Изд-во РАГС, 2001, с.409-410.
- <sup>4</sup> Юлдашев Ш. Инвестиция жараёныари ва миллий иқтисодиётнинг ракибат-бардошлигини таъминлаш ҳуаммолари // Эркин иқтисодиёт таҳойиллари (Ҳ.П.Абулқосимов ва б.) – Т., Академия, 2005. 39-40-б.
- <sup>5</sup> Каримов И.А. Ўзбекистон иқтисодий ислохотларни чукурлашириш йўлида. – Т., Ўзбекистон, 1995. – 108-б.
- <sup>6</sup> Проф. Д.К.Ахмедовсанг Давлат ва жамият қурилиши академияси тингловчиларига ўқитан маъруза матни.
- <sup>7</sup> Проф. Д.К.Ахмедовсанг Давлат ва жамият қурилиши академияси тингловчиларига ўқитан маъруза матни.
- <sup>8</sup> Абулқосимов Ҳ.П. Макроиктисодий слёсат ва иқтисодий ўслиш// Эркин иқтисодиёт таҳойиллари / Ҳ.П.Абулқосимов ва бошқалар – Т., Академия, 2005. 19-20-б.

### 9.1.1.-жадвал

#### Тўлов баланси бўлимлари\*

##### А. Йорий моддалар баланси

###### I. Савдо баланси

товарлар экспорти (+)

товарлар импорти (-)

###### II. Хизматлар баланси (туризм, юк ташиш, кредит фоизлари, лицензионниги, кўнинлар жойи учун тўловлар)

хизматлар экспорти (+)

хизматлар импорти (-)

###### III. Утказиладиган баланс (ҳадя килиш, ривожлангаётган мемлакатларга г’радам, ишчи-иммигрантларниң пул ўтказишлари ва хоказо)

ўтказиладиган экспорт (+)

ўтказиладиган импорт (-)

##### Б. Капитал каракати баланси

###### I. Капиталнинг узок муддатли айланishi.

###### II. Капиталнинг юқса муддатли айланishi.

###### В. Тўрмоловчи ва компенсацияловчи позициялар.

###### Г Олтии за валютта захиралари балансининг салъдоси.

Бозор иқтисодиёти назарияси ва амалиёти. Олди ўкув юртлари магистрантлари учун дарсллик Т., Ўқитувчи, 2000. 154-бет.

### 9.2.1-жадвал

#### Иқтисодиёт тармоклари бўйича асосий капиталга киритилган хорижий инвестициялар таркиби (%)\*

	2001 й.	2002й	2003й	2004й
Жами	100	100	100	100
Ишлаб чиқариш йуналишинга	86,7	84,7	85,7	82,7
Саноат	69,5	69,4	46,5	39,0
Кипчок хўжалиги	3,9	6,1	3,0	0,7
Курилиш	0,0	0,0	0,0	,0
Транспорт ва алоқа	10,9	7,3	32,1	37,8
Савдо ва умумоқассатланиш	0,0	0,1	1,1	0,3
Бошкадар тармоклар	2,4	1,8	3,0	4,9
Новшлаб чиқариш йуналишинга	13,3	15,3	14,3	7,3

\*Узбекистон иқтисодиёти Тахжилий шарх, 2003 йил. Т., СИСМ, 2004. 49-б;  
Узбекистон иқтисодиёти Тахжилий шарх, 2004 йил. –Т., СИСМ, 2005. 55-б.

**Саноат маҳсулотлари асосий турларининг нарх  
ракобатбардошлиги ва экспортнинг  
самарадорлиги**

Маҳсулотлар номи	Маҳсулотнинг ракобатбардошлик индекси $I_{\text{р}}=P_{\text{р}}/P_{\text{н}} < 1, = 1$				Экспорт самарадорлиги индекси $I_{\text{з}}=P_{\text{з}}/P_{\text{р}} < 1, = 1$			
	2000й	2001й	2002й	2003й	2000й	2001й	2002й	2003й
<b>Боили-энергетика маҳмуми</b>								
Табии газ	0,49	0,57	0,57	0,57	1,33	2,20	3,00	2,64
Автомобиль бензини	0,76	0,70	0,51	0,51	0,47	0,49	0,52	0,62
<b>Кимё маҳмумаси</b>								
Аммоак селитраси	1,03	1,04	1,03	1,18	1,06	1,32	1,50	1,27
Суперфосфат	1,00	1,00	1,00	1,00	5,90	6,45	9,35	1,55
Нитрон толаси	1,00	1,00	1,00	1,00	0,36	0,47	0,65	0,60
Ацетат иловари	1,00	1,00	1,00	1,00	0,24	0,29	0,34	0,36
Лак-бўй маҳсулотлари	0,63	0,67	0,67	0,67	0,25	0,36	0,52	0,62
<b>Машинасозлик маҳмумаси</b>								
<b>Култюк, хўжаличи машинасозлиги</b>								
Тракторлар	0,74	0,88	0,69	0,53	0,48	0,52	0,87	1,06
Культиваторлар	0,83	0,87	0,88	0,70	0,85	0,90	1,06	0,95
Сенілкалар	0,93	0,98	1,00	1,00	1,03	1,44	2,04	1,87
Ўрим машиналари	1,00	1,00	1,00	1,00	0,83	1,32	2,05	2,19

### 9.3.1.-жадвалнинг давоми

Автомобилсозлик маҳмусаси								
Автобуслар	0,56	0,56	0,56	1,00	0,30	0,44	0,57	0,73
Енгил автомобиллар								
"Нексия"	0,64	0,61	0,55	0,60	1,00	1,01	0,60	0,59
Курслаш материаллари саноати								
Цемент	0,35	0,34	0,34	0,34	0,79	0,87	1,08	0,85
Бинот саноати								
Пахта толаси	0,89	1,05	1,13	1,00	1,12	1,24	1,47	1,32
Тайер пахта толаси маҳсулотлари	0,96	1,00	1,00	1,00	0,50	0,56	0,71	0,77
Тайер итак маҳсулотлари	0,93	1,00	1,00	1,00	0,30	0,24	0,24	0,53
Олий-саноат саноати								
Ўзум виниси, шампан виинси, конъяк	1,00	1,00	1,00	1,00	0,27	0,32	0,31	0,43
Арок маҳсулотлари	1,00	0,97	1,00	0,98	0,41	0,47	0,89	1,41
Меза-сабзавот консервлари ва соктар	0,96	0,96	0,92	0,92	1,24	1,55	2,03	2,20

Ўзбекистон иктисадиёти. Таддиллий шарх 2004й. – Т., СИСМ, 2005. 101-б.

## **Изоҳли луғат (глоссарий)<sup>1</sup>**

**Авиозо** – банк, тиҷорат, бухгалтерлик амалиётидаги ҳисоб-китоб операцияларининг амалга оширилганлиги тӯғрисида бир контрангентнинг бошқасига йўллаган расмий хабарномаси.

**Аkkредитив** – (лат. accredo) ишончноманинг пул ҳисоб-китоб ҳужжати; маҳсулот ёки бажарилган иш ҳақини накд пулсиз тўлаш шакли.

1 Маҳсулот етказиб берганлиги ёки бажарилган иш ва хизматларнинг аккредитив топшириғида кўрсатилган суммани тезкорлик билан олиш имкониятини тудирадиган банк ҳисоб-китобининг бир шакли.

2. Шахсий қимматбаҳо қофоз бўлиб, унда номи ёзилган шахс А. да кўрсатилган суммани ҳар қандай банк ёки омонат кассасидан олиши мумкин.

**Акт** (савдо-сотик, тиҷорат) – (лот. харакат, ҳужжат) ташилаётган юклардаги камомад, бузилиш, ўғирликларни аниқловчи, шунингдек, юкнинг бузилишига йўл кўйган томонга даъво қилиш учун асос бўладиган ҳужжат. Бош, асосий акт чет элдан олинаётган юкларни портларда таъминотчилар кемаларидан қабул қилишда уларнинг банд қилган жойи, оғирлиги ва сифатини аниқлайдиган ҳужжатлар.

**Арбитраж** – ҳакамлар суди – мунозарали ишларни битиштирувчи ёрдамида кўриб чиқиши усули, яъни томонлар ўзаро келишиб судга мурожаат қилишган вақтда уларнинг мунозарасини ҳал қилиб берувчи томондир. Ташки савдо арбитражи ташки савдо бўйича вуҷудга келадиган мунозараларни ҳал қиласи.

**Аудитор** (шахс, фирма) – корхона ва ташкилотларнинг молиявий хўжалик фаолиятини текшириб берувчи, улар ишининг иқтисодий экспертизасини ўтказув-

чи (шахс, фирма). А. тўла мустақилликка эга бўлиб, ҳеч кимга қарам эмас, ўз ишини ҳар бир мамлакатда ёки халқаро миқёсда қабул қилинган ҳисоб-китоб ва тафтиш (ревизия) қоидаларига биноан олиб боради. Тафтиш натижалари бошқалар учун сир сақланиб, эълон этилмайди.

**Баланс**, мувозанат – муттасил ўзгариб турувчи ҳоди-са ёки тушунчанинг нисбатини ифодаловчи кўрсаткичлар тизими. Иқтисодиёт соҳалари, моддий, тармоқла-раро тўлов, қиймат, меҳнат ресурслари, ёқилғи-энергетика, фойда, асосий фонdlар, ташқи савдо, тўлов, аҳоли пул даромадлари ва ҳаражатлари ва бошқа ба-ланслар мавжуд.

**Ташқи савдо баланси** – экспорт ва импорт ўртаси-да пул шаклида ифодаланган нисбат бўлиб, ташқи сав-до ҳолатини ифодалайди. Савдо баланси икки турга бўлинади: **Актив баланс** – экспорт-импортдан ортиқ ва мамлакатга ташқаридан валюта оқиб келиб, молиявий аҳвол фаоллашади; **Пассив баланс** – экспорт-импорт-дан устун, мамлакатдан валюта чиқиб кета бошлайди, молиявий аҳвол заифлашади, мамлакатнинг четга қарз-дор бўлиб қолиш хавфи юзага келади.

**Тўлов баланси** – мамлакатнинг чет элга тўлайдиган пули билан унга чет элдан тушадиган пул ўртасидаги нисбат. Тўлов туркумига ташқи қарз, унинг фоизи, четдан олинган товар ва хизматлар ҳаки, хориж инвес-тицияси, хорижда дипломатик ишларни ва иқтисодий алоқаларни юритиш ҳаражатлари, фуқароларнинг чет элга пул ўтказишлари. Четдан келадиган тушумлар, бошқа давлатлар қайтарган қарзлар, уларнинг фоизла-ри, хориждаги корхоналар ва ташкилотлардан ўтка-зилган фойда, экспорт қилинган товарлар ва хизматлар ҳаки, чет эл фуқаролари, корхона ва ташкилотлар ўтказган пулдан иборат бўлади.

**Банк** – кредит-молия муассасаси бўлиб, вактинча бўш пул воситаларини бир жойга тўплаш, корхоналарга ва умуман пулга мухтожларга маълум ҳақ (фоиз) эвазига қарз бериш, пул ҳисоб-китобларини амалга ошириш, турли қимматбаҳо қофозлар чиқариш, олтин ва чет эл валюталари билан боғлиқ муаммоларни бажариш ва бошқалар билан шуғулланади.

**Банкротлик** (итал. bancrotto - айнан синган курси) – синиш; фуқаро, корхона, фирма ёки банкнинг маблағ етишмаслигидан ўз мажбуриятлари бўйича қарзларни тўлашга қурби етмаслиги.

**Бож**, бож пули – (араб. ўлпон, солик) – божхона назорати остида давлат томонидан мамлакат чегарасидан олиб ўтиладиган импорт товарлар, мол-мулк ва қимматбаҳо буюмлардан ундириладиган пул йиғимлари. У билвосита солик бўлиб, унинг мол чиқариш, мол киритиш ва мамлакат ҳудуди орқали ташиб ўтказиш учун (транзит) ундириладиган турлари мавжуд.

**Божхона** – чегара орқали ўтказиладиган жами юкларни назорат қиласидан давлат муассасаси. У бож назоратини ўрнатиш ва белгиланган бож тўловларини ушлаб қолиш билан шуғулланади. Б. муассасалари ташки савдода мамлакат манфаати таъминланишини назорат қиласиди, божхона харажатларини бажаради ҳамда божхона қоидалари бузилишига ва контрабандага қарши кураш олиб боради. Божхоналар дengiz ва дарё портларида, темир йўл станциялари ва автомобиль йўлларининг чегара пунктларида, халқаро аэропортларда ва иирик шаҳарларда жойлашади.

**Божхона тарифи** – мамлакатга киритилаётган импорт моллар ва баъзи ҳолларда экспортга чиқарилаётган моллардан ушланиши лозим бўлган бож тўловларининг системалаштирилган рўйхати (номи). Б.Т. мол

классификаторлари асосида ташкил топади. Молларни гурухларга, гурухлар ичида кичик гурухларга (маълум бир хил белгилари бўйича) бўлиниши мол классификацияси дейилади. Ҳозирги вақтда ҳалқаро савдо алоқаларида энг кўп қўлланиладиган мол классификаторларида улар кенг кўламда системалаштирилган ва кадрлаштирилгандир.

**Энг юқори бож тўлови** – ўзаро савдо шартномалари ва келишувлари бўлмаган мамлакат молларига қўйиладиган бож тўлови.

**Энг паст бож тўлови** – ўзаро савдо шартномалари ва келишувлари асосида узоқ йиллардан буён савдосотиқ қилиб келаётган мамлакатлар молларига қўйиладиган бож пули.

**Преференциал (имтиёзли) бож тўлови** – ривожланаётган мамлакатлардан келтирилган импорт молларига қўйиладиган бож тўлови. Божхона тарифларида қайд қилинадиган бож тўловлари қуйидаги уч кўринишида бўлади: 1) Адвалер бож тўлови – молнинг баҳосига нисбатан фоизда белгиланадиган ва ундириб олинадиган бож пули; 2) Специфик (ўзига хос) бож тўлови – молнинг оғирлиги, ҳажми ёки донасидан маълум бир сумма кўринишида ундириледиган бож пули; 3) Аравлаш бож тўлови – моллардан бир вақтнинг ўзида ҳам адвалер, ҳам специфик бож тўлови кўринишида ундириледиган бож тўлови.

**Божхона йигими** – молларчинг божхона омборида сақланганлиги, божхона ҳужжатларининг расмийлаштирилганлиги ва унинг бир неча нусхада тайёрлаб берилганлиги учун ундириледиган пул йигимлари.

**Бож иттифоқи** – икки ёки бир неча давлатларнинг божлар бўйича ўзаро чегараларини бекор қилиш ва ягона бож тарифи жорий этиш юзасидан ўзаро келишуви.

**Бозор интервенцияси** – миллий ёки регионал бозорга ташқаридан суқилиб кириш ва уни тебе этиш. Хорижий товар ишлаб чиқарувчилар ўз товарлари билан муайян мамлакат ёки ҳудуд бозорини ҳимоя қила-диган тўсиқларни бартараф этиб, бозорга кириб олади ва шу ердаги товар ишлаб чиқарувчилар билан рақобат қиласди. Бунинг учун улар ҳар хил воситалардан фойдаланадилар: демпинг экспорт (ички бозорлардан ҳам паст баҳоларда экспорт) ишлатиш, юкори бож тўловларига ҳам рози бўлиш, бозори чаққон ерларда корхоналар қуриб, товар чиқариш, импорт қилувчи мамлакат ёки ҳудудга моддий ёрдам кўрсатиш, сиёсий тазийк ўтка-зиш ва бошқалар.

**Бозор муҳофазаси** – миллий бозорнинг ёки айрим товарлар бозорининг, давлатнинг экспорт-импортини тартибга солувчи тадбирлар воситасида ҳимоя қилиниси. Б.М. четдан товар келтириши чеклаш, тақиқлаш ёки бож тўловини кўтариш орқали амалга оширилади.

**Бойкот** (инг. boycott) – норозилик билдириш учун бирон-бир иқтисодий фаолиятни амалга оширишдан бош тортиш. Иқтисодий алоқа қилувчи томонларнинг манфаати ўзаро зид келиб қолганда уларнинг бири бойкот эълон қиласди, келишилган шартномани бажариш тўхта-тилади. Савдо-сотик ишларида бойкот товарларни ет-казиб туришдан бош тортиш, олдин белгиланган нархдан воз кечиш кўринишларида юз беради.

**Валюта** (итал. valuta, лат. valere) – қадрламок, қийматлар – мамлакатнинг пул бирлиги ва унинг типи (олтин, кумуш, қоғоз): пулга tengлаштирилган тўлов воситалари; пул ҳисоб-китобларини тақозо этадиган халқаро иқтисодий айирбошлаш ва бошқа алоқаларда катнашади.

**Валюта аукцион** – чет эл валютасининг миллий ва-

**лютага ким ошди савдоси орқали келишилган нархларда сотилиши.**

**Валюта бозори** – чет эл валютаси, чек, вексель, перевод (ўтказмалар), аккредитив ва бошқа қиммат-баҳо қоғозларни сотиш, сотиб олиш ва алмаштириш.

**Валюта муносабатлари** – валюта ва пул бозорларида халқаро ҳисоб-китоблар, кредит ва валюта харажатларини амалга ошириш йўлида давлат муассасалари, хусусий ташкилотлар, фирмалар, корхоналар ўтасидаги жорий алоқалар: мамлакатлар ўртасидаги турили хил хўжалик алоқаларига хизмат қиласидаги иқтисодий муносабатлар.

**Валюта интервенцияси** – йирик давлатлар, молиявий гуруҳлар томонидан валюта бозоридаги муомалаларга миллий ёки чет эл валюталарининг курсини ошириш ёки тушириш мақсадида чет эл валютасининг катта суммасини ёки олтинни сотиб олиш ёки сотиш орқали аралашуви. Мамлакат ўз валютаси курсини оширишдан манфаатдор бўлса, банк ва хазина ўз ихтиёридаги чет эл валютасини сотиб, миллий валютани харид қиласи; ўз валютаси курсини камайтириш учун эса, чет эл валютасини кўп миқдорда сотиб олади, миллий валютани сота бошлайди. В.И.ни марказий банклар амалга оширади.

**Валюта сиёсати** – давлат ва марказий банклар томонидан пул ва валюта муомаласи доирасида пулнинг харид қувватига ҳамда мамлакат иқтисодиётига таъсир кўрсатиши мақсадида ўтказиладиган тадбирлар мажмуаси.

**Давлат бюджети** – давлат даромадлари ва харажатларининг пул билан ифодаланадиган йиллик ҳисоби, мажмууи.

**Давлат қарзи** – давлатнинг ўз фуқаролари, банклар, корхона ва ташкилотлар, хорижий мамлакатлар-

дан қарзи. Давлат ўз харажатларини даромади билан қоплай олмай қарз олади, қарз ҳисобидан ўз бюджетининг камомадини вақтинча қоплайди. Давлат заёмлар чиқариб, уларни аҳолига, корхона ва ташкилотларга сотади. Улар давлат қарзининг гувоҳномаси бўлади.

**Даромадларни индекслаш** – истеъмол буюмлари нархлар индексининг ошишига мувофиқ равишда аҳолига тўланадиган иш ҳақи, нафака, пенсия, стипендия ва бошқа тўловлар миқдорларининг оширилиши.

**Даромадларни музлатиш** – аҳоли пул даромадларининг ўсишини секинлаштириш ёки тўхтатиб қўйишга қаратилган сиёsat ҳамда қўлланиладиган чора-тадбирлар мажмуи. Бунда икки мақсад кўзланади: 1) пулнинг бозор муомаласига тушишини сусайтириш орқали инфляцияга қарши туриш; 2) аҳоли даромадини ўстирмай давлат, корхоналар даромадларини ошириб қўшимча жамғарма ҳосил қилиш ва шу йўл билан инвестиция учун имкон берib, иқтисодий ўсишни таъминлаш.

**Девальвация** – мамлакат савдо ва тўлов балансининг кескин ёмонлашуви, валюта резервининг ҳолдан тойиши, халқаро валюта бозорларида миллий валюта курсининг пасайиши билан боғлик равишда миллий пул бирлиги қийматининг расмий тартибда пасайтирилиши.

**Жаҳон бозори** – халқаро меҳнат тақсимоти орқали бир-бирига боғланган мамлакатлар ўртасидаги барқарор олди-сотди муносабатлари.

**Импорт** (лот. importo – киритаман) – ички бозорда сотиш учун чет эллардан келтирилган товар ва хизматлар.

**Инвестиция** (лот. кийинтиrmok) – ишлаб чиқаришини ривожлантириш мақсадида ёки чет элларда иқтисодиётнинг турли тармоқларига капитал киритиш (қўйиш). Молиявий инвестиция, акция, облигация ва бошқа қимматбахо қоғозларни сотиб олиш; реал инвестиция мам-

лакат ичкарисида ва чет элларда ишлаб чиқаришга капитал киритиш (кўйиш), шунингдек, ёш мустақил давлатларга қарз ва субсидиялар бериш шаклларида амалга оширилади.

**Инфляция** (лот. *inflatio* – шишиш, кўчиш, кўтарилиш) – пулнинг қадрсизланиши; муомаладаги пул масасининг товарлар массасидан устунлиги натижасида товар билан таъминланмаган пулларнинг пайдо бўлиши.

**Ишсизлик** – аҳоли иқтисодий фаол қисмининг ўзига иш топа олмасдан қолиши. Меҳнатта лаёқатли бўлиб, ишлашни хоҳлаган, лекин иш билан таъминланмаган ишчи қучининг мавжудлиги.

**Фрикцион ишсизлик** – ишдан бўшаб қолиб, малақасига мос иш қидираётган ва иш ўринлар бўшашини кутаётган ишсизлар.

**Таркибий ишсизлик** – ишлаб чиқариш ва ялпи талаб таркибидаги ўзгаришлар натижасида вужудга келган ишсизлик.

**Цикличик ишсизлик** – иқтисодий циклнинг инқироз фазаси билан боғлиқ равишда вужудга келадиган ишсизлик.

**Иқтисодиётни давлат томонидан тартибга солиш мақсади** – ижтимоий ва иқтисодий барқарорликни таъминлаш, иқтисодий тизимни мустаҳкамлаш ва уни ўзгартириб турувчи шароитга мослаштиришга қаратилади.

**Давлатнинг иқтисодий вазифалари иқтисодий тизимнинг амал қилишига шарт-шароит яратиш ва иқтисодиётни тартибга солиш, иқтисодий юксалиши, халқ турмуш даражасининг ўсишини ва турмуш шароитларининг яхшиланишини таъминлашга қаратилган маъмурий, ҳуқуқий ва иқтисодий чора-тадбирлар мажмуусидан иборат.**

**Иқтисодий жиноятлар** – миллий иқтисодиётга, унинг

тармоқлари ёки соҳаларига, корхона, ташкилот ва муас-сасалар ҳамда фуқароларга зиён етказадиган ёинки зиён етказиши мумкин бўлган, жиноят қонунида назарда тутилган ижтимоий хавфли қилмиш (харакат-сизлик)дир. Бундай жиноятларнинг содир этилиши натижасида жамият, давлат, хўжалик субъектларига, айрим фуқароларга моддий зиён етказилади, жамиятнинг иқтисодий негизларига тажовуз қилинади. Уларга: 1) ўзгалар мулкини талон-тарож қилиш; 2) ўзгалар мулкини талон-тарож қилиш билан боғлиқ бўлмаган жиноятлар; 3) иқтисодиёт асосларига қарши жиноятлар; 4) хўжалик фаолияти соҳасидаги жиноятлар киради.

**Ўзгалар мулкини талон-тарож қилиш билан боғлиқ иқтисодий жиноятларга** – моддий неъматлар ишлаб чиқариш ва меҳнат маҳсулоти бўлган бойликларни тақсимлаш соҳасидаги ижтимоий муносабатларга тажовуз қилувчи жиноятлардан энг хавфлиси ҳисобланади. Ўзгалар мулкини ўзлаштириш усулига Ўзбекистон Республикаси Жиноят Кодексида талон-тарож қилишининг: босқинчилик, товламачилик, ўзлаштириш (растратা), фирибгарлик, ўғирлик каби шакллари киритилган. (164-169-моддалар). Талон-тарожнинг предмети моддий қиймати, баҳосига эга бўлган ва ўзгалар мулки ҳисобланган пул, қимматбаҳо қофозлар ва шакллардир.

**Ўзгалар мулкини талон-тарож қилиш билан боғлиқ бўлмаган жиноятларга** - алдаш ёки ишончни суиистеъмол қилиш йўли билан мулкий зарар етказиш, жиноий йўл билан топилган мулкни олиш ёки ўтказиш, мулкни қўриқлашга виждонсиз муносабатда бўлиш, мулкни қасдан нобуд қилиш ёки унга зарар етказиш, ахборотлаштириш қоидаларини бузиш каби қилмишлар киради. (ЎзР. Жиноят Кодексининг 170-174-моддалари).

**Иқтисодиёт асосларига қарши жиноятларга мамлакат манфаатларига хилоф равища битимлар тузиш, қалбаки пул ёки құмматли қоғозлар ясаш, уларни ўтказиш, валюта билан қонунга хилоф равища муомала қилиш, чет зал валютасини яшириш, сохта тадбиркорлик, сохта банкротлик, банкротликни яшириш, божхона түғрисидаги қонунларни бузиш, рангли металлар, уларнинг парча ва резги чикитларини тайёрлаш, олиш, улардан фойдаланиш ҳамда сотиш қоидаларини бузиш кабилар киради.**

**Хўжалик фаолияти соҳасидаги иқтисодий жиноятлар** – сифатсиз маҳсулот чиқариш ёки сотиш, этил спиртли, аллаголли маҳсулот ва тамаки маҳсулотларини қонунга хилоф равища ишлаб чиқариш ёки муомалага киритиш, савдо ёки воситачилик фаолияти билан қонунга хилоф равища шуғулланиш, савдо ёки хизмат кўрсатиш қоидаларини бузиш фаолияти билан лицензиясиз шуғулланиш, қонунга хилоф равища ахборот тўплаш, уни ошкор қилиш ёки ундан фойдаланиш, рақобатчиликни обрўсизлантириш кабилардан иборат.

**Иқтисодий ислоҳотлар** – хўжалик юритиш тизимида, иқтисодиётни бошқаришда, иқтисодий сиёсатни амалга ошириш йўллари ва усулларида. Йирик қайта қуришлар, ўзгартиришлар, иқтисодий тизимни такомиллаштириш ёки эски тизимлардан янгисига ўтиш мақсадида амалга оширилади. Ислоҳотлар иқтисодий тизимнинг самарадорлиги қониқарсиз бўлган, иқтисодий инқироз ва тангликлар юз берган, кишиларнинг эҳтиёжларини етарли даражада қондирмаган ҳолларда, мамлакат ўз тараққиётида бошқа мамлакатлардан орқада қолган вазиятларда ўтказилади. Иқтисодий ислоҳотлар ларзаларсиз, аниқ мақсадлар кўзланган ҳолда, парламент қабул қилган қонунларга биноан ва давлат раҳбарлигига амалга оширилади.

**Иқтисодий манфаатлар** – иқтисодий фаолият иштирокчилари (субъектлари)нинг ўзлари томонидан англанган ва уларни фаолиятта ундовчи ҳаётий эҳтиёжлари, иқтисодий фаолиятни ҳаракатлантирувчи куч. Амал қилиш даражасига кўра якка шахс, гурӯҳий ёки корпоратив, миллий ёки умумдавлат миқёсидаги иқтисодий манфаатлар мавжуд.

**Иқтисодий мустақиллик** – миллий иқтисодиётнинг чет давлатларга боғлиқлигини камайтириш ва миллий манфаатларга хизмат қилиши учун шарт-шароитларнинг таъминланиши. Унинг қўйидаги мезонлари мавжуд:

Миллий мулкнинг қарор топиши – муайян мамлакатнинг моддий ва маънавий бойликлари шу мамлакатдаги турли мулк соҳиблари эгалигида бўлиши, уларнинг бу мулкка мустақил эгалик қилиш, улардан фойдаланиш ва эркин, чет эл тазиёсиз тасарруф этиш ҳуқуқи таъминланиши керак; миллий корхоналар ва ташкилотларнинг мамлакат иқтисодиётидаги салмоғи ундаги чет эл мулки салмоғидан катта бўлишини таъминлаш;

Миллий манфаатларнинг устуворлиги – мамлакат иқтисодиёти миллий манфаатга хизмат қилиши, яратилган даромадлар катта қисмининг мамлакатда қолиши, унинг катта қисмини чет элга репатриация йўли билан олиб чиқиб кетилмаслиги, ишлаб чиқариш тузилмаси миллий доирадаги такрор ишлаб чиқаришни таъминлай олиши ҳамда ишлаб чиқариш натижалари мамлакат аҳолиси фаровонлигига хизмат қилиши керак;

**Иқтисодиётнинг очиқлиги** – мамлакат иқтисодиётининг чет эл товарлари, капитали, ишчи кучи миграцияси учун муайян даражада очиқ бўлишини тақозо этади. Мамлакат чет эл билан иқтисодий алоқаларини ўз миллий манфаатларидан келиб чиқсан ҳолда ва эркин юритади;

**Иқтисодий тараққиёт йўлини мустакил танлаш** – ҳар бир мамлакат ўз келажагини ўз имкониятлари ва миллий хусусиятларига қараб белгилайди ва унга эришиш воситаларини эркин танлайди;

**Миллий инвестицияларнинг устуворлиги;**

**Хориж капитали устидан самарали назорат** – хориж капитали томонидан миллий табиий бойликларнинг талон-тарож қилинишига, экологияга зарар етказишга, иш ўринларини қисқартиришга, миллий капитални сикиб қўйишга йўл бермаслик мақсадида қўлланиладиган назорат воситалари ва усуллари мажмуаси;

**Милий давлат чегараларининг мавжудлиги ва дахлисилигини ҳимоя қилишда миллий валюта ва божхона хизматидан фойдаланиш.** Миллий пул бирлиги мамлакатдаги ягона тўлов воситаси ҳисобланади. Товар ва хизматларни факат шу пулга сотиб олиш ва сотиш билан мамлакат товарларининг четта тартибсиз чикиб кетишига йўл қўйилмайди. Божхона тўловлари, лицензиялар ва квоталар орқали экспорт ва импорт тартибга солинади;

**Мамлакатнинг чет эллардан олган қарзининг меъёрида бўлиши** – четдан олинган қарзнинг меъёридан ошиб кетишига, молиявий қарамликнинг вужудга келишига йўл қўймаслик мақсадида қарздорлик меъёрини назорат қилиш. Одатда, қарз миқдори ЯИМнинг 50 фоизидан ортмаслиги, шунингдек, қарзни экспортдан тушган валюта ҳисобидан қоплаш имкониятининг мавжудлиги шартdir. )

**Иқтисодий сиёсат** – мамлакат мақсадлари, вазифалари, манфаатларига мувофиқ ҳолда иқтисодий ва ижтимоий жараёнларга муайян йўналиш бериш, иқтисодиётни давлат томонидан тартибга солиш ва бошқариш соҳасидаги давлат, хукумат фаолиятининг бош

йўналиши, тадбирлари тизими. И.С. аграр, таркибий, инвестиция, молия-кредит, ижтимоий, ташқи иқтисодий фаолият, илмий-техника, солик, бюджет соҳаларидаги сиёсатни ўз ичига олади.

**Иқтисодий хавфсизлик** – миллий иқтисодиёт мустақиллиги, унинг барқарорлиги, мустаҳкамлиги, доимо янгиланишга ва ўз-ўзидан такомиллашиб боришга қодирлигини таъминловчи шарт-шароитлар ва омиллар йигиндисидир. И.Х.иқтисодиёт ва ҳокимият институтларининг шундай ҳолати, бундай ҳолатда мамлакат миллий манфаатларининг кафолатли ҳимоя қилинганлиги, мамлакат иқтисодий ривожланишининг ижтимоий йўналтирилганлиги, ички ва ташқи жараёнларнинг энг нокулай шароитларида ҳам мудофаа салоҳияти етарли даражада таъминланган бўлади.

**Ички иқтисодий хавфсизлик** – табиий, техникий, иқтисодий, инфратузилмавий, ижтимоий, микро ва макро иқтисодий ривожланишнинг ҳамда турли барқарорликни, тангликни келтириб чиқарувчи ички ва ташқи таҳдидлар таъсиридан ҳимоя қилувчи ички иммунитетлар билан боғлиқдир.

**Ташқи иқтисодий соҳадаги хавфсизлик** – мамлакатнинг жаҳон бозорларидаги рақобатга бардошлилиги, миллий валютанинг, давлатнинг молиявий аҳволининг барқарорлиги билан тавсифланади.

**Шахснинг иқтисодий хавфсизлиги** – унинг ҳаётий манфаатлари, яъни яшаш ва шахсий дахлсизлик, эркин меҳнат қилиш, тадбиркорлик фаолияти билан шуғулланиш, мулкдор бўлиш, ҳаётий истеъмол эҳтиёжларини қондириш, саломатлигини сақлаш, билим олиш ва касбга эга бўлиш, қариганда ижтимоий таъминот олиш ҳукукларининг ҳимояланганлигини ифодалайди.

**Корхона (фирма)нинг иқтисодий хавфсизлиги** – кор-

хонанинг ҳаётий мухим манфаатларига хавф солувчи ички ва ташки таҳдид, тажковузлардан маъмурият ва персонал томонидан амалга оширилган ҳуқуқий, ташкилий-иктисодий, инженер-техник характердаги чора-тадбирлар туғайли вужудга келтирилган ҳимоя ҳолатидир.

**Иктисодий таҳдид** – жамият, давлат ва уларнинг субъектлари алоҳида шахснинг нормал ҳаёт фаолиятига, улар манфаатларини рӯёбга чиқаришга тўсқинлик килувчи, уларга зиён, зарар-захмат келтирувчи, хавфхатар туғдирувчи омиллар, шарт-шароитлар ва воқе-ликларни ифодалайди.

**Иктисодий шпионаж** – рақибита зарба бериш, рагобат курашида енгиш, хўжалик фаолиятида ўзиди кетиш мақсадида тижорат сири ҳисобланган маълумотларни яширинча тўплашга қаратилган хуфёна фаолият.

**Иктисодий қонунбузарлик** – хўжалик юритиш амалиётида белгиланган ва қарор топган қонун-қоидалар ва мезонларга зид хатти-ҳаракат ёки ҳаракатсизлик.

**Контрабанда** (итал. contrabando) – давлат чегарасидан моллар, қимматбаҳо буюмлар ва бошқа нарсаларни қонунга хилоф (яширинча) усулларда ўтказиш, шунингдек, тақиқланган молларни олиб ўтиш учун ноконуний ҳаракатлар қилиш.

**Коррупция** – мамлакат иктисодий ресурсларига, давлат мулкини тақсимлаш жараёнларида унинг бир кисмига эга бўлиш мақсадида уюшган жиноий гурухнинг шахсий бойлик орттириш мақсадларини ва уруғаймоқларининг манфаатларини давлат манфаатларидан устун қўювчи давлат хизмати амалдорларини ўз домига илинтириб, улардан фойдаланиши ва улар билан бирикиб, қўшилиб кетишидир.

**Лицензия** (лот. licentia – эркинлик, ҳуқуқ) – техникавий, иктисодий, илмий янгиликлар эгасига уларни

ишилатиш учун бериладиган рухсатнома; давлат ёки корхона, ташкилотлар томонидан бирон-бир иқтисодий фаолиятни бажаришга розилик бериш; ихтироларга, техника янгиликлариға, ишлаб чиқариш тажрибаси, ишлаб чиқариш сирлари, тижорат ахборотларидан маълум вақтгача фойдаланиш учун берилади. Лицензия ташки савдо, корхона очиш, қазилма бойликларидан фойдаланиш учун ҳам давлат томонидан берилади.

**Наркобизнес** – соф наркотик моддалар ва таркибида шундай моддалар бўлган маҳсулотларни ишлаб чиқариш ва сотиш орқали даромад топиш.

**Оч пуллар, “қайвоқ пуллар”** – 1) кўйилмаларнинг янада ишончлироқ бўлиши ҳамда кўпроқ фойда олиш мақсадида қисқа муддатли асосли чайқов капиталининг мамлакатлараро кўчиб юриши Сиёсий, иқтисодий бекарорликлар, сабаблар, девальвация, ревальвация ҳавфи, валютани чеклаш оч пуллар кўчишига сабаб бўлади. Бирор мамлакатга “оч пул”нинг ёпирилиб келиши унинг хўжалик ва молиявий аҳволини кескинлаштиради ҳамда ёмонлаштиради.

**Протекционизм** (фран. protectionnisme, лот. protectio – химоя) – давлат миллий иқтисодиётининг чет эл рақобатидан, ички бозорга чет эл товарларининг кириб келишидан химоя қилишга қаратилган иқтисодий сиёсати. Протекционизм экспортни рағбатлантириш, импортни чеклаш, импорт молларидан бож ҳақларини ошириш ва шунга ўхшаш бошқа тадбирларда ўз ифодасини топади.

**Рақобат, конкуренция** – бозор субъектлари иқтисодий манфаатларининг тўқнашишидан иборат бўлиб, улар ўртасидаги фойда ва кўпроқ нафга эга бўлиш, ўз мавқеини мустаҳкамлаш учун курашни англатади.

**Рақобатчилик қобилияти, рақобатбардошлиқ (конкурентоспособность)** – товар (мол)нинг бозордаги шунга ўхшаш товар (мол)ларга нисбатан барча сифат ва иқти-

содий кўрсаткичларини таққословчи тавсифи. Агар товар (мол)нинг иқтисодий кўрсаткичлар бўйича устунлиги сезилса, унинг рақобатчилик қобилияти юқори бўлади. Унинг рақобатчилик қобилияти маҳсулотни ишлаб чиқарган корхона ва мамлакатнинг нуфузи, обрўэътиборини билдиради, уларга бозорнинг ишончини оширади. Бу қобилият қанчалик юқори бўлса, мол шунчалик кўп ва тез сотилади, ишлаб чиқарувчи (сотувчи) шунчалик кўп фойда кўради.

**Мамлакатнинг (товарнинг) рақобатчилик қобилиятиви, рақобатбардошлигини баҳолаш** – бошқариш муаммолари бўйича Европа Форуми халқаро ташкилоти доимий равишда мамлакатларнинг рақобатчилик қобилиятини (ракобатбардошлигини) белгилаш юзасидан кузатишлар олиб боради. Бунда 340 қа яқин кўрсаткичлар ва 100 дан ортиқ баҳолардан фойдаланилади. Тахлил маълумотлари 10 та омил бўйича гуружлаштирилади:

- 1) иқтисодий имконияти, салоҳияти (потенциали) ва иқтисодий ўсиш суръати тезлиги;
- 2) саноат ишлаб чиқаришининг самарадорлиги;
- 3) илмий-техникавий ривожланиш даражаси, илмий-техника ютуқларини ўзлаштириш суръати;
- 4) халқаро меҳнат тақсимотида қатнашиш;
- 5) молиявий пул тизимининг барқарорлиги;
- 6) иқтисодиётни тартибга солишда давлат таъсири;
- 7) ишлаб чиқарувчиларнинг ихтисос ва малака даражаси;
- 8) меҳнат, иқтисодий ресурслар, манбалар билан таъминланганлиги;
- 9) иқтисодий, молиявий вазиятнинг барқарорлиги;
- 10) ички сиёсий вазиятнинг барқарорлиги.

**Товарлар рақобатчилик қобилиятини (ракобатбардошлигини) оширишнинг усул ва йўллари** – маҳсулотларнинг сифат ва иқтисодий кўрсаткичларини

такомиллаштириш 5 та боскичда амалга оширилади. Биринчи боскичда. маркетинг хизмати ва сифат бўлими ходимларидан иборат гурух “фикрли ҳужум” усули билан маҳсулот сифатини оширишнинг самараали йўналишларини ишлаб чиқади. Иккинчи боскичда. бозор ҳақида аниқ маълумотларга ва бозор ишлари бўйича бой тажрибага эга бўлган эксперт гурухи томонидан харидорлар учун энг мақбул йўл танлаб олинади. Учинчи боскичда. маҳсулотни такомиллаштириш йўллари кузатилиди ҳамда энг нокулай ва қийин шароитда ракобатга муваффақиятли бардош берган маҳсулотлар танлаб олинади. Тўртинчи боскичда. молнинг тавсифини ошириш учун бир қатор тадбирлар амалга оширилади. Бешинчи боскичда. маҳсулотни такомиллаштириш, уларни ишлаб чиқаришдаги технологик жараёнлар ҳақидаги маълумотлар тегишли жадвалда кўрсатилади.

**Тижорат сири** – ишлаб чиқариш ва савдо-сотиқнинг бевосита иштирокчилари гагина маълум бўлган ва бошқаларга эълон қилинмайдиган маълумотлар. Янги техника-технология, ишлаб чиқаришни янгиласига ташкил этиш, янги материалларни қўллаш, бошқаларда бўлмаган, ҳаётийлик муддати узун бўлган товарларни ўзлаштириш сир тутилади.

**Чайковчилик** – турли молларни арzon олиб, қиммат сотиш билан даромад топишни кўзлайдиган фаолият, ман этилган тижорат иши; хуфёна иқтисодиётнинг бир қисми. Чайковчилик обьекти тақчил (дефицит) товарлардир.

**Чегара олди савдоси** – давлат чегараларидаги маҳсус жойларда мамлакатлар ўртасида ташкил қилинган ўзаро олди-берди савдоси; савдо ва тўлов битимлари, йиллик протоколлар асосида қўшни давлатлар чегара олди музофотларининг савдо ташкилотлари ва фирма-

лари томонидан амалга ошириладиган халқаро товар айрбошлаш тури.

**Экспорт** (инг. export, лот. exportare – четга чиқариш) – товарлар, хизматлар ва капитални, ишчи кучини мамлакат ташқарисига чиқариш.

**Экспорт потенциали** (салоҳияти) – чет злга товар ишлаб чиқарив сотиш имконияти; корхоналар, тармоқлар ва айрим мамлакатларнинг хорижга товар чиқарив, чет эл бозорида рақобат қила олиш қобилиятини, шу ҳисобига валюта тўплай олиши, даромад ола билишини англатади.

**Эмбарго** (исп. тақиқлаб қўйиш) –

1) Мамлакат ташқарисига мол, олтин, валюта ва бошқаларни чиқариш ёки киритишни тақиқлаб қўйиш, чет мамлакатга қарашли кемалар, юклар ва жиҳозларни ушлаб қолиш;

2) Бошқа мамлакатларнинг ҳуқуқни бузиш ҳаракатларига жавобан ҳукумат томонидан бошқа мамлакат ёки ўз кемаларининг мамлакат портидан чиқиб кетишини талаб этиши. Эмбарго иқтисодий ва сиёсий сабабларга кўра ҳукумат томонидан жорий этилади.

**Хавфсизлик** – ҳар қандай хавф-хатардан ўзини ҳимояланган деб ҳисобловчи инсон руҳининг хотиржам ҳолати; инсоният ҳаётининг турли соҳаларида вужудга келадиган хавф-хатар, таҳдидлардан ҳимояланганлик, кафолатланганлик.

**Хавф-хатар** – жамият, давлат, хўжалик субъекти, шахс ҳаёт фаолиятига, ривожланишга таҳдид солувчи потенциал ёки реал куч, омил, шарт-шароит, вазият.

**Хуфёна (яширин)** иқтисодиёт – давлат статистика органларида ҳисобга олинмаган, ғайриқонуний ва иқтисодий фаолиятга тескари бўлган ҳаракатлар йигиндиси.

<sup>1</sup> Салиев А, Усмонов А, Жўраев Н. Тадбиркор йўлдоши. – Т., Университет, 1994; Ўлмасов А, Тўхлиев Н. Бозор истиқодиёти. Кискача лутат-маълумотнома. – Т., Комуллар бош таҳририяти, 1991; Справочник делового человека – Т., Фонд дизайна Узбекистана, 1992; "Экономическая безопасность хозяйственных систем. Учебник" – М., Из-во РАГС, 2001; Узбекистон миљий энциклопедияси. Т. 1-6. Т., Узбекистон миљий энциклопедияси давлат нацириёти 2002-2005йй; Язык бизнеса. Под ред. В. Чжена. – Т., 1996 асосида тузилган.

## **Фойдаланилган адабиётлар рўйхати**

1. Ўзбекистон Республикасининг Конституцияси. –Т., Ўзбекистон, 2003.
2. Ўзбекистон Республикасининг "Марказий банк тўғрисида"ги қонуни, 1996 йил 25 апрель.
3. Ўзбекистон Республикасининг "Банклар ва банк фаолияти тўғрисида"ги қонуни, 1996 йил 25 апрель.
4. Ўзбекистон Республикасининг "Кредит уюшмалари тўғрисида"ги қонуни, 2002 йил 4 апрель.
5. Ўзбекистон Республикасининг "Чет эл инвестициялари тўғрисида"ги қонуни. 1998 йил 30 апрель.
6. Ўзбекистон Республикасининг "Чет эл инвесторлари ҳуқуқларининг кафолатлари ва уларни ҳимоя қилиш чоралари тўғрисида"ги қонуни. 1998 йил 30 апрель.
7. Ўзбекистон Республикасининг "Валютани тартибга солиш тўғрисида"ги қонуни, (янги таҳрири), 2003 йил 11 декабрь.
8. Ўзбекистон Республикасининг "Банк сири тўғрисида"ги қонуни, 2003 йил 25 апрель.
9. Ўзбекистон Республикасининг "Вазирлар Маҳкамаси тўғрисида"ги қонуни (янги таҳрири), 2003 йил 29 август.
10. Ўзбекистон Республикасининг "Хусусий корхона тўғрисида"-ги қонуни, 2003 йил 11 декабрь.
11. Ўзбекистон Республикаси Президентининг "Ўзбекистон иқтисодиётида хусусий секторнинг улуши ва аҳамиятини тубдан ошириш чора-тадбирлари тўғрисида"ги Фармони, 2003 йил 24 январь.
12. Ўзбекистон Республикаси Президентининг "Пул массасини чеклаш ва молия интизомига риоя этиш масъулиятини ошириш чора-тадбирлари тўғрисида"ги Фармони, 2002 йил 30 марта.
13. Ўзбекистон Республикаси Президентининг "Хорижий сармоя иштирокидаги корхоналар томонидан тайёр истеъмол моллари ишлаб чиқаришни кўпайтиришини рағбатлантиришга оид қўшимча чора-тадбирлар тўғрисида"ги Фармони, 2003 йил 20 июнь.
14. Ўзбекистон Республикаси Президентининг "Бозор ислоҳотларини чуқурлаштириш ва иқтисодиётни янада эркинлаштириш соҳасидаги устувор йўналишлар амалга оширилишини жадаллаштириш чора-тадбирлари тўғрисида"ги Фармони, 2005 йил 14 июнь.

15. Ўзбекистон Республикаси Президентининг "Тадбиркорлик субъектларини хукукий ҳимоя килиши тизимини янада такомиллаштириш чора-тадбирлари тўғрисида"ги Фармони, 2005 йил 14 июнь.
16. Ўзбекистон Республикаси Президентининг "Тадбиркорлик субъектлари томонидан тақдим этиладиган ҳисобот тизимини такомиллаштириш ва уни ноконуний талаб этганлик учун жавобгарликни кучайтириш тўғрисида"ги қарори, 2005 йил 15 июнь.
17. Каримов И.А. Ўзбекистон иқтисодий ислоҳотларни чуқурлаштириш йўлида. –Т., Ўзбекистон, 1995.
18. Каримов И.А. Ўзбекистон XXI аср бўсағасида: ҳавфсизликка таҳдид, барқарорлик шартлари ва тараққиёт кафолатлари. – Т., Ўзбекистон, 1997.
19. Каримов И.А. Ўзбекистон буюк келажак сари. –Т., Ўзбекистон, 1998.
20. Каримов И.А. Ўзбекистон XXI асрга интилмокда. – Т., Ўзбекистон, 1999.
21. Каримов И.А. Озод ва обод Ватан, эркин ва фаровон ҳаёт – пиравард мақсадимиз. –Т., Ўзбекистон, 2000.
22. Каримов И.А. Бизнинг бош мақсадимиз – жамиятни демократлаштириш ва янгилаш, мамлакатни модернизация ва ислоҳ этишдир. –Т., Ўзбекистон, 2005.
23. Абалкин Л. Динамика и противоречия экономического роста / / Экономист, №1 2001.
24. Abulqosimov H.P., Vahobov A.V., Rahimova D.N., Narbayev B.I. O'zbekistonda iqtisodiy chuqurlashtirish va iqtisodiyotni erkinlashtirish yo'llari: o'quv qo'llanma / O'zbekiston Respublikasi oliv va o'rta maxsus ta'lim vazirligi. – T., Toshkent davlat texnika universiteti, 2001.
25. Абулқосимов Ҳ.П., Ёкубова С.Ю., Полвонов Ҳ.Р. Иқтисодиётни эркинлаштириш шароитида корхона фаолияти самарадорлигини ошириш йўллари. –Т., ТДЮИ, 2004.
26. Абулқосимов Ҳ.П., Холмуратова Г.П., Жуманиязова М. Ўзбекистонда хотин-қизларнинг ижтимоий-иктисодий ахволини яхшилаш масалалари. – Т., ТМИ нашриёти, 2004.
27. Абулқосимов Ҳ.П. Шаклланаётган бозор иқтисодиётидаги инсон омили ва уни фаоллаштириш йўллари. –Т., ТМИ нашриёти, 2005.
28. Архипов А., Городецкий А., Михайлов Б. Экономическая безопасность: оценки, проблемы, способы обеспечения // Вопросы экономики. №2. 1994 г.

29. Барлтроп К., Макнотон Д. Банки на развивающих рынках. Т.2. Интерпретирование финансовой отчетности. – М., Финансы и статистика, 1994 г.
30. Бозор иқтисодиёти назарияси ва амалиёти. /Ё.Абдуллаев ва бошқалар. -Т., Ўқитувчи, 2000.
31. Бурцев В. Основные условия государственной финансовой безопасности // Экономист, №9, 2001.
32. Бизнес и безопасность. Толковый терминологический словарь. –М., Бек, 1995.
33. Ващекин Н.П., Дзлиев М.И., Урсул А.Д. Экономическая безопасность: институциональный подход. –М., 2000.
34. Ведута Е.Н. Стратегия и экономическая политика государства. – М., Акад. Проект, 2004.
35. Вишняков Я.Д., Колосов А.В., Шемякин В.Л. Оценки и анализ финансовых рисков предприятия в условиях враждебной среды бизнеса. // Менеджмент в России и за рубежом. №3, 2000 г.
36. Волженкин Б.В. Экономические преступления. –СПб., 1999.
37. Глазьев С.Ю. Теория долгосрочного технико-экономического развития. – М., Изд. Вла-Дор. 1997.
38. Дронов Р. Подходы к обеспечению экономической безопасности // Экономист №2, 2001.
39. Жондаров А.М., Петров А.А. Экономическая безопасность России: определения, гипотезы, расчеты // Безопасность. 1994. №3.
40. Захаров В. Промышленный шпионаж в российском интерьере. // Служба кадров. №2, 1998 г.
41. Ижтимоий йўналтирилган бозор иқтисодиёти. Таржима масъул муҳаррири А.А.Азиэхўжаев - Т., Шарқ, 1995.
42. Исажонов А.А. Конкурентоспособность национальной экономики: мировой опыт и современные тенденции развития // Экономический вестник Узбекистана, 1999, №6.
43. Исажонов А.А. Иқтисодий хавфсиаликнинг ташки жиҳатлари // Ўзбекистон иқтисодий ахборотномаси, 1999. 12-сон.
44. Иванов А.В., Штыков В.В. Экономическая безопасность предприятия. – М., Вираж-Центр. 1995.
45. Клеонер Г.Б., Томбообоев В.М., Качалов Р.М. Предприятия в нестабильной экономической среде, риски, стратегии, безопасность. – М., Экономика, 1997.
46. Колесов А.В. Экономическая безопасность. – М., Финстатинформ, 1999.

47. Колесников В.В. Экономическая преступность и рыночные реформы: политico-экономические аспекты. – СПб., 1994.
48. Коуз Р. Фирма, рынок и права. – М., 1993.
49. Крысин А.В. Безопасность предпринимательской деятельности. – М., Финансы и кредит, 1996.
50. Курс экономической теории. Учебник. 4-е доп. и перераб. изд. – АСА; 1999.
51. Ларичев В.Д. Как уберечься от мошенничества в сфере бизнеса: практическое пособие. М., Юристъ, 1996.
52. Маглакелидзе Т. Экономическая и экономическая безопасность: взаимосвязь и влияние на экономический рост. // Экономист, №6, 2002.
53. Макконнелл К.Р., Брю С.Л. Экономикс: Принципы, проблемы, политика. В 2-х томах. Т. 1. –М., Республика, 1992.
54. Международная торговля. Экономическая безопасность и технология преступления. Учебно-практическое пособие. – М., ЮЖ Книга, 2004.
55. Милллий истиқлол тояси: асосий тушунча ва тамойиллар. – Т., Ўзбекистон, 2000.
56. Мишин Г.К. Проблемы экономической преступности (опыт междисциплинарного изучения) – М., 1994
57. Норт Д. Институты, институциональные изменения и функционирование экономики. М., 1997.
58. Общая теория национальной безопасности. Учебник. – М., РАГС, 2003.
59. Основы экономической безопасности. /Под. ред. Олейникова Е.А. М., ЗАО Бизнес школа "Интел-синтез", 1997.
60. Пахрутдинов Ш.И. "Таҳдид" тушунчаси: назарияси ва амалиёти. – Т., Абу Али Ибн Сино номидаги тиббиёт нашриёти, 1998.
61. Пахрутдинов Ш.И. Таҳдид - ҳалокатли куч (мақола ва маърузалар тўплами). – Т., Академия, 2001.
62. Прохожев А., Корнилов М. О проблеме критериев оценок экономической безопасности // Общество и экономика, № 4-5, 2003.
63. Сенчагов В.К. Экономическая безопасность: геополитика, глобализация, самосохранение и развитие. (Книга четвертая) Интт. экономики РАН. – М., ЗАО Финстатинформ, 2002.
64. Сенчагов В.К. Экономическая безопасность как основа обеспечения национальной безопасности России // Вопросы экономики №8, 2001г.

65. Селезнев А.О. Макрорегулирование экономики в свете положений теории роста // Экономист, №11, 2002г.
66. Сланов М. Экономическая безопасность: сущность, критерии, формы // Транзитная экономика, 1998. №4.
67. Совинская Н.А. Устойчивость и экономическая безопасность банковской системы России. СПб, 1999.
68. Тужлиев Н., Таксанов А. Национальная экономическая модель Узбекистана. – Т., Ўқитувчи, 2000.
69. Чапыгин В.М. Секреты коммерческой безопасности. М., 1993 г.
70. Экономическая теория. // Колл. авт. К.Абдурахманов и др. – Т., Шарқ, 1999.
71. Экономическая безопасность предприятий (фирмы). /Под ред. Р.С.Седегова и др. – М., Высшая школа, 1998.
72. Экономическая безопасность хозяйственных систем. Учебник – М., Изд-во РАГС, 2001.
73. Экономическая безопасность: производство - финансы - банки / Под ред. Сенчагова В.К. –М., ЗАО "Финстатинформ, 1992.
74. Эркаев Б.А. Каримова Г.И., Абулқосимов Ҳ.П. Бозор иқтисодиётини давлат томонидан тартибга солиш воситалари. – Т., Шарқ, 1996.
75. Эркин иқтисодиёт тамойиллари. (Ҳ.П.Абулқосимов, О.М.Ахмедов, Д.Н.Рахимова, Ш.Г.Юлдашев, Р.Р.Ҳасанов) – Т., Академия, 2005.
76. Шодмонов Ш.Ш., Алимов Р., Жўраев Т.Т. Иқтисодиёт назарияси. – Т., Молия, 2002.
77. Узбекистан: десять лет по пути формирования рыночной экономики: АН РУз, Институт экономики. – Т., Ўзбекистан, 2001.
78. Ўзбекистон XXI асрга интилмоқда А.А.Азизхўжаев таҳрири остида – Т., Ўзбекистон, 2000.
79. Ўзбекистон иқтисодиёти. Таҳлилий шарҳ 2003 йил – Т., СИСМ, 2004.
80. Ўзбекистон иқтисодиёти. Таҳлилий шарҳ 2004 йил – Т., СИСМ, 2005.
81. Ўзбекистон Республикаси Иқтисодиёт вазирлиги маълумотлари.
82. Ўзбекистон Республикаси Давлат статистика қўмитаси маълумотлари.

# МУНДАРИЖА

Кириш ..... 3

## 1-боб Иқтисодий хавфсизликнинг моҳияти ва миллий хавфсизлик тизимида тутган ўрни

1.1. Хавфсизлик тушунчасининг моҳияти .....	5
1.2. Миллий хавфсизлик ва унинг таркиби .....	8
1.3. Иқтисодий хавфсизликнинг моҳияти ва таркибий элементлари .....	14

## 2-боб Иқтисодий хавфсизлик шакллари ва асосий кўрсаткичлари

2.1. Иқтисодий хавфсизликнинг намоён бўлиш шакллари .....	29
2.2. Иқтисодий хавфсизлик кўрсаткичлари .....	39

## 3-боб Иқтисодий хавфсизликка таҳдидлар

3.1. Иқтисодий манфаатлар ва таҳдидлар .....	51
3.2. Иқтисодий хавфсизликка ички таҳдидлар .....	57
3.3. Иқтисодий хавфсизликка ташки таҳдидлар.....	62

## 4-боб. Иқтисодий хавфсизликни таъминлаш механизми

4.1. Иқтисодий хавфсизликни таъминлаш максади ва унинг институционал шароитларининг яратилиши .....	71
---	----

<b>4.2. Иқтисодий хавфсизликни таъминлашда давлатнинг тартибга солувчилик вазифалари</b>	77
<b>4.3 Ўзбекистонда иқтисодий хавфсизликни таъминлашнинг устувор йўналишлари</b>	79
 <b>5-боб Шахснинг иқтисодий хавфсизлигини таъминлаш муаммолари</b>	
<b>5.1. Шахснинг эркинликлари ва иқтисодий мустакиллиги</b>	87
<b>5.2. Шахснинг ҳаётий мухим манфаатлари ва унинг хавфсизлигига таҳдидлар</b>	92
<b>5.3. Шахснинг ижтимоий-иктисодий хавфсизлигини таъминлаш йўллари ва воситалари</b>	96
 <b>6-боб Корхона (фирма)нинг иқтисодий хавфсизлигини таъминлаш</b>	
<b>6.1. Корхонанинг иқтисодий манфаатлари ва фаолияти қоидалари</b>	105
<b>6.2. Корхонанинг иқтисодий манфаатлари ва хавфсизлигига таҳдидлар</b>	111
<b>6.3. Корхона (фирма) иқтисодий хавфсизлигини таъминлаш</b>	116
 <b>7-боб Хўжалик фаолиятининг пул молия соҳасидаги иқтисодий хавфсизлик</b>	
<b>7.1. Молия муассасаларининг иқтисодий манфаатлари, молиявий оқимларга таҳдидлар</b>	125
<b>7.2. Пул муомаласи соҳасидаги иқтисодий таҳдидлар</b>	132

7.3. Молия, пул-кредит тизимида иқтисодий хавфсизликни таъминлаш дастаклари .....	137
7.4. Пул муомаласини мустаҳкамлаш ва банклар хавфсизлигини таъминлашнинг устувор йўналишлари .....	140

## **8-боб Мамлакатнинг иқтисодий хавфсизлигини таъминлаш**

8.1. Жаҳон иқтисодий тизимида миллий иқтисодиётнинг тутган ўрни ва унинг манфаатларига таҳдидлар .....	151
8.2. Мамлакат иқтисодий манфаатларини ҳимоя қилиш ва хавфсизлигини таъминлаш ....	156
8.3. Мамлакат ички иқтисодий хавфсизлигини таъминлаш .....	160

## **9-боб Ташқи иқтисодий хавфсизлик ва мамлакат рақобатбардошлигини таъминлаш**

9.1. Ташқи иқтисодий фаолият ва миллий манфаатларга таҳдидлар .....	171
9.2. Хорижий инвестицияларни жалб этиш билан боғлиқ хавфсизлик ва мамлакатнинг рақобатбардошлиги .....	177
9.3. Халқаро иқтисодий ташкилотларда миллий манфаатларни ҳимоялаш ва иқтисодиёт рақобатбардошлигини таъминлаш йўллари .....	182

<b>Изохли лугат .....</b>	<b>195</b>
---------------------------	------------

<b>Фойдаланилган адабиётлар рўйхати .....</b>	<b>214</b>
---	------------





**Ҳасан Абулқосимов**

**ИҚТИСОДИЙ ХАВФСИЗЛИК**

Akademiya  
Тошкент 2006

Мухаррирлар Г.Абдуллаева, М.Умирова  
Мусаҳҳих Г.Абдуллаева  
Рассом Р.Султонов  
Техник мухаррир Н.Курбонова  
Нашр учун мастьул Б.Умаров

Теришга берилди 18.11.05. Босишга руҳсат этилди 25.11.05.  
Бичими  $84 \times 108^1 / 32$ . Офсет босма. Шартли босма табори 14,0.  
Нашириёт хисоб табори 13,8. Адади 500. Баҳоси шартнома асосида.

«Сано-Стандарт» МЧЖ босмахонасида чоп этилди.  
Тошкент ш., Широк кўчаси, 100.